


UNIVERSITY OF TORONTO



3 1761 00378821 3



BL
1316
S65 K 85
1920a
pt. 2

॥ ॐ ॥

अथ तृतीयः प्रस्तावः ।

अहं जंपइ सुणि-नाहो जीव-दया-लक्खणस्स धम्मस्स ।
 कारण-भूअं भणियं दाणं पर-दुक्ख-दलणं ति ॥
 नो तेसिं कुवियं व दुक्खमखिलं आलोएण सम्मुहं
 नो मिह्हेइ घरं कम्मं कवडिया दासि व्व तेसिं सिरी ।
 सोहग्गाइ-गुणा चयंति न गुणावद्ध व्व तेसिं तणुं
 जे दाणंमि समीहियत्थ-जणणे कुव्वंति जत्तं जणा ॥
 दाणं पुण नाणा-ऽभय-धम्मोवट्ठंभ-भेयओ तिविहं ।
 रयण-त्तयं व सग्गापवग्ग-सुह-साहणं भणियं ॥
 नाणं तत्थ दु-भेयं मिच्छा-नाणं च सम्म-नाणं च ।
 जं पाव-पधित्ति-करं मिच्छा-नाणं तमक्खायं ॥
 तं च इमं वेज्जय-जोइसत्थ-रस-धाउवाय-कामाणं ।
 तह नट्ठ-सत्थ-विग्गह-मिगयाण पख्वगं सत्थं ॥
 जं जीव-दया-मूलं समग्ग-संसार-भग्ग-पडिकूलं ।
 भाव-रिउ-हियय-सूलं तं सम्मं नाणसुद्धिं ॥
 तं पुण दुवालसंगं नेयं सव्वसुणा पणीयंति ।
 मोक्ख-तरु-धीय-भूओ धम्मो चिय बुचए जत्थ ॥

90

किञ्च—

सम्मत्त-परिग्गहियं सम्म-सुयं लोहयं तु मिच्छ-सुयं ।
 आसज्जउ सोआरं लोहय-लोउत्तरे भयणा ॥
 नाणं पि तं न नाणं पाव-मई होइ जत्थ जीवाणं ।
 न कयावि फुरइ रयणी सूरंमि समुग्गए संते ॥
 नाणं मोह-महंघयार-लहरी-संहार-सूरुग्गमो
 नाणं दिट्ठ-अदिट्ठ-इट्ठ-घडणा-संकप्प-कप्प-डुमो ।
 नाणं दुज्जय-कम्म-कुंजर-घडा-पंचत्त-पंचाणणो
 नाणं जीव-अजीव-वत्थु-विसरस्सालोएणे लोअणं ॥
 नाणेण पुन्न-पावाइं जाणित्तं ताण कारणाइं च ।

BL

1316

S65 K85

1920a

V. 1

pt. 2.

जीवो कुणइ पवित्ति पुन्ने पावाओ विणियत्ति ॥
 पुन्ने पवत्तमाणो पावइ सग्गापवग्ग-सोकखाइं ।
 नारय-तिरिय-दुहाण य मुच्चइ पावाओ विणियत्तो ॥
 जो पढइ अउच्चं सो लहेइ तित्थंकरत्तमन्न-भवे ।
 जो पुण पढावइ परं सम्म-सुयं तस्स किं भणिमो ॥
 जो उण साहेज्जं भत्त-पाण-वर-वत्थ-पुत्थयाईहिं ।
 कुणइ पढंत्ताणं सो वि नाण-दाणं पयट्ठेइ ॥
 नाणमिणं दिंताणं गिणहंताणं च सुक्ख-परदारं ।
 केवल-सिरी सयं चिय नराण वच्छत्थले लुढइ ॥
 सम्मं नाणेण वियाणिऊण एगिंदियाइए जीवे ।
 तेसिं तिविहं तिविहेण रक्खणं अभय-दाणमिणं ॥
 जीवाणमभय-दाणं जो देइ दया-वरो नरो निच्चं ।
 तस्सेह जीवलोए कत्तो वि भयं न संभवइ ॥
 जं नव-कोडी-सुद्धं दिज्जइ धम्मिय-जणस्स अविरुद्धं ।
 धम्मोवग्गह-हेउं धम्मोवट्ठंभ-दाणमिणं ॥
 तं असण-पाण-ओसह-सयणासण-वसहि-वत्थ-पत्ताई ।
 दायच्चं बुद्धि-मया भवन्नवं तरिउकामेण ॥
 तं दायग-गाहग-काल-भाव-सुद्धीहिं चउहिं संजुत्तं ।
 निव्वाण-सुक्ख-कारणमणंत-नाणीहिं पन्नत्तं ॥
 जो देइ निज्जरत्थी नाणी सद्धा-जुओ निरासंसो ।
 मय-सुक्को जुग्गं जइ-जणस्स सो दायगो सुद्धो ॥
 जो देइ घणु-खेत्ताइं जइ-जणाणुचियमेअ-विवरीओ ।
 सो अप्पाणं तह गाहगं च पाडेइ संसारे ॥
 जो चत्त-सव्व-संगो गुत्तो विजिहंदिओ जिय-कसाओ ।
 सज्झाय-ज्झाण-निरओ साहू सो गाहगो सुद्धो ॥
 कम्म-लहुत्तणेण सो अप्पाणं परं च तारेइ ।
 कम्म-गुरु अतरंतो सयं पि कह तारए अन्नं ॥
 पुव्वुत्त-गुण-विउत्ताण जं धणं दिज्जए कु-पत्ताण ।
 तं खलु धुव्वइ वत्थं रुहारेणं चिय रुहिर-लित्तं ॥
 दिन्नं सुहं पि दाणं होइ कु-पत्तंमि असुह-फलमेव ।

सप्पस्स जहा दिन्नं खीरं पि विसत्तणमुवेइ ॥
 तुच्छं पि सु-पत्तंमि उ दाणं नियमेण सुह-फलं होइ ।
 जह गावीए दिन्नं तिणं पि खीरत्तणमुवेइ ॥
 दिन्नेण जेण जइया जइ-जण-देहस्स होइ उवयारो ।
 भत्तीए तम्मि काले जं दिज्जइ काल-सुद्धं तं ॥
 अप्पाणं मन्नंतो कयत्थमेगंत-निज्जरा-हेउं ।
 जं दाणमणासंसं देइ नरो भाव-सुद्धं तं ॥
 महया वि हु जत्तेणं वाणो आसन्न-लक्खमहिगि व्व ।
 सुक्को न जाइ दूरं इय आसंसाए दाणं पि ॥
 मोक्खत्थं जं दाणं तं पइ एसो विही मुणेयव्वो ।
 अणुकंपा-दाणं पुण जिणेहिं कत्थ वि न पडिसिद्धं ॥
 पत्तंमि भत्ति-जुत्तो जीवो समयंमि थोयमवि दिंतो ।
 पावेइ पावचत्तो चंदणवाल व्व कल्लाणं ॥

तं जहा—

अत्थि पुरी कोसंबी अलय व्व पभूय-पुन्न-जण-पुत्ता ।
 चित्तं अलंकिया जा निच्चमसंखेहिं घणएहिं ॥
 तत्थासि सयाणीओ राया समरंगणम्मि जस्स करे ।
 कमल-भम-मिलिय-भमरोह-सोहसुव्वहइ खग्ग-लया ॥
 चेडय-नरिंद-धूया मिगावई नाम से महादेवी ।
 जा निरुवम-रुव-गुणा जिणधम्मे निच्चला निच्चं ॥
 तस्स सुगुत्तो मंती नंदा नामेण मंतिणो घरिणी ।
 सा साविय त्ति जाया मिगावईए सही पवरा ॥
 सेट्ठी घणावहो तत्थ अत्थि, घणउ व्व विउल-घण-निवहो ।
 मूल त्ति तस्स घरिणी सयल-घरारम्भ-डुम-मूलं ॥
 अह तत्थ महावीरो छउमत्थो आगओ विहरमाणो ।
 सो पोस-बहुल-पडिवय-दिणंमि गिण्हइ नियममेवं ॥
 तिन्नि दियहाइं छुहिया रुयमाणी लोह-निगड-बद्ध-कमा ।
 मुंडिय-केस-कलावा पेत्तत्तं पर-गिहे पत्ता ॥
 कममेकं मज्जे देहलीइ वीयं निवेसिउं वाहिं ।
 भिक्खयरेसु गिहाओ सव्येसु वि पडिनियत्तेसु ॥

जह राय-सुया दाही कुम्मासे मज्झ सुप्प-कोणेण ।
 तत्तो हं पारणयं काहामि न अन्नहा नूणं ॥
 भमह उचियम्मि समए गिहेसु सो निच्चसुच्च-नीएसु ।
 दिज्जंतं पि न भिक्खं गिण्हेइ अभिग्गह-वसेण ॥
 अप्पाणं निंदता तत्तो खेयं कुणंति नायरया ।
 एवं अगहिय-भिक्खो चउरो मासे गजइ भयवं ॥
 अन्न-दिणे भिक्खत्थं सुगुत्त-मंतिस्स मंदिरे पत्तो ।
 भयवं दिट्ठो नंदाइ जंगलो कप्प-रुक्खो व्व ॥
 वीरजिणिंदो सो एस दिट्ठिया गेहमागओ मज्झ ।
 इय भणिरी साणंदा अब्भुट्ठाणं कुणइ नंदा ॥
 तो कप्पणिज्जमन्नं मणुत्तमेसा जिणस्स उचणेइ ।
 तं पि अभिग्गह-वसओ अगिण्हउं निग्गओ सामी ॥
 धिद्धी ! अहं अहन्ना मणोरहो मज्झ न परिपुण्णो स्ति ।
 स-विस्साय-मणा नंदा दासीए जंपिया एवं ॥
 एसो उवेइ निच्चं अगहिय-भिक्खो य निक्खमइ निच्चं ।
 तो नंदाए भणियं अभिग्गहो को वि सामिस्स ॥
 तेण न गिण्हेइ भिक्खं मुणियव्वो सो अभिग्गहो कह णु ।
 इय चिंताए पेच्छइ मंती नंदं निराणंदं ॥
 पुच्छइ य किं विसन्नासि ? सा भणइ एइ इत्थ भिक्खत्थं ।
 वीरो भिक्खमयेत्तुं नियत्तइ अभिग्गह-वसेण ॥
 ता तं अभिग्गहं मुणसु अन्नहा अन्न-मण-मुणण-निउणा ।
 तुह बुद्धी बिहल चिय अमच्च ! तो जंपए मंती ॥

पिए ! तहा जहस्सामि जहा सामिणो अभिग्गहो मुणिज्जइ । तथा य
 तत्थागया मिगावईए विजया नाम पडिहारी, तीए सुयं सच्चमेयं । गंतूण
 साहियं देवीए । देवी वि तहेव विसन्न-चित्ता संवुत्ता । संभंत-मणेण पुच्छिया
 सयाणीएण—देवि ! किं विसन्न व दीससि ? किं तुज्झ केणावि आणा खंडिया ?
 किं वा मए किं पि अवरद्धं ? देवीए वुत्तं—न खंडिया केणावि आणा, न य
 किं पि अवरद्धं तुमए; किंतु सयल-तइलोक-पुज्जं भयवंतं महावीरं इत्थ चिट्ठंतं
 पि तुमं रज्ज-सुक्ख-पर-वसो न याणसि । तस्स भिक्खा-वज्जियस्स वचए
 कालो । रत्ता वुत्तं—देवि ! किमित्थ न धणिणो न धम्मिणो वा जणा, जे न

दिति भिक्खं भयवओ । देवीए वुत्तं—देव ! दिति भिक्खं, किंतु कत्तो वि
अभिग्गह-विसेसाओ सामी दिज्जंतं पि न गिण्हइ । तो जइ तुमं तं अभिग्गहं
न याणसि ता किं ते रज्जेण ? जं इत्थं भयवं भिक्खं विणा इच्चिरं चिट्ठइ ।
रत्ता वुत्तं—देवि ! सोहणं कयं, जं एवं पमाय-निहा-पलुत्तो पवोहिओऽहं
तुमए । पहाए अभिग्गहं जाणिऊण पारणं कारहस्सामि सामिं । तओ हक्कारिओ
रत्ता मंती, भणिओ य अन्नच ! मम पुरे चिट्ठंतस्स सामिणो अलद्ध-
भिक्खस्स चत्तारि मासा संवुत्ता । धिद्धी ! अम्ह जीवियं । जाणेसु भयवओ
अभिग्गहं, जेण अप्पणो पुत्त-हेउं तं पारणं करावेजो । मंतिणो भणियं—देव !
न याणिज्जइ सामिणो अभिग्गहो त्ति ममावि महंतो संतावो । ता हक्कारि-
ज्जउ धम्म-सत्थ-वियक्खणो सच्चवाई नाम उवज्झाओ । हक्कारिओ य सो, रत्ता
भणिओ—भइ ! तुह सत्थे सन्व-धम्माणं आयारा वुत्तंति, ता कहेसु जिणा-
भिग्गहं । उवज्झाएणवुत्तं—महाराय ! महरिसीणं दव्व-खेत्त-काल-भाव-भेइहिं
वहयो अभिग्गहा । भयवया इमो अभिग्गहो गहिओ त्ति न नज्जइ विसिद्ध-
नाणं विणा । ता सन्व-प्पयारेहिं सव्वा भिक्खा भयवओ दायव्व त्ति नयरीए
घोसावेइ । तहेव कयं रत्ता । तओ सविसेसं दाणं दाउं पवत्तो जणो ।

दाउमणस्स सयं चिय रायाएसो जणस्स जं जाओ ।

सयमेव मंकणीए धणीए तं कंकणी बद्धा ॥

तह वि अग्निण्हंतो भिक्खमपरि-पुत्ते अभिग्गहे भयवं ।

विहरइ अभिलाण-तणू अविचल-चित्तो महासत्तो ॥

अह नावा-कडगेणं गंगाए गंतुमेक्क-रयणीए ।

रत्ता सयाणिएणं रुद्धा चंपापुरी पुवं ॥

चंपाहियो पणट्ठो भएण दहिवाहणो अलत्तो त्ति ।

बलिणा खलु रुद्धाणं पलायणां चिय परित्ताणं ॥

जो जं गिण्हइ तस्से व तं ति घोसावए सयाणीओ ।

तो सेणा-सुहडेहिं सव्वत्तो लुंटिया चंपा ॥

एक्केण उट्टिएणं देवी दहिवाहणस्स नरवइणो ।

नामेण धारिणी वसुमईएँ पुत्तीएँ सह पत्ता ॥

गहिय-धप-अगय-कोसो कोसंविं आगओ सयाणीओ ।

रूवेण धारिणीए विमोहिओ उट्टिओ भणइ ॥

पोढा पणिट्ठ-रूवा रमणी मह गेहिणी इमा होही ।

कलाह इमीए विक्रएण होही धणं च तथा ॥
 तं सुणिऊण विसत्ता चितह चित्तंमि धारिणी देवी ।
 हा हय-विहि मह काहिसि तुममज्ज वि केत्तियं दुक्खं ॥
 संपत्तमिह विओगं पइणो गुण-रयण-जलहिणो रत्तो ।
 निस्सीम-समीहिय-कारयस्स रज्जस्स बुक्कमिह ॥
 जायमिह भायणं सयल-सयण-परियण-सठाण-भंसस्स ।
 इचाइ-दुक्खमखिलं सहिमिणं दुस्सहं पि मए ॥
 जं पुण सील-विणासं मह काउं महसि तं खलु न जुत्तं ।
 जं विमल-कुले जाया जाणिय-जिण-वयण-तत्ताहं ॥
 असमंजसं पि सोउं अज्जवि जीवामि अहह ! निब्भग्गा ।
 इय मत्तु-भित्त-हिययाइ तीइ पाणा विणिकखंता ॥
 दट्टूण मयं देवि विचित्तियं उट्टिएण धी मज्ज ।
 एसा भज्जा होहि त्ति जंपियं तं इमा सोउं ॥
 जह पत्ता पंचत्तं विवज्जिही कन्नयावि तह एसा ।
 इय चित्तिऊण अणुक्कलमालवंतेण तेणेसा ॥
 आणीया कोसंविं चउप्पहे मत्थए तणं दाउं ।
 आढत्ता विक्किणिउं दिव्व-वसा सिट्ठिणा दिट्ठा ॥
 चित्तियमणेण एसा उत्तम-पुत्ती इमीइ सुत्तीए ।
 माह-पिउ-परिब्भट्ठा एएण दुरप्पणा पत्ता ॥
 हरिणि व्व लुद्धएणं जूह्वभट्ठा पलं व विक्किणिउं ।
 इह ठविया हा ! कस्स वि हीणस्स चडिस्सइ करम्मि ॥
 दाउं वहुं पि दव्वं गिण्हामि इमं जओ न सक्केमि ।
 निय-पुत्तिं पि व एयं उविक्खियं दुइसा-वडियं ॥
 मह मंदिरे इमीए चिट्ठंतीए अणत्थ-चत्ताए ।
 होही कमेण सयणेहिं संगमो इय विचित्तेउं ॥
 सिट्ठी धणावहो उट्टियस्स दाउं मणिच्छियं जुहं ।
 परमुल्लसंत-करुणो निय-गेहे वसुमइं नेइ ॥
 सो पुच्छइ पुत्ति ! तुमं कस्स सुया सा वि उत्तमत्तणओ ।
 कहिउं निय-कुलमखमा अहो सुही मोण-मल्लीणा ॥
 मूला धणावहेणं भणिया एसा पिए ! सुया अन्ह ।

पुष्पं व पालणिज्जा जत्तेण निरंतरं तुमए ॥
 एवं सिद्धि-गिराए सा बुत्था तत्थ नियय-गेह व्व ।
 जण-णयणाणंद-करा वाला वालेंदु-लेह व्व ॥
 तीए चंदण-सरिसेहिं रंजिओ विणय-वयण-सीलेहिं ।
 सेट्ठी सपरियणो चंदण त्ति नामं कुणइ उचियं ॥
 तं ददुं खववइं सहावओ जुव्वणेण पुण वाढं ।
 मूला समूलमुच्छलिय-मच्छरा चित्तए एवं ॥
 पुत्तिं व मन्नमाणो वि जइ इमं खव-मोहिओ सेट्ठी ।
 परिणेइ कह वि तो हं मयम्हि हा ! जीवमाणावि ॥

एवं इत्थी-यण-सुलहेण तुच्छत्तणेण तम्मंत-चित्ता निच्चं पि चिट्टए
 मूला । अन्नया गिन्दुम्ह-पीडिओ हट्टाओ आगओ गिहं सेट्ठी । दिव्व-वत्तेण
 न अन्नो कोवि कम्मयरो अत्थि त्ति वारंतस्स वि सेट्ठिणो पाए पक्खा-
 लिडं पयट्ठा विणीयत्तणओ चंदणा । तीए य निस्सहंगीए अकय-कम्म-
 व्भासाए ल्हसिओ सिणिद्ध-कसिणो केसपासो । वच्छाए केसपासो पंक्किले
 खिण्तले पडंतो पंकेण मा लिप्पउ त्ति धरिओ लीला-लट्ठीए सेट्ठिणा । संज-
 णिओ य सायरं । तं ददुण गवक्ख-गयाए मूलाए चित्तियं जं मए पुव्वं
 पियक्कियं तं संबयइ खव्वं । अन्नहा कहं सेट्ठिणा सयं संजमिया इमीए
 केसा । एरिसं खु लक्खणं न होइ पिउणो । ता मए मूलाओ बाहि व्व
 छिदियव्वा इम त्ति निच्छिऊण ठिया मूला । सेट्ठी वि वीसमिऊण खणं पुणो
 वि गओ बाहिं । मूलाए कासवं सदाविऊण मुंडाविया चंदणा । पाएसु
 णिणडिऊण ताडिया चिरं । खित्ता उअयरए । तत्थ दाऊण कवाड-संपुडं
 भणिओ परियणो । सेट्ठिणो पुच्छंतस्स वि इमं न केणावि कहणीयं । जो
 उण को वि कहिस्सइ, सो मज्झं वेरिओ । सेट्ठिणा वि संज्ञाए आगएण
 पुच्छियं—कत्थ चंदण त्ति । मूला-भयाओ न केणावि कहियं । पच्छा धरोपरिं
 रवंती चिट्टइ त्ति चित्तियं सेट्ठिणा । रयणीए वि पुच्छियं न केणावि कहियं । प-
 सुत्ता चंदण त्ति चित्तियं इमिणा । वीय-दिणे वि न दिट्ठा । तहेव तइय-दिणे तं
 अवेच्छंतेण तेण भणिओ परियणो—रेरे ! कहेह, कहिं मे नंदणा चंदणा ।
 जह जाणंता वि न कहिस्सइ ता निग्गहिस्साभि तुम्हे । इमं सोऊण एणाए
 बुद्धु-चेटीए चित्तियं जीविया अहं चिरं । संपयं पचासन्नो मे मच्चू । कए
 चंदणाए बुत्तते किं करिस्सइ मे मूला ।

तहा—

काउं परोवयारं इमेहिं जर-जजरेहिं पाणेहिं ।
 विढवन्ति जसं घम्मं च जे जणा ते धुवं घन्ना ॥
 तो मूला-बुत्तंतो सिट्ठो सिट्ठिस्स तीए सव्वो वि ।
 तं दंसियं च गेहं अत्थि जहिं चंदणा खित्ता ॥
 उग्घाडियं दुवारं तस्स सयं सिट्ठिणा तओ तत्थ ।
 छुह-तिस-दूमिय-देहा दावानल-फरिसिय व्व लया ॥
 पाय-जुगे निगलेहिं बद्धा तक्काल-गहिय-करिणि व्व ।
 मुंडिय-मुंडा नव-भिवखुणि व्व सा चंदणा दिट्ठा ॥
 वाह-सलिलाविलच्छो वच्छे ! सत्था-हव सि जंपंतो ।
 तीए भोयण-हेउं झत्ति गओ रसवहं सिट्ठी ॥
 तत्थ मणुज्जं भुज्जं अपिच्छमाणो इमो विहि-वसेण ।
 अप्पेह चंदणाए कुम्मासे सुप्प-कोणम्मि ॥
 भुंज तुमं ताव इमं जाव अहं निगड-भंजणत्थं ते ।
 आपेमि लोहकारं इय भणिउं निग्गओ सेट्ठी ॥
 अह चंदणा रुयंती विचिंतए अहह एस संसारो ।
 सुविणिंदयाल-सरिसो निव्वेयं कुणह नहु कस्स ॥
 जेणाहं पुत्ती वि हु नरवहणो तारिसस्स होज्जण ।
 पत्ता इमं अवत्थं ता इण्हि किं करेमि हहा ! ॥
 कुम्मासा संपत्ता संपह छट्ठस्स पारणंमि मए ।
 जह कोवि एह अत्तिही ता दाउं तस्स भुंजेहं ॥
 एवं विचिंतयंती दिट्ठिं दारम्मि चंदणा देह ।
 तइया वीरो भयवं भिवत्थत्थं आगओ तत्थ ॥
 धन्ना अहं अहो ! मे पुन्नं जीविय-फलं मए लद्धं ।
 धम्मो व्व मुत्तिमंतो जं एसो महरिसी पत्तो ॥
 इय चित्तिज्जण चलिया कम्मसेक्कं देहलीह मज्झम्मि ।
 वीयं तु ठवह वाहिं बाला कुम्मास-सुप्प-करा ॥
 सा कित्त-देहा नियलेहिं देहली लंघिउं असयंती ।
 तत्थ ट्ठिया पि साभिं फुरंत-असी भणह एवं ॥
 भयवं ! जइवि न जुग्गं भोयणमेयं तहावि गिण्ह तुमं ।

मह करुणं कुणमाणो परोक्थारुज्जओसि जओ ॥
 दव्वाइ-भेय-सुद्धं अभिग्गहं जाणिऊण परिपुञ्जं ।
 भयवं पसारइ करं तीए कुम्भास-भिक्षाए ॥
 कयक्खिच्चं अप्पाणं मच्चंती चंदणा जिणिंदस्स ।
 निक्खिच्चइ पाणि-कमले कुम्भासे सुप्प-कोणेण ॥
 पुत्तो अभिग्गओ भयवउ त्ति तुट्ठा समागया तियसा ।
 वसुहारा-पसुहाइं कुणंति तो पंच-दिव्वाइं ॥
 कणयमय-नेउराइं नियल-ट्टाणे रयंति ते तीए ।
 पुव्वं व केस-पासं देहं पिहु अमय-सित्तं व ॥
 रयणालंकारेहिं सव्वंगं चंदणं अलंकरिउं ।
 उच्चिद-नायममरा कुणंति गायंति नचंति ॥
 सोऊण हुंहुहि-रवं राया तत्थागओ सयाणीओ ।
 सहिओ भिगावईए नंदाए सह सुयुत्तो य ॥
 पत्तो सत्तो वि पमोय-निव्वभरो वीर-जिण-पणमणत्थं ।
 अह दहिवाहण-रायस्स कंचुगी संपुलो नाम ॥
 चंपाए आणीओ धाडीइ सयाणीए जो पुव्वं ।
 कुक्को तइया सो तत्थ आगओ वसुमइं दट्ठं ॥
 तच्चलणेसु विलग्गो उच्चसरं रुयइ तं रुयावंतो ।
 किं रोयसि त्ति वुत्तो रत्ता सो कंचुगी कहइ ॥
 दहिवाहणस्स देवीइ धारिणीए सुया वि जं एसा ।
 दासि व्व अन्न-गेहे हा निवसइ तेण रोयाभि ॥
 तो वागरियं रत्ता धज्जाण सिरोमणी इमा वाला ।
 पडिलाभिओ जिणिंदो संपुत्ताभिग्गहो जीए ॥
 भणियं भिगावईए मह देवी धारिणी हवइ वहिणी ।
 तीए धूया एसा निस्संदेहं मम वि धूया ॥
 पंच-दिण-ऊण-ऊम्भास-तव-समत्तीए पारणं काउं ।
 सेट्ठी धणावह-गेहाओ निग्गओ वीर-जिण-नाहो ॥
 वसुधारं गिण्हंतो लोभ-वसेणं सयाणिओ राया ।
 भणिओ सणेण इमं न एत्थ अन्नस्स सामित्तं ॥
 जं रयण-कणन-बुट्ठिं धेत्तुं वंचसि तुमं महाराय ! ।

सो चैव लहइ एयं जस्सेसा कन्नगा देइ ॥
 को गिण्हउ त्ति बुत्ता नरचइणा चंदणा भणइ एवं ।
 गिण्हओ सेट्ठी एसो पिया हि मे पालण-गुणेण ॥
 तत्तो धणावहेणं वसुहारा सहरिसेण संगहिया ।
 वज्जरइ सयाणीयं पुणोवि सोहम्म-सुर-नाहो ॥
 वीरस्स समुप्पन्ने केवल-नाणे इमा चरम-देहा ।
 विसय-विणियत्त-चित्ता बाला होही पढम-सीसा ॥
 ता रक्ख इमं जत्तेण जाव वीरस्स केवलुप्पत्ती ।
 इय जंपिऊण सक्को पत्तो सोहम्म-सुर-लोयं ॥
 कन्नंतेउर-मज्झे नेइ तयं चंदणं सयाणीओ ।
 सा तत्थ ठिया पढुणो चिंतंती केवलुप्पत्तिं ॥
 मूला अणत्थ-मूलं निच्छट्ठा सेट्ठिणा निय-गिहाओ ।
 रुइज्झाणोवगया सा वि हु मरिउं गया नरयं ॥
 गिण्हइ दिक्खं पासंमि सामिणो केवले समुप्पन्ने ।
 सब्ब-समणीण होउं पवत्तिणी चंदणा सिद्धा ॥
 इति दाने चंदना-कथा ।

जो चारित्त-निहीणं निम्मल-तव-नियम-नियमिय-विहीणं ।
 साहूण देइ दाणं सो सुक्खं लहइ धनो व्व ॥

तं जहा—

अत्थि नयरं पइट्टं पगिट्ट-सर-वावि-कूव-कय-सोहं ।
 अब्भंलिह-सुर-मंदिर-मिस-दंसिय-सग्ग-सोवाणं ॥
 तस्मि निवो जियसत्तू नय-विक्रम-वाय-पसुह-गुण-कलिओ ।
 जय-लच्छी सच्छंदं रमिया भुय-तरु-तले जस्स ॥
 धणवंतमासि पुवं संजायं निदूणं विहि-वसेण ।
 लज्जंतमन्न-नयराओ आगयं तत्थ कुलमेकं ॥
 पयईए विणीओ दाण-लालसो तस्स दारओ वरुणो ।
 जण-संतियाइ वित्तीइ पालए वच्छरूवाइं ॥
 अन्न-दिणे संजाओ महुसवो तत्थ तो नयर-लोगो ।
 विचिहाइं भोयणाइं वेत्तुं उज्जाणमणुपत्तो ॥

तं ददुं छणकरणो मणोरहो दारयस्स संपन्नो ।
 पुर-परिसरम्मि वच्छे सुत्तुं सो मंदिरं पत्तो ॥
 भणिया इमेण माया कुणसु छणं अन्नहा न होमि अहं ।
 तं सोउं सुय-वयणं संभरिउं पुच्च-रिद्धिं च ॥
 महुभर-भरिय-कंठा कलुण-सरं रोविउं पयद्दा सा ।
 रुद्धं धिणा न अन्नं पायं इत्थीण अत्थि वलं ॥
 सोऊण रुद्ध-सहं सएज्झियाहिं पयंपिया एसा ।
 किं रोयसि त्ति तीए निय-खेय-निमित्तमक्खायं ॥
 जाय-करुणाहिं ताहिं समप्पियं दुद्ध-तंदुल-गुलाहं ।
 पुत्ता-परिओस-हेउं इमीए तो पायसं रद्धं ॥
 पायस-वय-गुल-कलियं अप्पइ पुत्तस्स भायणं एसा ।
 सो तं पुरओ काउं उण्हं ति पडिक्खए जाव ॥
 ताय तव-भूसियंगो जिहंदिओ जिय-परिसहो साहू ।
 भिक्खत्थमागओ तत्थ जंगमो पत्तम-रासि व्व ॥
 ददुण दारओ तं चिंतइ हियए अहो ! अहं धन्नो ।
 पुत्तिज्ज-निही य अहं जं एसो आगओ साहू ॥
 तो पायसेण समणो इभिणा पडिलाभिओ पहिडेण ।
 सुणि-दाण-पुत्त-वसओ सुहं मणुस्साउयं वद्धं ॥

सो वि य सुत्तो वय-गुल-संपुन्नं अन्नं परमन्नं । पच्छिम-दिस्सा-रमणिकल-
 पूरे संजाए सूरे भणिओ जणेण—कत्थ तुमए मुक्काहं वच्छस्सवाहं ? सो वि सिग्घं
 गंतूण पुर-परिसरे पयद्दो गवेस्सिउं । गवेस्सिऊण जाव नयर-मज्झे पविसेइ ताव
 ठक्कियाहं नयर-दाराहं । दारओ ठिओ वाहिं । तस्सेव मुणिणो पासे पाणियहाइ-
 विरत्तण-पहाणं धम्म-देसणं सुणंतो रंयणीए आउक्खएण मओ । समुप्पसो
 तत्थेव नयरे वणिय-भज्जाए गम्भे । तप्पभिहं चेव पवड्ढिओ सो वाणिओ विह-
 वेणं । पत्तत्थ दियहे जाओ जणाणंदयारओ दारओ । तस्स नाहि-नाल-निक्ख-
 णण-काले लद्धं रयण-सुवन्न-पुण्णं महानिहाणं । निव्वत्ते जम्म-महे देव-गुह-पूया-
 पुच्चं कयं गुण-निप्पन्नं धन्नो त्ति से नामं । समए समप्पिऊण कलायरियस्स
 सिक्खपिओ कला-कलावं । तस्स चत्तारि जेद्दा सहोयरा ते तं पइ पओसं कुणंति,
 भणंति ते जणणि-जणए, किं इमस्स रुद्धं आयरं कुणह । जंपंति जणणि-
 जणया जारिसो एस वहु-गुणो न तारिसा तुग्भे, अओ इमंमि अग्ग आयरो ।

बुत्तेहिं बुत्तं परिकखं करेह । तओ एकेकस्स बत्तीसा बत्तीसा खवगा तेहिं दिग्गा,
भणिया इमे—करेह इमेहिं वाणिज्जं । पयद्दा ते ववहरिउं । धन्नेण पुण सख्व-क-
ला-कुसलेण किण्णिउं बलिद्धो सिंढओ । दीणार-सहस्सं पणे काऊण जुञ्जाविओ
रायपुत्त-सिंढेण समं । भग्गो अणेण रायपुत्त-सिंढो । तओ दीणार-सहस्सं वेत्तू-
ण सिंढय-हत्थो झत्ति आगओ गिहं धन्नो । अन्ने पुण अकय-पुत्ता अलख-लाभा
विवन्न-वयणा दिवसावसाणे आगया । वीय-दिणे भणंति ते पुणो परिकखं
करेह । तओ एकेकस्स सट्ठी सट्ठी करिस्तावणा अप्पिया । ते वि पयसेण कय-
विककयं कुणंता न लहंति लाहं किं पुण छेयं ।

अह आसि तत्थ नयरे महाधणो किविण-सेहरो सेट्ठी ।

सो विविहे आरंभे काऊण उवज्जए दव्वं ॥

धम्मत्थमत्थ-नियरं न देइ न वि देइ सयण-उवयारं ।

न कयावि कुणइ एसो धण-व्वयं निय-सरिरे वि ॥

पत्थिज्जंतो एसो कुप्पइ जंपेइ परूस-वयणाइं ।

दित्ते परेवि दिट्ठे सत्त-मुहो से जरो एइ ॥

सुच्छा-वसेण खणिऊण तेण दव्वेण पूरिया खड्डा ।

अंतो सुस्सिरा काउं भरिया रयणेहिं तह खट्ठा ॥

खड्डाइ तीइ उवरिं खट्ठं ठविऊण सुयइ सो तीए ।

न य सुणइ इमं सूढो न वच्चिही पर-भवे किं पि ॥

सो मिल्हाविज्जंतो न अंत-सम्मए वि सुयइ तं खट्ठं ।

तत्तो मओ वि तीए खट्ठाए पिउ-वणं नीओ ॥

तं खट्ठं चउहट्ठे विक्किज्जंतं मसाण-वालेण ।

दक्खो धन्नो गिण्हेइ लक्खिउं रयण-गग्गं ति ॥

जओ—

दूर-निहितं पि निहिं तण-वद्धि-समुच्छयाइ भूमीए ।

नयणेहिं अपेच्छंता निउणा बुद्धीइ पेहंति ॥

सा अप्पिया पिऊणं खट्ठाओ खीलियाओ अवणेउं ।

रयणाइं कड्डियाइं तो तेसिं वद्धिओ विहवो ॥

धन्नं हंतुं मंतंति भाउणो भूरि-वच्छर-च्छन्ना ।

तं सोउं जाय-दया भाउज्जाया कहइ तस्स ॥

धन्नो चित्तह न मए इमाण बंधूण किंचि अवरद्धं ।

ता किं कुण्ठन्ति कोवं निकारण-वेरिणो हि खला ॥

किञ्च—

नाकारणरूपां सङ्ख्या सङ्ख्याताः कारणक्रुधः ।
कारणेऽपि न कुप्यन्ति ये ते जगति पश्रुषाः ॥
ता मे इमाण मण-दुक्ख-कारणमजुत्तामिह अवत्थाणं ।
पर-पीडा-परिहारं कुण्ठन्ति जम्हा महापुरिस्ता ॥
इय चिन्तिऊण धन्नो एगागी निग्गओ निय-पुराओ ।
भमइ महिं नगरागर-गिरि-सरियाराम-रमणिज्जं ॥
अन्न-दिणे मग्गासन्न-वत्ति-चित्ते ठिएण एक्केण ।
दिट्ठो कुडुंघिएणं अहो ! विसिद्धागिई एसो ॥
इय परितुट्ठ-मणेणं भणिओ भो एहि भुंजसु इह त्ति ।
तत्थ निससो धन्नो निय-भज्जं करिसगो भणइ ॥
भुंजायसु पहियमिणं परमन्नं मज्झ भत्तमाणीयं ।
तीए दिन्नं धन्नो परमन्नं भुंजए जाव ॥
दीणार-कलस-कंटे ताव हलं करिसगस्स संलग्गं ।
तं उक्खणिउं धन्नस्स अग्गओ करिसओ भणइ ॥
तुह पुणेहिं पत्तं मए निहाणं इमं अओ गिण्ह ।
धन्नो उदार-पयई जंपइ गिण्हसु तुमं चेव ॥
धन्नोवि परिभमंतो कमेण रायगिह-पुरवरं पत्तो ।
वाहिं तस्सारामे सहयार-तलम्मि वीत्तमिओ ॥
दहूण कुसुम-वालो मालागारो मणोहरं धन्नं ।
हरिसवसा नेह गिहं सपरियणो से कुणइ भत्ति ॥
तत्थास्ति सेणिय-निवो जस्स फुरंत-प्पयाव-फण-रयणो ।
करवाल-काल-सप्पो पियइ रणे वेरि-जस-डुद्धं ॥
निम्मल-सील-गुणाभरण-धारिणी तस्स धारिणी देवी ।
जण-मण-हरं पसूया धूयं नीइ व्व सा कित्ति ॥

रत्ना घोलावियं नयरे—अज्ज जा काविधूयां जाया सा मे कहियव्वा । तत्थ
गोभहो इव्वो तस्स भारिया भद्दा तंमि दिणे जाया तीए धूया । तथा तस्सेव
कुसुमपालस्स भज्जाए जाया धूया । ते दोवि घोसणं सुणिऊण कहंति रत्तो
अन्ह जायाओ धूयाओ । रत्ता सस्माणिऊण भणिया ते मम धूयाए दो वि

सहीओ हुंतुं । रायाएसं ते गहिऊण गया स-गिहेसु । कयं इन्धेण रिद्धि-संद-
ब्धेण धूयाए सुभइ त्ति नामं, मालागारेण पुण पुप्फवइ त्ति ।

रत्ता निय-कन्नाए रिद्धि-पबंधेण निम्मियं नामं ।

सोमसिरि त्ति अहेसा वड्डइ सह दोहिवि सहीहिं ॥

तिन्नि वि परोप्परं पीइ-निब्भराओ लहंति तारुत्तं ।

चिंतंति अकह अम्हं तिण्हवि एक्को पई होज्जा ॥

पुप्फवईए धन्नं दट्टुण विर्यंभियाणुरायाए ।

चिंतियमिणं सुख्खो अहो इमो पुत्तवंतो य ॥

जं इमिणा मह पिउणो गिहागएणं दुमाण कुसुमाइं ।

जायाइं बहूयाइं जेसिं एकं पि नासि पुरा ॥

तो तिण्हं पि अम्हं जुत्तो भत्ता अओ केणावि उवाएण जाणावेमि इमं
राय-कन्नाए त्ति । तओ तीए धन्नाओ कराविया विचित्त-भंगि-संगया कुसुम-
माला । सा समप्पिया सोमसिरीए । विम्भिय-मणाए भणियमणाए, सहि रय-
णावलि व्व विविह-रयणालंकिया केण कया एसा ? पुप्फवईए कयिं—सुंदरि !
को वि जुवाणो पंचवाणो व्व मणहरो सयल-कला-कुलहरं अम्हं घरे चिट्ठइ । सो
निय-कोसल्लेणं विविह-भंगीहिं कुसुमाभरणं विरएइ । तेण कया एसा । तज्जामं
पि सोऊण सोमसिरीए चिंतियं—तं विणा न मए अज्जो परिणेषव्वो । तओ
वाम-करयल-कलिय-कवोला दीट्टुण्ह-नीसास-विसोसियाहरा परिचत्त-सेस-
कन्ना तमेव चिंतंती चिट्ठइ । परियणाओ सुणियमिणं रत्ता । पेसिऊण पडि-
हारं हक्कारिओ कुसुमवाल-गेहाओ धन्नो । कय-पणामो निविसिओ उचि-
यासणे । तं सुर-कुमारोवमं दट्टुण चिंतियं रत्ता । ठाणे अणुराओ मम धूयाए ।
उचियं चेव नागवल्लीए पूग-पायवारोहणं ति । हक्कारिया रत्ता कन्ना, आगया
सा तिरिच्छच्छि-विच्छोहेहि विच्छुरंती सहा-मंडवं ।

विम्भिय-वत्सेण दुत्ति वि अणमिस-नयणाइं पिच्छमाणाइं ।

खवं परोप्परं ताइं अमर-मिहुणं विडवं ति ॥

भणिओ रत्ता धन्नो कन्ना दिन्ना इमा मए तुज्झ ।

हरिस-भर-निब्भरेणं धन्नेण पडिच्छिया एसा ॥

अह सोमसिरी-पियरं नमिऊण कयंजली भणइ एवं ।

एवं दुण्ह वि मज्झ सहीणं एसो चिय होइ भत्तारो ॥

रत्ता भणियं रुचइ जइ एवं तुम्ह ता हवउ एवं ।

तत्तो सोमसिरीए सहीण कहियं निवइ-वयणं ॥
 तासिं जणया तुट्ठा तो ताओ दोवि दिंति घन्नस्स ।
 राया गुरु-रिद्धीए तिन्नि वि परिणावए घन्नं ॥
 गोभइ-कुलुमपाला कुणंति अत्थ-व्वयं वहुं तत्थ ।
 धन्नो नरिंद-दिन्ने धवल-हरे रमइ ताहि समं ॥
 करि-तुरय-कणथ-कप्पड-पल्लुहं दिन्नं वहुं घणं रत्ता ।
 निहिणो गिहे पभूया पाउव्वूया य धन्नस्स ॥
 अह गोह-गवक्ख-गओ जणणी-जणए पलोयए धन्नो ।
 मग्गंणि परिभमंते दुत्थावत्थे मल्लिण-वत्थे ॥
 सो भणइ नियय-पुरिसे दो वि इमे मह समीवमाणेह ।
 ते पट्ठविउं दिव्वंसुय-विभूसिए दोवि आणंति ॥
 घन्नं दट्ठं दुग्गि वि तक्कंटे लग्गिऊण रोयंति ।
 नमिउं सुहासणत्थे सगग्गयं ते भणइ धन्नो ॥
 दारिदमधिद्दाणं नज्जइ आयारमित्तओ तुन्ह ।
 ता कहह कहं तुट्ठं ताय ! तयं तेत्तियं दव्वं ॥
 जणओ जंपइ पुत्तय ! तइ भवणाओ विणिग्गए अन्ह ।
 पइस-वयणाओ व्व तवो सव्वो वि खयंगओ विहवो ॥
 चोरेहिं को वि हरिओ पलीवणे को वि अग्गिणा दट्ठो ।
 को वि विलुत्तो रत्ता पुत्तेहिं कयंमि अवराहे ॥
 इय तुट्ठे सयल-धणे लज्जाए तत्थ वसिउमतरंता ।
 इह अन्हे संपत्ता वाहिं प्पिट्ठंति तुह जेट्ठा ॥
 तो पुरिसं पट्ठविउं आणीया, सुट्ठु न कयमन्हेहिं ।
 खमसु गुणागर-गरुओ तुमं ति घन्नं खमावंति ॥
 धन्नो दाऊण धणं अन्न-पुरे ते विसज्जाए सव्वे ।
 धन्न-पभावेण इमे पुव्वं व महाधणा जाया ॥
 जणणि-जणयाण सव्वं घर-वावारं समप्पिउं धन्नो ।
 तियसो व्व अच्छराहिं पियाहिं सह भुंजए भोए ॥
 अन्न-दिग्गमि सुभद्दा रुयमाणा निव्वभरं प्हवइ घन्नं ।
 धन्नेण पुच्छिया पंकयच्छि ! रोयसि किमेवंति ? ॥
 तीए वुत्तं पिययल ! सहोयरो मज्झ सालिभद्दो ति ।

गुरु-धम्मघोस-पासे धम्मं सोऊण संविग्गो ॥
 चारित्तं वेत्तुमणो भणिओ जणणीइ वच्छल-मणाए ।
 दुक्करमिणं चरित्तं तुमं च सुह-लालिओ वच्छ ! ॥
 ता जइ ते निव्वंधो, ता थेवं थेवमुज्झ विसय-सुहं ।
 जेण तुह होइ देहं कमेण संजम-वहण-जोग्गं ॥
 तो जणणी-वयणेणं दिणे दिणे सो करेइ संखेवं ।
 भोयण-भूसण-तूली-तंबोल-विलेवणाईणं ॥
 इय भोग-निरीहो सो जा अलवणं अंविलेण भुंजेइ ।
 एक्केण निवसणेणं महीयले केवले सुअइ ॥
 संपह असंसयं चिय संजम-भारं पवज्जिही एसो ।
 इय सालिभइ-चरियं खेय-निमित्तं सुणसु मज्झ ॥
 हसिऊण भणइ धन्नो सुयणु ! धुवं कायरो न सो सूरु ।
 जो सहस त्ति न सकइ तव-संजम-भारमुक्खविउं ॥
 अह सोमसिरी जंपइ—सो सुकुमालो न कायरो सामि ! ।
 दुक्कर-संजम-जुग्गं सणियं सणियं कुणइ देहं ॥
 धन्नेण पुणो भणियं—किमत्थि धीराण दुक्करं किंपि ।
 जं सो वद्ध-परियरो झत्ति स-रुज्जं न साहेइ ॥
 तो सोमसिरी परिहास-पेसलं जंपए पुणो धन्नं ।
 जइ दुक्करं न एयं तुम्हे वि न किं कुणह नाह ! ॥
 धन्नो जंपइ तुम्हे तिण्णि वि मं भणइ जइ कुणसु धम्मं ।
 ता किं करेमि न करेमि व त्ति पेच्छह दुयं तुम्हे ॥
 ताहि भणियं सहासं जइ गिण्हसि संजमं तुमं सामि ! ।
 तित्थयर-पाय-मूले अम्हे वि हु तं गहिस्सामो ॥
 अह तत्थ समोसरिओ वीरजिणो जणिय-जणमणाणंदो ।
 तस्सागमणं कहियं धन्नस्स निउत्त-पुरिसेण ॥
 पुरित्तुट्ठ-मणो धन्नो सिवियास्सो महंतरिद्धीए ।
 भज्जाहि तिहि वि जुत्तो निक्खंतो सामि-नमणत्थं ॥
 अह गरुय-विभूईए सुरो व्व मणि-भूसणेहिं सोहंतो ।
 वय-गहणत्थं गेहाओ निग्गओ सालिभहो वि ॥
 सुत्तूण वाहणाइं ते दुत्ति वि पविसिउं समोसरणे ।

नमिडं जिणं सठाणे ठाऊण सुणांति घम्म-कहं ॥
 अपारे संसारे कथमपि समासाद्य नृभवं
 न घर्मं यः कुर्याद्विषयसुखतृष्णातरलितः ।
 वुडन् पारावारे प्रवरमपहाय प्रवहणं
 स मुख्यो मूर्खाणामुपलमुपलब्धुं प्रयतते ॥
 तं सोउं संबिणो केसे उप्पाडिऊण सयमेव ।
 गिण्हइ सालिभद्दो दिक्खं सह अट्ट-भज्जाहं ॥
 अह वेरग्ग-पच्चो घन्नो भज्जाओ जंपए एवं ।
 वेत्तुं चारित्त-भरं करेमि मणुयत्तणं सहलं ॥
 तो सोनसिरी जंपइ पिय ! परिहासो मए कओ एसो ।
 जइ डुक्का न दिक्खा तुमं पि ता किं न कुणसि इमं ॥
 सच्चमिणं मलंतो तुमं तु वेत्तुं सनीहसे दिक्खं ।
 परिहासे वि कए किं जुज्जइ निव्वक्करं काउं ॥
 घन्नो जंपइ न पिए ! दिक्खं गिण्हामि तुज्ज वयणेहिं ।
 किंतु पट्टु-देसणाए भवस्स ख्वं मए नायं ॥
 तत्तो पलीयणाओ व निक्खमिड मणो करेमि पव्वज्जं ।
 भज्जाहिं तिहिं वि भणियं जइ एवं तुज्ज निव्वंधो ॥
 अग्गे वि तं करेमो, तो घन्नो सह तिहिं पि भज्जाहिं ।
 गिण्हइ दिक्खं दुमि वि पढंति धेरंतिए सुत्तं ॥
 अज्जाए चंदणाए दुण्हवि भज्जाओ अप्पए भयवं ।
 अन्भत्थ-दुविह-सिक्खाओ ताओ साहंति सिडि-पहं ॥
 कय-तिव्व-तवा सुइरं पज्जंते विहिय-अणसणा मरिउं ।
 मुणि-सालिभद्द-घन्ना सव्वट्ठे सुरवरा जाया ॥

इति दाने धन्य-कथानकम् ।

साहारणत्थ-दाणे बहूण साहारणं फलं होइ ।
 तत्थ वि कुरुचंदस्स व उत्तम-फल-साहणे भावो ॥

तं जहा—

इह जंबुदीव-भरहे नयरं नामेण गयपुरं अत्थि ।
 गय-संगयं पि अगयं केण वि अहयं पि जं सुहयं ॥

तत्थ कुरुचंद-नामो राया जेणारिणो रणे भग्ना ।
 गुरु-साल-संगएसुं गया वणेसुं न भवणेसु ॥
 अह तत्थ समोसरिओ संतिजिणो तस्स वंदण-निमित्तं ।
 सामंत-मंति-कलिओ कुरुचंदो निग्गओ राया ॥
 धम्मं सोऊण निवो समए पुच्छइ कयंजली एवं ।
 पुव्व-सुकएण केणं नाह ! मए पावियं रज्जं ? ॥
 वत्थ-फल-प्पमुहाइं पवराइं पंच पंच वत्थूणि ।
 दुक्कंति ढोयणे मह पइ-दियहं केण कम्मणे ? ॥
 इट्ठाण ताणि दाहं ति चिंतिउं अप्पणा न उवभुंजे ।
 वियरामि न अन्नस्स वि कह भयवं ! केण कम्मणे ? ॥
 भयवं पि कहइ तुमए रज्जमिणं साहु-दाणओ पत्तं ।
 तत्तो चिय तह दुक्कंति ढोयणे पंच-वत्थूणि ॥
 ताण अभोगादाणे सुपुन्न-साहारणत्तणं हेऊ ।
 एक्केण न खलु भुज्जइ वहुण साहारणं वत्थुं ॥
 इट्ठाणं दाहामि सि तुज्ज चिंता वि हेउणा तेण ।
 साहुस्स जहा दाणं पुव्वं दिअं तह कहेमि ॥
 पुरमत्थि भरह-वसुहा-रमणी-मणि-नेउरं सिरिपुरं ति ।
 तत्थ पवईइ भदा परप्परं पीह-संजुत्ता ॥
 सुधण-धणवइ-धणेसर-धणया चत्तारि वाणिया भित्ता ।
 ते अत्थ विहवणत्थं कयाइ चलिया रयण-दीवं ॥

दोणागो तेसिं कम्मयरो संवल-वाहगो य । अन्नया अरन्न-उत्तिन्नेहिं तेहिं
 खीण-प्पाए पाहेए पडिमा-पडिवन्नो दिट्ठो साहु, चिंतियं च—अहो ! अस्स पुअं
 उवट्ठियं जं एस्स पसम-रासि व्व दिट्ठि-गोयरं गओ । ता एयस्स किं पि दाणं
 दाऊण अणुग्गहेमो अत्ताणं । गोयर-समओ य रिसिणो । भणिओ य सुध-
 णाईहिं दोणागो—भइ दोणाग ! देहि मुणिणो किं पि । तेहिंतो अहिग-सखाए
 पडिलाहिओ तेण मुणी । वद्धं महाफलं कम्मं । पत्ता ते रयण-दीवं । तत्थ अत्थं
 विहविऊण आगया सदेसं । तेणेव पुत्र-वीएण पाविया सव्वया वि ते रिद्धिं ।
 लडुं साह-जलं एकसो वि जीवंति धन्नाइं, किंतु मायाविणो धणवइ-धणेसरा
 ववहरंति सुहुम-मायाए । दोणागो वि अहियं सुद्ध-चित्तो आउक्खए मरिऊण
 उप्पन्नो गयउर-नयरे दुप्पसहस्स रज्जो सिरिसुंदरीए देवीए पुत्तो तुमं । देवीए

सुविणे चंदो दिट्टो त्ति कयं कुरुचंदो त्ति ते नामं । एत्थंतरे मया सुघण-घण्या
समुपपत्ता वणिय-पुत्ता । एगो कंषिल्लपुरे वीओ कत्तियपुरे । पइट्टावियाइं
नामाइं एगस्स वसंतदेवो अन्नस्स कामवालो । विवन्ना घणवइ घणेसरा समुपत्ता
वणिय-धूयत्ताए एगा संखउरे अन्ना जयंतीए । कयाइं नामाइं एगाए मइरा
अन्नाए केसरा । कमेण मयण-वियारुव्वणं जोव्वणं संपत्ता ते सब्बे । कयाइं
कंषिल्लाओ अत्थोव्वज्जणत्थं गओ जयंतीए वसंतदेवो । तत्थ वि चिट्ठेणेण
वसंतदेवेण दिट्टा अट्टमी-चंद-महेरइ नंदणुज्जाणे रह् व्व केसरा, तीए वि
वसंतदेवो । पुव्व-भवन्भासेण सिणेह-सारं दुण्हं पि मिलिया दिट्ठी । का एस्स
त्ति पुच्छिंओ वसंतदेवेण जयंति-वत्थव्वो संजाय-मित्त-भावो पियंकारो नाम
वणिय-पुत्तो ।

कहियं तेणं एसा धूया सेट्ठिस्स पंचनंदिस्स ।
भइणी जयंतदेवस्स कल्लागा केसरा नाम ॥
तत्तो वसंतदेवो जयंतदेवेण सह कुणइ मेत्ति ।
अन्न दिणे सो नीओ जयंतदेवेण निय-भवणे ॥
दिट्टा वसंतदेवेण नयण-कुसुयाण चंदलेह व्व ।
अचंती कुसुम-सरं कुसुमेहिं केसरा तत्थ ॥
तीए वसंतदेवो जयंतदेवस्स हत्थ-कमलाओ ।
कुसुमाइं पडिच्छंतो दिट्टो गरुयाणुरायाए ॥
इणणणुक्कलं सउणं ति दोवि हरिसं गयाइं निय-चित्ते ।
लक्खेइ धावि-धूया पियंकारा नाम सब्बनिमं ॥
पवरं जयंतदेवो वसंतदेवस्स कुणइ उवयारं ।
तत्तो पियंकाराए पयंपिया केसरा एवं ॥
तुज्झ वि जुज्झइ काउं सुयणस्स इमस्स कावि पडिवत्ती ।
जुगवं लज्जा सब्बस-हरिस-परा केसरा भणइ ॥

पियंकारे ! तुमं चेव जाणसि जंमित्थ उचियं ति । पियंकारा वि भवणुज्जा-
णगयस्स तरुस्स पियंशुमंजरीओ कक्कोलफलाइं च सम्पत्ती जंपेइ-सुंदर सह-
त्थारोपिय-रुक्ख-समुपपत्ताइं इमाइं इट्ठ-देयाइं मह सामिणीए केसराए तुज्झ पे-
स्तियाइं । इट्ठोअहं ति हरिसिएण गहियाइं ताइं वसंतदेवेण । दाऊण नाममुइं
भणिया एसा, वत्तव्वा तुमए सामिणी, सोहणं कयं । तुमए वहियव्वं सयावि
इट्ठाणुरुवं । पियंकाराए गंलूण सब्बं कहियं केसराए । परितुट्ठा सा हियएण ।

रयणीए चरम-जामे दिट्ठो इमीए सुविणो, किलाहं परिणीया वसंतदेवेण । तेणावि सुविणे कयं केसरा-परिणयणं । तुट्ठ-चित्ताए केसराए कहिओ सुविणो पियंकराए । इत्थंतरे निय-कज्ज-गयं जंपियं पुरोहिण्ण—एवं चेव एयं भविस्सइ त्ति इमं सोऊण परितुट्ठाओ दोवि । जंपियं पियंकराए सव्वहा वसंतदेवो तुज्झ भत्तारो त्ति वट्ठो सउण-गंठी केसराए । कहिओ सुविण-वुत्तंतो वसंतदेवस्स । सो वि निय-सुविण-संवायाओ सिद्धं समीहियत्थं मत्तंतो पत्तो पमोयं । भणिओ पियंकराए—दिट्ठो तुज्झ अप्पा सउण-गंठिं बंधंतीए सामिणीए । ता करेसु विवाह-संजुत्ति । वसंतदेवेण वुत्तं कया चेव विहिणा संजुत्ती । एवं पइ-दिणं पवडुमाणाणुरायाण अइत्तंतो कोइ कालो । अन्नया स-गिह-गएणेव सुओ पंचवदि-गेहे मंगल-तूर-सहो वसंतदेवेण । किमेयं त्ति गवेसावियं इमिणा । कहियं कम्म-यरीए जहा दित्ता केसरा कन्नउज्ज-वत्थव्व-वलुदत्त-सेट्ठि-पुत्तस्स वरदत्तस्स । तत्तिमित्तमेयं वट्ठावणयं त्ति । तं सोऊण मुच्छिओ वसंतदेवो । एत्थंतरे आगया पियंकरा आसासिओ तीए, भणियं च—पेत्तिया अहं केसराए, संदिट्ठं तीए, न तए खेओ कायव्वो, मम चित्तं अजाणंतेहिं गुरुहिं पारअमेयं, अहं पुण न पुब्बाणुराग-विसरिसं चिट्ठामि । सव्वहा मम तुमं चेव भत्ता । अत्ताह मरियव्वं । एवं सोऊण परितुट्ठो वसंतदेवो । भणिया अणेण पियंकरा—अहे ! एत्थ वइयरे ममावि एस निच्छओ ।

गंतुं पियंकराए कहियमिणं केसराइ सा तुट्ठा ।
 ताण विवाहोवायं चित्तंताणं गया दियहा ॥
 तम्मि असंपत्ते चेव जन्न-जत्ता समागया तत्थ ।
 तत्तो वसंतदेवो सुए विवाहो त्ति निसुणेइ ॥
 सो दूभिओ मणेणं नयराओ निग्गओ गओ य वणं ।
 चित्तेइ—अहो ! केरिसमसुंदरं विलसियं विहिणो ॥
 नूणं मह परिणयणे विहिय-पइत्ता गुरुहिं अत्तेण ।
 सा परिणाविज्जंती करिही जीविय-परिचायं ॥
 तीए मरणं निसुणेमि जाव अहमेव ता मरामि त्ति ।
 तो बंधिऊण पासं असोम-रुक्खस्स साहाए ॥
 जा उव्वडो अप्पा वसंतदेवेण तत्थ उव्वत्तहिं ।
 बंधु व्व ताव पत्तो को वि नरो तरु-निउंजाओ ॥

मा कुणसु साहसमिणं ति जंपमाणो असोगमारुहिउं ।
 छिंदेइ तस्स पासं कंकिल्लि-तले तमाणेइ ॥
 जंपइ भो ! भो ! तुमए किमेवमागिइ-विरुद्धमारुडं ? ।
 सो भणइ आगिईए किमिमीए दुक्ख-बहुलाए ॥
 निय-बइयरं च साहइ, अह पुरिसो जंपए जइ वि एवं ।
 तहवि न जुज्जइ एवं पुरिसस्स विवेगिणो मरणं ॥
 किंतु उवाओ जुत्तो अत्थि य सो इत्थ दुग-परिज्ञाए ।
 जत्थ य नत्थि उवाओ तत्थ वि धुवमणुचियं मरणं ॥
 जीवामि दुक्खिओऽहं उवाय-विरहे वि इत्थ वत्थुमि ।
 अहं लहइ जियंतो जो य मओ सो मओ चेय ॥

जओ—

कत्थियपुर-वत्थव्वो वणिय-सुओ कामपाल-नामोऽहं ।
 देसाण दंसणत्थं विणिग्गओ जोव्वणुम्मत्तो ॥
 पत्तो परिव्वभंत्तो संखउरं तत्थ संक्ख-जक्खस्स ।
 जत्ताए नीहरिओ जणो अहं पि हु गओ तत्थ ॥
 सहकार-वणांमि मए रइ व्व स्व्वेण कल्लगा दिट्ठा ।
 तीए वि कल्ल-दल-विव्वभमेहिं नयणेहिं दिट्ठोऽहं ॥
 तत्थ ठिओऽहं वाजेण दिट्ठि-पासेहिं तीइ बद्धो व्व ।
 दिन्नं च सही-हत्थेण मज्झ तंबोलमेईए ॥
 किं काउमेत्थ जुत्तं ति जाव धित्तेमि ताव मत्त-करी ।
 सच्छंदं वियरंतो पत्तो चूयहुमाल्लं ॥
 नट्ठो भएण कल्लाइ परियणो कल्लगा उण न नट्ठा ।
 कंपंत-सव्व-गत्तं तं हत्थी जाव गिण्हेइ ॥
 ताव मए लउडेणं पच्छिम-भायम्मि आहओ हत्थी ।
 भुयणो व्व पुच्छ-पुट्ठो कल्लं मुचूण सो चलिओ ॥
 तं वंचिउं मए सा कल्ला वेत्तूण अन्नओ नीया ।
 निव्वभय-ट्ठाणे सुक्का मिल्लइ सा मं न हियएण ॥

समागओ से परियणो । पसंसिओ अहं तेण । नीया एसा चूय-तरु-तलं ।

इत्थंतरे समागयं नाग-वरिसं तेण दिसो दिसं पलाणो जणो । तओ न नायं

कहिं गया सा कन्नग त्ति । कइ वि दियहे हिंडिओ अहं तम्मि नयरे । अलखूण
 तीए पउत्ति सुन्न-चित्तो समागओ एत्थ । अत्थि मे तीए उवरि सिणेहो, किं तु
 तीए सुद्धि अघाणंतस्स नत्थि मे उवाओ तस्संपत्तीए, तथावि नाहं नरणमंगी-
 करेमि । तुह उण केसरा-संपत्तीए अत्थि उवाओ । सुए सा परिणिज्जिही तओ
 अज्ज कायव्वा तीए रह-सहियस्स भयवओ मयणस्स पूया । तं च एगागिणी
 करेइ त्ति कप्पो । तो अम्हे अणागयं चेव त्ति पविसामो नयर-मयण-देवउलं ।
 तओ तीए पविट्ठाए तस्संगएणेव तव्वेस-गहणेण गमिस्सामि अहं तीए गेहं ।
 तुमं पुण वहु-बोलीणेषु अम्हेसु वेत्तूण केसरं लहुं अचक्कमिज्जासि त्ति
 जुत्ति-संगयं ति सोऊण हरिसिओ वसंतदेवो, भणियं अणेण जुत्ति-जुत्तमेयं,
 किं तु तुहेत्थ वसणं ति । तथा य छिक्खियं बुद्ध-माहणीए । कामपालेण बुत्तं
 न मज्झ तत्थ वसणं किं तु तुज्झ कज्ज-करणेण महंतो अब्भुदओ त्ति । इत्थंतरे
 निय-कज्ज-संबद्धमेवं जंपियं बुद्ध-माहणेणं—न एत्थ संदेहो त्ति । गहिय-
 सउणत्थेण पडिवन्नमिणं वसंतदेवेणं । पविट्ठा दो वि नयरिं । काऊण उच्चिय-
 किच्चं निग्गया संज्ञाए । पविट्ठा मयण-देवउलं । ठिया पडिमा-पिट्ठओ । थेव-
 वेलाए सुओ तूर-रवो, केसरा आगच्छइ त्ति हरिसिया चित्तेणं । कस्सेण
 आगया एसा । सा वि पाढ-सिद्धं पिय-समागम-मंतं चिंतंती उइत्ता जंपा-
 णाओ । चडिया मयण-देवउलं । वेत्तूण पियंकरा-कराओ पूओवणरणं पविट्ठा
 तत्थ । आयारो त्ति ढक्खियं तीए दुवारं । कया कास्स पूया । भणियं च—
 भयवं ! रह-रमण ! पच्चखाणि तुज्झ सयल-पाणि-चित्ताणि ता किं जुत्तमेयं जं
 ममं अणिट्ठेण भत्तुणा जोजेसि । किं न याणसि तुमं वसंतदेवं विणा अन्नत्थ
 न मे रमइ मणं । किं वा इयाणि इमिणा उवालंभेण । सब्बहा जन्मंतरे वि
 तुह पसाएण सो चेव भत्ता हवेज्ज त्ति भणिऊण तत्तोरणे उव्वद्धो अप्पा ।
 निग्गंतूण रक्खिआ सा वसंतदेवेण । कुओ एसो त्ति विन्धिया एसा ।

भणियं वसंतदेवेण—पत्थिओ वम्महाओ जो तुमए ।

भत्ता भवंतरे वि हु सो एस वसंतदेवोऽहं ॥

मित्तेण सह पविट्ठो पुव्वं चिय-एत्थ तुज्झ हरणत्थं ।

ता निय-नेवत्थं पंकयच्छि ! अप्पेसु एयस्स ॥

जेण तुह वेसधारी सपरियणो एस जाइ तुज्झ घरं ।

अम्हे पुण गयपाए इमस्मि देसंतंरं जामो ॥

इय भणिया निय-वेसं समप्पए ता वि काम-पालस्स ।

धेत्तूण तस्स वेसं ठिया इमा मयण-पिट्ठंमि ॥
 सो निण्हिऊण पत्तिं नीरंगी-पिहिय-वयण-सयवत्तो ।
 उग्घाडिउं दुवारं विणिग्गओ मयण-भवणाओ ॥
 पत्तिं पियंकराए समप्पिउं लग्गिऊण तीए करे ।
 सो चडिओ जंपाणे तं कम्मयरेहिं उक्खित्तं ॥
 पत्तो अलक्खिओ परियणेण सो पंचनंदि-गेहंमि ।
 सुणइ न मज्झं बंभा वि सुप्पउत्तस्स दंभस्स ॥
 जाणाओ उत्तिओ पियंकराए बहू-हरं नीओ ।
 कणयासणे निविट्ठो, पियंकराए इमं वुत्तो ॥
 चित्तेसु पिय-समागम-मंतं तो निग्गया पियंकरिया ।
 तो काम-रइ-समागम-मंतं सरिउं पवत्तो सो ॥
 अह केसराइ माउल-धूया संखउर-वासिणी महारा ।
 पत्ता तत्थ विवाहे पुव्वं एएण जा दिट्ठा ॥
 तस्स पुरो उवपिट्ठा नीसत्तिउं जंपिउं पवत्ता सा ।
 सहि ! अवसरो त्ति जंपेमि किं पि परिहरसु उव्वेयं ॥
 जं अवहिओ विहि चिय इट्ठाणिट्ठेसु सव्व-पाणीणं ।
 संखउरे वि ठियाए मए सुओ तुज्झ वुत्तंतो ॥
 सुत्तुं वसंतदेवं न रमेइ नरंतरम्मि तुह चित्तं ।
 पिय-पिरह-दुहं दुसहं सयमणुभूयंति जाणेमि ॥
 धन्ना य तुमं जीए पिएण सह दंसणाइ-संभवइ ।
 मज्झ पुणो वुत्तंतो सहि ! सुव्वउ दारुणो वाढं ॥
 नीहरियाहं सह परियणेण जत्ताइ संखवालस्स ।
 मयणु व्व मए तरुणो असौंग-तरुणो तले दिट्ठो ॥
 तस्स मए पट्टवियं सहिए कर-पंकएण तंबोलं ।
 तेणावि रक्खियाहं मत्तगयाओ जमाओ व्व ॥
 पुणरवि करि-संकाए नट्ठाहं सह सहीहिं सव्वार्हिं ।
 कर्हिं वि गओ सो वि जुवा मए गविट्ठो न दिट्ठो य ॥
 कत्थ वि रइमलहंती अलि-दट्ठा मज्झडि व्व तप्पभिई ।
 तस्मि वणस्मि गयाहं तंमदट्ठुं परुइया सुहरं ॥

अज्ज मए सुविणे चिय सो दिट्ठो न उ कयाइ पच्चक्खं ।
 अत्थि मम तम्मि पेमं होही जोगो उ विहि-वसओ ॥
 एयम्मि वइयरे जं मह दुक्खं तं सुणामि अहमेव ।
 अत्ताण निच्चित्तेसा तुमं ति तुह जंपियं पुरओ ॥
 ता वहिणि ! मुंच खेयं अणुयत्तसु गुरु-यणं हवसु धीरा ।
 अणुकूल-विहि-वसेणं सच्चं पि ह्नु सुंदरं होही ॥
 अह भणइ कामपालो मयच्छि ! जक्खूसवम्मि जो तुमए ।
 दिट्ठो सो एसोऽहं तुह मण-मयरायर-मयंको ॥
 अणुकूल-दिव्व-वसओ वसंतदेवत्स केसराए य ।
 संजोगो संजाओ अन्हं पिय मुंच तच्चितं ॥
 तं नीरंगी-रहियं मइरा उवलक्खिज्जण परितुट्ठा ।
 भयवसओ सम्मूढा तो भणिया कामपालेण ॥
 मुंच पिए ! भयमिण्हि दंससु मे किं पि निग्गमण-दारं ।
 मइराइ घरुज्जाणस्स पच्छिमं दारमुवइट्ठं ॥
 नीहरइ कामपालो खहिओ मइराइ तेण वारेण ।
 वचंतो सो पत्तो गयउर-नयरम्मि एयम्मि ॥
 पुव्वागयस्स सह केसराए झिलिओ वसंतदेवत्स ।
 ते दंसिया जिणेणं वसंतदेवाहणो रत्तो ॥
 कहियं जिणेणं पंचहिं जणेहिं दिन्नं सुणिस्स जं दाणं ।
 तं पंच पंच वत्थूणि ढोयणे तुज्झ हुंति ॥
 एत्तो चिय एएस्सि ताणि अदाउं सयं न भुंजेस्सि ।
 इय जिण-कहियं सोउं पुव्व-भवो सुमरिओ तेहिं ॥
 नमिऊण जिणं रत्ता नीया नीय-सोयर व्व ते गेहं ।
 तेहिं सह विहिय-रत्तो सो घम्म-परो गओ सुगइं ॥

इति दाने कुरुचन्द्र-कथा ।

रत्ता भणियं—भयवं ! निरंतरं सुक्ख-भागिणो एकके ।
 दीसंति नरा अवरे न तारिस्सा एत्थ को हेऊ ? ॥
 गुरुणा भणियं—जे दिति दाणमच्छिन्न-भाव-संपन्ना ।

ते अन्न-भवे पावंति सुक्त्वमच्छिन्नमाजम्भं ॥
 जेसिं पुण दिंताणं नराण दाणंभि अंतरं होइ ।
 कयउन्नउ व्व सुक्खं निरंतरं ते न पावंति ॥

तं जहा—

अत्थि पुरी सावत्थी जत्थ वियंभंत-सुरयणा तुंगा ।
 कणयमया पासाया सुमेरु-पुत्त व्व रेहंति ॥
 तत्थ गुण-संगओ संगउ त्ति सिट्ठी महा-घणो आसि ।
 से बंधुल त्ति भज्जा रमणो त्ति मणोहरो पुत्तो ॥
 पुव्व-कय-कम्म-परिणाम-दोसओ तस्स विहडिओ विहवो ।
 जम्हा न पडिखलिज्जइ सुरासुरेहिं पि पुव्व-कयं ॥
 कालेण मओ सिट्ठी अनिव्वहता य बंधुला तत्थ ।
 सुलह-जलिंघण-धम्मंभि सालिसीसे गया गामे ॥
 अक्खिय-निय-वुत्तंता गामीण-जणेहिं अब्बुबगया सा ।
 विहिओ य वच्छ-वालो से पुत्तो अप्पिउं वच्छे ॥
 सो दाण-व्वसणी देइ दारगाईण लहइ जं किं पि ।
 नहि अत्थि नत्थि चिंता पयइ-उदारण संभवइ ॥
 अह मास-खमग-साहू इमस्स दिट्ठिपहमागओ वाहिं ।
 जाया य तम्मि भत्ती तवेण रंजिज्जइ न को वा ॥
 अन्नम्मि वात्तरे ऊसवो त्ति लोणेण पायसं रद्धं ।
 तं जेमंते डिंभे दद्धं रमणो भणइ जणणिं ॥
 धियरसु ममा वि पायसमिमा वि नत्थि त्ति निव्वभरा रुयइ ।
 संपन्न-दयाहिं पाडिवेसियत्थीहिं सा भणिया ॥
 मा रुयसु पायसं रंधिऊण रमणस्स देसु तिग्घं ति ।
 तीसे सन्नप्पियाइं च खीर-तंडुल-गुल-घयाइं ॥
 रद्धं च पायसं तीइ दारओ भोयगत्यसुवविट्ठो ।
 घय-गुल-पायस-भरियं तस्स पुरो भायणं ठविउं ॥
 अह बंधुला पविट्ठा घर-जज्जे इत्थ अवसरे पत्तो ।
 धम्मो व्व सुत्तिमंतो सो भिक्खत्थं खमग-साहू ॥
 चिंतामणी मह-करे चडिओ जं आगओ सुणी मेहं ।

दाउं इमस्स भिक्खं करेमि मणुयत्तणं सहलं ॥
 इय चित्तिउं ति-भागं देइ इमो पायसस्स तुट्ठ-मणो ।
 थेवमिणं ति विचिंतिय दुइय-ति-भागं पयच्छेइ ॥
 मा अन्नेण विणस्सउ इमं ति परिभाविज्जण पुण एसो ।
 देइ तइयं ति-भागं भोग-फलं बंधए कम्मं ॥
 तस्स निसिद्धस्स पुणो अन्नं जणणीए पायसं दिन्नं ।
 गिद्धि-वसेण अणेणं भुत्तं परिणइ-अमाणेण ॥
 तस्मि दिणे वदल्यं इमस्स वाहिं गयस्स संजायं ।
 रयणीए अजिजेणं वित्थइयाए मओ एसो ॥
 मगह-विसयावयंसे रायगिहे वर-पुं ककुप्पन्नो ।
 सो सेट्ठि-घणावह-भारियाइ भदाइ गवभम्मि ॥
 काल-क्खेण जाओ पुत्तो वत्तीस-लक्खणाणुगओ ।
 परितुट्ठ-मणो सेट्ठी करेइ जम्मूसवं तस्स ॥
 कयउच्चु त्ति जणेणं भणिओ सो जो गिहे धणडुंमि ।
 जाओ इमो त्ति विहियं तो कयउच्चो त्ति से नामं ॥
 चंदो व्व सुक्क-पक्खे दिणे दिणे जणिय-जण-मणाणंदो ।
 पावइ बुद्धिं एसो सयणाण मणोरहेहिं समं ॥
 समयम्मि कलायरियस्स अप्पिओ कारिओ कला-गहणं ।
 सो तरुणि-नयण-छप्पय-कमलवणं जोव्वणं पत्तो ॥
 कणयावदाय-देहं निव्वत्तिय-तियस-तरुणि-संदेहं ।
 परिणाविओ गुरुहिं रुवमइं नाम इब्भ-सुयं ॥
 तह वि कलव्भास-परो पसत्थ-सत्थत्थ-संधव-विहत्थो ।
 रमणीसु मणं पि मणं मुणि व्व न करेइ कयउच्चो ॥
 तो भणिओ भदाए सिट्ठी तह कुणसु मज्झ जह वच्छो ।
 सेवेइ विसय-सुक्खं अह बुत्तं सेट्ठिणा एवं ॥
 आहार-भय-परिग्गह-सेट्ठुण-सन्नाओ अणुवदिट्ठाओ ।
 गिण्हंति सब्ब-सत्ता मुडे ! किं तदुक्कामेण ॥
 पुणरुत्तं भदाए भणिज्जमाणेण सिट्ठिणा बुत्तं ।
 विसयासत्ति-निमित्तं खित्तो दुल्ललिय-गोटीए ॥

सो तेहिँ सह भमंतो देवउलाराम-पमुह-ठाणेसु ।
 काम-घरिणी-सरिच्छं कामलयं पिच्छए गणियं ॥
 किं एसा तियस-बहू स-कोव-सुर-नाह-साव-पभट्टा ।
 पत्ता मणुस्स-लोयं ति चित्तए जाव कयउत्तो ॥
 अब्भुट्टिऊण भणिओ सो तीए कमल-मणहर-मुहीए ।
 काऊण पसायमलंकरेसु चलणेहिँ मह गेहं ॥
 तं सोउं मुद्ध-मणो कामलयाए गिहं पविटो सो ।
 तीए कला-कुसलाए विविह-विणोएहिँ अक्खित्तो ॥

पवत्तो तीए सह भोगे भुंजिउं । सिट्ठिणो कहिऊण वुत्तंतं गया स-ट्ठाणं
 मित्ता । सिट्ठिणा भणिओ भंडारिओ, जं किंचि मग्गए दब्बं मे वच्छो तं तए
 पेसियब्बं । अक्काए वि कयउत्तय-कराओ गहिया नाम-मुद्दा । तं अप्पिऊण
 वेडीए आणावए अक्का भंडारिय-पासाओ मणोरहाइरित्तं चित्तं । सुह-सागरा-
 वगाढस्स वीसरिय-सयण-सिणेहस्स तस्स अइक्कंता वारस वरिसा । मया माया-
 पियरो । अणावणो विणट्टो विहवो । तहावि संबच्छरं जाव संवाहियं सेवागरणं
 स्ववईए । अन्नदिपहे पेसियं तीए नियाभरणेहिँ सह पुन्न-वत्तयं । झीणो विहवो
 त्ति लक्खिअं अक्काए । पडिपेसियं आहरणेहिँ सह दीणार-सहस्सं । अन्न-दिपे
 अक्काए भणिया कामलया, धोय-कुंखुंभ-सरिसो कओ एसो । ता किं इण्हिँ
 अणेण ? तीए वुत्तं म मा एवं भण । दिन्नं इमिणा मणोरहाइरित्तं चित्तं ।
 अक्काए वुत्तं—

जं दिन्नं तं गहियं इण्हिँ से नत्थि तेण नीणेमो ।
 अन्ह इमो कुलधम्मो तं वच्छे ! मा अइक्कमसु ॥
 कामलयाए वुत्तं अम्मो ! अम्हाण एस कुल-धम्मो ।
 गणियाण पहाणाण उ अईव लज्जाकरं एयं ॥
 अन्नं च पुणो दाही एसो चिय चित्तियं धणं समए ।
 ता दुट्ठ-चित्तिणं अयस-निमित्तेण अलमिमिणा ॥

एयं सोऊण ठिया तुण्हिका अक्का । चित्तियं अणाए, अचंन-रत्ता इमंमि
 मे धूया । ता परिहवज्जओ एसो, जेण सयंचिय वचइ । पारद्वो पराभवो ।
 लक्खिओ कयउत्तेण निग्गओ तग्गेहाओ । आगओ स-गिहं । दिट्ठं तं सडिय-
 पडियं । पुच्छिया स्ववई किमेयं ति ? । साहिओ तीए सब्बो वुत्तंतो ।
 सोगाउत्तो कयउत्तो जंपिउं पवत्तो—

जो पिय-पियामह-प्पलुह-पुव्व-पुरिसेहिं संचिओ विहवो ।
 अहह ! मए सो मेहु व्व पवल-पवणेण निट्टविओ ॥
 जेसिं मणोरहेहिं तह ओवाइय-सएहिं जाओमिह ।
 जणणि-जणयाण तेसिं मरणं पि मए न विन्नायं ॥
 संत-जण-वज्जणिज्जं धम्मत्थ-पणासणं अकित्ति-करं ।
 काउं वेसा-वसणं मए कुलं कलुसियं निययं ॥
 हा ! जाओमिह किमत्थं गव्वभ-गओ वि हु अहं न किं गलिओ ? ।
 जो अकय-पुत्त-कज्जो एवं गणिया-गिहे वसिओ ॥
 धणवंतो त्ति पिया मे आसी सब्बत्थ माणणिज्जो जो ।
 तस्स सुओऽहं अधणो दंसिस्सं कह जणस्स सुहं ॥
 एवं संतप्पंतो पियाए सो जंपिओ चयसु खेयं ।
 तइं पिय ! अक्खय-देहे सब्बं लट्ठं पुण वि होही ॥

ठिओ कह वि दियहे कयउत्तो तत्थ । जाया आवन्न-सत्ता खव्वई ।
 भणिया अणेण, पिए ! चंचा-पुरिसो व्व अकय-पुरिसत्थो अत्थ-हीणो नरो न
 रेहए । ता देसंतरं गंतूण करेमि धणज्जणं । खव्वईए वुत्तं तुमं जाणसि । पयट्ठो
 तद्वियहमेव तामलित्ति सत्थो । तेण सह पत्थिओ कयउत्तो । वुत्थो देवउले
 महिलोवणीय-सिज्जाए । इओ य तत्थ इव्वभ-पुत्तो परिणिऊण इव्वभदारियं
 अकय-विसय-संगो चैव पर-तीर-गमणुज्जए मए पिउम्मि गओ धणोवज्जणत्थं
 परतीरं । भवियव्वया-वसेण विवन्नं जाणवत्तं । मओ सो तत्थ । जाणियमिणं
 जणणीए चित्तियं अणाए—उवट्ठिओ कुलक्खओ । किमित्थ जुत्तं । खित्तज-
 सुएणावि कुलं वट्टउ त्ति सुव्वए सत्थ-वयणं । ता आणेमि कंचि बहुगाए
 उच्चियं पुरिसं । न मम वयणं लंवइ त्ति जाणाविया बहुगा । गया एसा पुरिसं
 निरुविउं । दिट्ठो देवउले पसुत्तो भवियव्वया-वसेण कयउत्तो । नेयाविओ
 गिहं । मुक्को वासहरे, विउट्ठो समए, साहिओ वुत्तंतो थेरीए । परित्थि-संगो
 परलोय-विउट्ठो त्ति नाणुमओ कयउत्तस्स । उच्चिओ एस त्ति परितुट्ठा सा
 अकय-पुरिस-संगा बहुग त्ति साहियं रहस्सं । अत्थि पुणव्वभू-कप्पो त्ति पिया-
 हिया पच्छन्नं । अइक्कंता वारस वरिसा, थेरीए चित्तियं—

जाया वहुइ पुत्ता अलमिमिणा संपयं परिठवेमि ।
 निप्पत्ते सयले करिसणम्मि को हालियं धरइ ॥

थेरीइ कथा कयउन्नयस्स अद्धाण-कप्प-संजत्ती ।
 लक्खियमिणं बहूए इमंमि निब्भर-सिणेहाए ॥
 तो संपलस्स मज्झे बहुगाए रयण-मोयगा छ्वा ।
 सुह-सुत्तो उक्खियिउं सो मुक्को तंमि देवउले ॥
 तम्मि दिणे सो सत्थो समागओ कम्म-धम्म-जोगेण ।
 बुत्तंतम्मिं मुणिउं संपत्ता तत्थ से घरिणी ॥
 दिट्ठो तीइ विउद्धो सो सत्थाओ त्ति हरिसिया एसा ।
 वेत्तूण संबलं भारियाए निय-मंदिउं नीओ ॥
 पुत्तो पिउस्स पाएसु पाडिओ मोयगो य से दिट्ठो ।
 तं खायंतेणं तेणं तस्स मज्झे मणी दिट्ठो ॥
 सो तेण लङ्कुयारस्स अप्पिओ देसु लङ्कुए निच्चं ।
 इय भणिउं भज्जाए मोयगे भिदमाणीए ॥
 दिट्ठाणि पवर-रयणाणि तेसु अह पुच्छिओ पई एयं ।
 किं इत्तियाणि एयाणि ? इत्तियाणि त्ति तेणुत्तं ॥

तओ गरुण-सिणेह त्ति सुमरिया पुणब्भू । कओ रयणाण विणिओगो
 वित्थरिओ विहवो । अन्नया रत्तो सेणियस्स सेयणग-इत्थी गहिओ तंतुगेण ।
 जलकंतेण सुचइ त्ति भणियं अभयेण, जो तं जलकंतं समप्पइ तस्स राया निय-
 धूयं देइ त्ति भग्गाडिओ पडहो । आणिओ सो लङ्कुयारेण । वित्तो जले । तस्सा-
 लोएण थलं ति मज्जंतो पणट्ठो तंतुगो । उवट्ठिओ लङ्कुयारो राय-कत्ता विवाहत्थं,
 लज्जिओ राया । किमित्थ जुत्तं ति पुच्छिओ अभओ । अभएण भणियं, नाध-
 न्नास्स रयणाणि त्ति मूल-सुद्धी किज्जउ । रत्ता पुच्छिओ लङ्कुयारो, कुओ ते रयण
 भेयं ? निब्बंघे तेण कहियं, कयउन्न-पुत्तेण मे अप्पियं ति । जुज्जइ इमं ति बुत्तूण
 रत्ता दिन्ना कत्ता कयउन्नस्स । वत्तो महाविच्छेड्डेण विवाहो । अभएण सह
 संपन्ना पीई । भणिओ अभओ कथाइ कयउन्नेण—भो ! बुद्धिमंतो तुमं, अत्थि
 य ममेत्थ पुणब्भू महिला दुवे दारया य, ता तं लहाहि । अभएण भणियं—
 एवं । कारियं नगर-बाहिं देवउलं, तत्थ कथा कयउन्न-सरिसी जक्ख-पडिमा ।
 घोसावियं नगरे—पुज्जेह चिंतियत्थ-संपाडण-दक्खं जक्खं ति । निग्गओ
 लोगो तप्पूयणत्थं । दु-दुवारं च तं देवउलं । एगेण पविसइ लोगो, अन्नेण नीह-
 रइ । गवक्ख-गओ अभएण सह ठिओ कयउन्नो । आगया तत्थ दारगेहिं सह

पुणञ्भू । तं ददूण कयउन्नेण भणिओ अभओ, एसा सा मे महिला । अभएण
 वुत्तं किं इमं लट्ठरिं ददूण भणसि एवं । कयउन्नेण वुत्तं—जइ न पत्तियसि ता
 पेच्छसु । पिउ त्ति चडिया उच्छंगे जक्खस्स दारगा । कयउन्नो त्ति मत्तंतीए
 तीएय चंदोदए ससुहु व्व ससुल्लसिओ हरिसो । सुरुगमे कमलाइं व वियसि-
 याइं लोयणाइं । घणागमे कयंव-कुसुमं व ससुग्घुसियं सरीरं । पओसे गयणं व
 तारएहिं मंडियं निडालं सेय-जल-विंदूहिं । पवण-संसग्गे वण-लघाए व्व
 सब्बंगं वियंभिओ कंपो । निच्चलत्तणओ तं जक्खो त्ति जाणिऊण जंपिउं
 पवत्ता पुणञ्भू ।

पिय-रूवं जक्ख ! पयासिऊण आणंदियमिह ताव तए ।
 जइ कुणसि चित्तियं ता दंससु तं मज्झ पच्चक्खं ॥
 तो पुञ्जिऊण जक्खं पच्छिम-दारेण जाव नीहरइ ।
 ता नियइ गवक्ख-गयं कयउन्नयं हरिस-पडिपुल्लं ॥
 तेहिं चेव पएहिं सा चिट्ठइ तो भणेइ कयउन्नो ।
 एहि मयच्छि ! किमज्जवि विलंबसे सा गया पासे ॥
 अह पत्ता कामलया जक्खं ददूण विग्गिया भणइ ।
 जाया वारस-वरिसा मह पिययम-विरह-विडुराए ॥
 मरणम्मि धुवो विरहो जीवंताणं तु घडइ जोगो वि ।
 इय चित्तियं ठियाहं पइच्चयाए वयं धित्तुं ॥
 अज्ज रयणी-विरामे दिट्ठो पिय-मेलगो मए सुविणो ।
 मह आगच्छंतीए जाया सुह-सूयगा सउणा ॥
 तह वामा अच्छि-भुया फुरंति ता मज्झ अज्ज पिय-जोगो ।
 तुह जक्ख ! पसाएणं नूणं होहि त्ति तक्केमि ॥
 तइ पिय-सरिसे दिट्ठे हरिसो जो मज्झ सो भविस्संतं ।
 पिययम-जोगं सुरुगमं व अरुणोदओ कहइ ॥
 तो पणमिऊण जक्खं पच्छिम-दारेण नीहरंती सा ।
 पेच्छइ अभएण समं महुणा गयणं व कयउन्नं ॥
 तो हरिस-निग्गभराओ दुत्ति वि कयउन्नएण नीयाओ ।
 निय-मंदिरम्मि ताओ नियनिय-घरसार-जुत्ताओ ॥
 इय चउहिं सह पियाहिं तिवग्ग-सारं सुहं अणुहवंतो ।

सो पुव्व-भवन्भासेण दाण-धम्मज्जुओ वाढं ॥
 अभएण चित्तिमिणं एसो धम्मस्स निच्छयं जुग्गो ।
 जम्हा कहिज्जमाणं अभिनंदह भयवओ वयणं ॥
 अह पत्तो वीरजिणो सहिओ चउदसहिं मुणि-सहस्सेहिं ।
 परियरिओ अज्जाणं छत्तीसाए सहस्सेहिं ॥
 चउविह-देवेहिं कयं साल-त्तयं सुंदरं समोसरणं ।
 तत्थ निविट्ठो भयवं वागरइ चउव्विहं धम्मं ॥
 अह पुच्छइ कयउत्तो भयवं ! भोगाण अंतरं मज्झ ।
 जायं केण निमित्तेण वज्जरइ जिणवरो एवं ॥
 पुव्व-भवे तिहिं भागेहिं पायसं साहुणो तए दिन्नं ।
 एएण कारणेणं भोगाण तुहंतरं जायं ॥
 संभरिउं पुव्व-भवं कयउत्तो विव्वेइ संविग्गो ।
 पुव्वं खु मंद-सत्तेण दाणमेवं मए दिन्नं ॥
 संपइ पुण दढ-सत्तो होउं वज्जेमि सव्वमवि संगं ।
 भणह जिणो जुत्तभिणं मणुयस्स विवेग-जुत्तस्स ॥
 अह विहिय-उव्विय-किच्चो पडिवज्जह संजमं जिण-सयासे ।
 कय-त्तिव्व-तवचरणो वच्चइ कयउत्तओ सग्गं ॥

इति सान्तरदाने कृतपुण्यकथा ।

एवं सोउं मुणि-दाण-धम्म-भाहप्पसुल्लवइ राया ।
 भयवं ! गिण्हह मह वत्थ-पत्त-भत्ताइयं भिक्खं ॥
 तो वज्जरइ मुणिदो इमं महाराय ! राय-पिंडो त्ति ।
 भरहस्स व तुह भिक्खा न गिण्हउं कप्पइ जईणं ॥
 रत्ता भणियं भयवं ! को सो भरहो पयंपिओ तुमए ? ।
 गुरुणा बुत्तं नरवर ! कहेमि जइ कोउमं तुज्झ ॥
 इह आसि रिसह-सामी नीइ-कला-सिप्प-देसओ पढमो ।
 राया पढमो ओसप्पिणीइ पढमो य तित्थयरो ॥
 कुमरत्तणंमि गमिउं जिण-नाहो वीस-पुव्व-लक्खाइं ।
 परिवाल्लिऊण रज्जं पुव्वाण तिसट्ठि-लक्खाइं ॥
 अहिसिंचिऊण रज्जे कोसल-देसे अउज्झ-नयरीए ।

जेट्टं पुत्तं भरहं सुमंगला-देवि-अंगरुहं ॥
 तक्खसिलाइ पुरीए वहली-विसयावयंस-भूयाए ।
 रज्जंमि सुनंदा-नंदणं च ठविऊण बाहुवलिं ॥
 बंगंग-मगह-कुंकण-कुणाल-कुंतल-अवंति-पमुहाण ।
 सेस-सुयाणं दाऊण सेस-देसाण सामित्तं ॥
 सुरकय-निक्खमण-महो चउहिं सहस्सेहिं सह नरिंदाणं ।
 सामन्नं पडिवन्नो छट्ट-तवेणं रिसह-सामी ॥
 बाहुवलि-पुत्त-सोमप्पहस्स पुत्तेण वरिस-पज्जंते ।
 सेज्जंसेणिकखुरसं दाउं पाराविओ भयवं ॥
 सामी पवन्न-मोणो बहु-विह-देसेसु दंसणेणावि ।
 संजणइ भद्दगत्तं अणारियाणं पि विहरंतो ॥
 सो वरिस-सहस्संते वड-विडवि-तलंमि पुरिमताल-पुरे ।
 खविय-घणवाइ-कम्मो उप्पाडइ केवलं नाणं ॥
 अह आसण-कंपाओ मुणिऊण जिणिंद-केवलुप्पत्तिं ।
 निय-निय-परिवार-जुया सुरेसरा आगया सव्वे ॥
 चहु-विह-देवेहिं कयं साल-त्तय-सुंदरं सन्नोत्तरणं ।
 भावारिवार-विहुरिय-जगत्तय-त्ताण-दुग्गं व ॥
 तत्थ निसन्नो सामी उदय-गिरिंदे रवि व्व पुव्व-जुहो ।
 पडिविवाइं सुरेहिं कयाइं सेसासु तिसु दिसिसु ॥
 महि-निहिय-निडाल-यला नमिऊण जिणं पराइ भत्तीए ।
 सव्वे सुर-नर-निवहा निय-निय-ट्टाणेसु उवविट्ठा ॥
 एत्थंतरंमि पत्ता पडिहार-निवेइया दुवे पुरिसा ।
 जमग-समगाभिहाणा भरह-नरिंदस्स पासंमि ॥
 जमगेण जंपियं पुरिमताल-पुर-काणणंमि सगड-सुट्ठे ।
 लोयालोय-पयासं पडुणो नाणं ससुप्पन्नं ॥
 समगेण पुणो भणियं छक्खंड-मही-पसाहण-सहायं ।
 संपइ आउह-सालाइ चक्क-रयणं ससुप्पन्नं ॥
 पसरंत-पमोय-भरो भरहो चिंतइ करोमि किं पूयं ।
 तायस्स साहु-सारस्स चक्क-रयणस्स वा पडमं ॥
 अह कुरियं हियए तस्स कत्थ खुवणाभयंकरो ताओ ।

कथं च चक्रं संहार-कारणं पाणि-चक्रस्स ॥
 धिक्की ! मए अजुत्तं विन्नरिसियं अहह ! मोह-विवसोऽहं ।
 जं कप्प-हुम-धत्तूरयाण चिंतोमि तुल्लत्तं ॥
 एवं फुरिय-विवेगो करिम्मि आरोविऊण मरुदेविं ।
 चलिओ चउरंग-वलोह-रुद्ध-वित्संभरो भरहो ॥
 अह भरहो मरुदेविं जंपइ द्दुं समोसरण-रिद्धिं ।
 अम्मो ! तए रुयंतीइ जंपियं मह पुरो एवं ॥
 मह पुत्तो रज्ज-खुहं तणं व मुत्तुं अकिंचणो जाओ ।
 सीउण्ह-वाय-तण्हा-छुहा-हओ भमइ एगागी ॥
 तुत्ता मए पुण तुमं मणं पि मा अंव ! खेयमुव्वहसु ।
 अन्नस्स तारिसी नहि सुयस्स ते जारिसी रिद्धी ॥
 आसी न पच्चओ ते मह वयणे अंव ! एत्तियं कालं ।
 संपइ पेच्छ सुरेहिं विहियं पड्डुणो समोसरणं ॥
 पड्डु-वंदणागयाणं सुव्वइ तियसाण जयजयारावो ।
 पेच्छ सुरा पड्डु-पुरओ थुणंति नच्चंति गायंति ॥
 जा देवीए जाया नीली नयणेसु सामि-सोएण ।
 सा भरह-वयण-सवणे आणंद-जलेण अचणीया ॥
 ता पेच्छइ मरुदेवी सुयस्स तित्थयर-रिद्धिखुद्दामं ।
 तइंसण-हरिस-वसेण ज्ञत्ति सा तम्मया जाया ॥
 तत्तो अउव्व-करण-कमेण सा खवग-सेणिमारुढा ।
 कन्माइं अट्ट जुगवं निट्टविउं केवलं लहइ ॥
 सा करि-खंध-गय चिय सिद्धा अंतगड-केवली जाया ।
 तदेहन्नधिऊणं खित्तं तियसेहिं खीरोए ॥
 हरिस-विसाएहिं जुओ अंबभच्छायायवेहिं सरओ व्व ।
 भरहो विसुक्क-पत्थिव-चिंधो पविसइ समोसरणे ॥
 चउ-विह-सुर-परियरियं ति-पयाहिण-पुव्वयं जिणं नमिउं ।
 निय-ठाणंमि निविट्ठो भरहो पड्डु-देसणं सुणइ ॥
 दुलहणिणं मणुयत्तं विवाग-दुक्खावहं विसय-सुक्खं ।
 जीयं चलं च सुणिउं मुणि-धम्मं कुणह मुक्ख-कए ॥
 तं सोउं पडिक्कंति संजमं उसभसेण-पमुहाणं ।

पुत्ताणं पंचसयाईं सत्त नत्तुय-सयाईं च ॥
 बंधी-पमुहाओ साहुणीओ तह सावया भरह-पमुहा ।
 सुंदरि-पमुहाओ सावियाओ विहिया जिणिदेण ॥
 तो चउरासीईए साहूणं उसभसेण-पमुहाणं ।
 कहइ पहू उप्पाओ वओ धुवत्तं च तत्तं ति ॥
 तिन्नि-पयाईं लहिऊण ते वि विरयंति वारसंगाईं ।
 ते चुन्न-खेव-पुव्वं भयवं गणहर-पए ठबइ ॥
 पुण वि पहू सिहासणमारुहिउं ताण देइ अणुसट्ठिं ।
 पहु-देसणाइ अवही पडिपुत्ता पोरिसी ताव ॥
 तो आढय-प्पमाणो अखंड-कलम-कण-निम्मिओ विमलो ।
 सुर-खित्त-सुरहि-वासो निवेसिओ मणिमए धाले ॥
 घण-तूर-रवाऊरिय-दियंतरो तरुण-पुरिस-उक्खित्तो ।
 पविसेइ बली भरहेण कारिओ पुव्व-दारेण ॥
 दाउं पयाहिणं सो खित्तो पुरओ पहुस्स तिक्खुत्तो ।
 तस्सद्धं संगहियं तियसेहिं नहंगणे चेव ॥
 अद्धद्धं धरणि-गयं भरहो गिण्हेइ सेसजियर-जणो ।
 लोयस्स सव्व-रोगा पसमंति वलि-प्पभावेण ॥
 अह उट्ठिऊण भयवं उत्तर-दारेण निग्गओ तत्तो ।
 वीसमइ देवउंदे सुवन्न-पायार-मज्झ-गए ॥
 तो कहइ उसभसेणो धम्मं पहु-पायवीढ-विणिविट्ठो ।
 तम्मि कहणाउ विरए निय-निय-ठाणे जणा जंति ॥
 अह भविय-वग्ग-पडिवोहणत्थमन्नत्थ विहरिओ भयवं ।
 मोह-तमोह-निरोहं सहस्सरस्सि व्व कुण्णमाणो ॥
 भरहो गंतूण गिहं चक्कं पूएइ तं पि निक्खमइ ।
 पुव्वाभिसुहं चिट्ठइ दिणे दिणे जोयणं गंतुं ॥
 चक्काणुल्लग-लग्गो चउरंग-बलेण वच्चए चक्की ।
 साहइ सयलं भरहं वास-सहस्सेहिं सट्ठीए ॥
 पत्तो स-गिहं भरहो तणुयंणिं गिंभ-काल-सरियं व ।
 दट्ठूण सुंदरिं रोस-परवसो पुच्छए पुरिसे ॥
 किं मज्झ नत्थि अज्जवि जं एसा दुव्वला मिलाण-इही ।

पुरिसा भणंति—देवस्स अत्थि सक्कस्स व समग्गं ॥
 नवरं विसय-विरत्ता पडु-पासे आइमे समोसरणे ।
 पव्वज्जं गिण्हंती देवेण निवारिया एसा ॥
 तप्पभिइ कुणह आयंविलाहं भरहेण पुच्छिया तत्तो ।
 दिक्खं वेत्तुं वंछसि तुमं ति ?, एवं ति सा भणह ॥
 भरहेण अणुत्ताया सा दिक्खं गिण्हए पडु-समीवे ।
 तत्तो सहोयराणं दूया भरहेण पट्टविया ॥
 जइ रज्जं काउमणा तुम्मे ता कुणह भरह-पय-सेवं ।
 एवं भणिया दूएहिं ते वि मिलिऊण मंतंति ॥
 अम्हाणं भरहस्स य रज्जं ताएण विभइउं दिन्नं ।
 भरहो पुण दप्प-वसा अम्हे कारवइ निय-सेवं ॥
 ता किं तं सेवामो किं वा जुञ्जेण तं निराकरिमो ।
 इय पुच्छिऊण सामिं जं जुत्तं तं करीहामो ॥
 इत्थंतरंमि सामी अट्टावय-पव्वए समोसरिओ ।
 गंतूण इमे तं पणमिऊण पुच्छंति पुव्वुत्तं ॥
 भयवं जंपइ सेवह एकं सिव-सुक्ख-साहगं धम्मं ।
 इंदिय-सुहडे तइलुक्क-दुज्जए जिणह जुज्जेण ॥
 किं च पुरा न नियत्ता जा तण्हा तुम्ह तियस-सुकखेहिं ।
 अंगार-कारगस्स व नियत्तिही नर-सुहेहिं न सा ॥
 अंगार-कएऽरत्ते कोवि गओ सलिल-दिइ-पुडं वेत्तुं ।
 अंगारानल-त्तवणायवेहिं से वड्डिया तण्हा ॥
 सो पियइ दिइ-पुड-जलं सव्वं तेण वि अतुट्ट-तण्हो सो ।
 सुत्तो सुविणे गिह-गय-गग्गारि-नंदा-जलं पियइ ॥
 तो वावी-कूव-तडाग-सरि-ससुद्धान पाणियं पाउं ।
 निट्ठवइ सो समग्गं तह वि न से तुट्टए तण्हा ॥
 तो मरु-कूवे पत्तो तण-पूलं रज्जुवद्धमंडु-कए ।
 सो खिवइ कट्टिउं तं निच्चोयइ दूर-गलिय-जलं ॥
 सरि-साथर-पसुहाणं धिडलेहिं जलेहिं जा न हु नियत्ता ।
 सा किं पूल-जलेणं तुच्छेण नियत्तए तण्हा ॥

तह तुम्ह सुर-सुहेहिं अच्छिन्ना छिज्जिही न रज्जेण ।
 अक्खय-सुक्ख-निमित्तं ता जुज्झइ संजमो काउं ॥
 इय धम्म-देसणं ते सुणिऊण समुल्लसंत-संवेगा ।
 गिण्हंति पट्टु-समीवे अट्टाणवई वि पव्वज्जं ॥
 तं दट्ठूण चमक्खिय-मणेहिं दूएहिं कहिय-युत्तंतो ।
 भरहो तेसिं पुत्ते निवेसए तेसु रज्जेसु ॥
 भरहो सहा-निसत्तो सुसेण-सेणाहिवेण विन्नत्तो ।
 जिणिउं पि दिसा-चक्कं चक्कं पविसइ न देव ! पुरिं ॥
 भरहो जंपइ अज्ज वि अणिज्जिओ अत्थि को वि किं वीरो ।
 भणइ अमच्चो तुमए न को वि अजिओ जए अत्थि ॥
 किं तु कणिट्ठो भाया तुज्झ सुणंदाइ नंदणो अत्थि ।
 बाहुवलि त्ति पसिद्धो विवक्ख-वल-दलग-बाहु-वलो ॥
 तुमए अणिज्जिओ सो तेण न पविसइ पुरीइ चक्कमिणं ।
 ता हक्कारण-हेउं पेसिज्जउ इत्ति से दूओ ॥
 भत्तो व अभत्तो वा सो तुम्हं देव ! नज्जए जेण ।
 तत्तो सुवेग-नामा दूओ भरहेण पट्टविओ ॥
 गंतूण तेण वयणेहिं कोमलेहिं च निट्ठुरेहिं च ।
 चिर-दंसणूसुय-मणं पेच्छसु भरहं ति संलत्तो ॥
 दूय-वयणं न मन्नइ बाहुवली पवल-बाहु-वल-दप्पो ।
 तं विग्गहिउं भरहो चलिओ चउरंग-वल-कलिओ ॥
 तं सोउं बाहुवली वि पत्थिओ पत्थिवोह-परियरिओ ।
 मिलिया विमुक्क-मेरा ते पुव्वावर-समुद्व व्व ॥
 सुर-सिद्ध-जक्ख-विज्जाहरेहिं रुद्धं नहंगणं सयलं ।
 जायं जयं स-कंपं अकाल-कप्पंत-संकाए ॥
 तं असमंजसमालोइऊण तियसेहिं दो वि संलत्ता ।
 तिहुयण-पट्टुणो रिसहस्स नंदणा उत्तमा तुम्हे ॥
 ता उत्तमेण जुज्झइ जुद्धेण जण-खयं कुणह किमिमं ।
 पर-उवयार-परो च्चिय जम्हा गरुयाण आरंभो ॥
 तत्तो सुर-वयणाओ उत्तम-जुद्धेण दोवि जुज्झंति ।
 तियसा तह रायाणो ताण ठिया सक्खिणो सव्वे ॥

तेसि जुज्झंताणं दिट्ठि-गिरा-बाहु-सुट्ठी-लट्ठीहिं ।
 पवलेण बाहुवलिणा सव्वत्थ वि जिप्पए भरहो ॥
 भरहो विसन्न-चित्तो किमहं चक्खी नव त्ति चित्तेइ ।
 तो फुरिय-किरण-चक्कं भरहस्स करे चडइ चक्कं ॥
 बाहुवलिस्स वहत्थं तं सो मिल्हइ पयाहिणं दाउं ।
 चडइ पुण भरह-हत्थे चक्कं पहवइ न हि सगोत्ते ॥
 अह बाहुवली बुल्लइ अपेण चक्केण तुज्झ को दप्पो ।
 सबलं सचक्कमेक्को अहं तुमं चूरिउं सक्को ॥
 किं तु विसएहिं कज्जं न मज्झ जेसि कए मम पइत्तं ।
 लुंपसि तुमं विमूढो तेण उ मह बंधवा धन्ना ॥
 जे वज्जिऊण रज्जं पडिवन्ना ताय-मग्गमिय भणिउं ।
 उक्खणइ केस-पासं तणं व अह चित्तए एवं ॥
 किं जामि सामि-पासं अहवा पुव्वं पवन्न-दिक्खाण ।
 लहु-बंधवाण मज्झे मज्झ लहुत्तं धुवं होही ॥
 तत्तो लहिऊण इहेव केवलं पायमुक्खणिस्सामि ।
 इय चित्तिय पडिवन्नो पडिमं तत्थेव बाहुवली ॥
 अजिओ तुमं अहं पुण जिओ न एक्केण केवलं तुमए ।
 किं तु क्खत्ताएहि वि जो करेमि जुद्धं विसय-गिद्धो ॥
 इय जंपंतो तं पणमिऊण भरहो निवेसए रज्जे ।
 तस्स सुयं सोमपहं पच्छा गच्छइ निय-पुरीए ॥
 सीउण्ह-बुट्ठि-पवण-प्पसुहं दुसहं दुहं वि सहमाणो ।
 तत्थेव निराहारो बाहुवली वच्छरं गमइ ॥
 अह बंधी-सुंदरि-साहुणीओ पहु-पेलियाओ बाहुवलिं ।
 करि-खंधाख्खाणं न होइ नाणं ति जंपंति ॥
 तं सोउं सो चित्तइ माणो हत्थी अहं तमाद्धो ।
 तं सुत्तुं पहु-पासे जामि त्ति तओ चलइ जाव ॥
 ता तुट्ठ-घाइ-कम्मस्स जायए तस्स केवलं नाणं ।
 गंतुं सो पहु-पासे केवलि-परिसाइ विणिबिट्ठो ॥
 अह अन्न-दिणे भयवं अट्ठावय-पव्वए समोसरिओ ।
 भरहो गुरु-रिद्धीए पहु-नमणत्थं गओ तत्थ ॥

सो पणमिज्जण सामि कयंजली धम्म-देसणं सुणइ ।
 धम्म-कहा-पज्जंते गहिय-वए वंधवे दट्ठुं ॥
 स-विसाय-मणो चितइ घेत्तूण मए इत्ताण रज्जाइ ।
 किं साहियं हहा ! मे विसयामिस-लालसा-बुद्धी ॥
 बंधूहिं विणा भोए भुंजंतोहं धुवं गरहणिज्जो ।
 हकारिज्जण काए काओ वि हु भक्खए भक्खं ॥
 जइ पुण मह पुत्तेहिं एए भोए पुणो वि गिण्हंति ।
 तो भरहो पड्ड-पासे भोगेहिं निमंतए वंधू ॥
 भणइ पड्ड पुहवीसर ! सरलोसि सहोयरा इमे तुज्ज ।
 सुत्तूण सयं भोए पुण वि किमिच्छंति वंतं व ॥
 पंचहिं सगड-सएहिं भरहो आणाविज्जण आहारं ।
 पुण वि निमंतइ सब्बे वि साहुणो, तो भणइ भयवं ॥
 आंहाकम्मियमिणमाहडं च कप्पइ नरिंद ! न सुणीणं ।
 पुणरवि अकय-अकारिय-असणेण निमंतए भरहो ॥
 भणइ भयवं न कप्पइ इमं पि साहूण राय-पिंडो त्ति ।
 इय पड्डणा पडिसिद्धो भरहो जाओ विलक्ख-मणो ॥
 उवलक्खिउं विलक्खं भरहं पुच्छइ सुरेसरो सामि ।
 पत्तिज्जण कहसु भयवं ! अवग्गहो कइयिहो होइ ॥
 तो कहइ तित्थ-नाहो अवग्गहो पंचहा हवइ सक्क ! ।
 सुरवह-चक्कि-निवा-गारि-साहु-संदधि-भेएहिं ॥
 हरिणा वुत्तं मुणिणो विहरंति अवग्गहंमि जे मज्झ ।
 जिणनाह ! अणुत्ताओ मए नियावग्गहो तेसिं ॥
 चितेइ चक्कवट्ठी जइ वि न गहियं सुणीहिं मह किं पि ।
 तह वि हु होमि कयत्थो निययमवग्गहमणुत्ताविउं ॥
 तो पड्ड-पुरओ सक्को व्व कुणइ चक्की अवग्गहाणुत्तं ।
 पुच्छइ हरिं किमिणिणा कायव्वं भोयणेण मए ? ॥
 अह वागरियं हरिणा गुणुत्तराणं तुमं इमं देहि ।
 चितइ चक्की गिहिणो गुणुत्तरा सावया मज्झ ॥
 दायव्वमिणं तेसिं ति विउं सावगे भणइ चक्की ।
 मह मंदिरंमि तुम्भे निरंतरं भोयणं कुणह ॥

करिसण-वणिज्ज-पमुहं मुंचह निचं करेह सज्जायं ।
 पव्ह अउव्वं नाणं चिट्ठह धम्मैक्क-कय-चित्ता ॥
 वज्जरह मज्झ पुरओ जिओ तुमं वट्टए भयं जम्हा ।
 तम्हा माहण माहण तह चेव कुणंति ते सव्वं ॥
 तव्वयणं सुणिउं सो चित्तेइ जिओ अहं कसाएहिं ।
 तेहिं तो मज्झ भयं माहणिहं पाणिणो तत्तो ॥
 हा ! पावोहं विसएहिं मोहिओ इय खणं सुहं ज्ञाणं ।
 होइ भरहस्स पच्छा पुणो वि सो सज्जए रज्जे ॥
 अह विज्जवंति भरहं सुआरा नज्जए नहि विसैसो ।
 सावग-असावगाणं कुणइ परिकखं भणइ भरहो ॥
 ते वि हु विहिय-परिकखे चक्कहरो कागिणीए लच्छेइ ।
 एए रयण-त्तय-भूसिय त्ति रेहातिगं काउं ॥
 छेइ छेइ मासे परिकिखया कागिणीइ कय-चिंधा ।
 भुंजंति, तथा माहण-भणणाओ माहणा जाया ॥
 इय गुरु-वागरियं भरह-वरियनायन्निउं कुणइ राया ।
 जह मह भिक्खा न मुणीण कप्पए राय-पिंडो त्ति ॥
 तत्तो भरहो व्व अहं पि भोयणं सावगाण वियरेमि ।
 गुरुणा वुत्तं जुत्तं अपुसरिउं उत्तम-चरित्तं ॥
 अह कारावइ राया कण-कोट्टागार-घय-घरोवेयं ।
 सत्तागारं गरुयाइ भूसियं भोयण-सहाए ॥
 तस्सासन्ने रत्ता कारविया वियड-तुंग-वरसाला ।
 जिण-धम्म-हत्थि-साला पोसह-साला अइविसाला ॥
 तत्थ सिरिम्माल-कुल-नह-निसि-नाहो नेमिणाग-अंगरुहो ।
 अभयकुमारो सेट्ठी कओ अहिट्ठायगो रत्ता ॥
 इत्थंतरंमि कवि-चक्कवट्ठि-सिरिवाल-रोहण-भवेण ।
 बुहयण-चूडामणिणा पयंपियं सिद्धवालेण ॥
 देव-गुरु-पूयण-परो परोवयारुज्जओ दया-पवरो ।
 दक्खो दक्खिन्न-निही सच्चो सरलासओ एत्तो ॥

किञ्च—

किञ्च तोयनिधिस्तले मणिगणं रत्नोत्करं रोहणो

रेण्वावृत्त्य सुवर्णमात्मनि दृढं बद्धा सुवर्णाचलः ।
 क्षमामध्ये च धनं निधाय धनदो विभ्यत्परेभ्यः स्थितः
 किं स्यात्तैः कृपणैः समोऽयमखिलार्थिभ्यः स्वमर्थं ददत् ॥
 ता जुत्तं देव ! कथं तुमए जं इत्थ धम्म-ठाणंमि ।
 अभयकुमारो सेट्ठी एसो सच्चैसरो विहिओ ॥
 घय-कूर-सुग्ग-संडग-वंजण-वडयाइ-कय-चमकारं ।
 सकार-पुव्वगं सावघाण सो भोयणं देइ ॥
 वत्थाइं पसत्थाइं कुट्टं-व-नित्थारणत्थमत्थं च ।
 एवं सत्तागारं कथं नरिंदेण जिण-धम्मे ॥

इति सत्रागारवक्तव्यतायां भरत-कथा ।

इय जीव-दया-हेउं संसार-समुद्द-संतरण-सेउं ।
 दाणं मोक्ख-निदाणं कहिऊग गुरु भणइ एवं ॥
 जीव-दयं काउमणो मणुओ सीलं नरिंद ! पालिज्ज ।
 जम्हा जिणेहिं भणिओ मेहुण-सत्ताइ जीव-वहो ॥
 रमणीण संगमे होइ मेहुणं तं घणं विणा न हवे ।
 होइ घणं आरंभाओ तत्थ पुण नत्थि जीव-दया ॥
 अगणिय-कज्जाकज्जा निरग्गला गलिय-उभय-लोय-भया ।
 मेहुण-पसत्त-चित्ता किं पावं जं न कुव्वं ति ॥
 जलणो वि जलं जलही वि गोपयं पव्वओ वि सम-भूमी ।
 भुयगो वि होइ माला विसं पि अमयं सुसीलाण ॥
 आणं ताण कुणंति जोडिय-करा दास व्व सव्वे सुरा
 मायंगाहि-जलग्गि-सीह-पसुहा वट्ठंति ताणं वसे ।
 हुज्जा ताण कुओ वि नो परिभवो सग्गापवग्ग-सिरी
 ताणं पाणि-तलं उवेइ विमलं सीलं न लुंपंति जे ॥
 विप्फुरइ ताण कित्ती लहंति ते सग्ग-मोक्ख-सुवखाइं ।
 सीलं ससंक-विमलं जे सीलवइ व्व पालंति ॥

तं जहा—

इत्थेव जंबुदीवे भारह-वासंमि वासवपुरं व ।
 कय-विबुह-जणाणंदं नंदणपुरमत्थि वर-नयरं ॥

पडिहय-पडिवक्ख-बलो हरि व्व अरि-महणो तहिं राया ।
 गुण-रयण-निही रयणायरु त्ति सिट्ठी तहिं अत्थि ॥
 तस्स सिरीनाम-पिया रूव-गुणेणं सिरि व्व पक्कखा ।
 तीए न अत्थि पुत्तो तेण दढं तम्मए सेट्ठी ॥

अत्रया भणिओ भज्जाए—अज्जउत्त ! अत्थि इत्येव नयख्जाणे अजिय-
 जिणिंद-मंदिर-डुवार-देसे अजियत्रला देवया अपुत्ताण पुत्तं, अविज्जाण विज्जं,
 अरज्जाण रज्जं, अविज्जाण विज्जं, असुक्खाण सुक्खं, अवक्खूण चक्खुं, सरो-
 याण रोय-क्खयं देइ एसा । कयं सेट्ठिणा तीए ओवाइयं। कमेण जाओ पुत्तो ।
 तस्स कयं 'अजियसेणो'त्ति नामं । जाओ जिणधरुज्जुओ सिट्ठी । जणय-
 मणोरहेहिं सह वड्ढिओ अजियसेणो । सिविज्जय-कला-कलावो लावत्त-
 लच्छि-पुच्चं पवत्तो तारुत्तं । तस्स य सयल-जणव्भहिंए रूवाइ-गुणे पिच्छिज्जाण
 चित्तियं सेट्ठिणा—जइ एस मह नंदणो निय-गुणाणुरूवं कलत्तं न लहइ ता
 इमस्स अकयत्था गुणा ।

जओ—

सामी अविसेसन्नू अविणीओ परियणो पर-वसत्तं ।

भज्जा य अणणुरूवा चत्तारि मणस्स सल्लाइं ॥

इत्थंतरे आगओ एगो वाणिउत्तो । पणमिज्जाण सिट्ठिं निविट्ठो समीवे ।
 पुट्ठो य सेट्ठिणा ववहार-सक्खं । कहियं तेण सव्वं । अन्नं च, तुहाएसेण गओहं
 कयंगलाए नयरीए । जाओ मे जिणदत्त-सिट्ठिणा समं ववहारो । निमत्तिओ
 ऽहं तेण भोयणत्थं । दिट्ठा मए तग्गिहे चंदकतेणं वयणेणं पओमराएहिं हत्थ-
 पाएहिं पवालेणं अहरेणं दिप्पमाणेहिं रयणेहिं रयएणं नियवेणं सुव्वेणं अंगेणं
 मयण-महाराय-भंडार-मंजूस व्व संचारिणी एगा कन्नगा । पुट्ठो मए सिट्ठी का
 एस त्ति । सिट्ठिणा वुत्तं भइ ! मह धूया-मिसेण सुत्तिमई एसा चित्ता ।

जओ—

किं लट्ठं लहिही वरं पिथयमं किं तस्स संपज्जिही

किं लोयं ससुराइयं निय-गुण-ग्गामेण रंजिस्सए ।

किं सीलं परिपालिही पसविही किं पुत्तमेवं धुवं

चित्ता सुत्तिमई पिज्जाण भवणे संवट्टए कन्नगा ॥

एसा य सरीर-सुंदरिम-दलिय-देव-रमणी-मडप्पा अणप्प-गुण-सोहिया
 हियाहिय-वियार-कुसला सलाहणिज्ज-सीला सीलमइ त्ति गुण-निप्पत्त नाजा

वालत्तणओ वि पुव्व-कय-सुकय-वसेण सउण-रुय-पज्जंताहिं कलाहिं सहीहिं
 व पडिबन्ना । इमीए अणुख्वं वरं अलहंतस्स मे अचंतं चिंता । अओ मए एसा
 वि चिंतं त्ति वुत्ता । मए भणियं सिट्ठि ! मा संतप्प, अत्थि नंदणपुरे रयणायर-
 सिट्ठिणो विसिद्ध-ख्वाइ-गुणो, पुत्तो अजियसेणो सो तुह धूआए अणुख्वो वरो
 त्ति । जिणदत्तेण वुत्तं भइ ! तुमए मे महंत-चिंता-समुद्द-मग्गस्स पवर-वरो-
 वएस-वोहित्थेण नित्थारो कओ त्ति भणिऊण तेण अजियसेणात्त सीलमइं
 दाउं पेसिओ जिणसेहरो निय-पुत्तो मए समं । सो इहागओ चिट्ठइ । ता जहा
 जुत्तमाइसउ सिट्ठी । जुत्तं कयं तुमए त्ति भणिऊण हक्काराविओ जिणसेहरो
 सिट्ठिणा । सगोरवं दिन्ना तेण अजियसेणस्स सीलमइं । अजियसेणेणाधि तेणेव
 सह गंतूण कयंगलाए परिणीया सीलमइं । धित्तूण तं आगओ स-नयरं अजि-
 यसेणो । भुंजए भोए । अन्नया मज्झ-रत्ते घडं धित्तूण गिहाओ निग्गया
 सीलमइं । क्कित्थिय-वेलाए आगया दिट्ठा ससुरेण । चिंतियं नूणं एसा कुसील
 त्ति गोसे गहिणी-समक्खं वुत्तो पुत्तो वत्थ ! तुहेसा धरिणी कुसीला, जओ
 अज्ज मज्झ-रत्ते निग्गंतूण कत्थवि गया आसि, ता एसा न जुज्जइ
 गिहे धरिउं ।

जओ—

घण-रसं-वसओ उम्मग्ग-गामिणी भग्ग-गुण-दुमा कलुसा ।

महिला दो वि कुलाइं कूलाइं नइ व्व पाडेइ ॥

ता पराणेमि एयं पिइ-हरं । पुत्तेण वुत्तं—ताय ! जं जुत्तं तं करेसु ।

भणिया बहुया—भइ ! आगओ 'सीलवइं' सीग्घं पेसिज्जसु त्ति तुह जणय-
 संदेसओ । ता चलसु जेण तुमं सयं पराणेमि । सा वि 'रयणि-निग्गमणेण
 ममं कुसीलं संकमाणो एवमाइसइ ससुरो, पिच्छामि ताव एयं पिप्पि चिंति-
 ऊण चलिया रहारुढेण सिट्ठिणा समं । वचंतो सेट्ठी पत्तो नइं । सेट्ठिणा
 वुत्ता वइ—पाणहाओ मुत्तूण नइं ओयरसु । तीए न मुक्काओ ताओ । सेट्ठिणा
 चिंतियं अधिणीय त्ति । अग्गओ दिट्ठं पढम-वत्ता-पइन्नं अचंत-फलियं मुग्ग-
 खेत्तं । सेट्ठिणा भणियं—अहो ! सुफलियं मुग्ग-खेत्तं । सव्व-संपया खेत्त-
 सामिणो । तीए भणियं एवभेयं, जइ न खडं ति । सेट्ठिणा चिंतियं अक्खयं
 पेक्खंती वि खडं ति अक्खइ । अओ असंवद्ध-प्पलाविणी एसा । गओ एगं
 सामिद्ध-पमुइय-जण-संजुलं नगरं । सेट्ठिणा भणियं अहो ! रम्मत्तणं इवस्स ।
 तीए भणियं जइ न उव्वसं ति । सेट्ठिणा चिंतियं उल्लंठ-भासिणी इमा ।

अगगओ गच्छंतेण सेट्टिणा दिट्ठो पख्खाणेग-प्पहारो पहरण-करो कुल-पुत्तओ ।
 सेट्टिणा वुत्तं—अहो ! सूरु एस पुरिसो । बहूए वुत्तं अत्थि ताव कुट्ठिओ ।
 सेट्टिणा चिंतियं किं न सूरु जो सत्थेहिं कुट्ठिज्जह, परं अजुत्त-जंपिरी इजा ।
 गओ अगगओ नग्गोह-तले वीसंतो सेट्टी । बहू उण नग्गोह-च्छायं छट्ठिज्जण
 ठिया दूरे । सेट्टिणा भणियं अच्छसु छायाए, न तत्थ ठिया । सेट्टिणा
 चिंतियं सब्बहा विवरीय त्ति । पत्तो गाममेकं । बहूए वुत्तो सेट्टी, एत्थ अत्थि
 मे माउलगो तं जाव पेच्छामि ताव तुम्भे पडिवालेह त्ति गया सा मज्झे ।
 दिट्ठा माउलगेण ससंभमं भणिया वच्छे ! कत्थ पत्थियासि ? । तीए भणियं—
 ससुरेण सह पिहहरं पत्थियस्मि । तेण भणियं कत्थ ते ससुरो ? । तीए वुत्तं
 वाहिं चिट्ठह । गंतूण माउलेण हक्कारिओ सायरं सेट्टी । सकसाउ त्ति अणि-
 च्छंतो वि नीओ निव्वंघेण गेहं । भोयणं काऊण आगओ वाहिं । मज्झप्पह-
 सजओ त्ति वीसमिओ रहव्वंभंतरे । सीलमई वि निसच्चा रह-च्छायाए । एत्थं-
 तरे करीर-त्थंवावलंबी पुणो पुणो वासए वायसो । भणियं अणाए—अरे !
 काय ! किं न थक्कसि करयरंतो ।

एके दुन्नय जे कया तेहिं नीहरिय घरस्स ।

बीजा दुन्नय जह करउं तो न मिलउं पियरस्स ॥

सुयमिणं सेट्टिणा भणिया सा—वच्छे ! किमेवं जंपसि ? बहूए भणियं
 न किंचि । सेट्टिणा भणियं—कहं न किंचि । वायससुद्धिसिज्जण ‘एके दुन्नय’
 त्ति जं पढियं तं साहिप्पायं । बहूए वुत्तं—जह एवं ता सुणेउ ताओ ।

सोरब्भ-गुणेणं छेय-घरिसणार्हणि चंदणं लहइ ।

राग-गुणेणं पावइ खंडण-कठणाइं मंजिट्ठा ॥

एवं ममावि गुणो सत्तू संजाओ । जओ—सयल-कला-सिरोमणि-भूर्यं
 सउण-रुयं अहं सुणेमि । तओ अहंकांत-दिण-रयणीए सिवाए वासंतीए
 साहियं, जहा—नईए पूरेण वुब्भलोणं मडयं कट्ठिज्जण सयं आहरणाणि
 गिणहत्तु । मम भक्खं तं खिवसु । इमं सोऊण गयाहं वेत्तूण घडगं । तं हियए
 दाऊण पविट्ठा नइं । कट्ठियं मडयं । गहियाणि आभरणाणि । खित्तं सिवं
 सिवाए । आगया अहं गिहं । आभरणाणि घडए खिविज्जण निखियाणि खोणीए
 एवं एक-दुन्नयस्स पभावेण पत्ता एत्तियं भूमिं । संपयं तु वासंतो वायसो
 कहइ, जहा—एयस्स करीर-त्थंवस्स हेट्ठा दस-सुवण्ण-लक्ख-प्पमाणं निहाण-
 नत्थि त्तं वेत्तूण मम करंबयं देसु त्ति । इमं सोऊण सहसा उट्ठिओ सेट्टी

भणइ—वच्छे ! संबभेयं ? बहूए जंपियं—किं अलियं जंपिज्जए ताय-पायाणं पुरओ । अहवा हत्थत्थे कंकणे किं दप्पणेणं ति निहालेउ ताओ । तओ तत्थेव ठिओ सेट्ठी गहियं निहाणं रयणीए । अहो ! मुत्तिमंती इमा लच्छि स्ति जाय बहु-माणो बहुं रहे आरोविऊण नियत्तो सेट्ठी । पत्तो नग्गोहं । पुच्छए बहुं—किं न तुमं इमस्स छायाए ठिया ? बहूए अक्खियं—ख्व ख-सूले अहि-दंसाइ-भयं, चिरासणे चोराइ-भयं, हेट्ठओ काग-वगाइ-विट्ठा-पडण-भयं, दूर-ट्टियाणं तु न सब्बभेयं । पुणो पुट्ठं सेट्ठिणा सूरमुद्दिस्स—अत्थि ताव कुट्ठिओ स्ति तए जंपियस्स को परमत्थो ? तीए वुत्तं—नहि कुट्ठिओ स्ति सूरु, किंतु पढमं जो न पहरइ । नगरं दट्ठूण सेट्ठिणा वुत्तं—कहमेयसुव्वसं ? तीए वुत्तं—जत्थ नत्थि सयणो सागय-पडिदत्ति-कारओ तं कहं वसिमं । खेत्तं दट्ठूण सेट्ठिणा पुट्ठं—कहमेयं खद्धं ति ? तीए वुत्तं—ववहरगाओ दब्बं वुट्ठीए कहिऊण खेत-सामिणा खद्धं ति खद्धं । नइं दट्ठूण भणियं सेट्ठिणा—किं तए नईए पाणहाओ न मुक्काओ ? तीए जंपियं—जल-मज्झे कीड-कंटगाइ न दीसइ स्ति । पत्तो गिहं सेट्ठी । दंसियाइं तीए महि-निहित्ताहरणाइं । तुट्ठेण सेट्ठिणा भज्जाए सुयस्स सब्बं कहिऊण कया सा धर-सामिणी ।

अह जीवियस्स तरलत्तणेण पंचत्तमुवगओ सेट्ठी ।

निहणं गया सहयरी सिरी वि छाय व्व तच्चिरहे ॥

अजियसेणो वि जिण-धम्म-परो कालं बोलेइ । अन्नया अरिमहण-नरिंदो एगूण-पंच-सयाणं मंतीणं पहाणं मंतिं मग्गेमाणो नायरए पत्तेयं पुच्छइ—भो ! भो ! जो मं पाएण पहाणइ तस्स किं कीरइ ? ते वि अविज्जाय-परमत्था जंपंति—देव ! किमन्नं सारीरो निग्गहो कीरइ । पुच्छिओ अजियसेणो । तेण वुत्तं—परिभापिऊण कहिस्सं । गिहागएण पुच्छिया तस्सुत्तरं सीलवई । तीए चउव्विह-वुद्धि-उत्ताए जंपियं जहा—तस्स महंतो सकारो कीरइ । भत्तुणा भणियं—कहमेयं ? तीए वुत्तं—बल्लहाए विणा नत्थि अन्नस्स रायाणं पाएण पहाणेमि स्ति चित्तिउं पि जोग्गया, किं पुण पहाणिउं । तओ गओ सो राय-सहाए, कहियं पुव्वुत्तं । तुट्ठो राया । कओ अणेण सब्ब-मंतीण सिरोमणी सो । अन्नया रत्तो विउत्थिओ सीहरहो पंचंतो राया । तस्सोवरिं चलंत-जय-गल-मय-जलासार-सित्त-महि-यलो तरल-तुरय-खुल्लखय-खोणि-रेणु-धण-पडल-पूरिय-नहंणो संचरंत-रह-धवल-धयवडाया-वलाय-पंति-मणोहरो गहि-खज्जिराउज्ज-गज्जि-जज्जरिय-वंभंड-भंडोयरो नव-पाउसु व्व पलिओ राया ।

अजियसेणो वि दिहो सीलमईए चिंताउरो । पुच्छिओ चिंताए कारणं ।
तेण बुत्तं—गंतव्वं मए रत्ता समं । तुमं वेत्तूण वचंतस्स मे गिहं सुत्तं । तथा
जइ वि तुमं अक्खलिय-सीला तहवि एगागिणीं गिहे मुत्तूण वचंतस्स मे न
मण-निव्वुई । अओ चिंताउरोम्हि । तीए बुत्तं—

जलणो वि होइ सिसिरो रवी वि उग्गमइ पच्छिम-दिसाए ।
मेरु-सिहरं पि कंपइ उच्छलइ धरणि-वीढं पि ॥
जायइ पवणो वि थिरो मिल्हइ जलही वि नियय-मज्जायं ।
तहवि मह सील-भंगं सक्को वि न सक्कए काउं ॥
तहवि तुमं मण-निव्वुइ-हेउं गिहसु इमं कुसुम-मालं ।
मह सील-पभावेणं अमिलाण चिय इमा ठाही ॥
जइ पुण मिलाइ तो सील-खंडणं निम्मियं ति जंपंती ।
सा खिबइ निय-करेहिं पइणो कंठे कुसुम-मालं ॥
तो अजियसेण-मंती सीलमइं मंदिंरंमि मुत्तूण ।
निव्वुय-चित्तो चलिओ सह अरिमइण-नरिंदेण ॥
अणवरय-पयाणेहिं तम्मि पएसंमि नरवई पत्तो ।
जत्थ न हवंति कुसुमाइं जाइ-सयवत्तियाईणि ॥
दइण कुसुम-मालं अमिलाणं अजियसेण-कंठंमि ।
तं भणइ निवो कत्तो तुह अमिलाणा कुसुम-माला ॥
अच्छरियमिणं गरुयं मए गवेसावियाइं सव्वत्थ ।
निय-पुरिसे पइविउं तहवि न पत्ताइं कुसुमाइं ॥
जंपइ मंती जइ सह पियाइ पत्थाण-वासरे खित्ता ।
स चिय माला न मिलाइ तीइ सील-प्पभावेण ॥
तं सोउं नरनाहो विम्हिय-हियओ गए अजियसेणे ।
निय-नम्म-मंति-मण्डलमालवइ वियार-सारमिणं ॥
जं अजियसेण-सखिवेण जंपियं तं किमित्थ संभवइ ।
कामंजुरेण बुत्तं कत्तो सीलं महिलियाणं ॥
ललियंगएण भणियं सच्चं कामंजुरो भणइ एयं ।
रइ-केलिणा पलित्तं देवस्स किमित्थ संदेहो ॥
भणियमसोगेणं पइवेसु मं देव! जेण सीलमइं ।
वियलिय-सीलं काउं देवस्स हरामि संदेहं ॥

तो नरवङ्गणा एसो आइटो अप्पिऊण बहु दव्वं ।
 पत्तो य नंदणपुरे सीलमईए गिहासत्ते ॥
 गिह्णइ गरुयं गेहं कंठ-पघोलंत-पंचमुग्गारो ।
 कित्तर-गीयाणुगुणं गायइ गीयं गवक्ख-गओ ॥
 पयडिय-उज्जल-वेसो पलोयए साणुराय-दिट्ठीए ।
 निच्चं पयासए चाय-भोय-दुलल्लियमप्पाणं ॥
 एवं बहु-प्पयारे कुणइ वियारे इमो तओ एसा ।
 चित्तइ नूणं मह सील-खलणमिच्छइ इमो काउं ॥
 फणि-फण-रयणुक्खणणं व जलण-जालावली-क्खलणं व ।
 केसरि-केसर-गहणं व दुक्करं तं न सुणइ जडो ॥

पिच्छामि ताव कोउगं ति विचिंतिऊण पयट्टा तं पलोइउं । असो गो वि
 सिद्धं मे समीहियं ति मन्नंतो पट्टवेइ दूहं । भणिया तीए सीलमई—भदे ! कुसुमं
 व थेव-काल-मणहरं जुवणं । ता इमं विसय-सेवणेण सहलं काउं जुत्तं । भत्ता
 य तुह रत्ता समं गओ । एसो य सुहओ तुमं पत्थेइ । तीए चित्तियं सु-हओ
 त्ति सुहु-हओ वराओ जो एरिसे पावे पयट्टइ । दूईए भणियं ।

पसयच्छि ! पसीयसु मयण-जलण-जाला-कलाव-संतत्तं ।
 निय-अंग-संगमामय-रत्तेण निव्ववसु मम गत्तं ॥
 सीलमईए वुत्तं—जुत्तमिणं, किं तु पर-पुरिस-संगो ।
 कुल-महिलाण अजुत्तो दव्व-पसंगं व्व साहूणं ॥
 नवरं इमो वि कीरइ जइ लब्भइ मग्गियं धणं कहवि ।
 उच्चिट्टं पि हु भत्तं भक्खिज्जइ नेह-लोहेण ॥
 तीए वुत्तं—मग्गसि कित्तियमित्तं धणं तुमं भदे ! ।
 सीलमई जंपइ अद्ध-लक्खमिहिं समप्पेउ ॥
 गहिऊण अद्ध-लक्खं निसाइ पंचम-दिणे सयं एउ ।
 जेण अपुव्वं वियरेमि रह-सुहं तस्स सुहयस्स ॥

तीए य कहियमेयं असोगस्स । तेणावि समप्पियं अद्ध-लक्खं । सीलम-
 ईए वि गूढ-ओयरए पच्छन्न-पुरिसेहिं खणाविया खड्डा । ठाविया तीए उवरि
 वर-वत्थ-पच्छाइया अजुणिया खट्टा । पंचम-दिण-रयणीए दाऊण अद्ध-लक्खं
 आगओ असो गो । निविट्ठो खट्टाए । धस त्ति निवडिओ खड्डाए । सीलमई
 वि द्याए तस्स दिणे दिणे दोर-वद्ध-सरावेण भोयणं देइ । पुत्ते य मासे रत्ता

भणिया नम्म-मंतिणे—किं नागओ असोगो? । तेहिं बुत्तं नयाणीयइ कारणं । रइकेलिणा बुत्तं देह ममाएसं जेणाहं साहेमि सिग्घं चेव चिंति-यत्थं । रत्ता बहु-द्वं अप्पिऊण विसज्जिओ सो । आगओ नयरे । सो वि लक्खं दाऊण तहेव निचिट्ठो खट्टाए, पडिओ खट्टाए । एवं ललियंगय-कांगंजुरा वि लक्खं दाऊण पडिया खट्टाए । असोग-कमेण चेव स-सोगा चिट्ठंति । अरिअइण-नरिंदो वि वसीकाऊण सीहरहं समागओ निय-नयरं । भणिया सीलमई कामंजुराईहिं—

जे अप्पणो परस्स य सत्तिं न मुणांति माणवा मूढा ।

यर-सीलवंति ! जं ते लहंति तं लद्धमन्हेहिं ॥

ता दिट्ठं तुह माहप्पं, सिद्धा अम्हे । करेहि पसायं । नीसारेहि एक-वारं नरयाओ व्व विसमाओ इमाओ अगडाओ । तीए बुत्तं—एवं करिस्सं, जह मह वयणं करेह । तेहिं बुत्तं समाइससु जं कायव्वं । तीए बुत्तं—जयाऽहं एवं होउ त्ति भणेमि, तथा तुग्गेहिं पि एवं होउ त्ति वत्तव्वं । पडिवन्नणेहिं । तीए बुत्तो मंती—निमंतेसु रायाणं । तेण तहेव कयं । आगओ राया । कया पडिवत्ती । तीए य पच्छन्नं कया भोयणाइ-सामग्गी । रत्ता चिंतियं—विमं-तिओऽहं ताव न दीसए भोयणोवक्कमो को वि । ता किमेयंति? । तीए य खट्टाए काऊण कुसुमाईहिं पूयं, भणियं—भो ! भो ! जक्खा ! रसवई सव्वा वि होउ; तेहिं भणियं 'एवं होउ'त्ति । तओ आगया रसवई । रत्ता कयं भोयणं । तओ पुव्व-पडणी-कयाइं तंवल-कुल्ल-विलेवण-वत्थाहरणाइं ताइं च चत्तारि लक्खाइं इच्चाइं सव्वं पि होउ त्ति तीए जंपिए खट्टागएहिं जंपियं 'एवं होउ'त्ति । सव्वं दुक्कं समप्पियं रत्तो । चिंतियं रत्ता—अहो ! अउव्वा सिद्धिं जं खट्टा-समुट्टिए वयणेणंतरमेव सव्वं संपज्जइ त्ति । विट्ठिय-मणेण पुट्टा सीलमई—भदे ! किमेयसच्छेरयं? तीए बुत्तं—देव ! मह सिद्धा चिट्ठंति चत्तारि जक्खा ते सव्वं संपाडंति । रत्ता बुत्तं—समप्पेहि मे जक्खे । तीए बुत्तं देव ! गिण्हेसु । तुट्टो राया गओ नियावासं । तीए वि ते चच्चिया चंदणेण, अच्चिया कुसुमेहिं, चउसु चुल्लगोसु चत्तारि वि चित्ता, सगडेसु आरोपिऊण वजंतेहिं तूरेहिं नीया रायभवणं संजाए । पभाए य अज्ज जक्खा भोयणाइं दाहिंति त्ति निवारिया रत्ता सूयाराइणो । भोयण-समए य सयं कुसुमाईहिं पूइऊण चुल्लगाइं भणियं 'रसवई होउ' चुल्लग-गएहिं बुत्तं 'एवं होउ' त्ति जाव न किं पि होइ, रत्ता विलक्ख-वयणेण उग्घाडियाइं

बुल्लगाहं । दिट्टा बुहा-सुसियत्तणेण पणट्ट-मंस-सोणिया फुडोवलखिज्जमाण-
अट्टि-संचया पयड-दीसंत-नसा-जाला गिरि-कंदर-सोयरोयरा खान-कवोला
मिलाण-लोयणा असंसत्त-सीय-वायत्तणेण विच्छाय-काय-च्छविणो विसर-
चित्ता पयाव-चत्ता चत्तारि जणा । अहो ! न हुंति एए जक्खा, किं तु रक्खस
त्ति भणंतो भणिओ अणेहिं राया—देव ! न जक्खा, न रक्खसा अम्हे, किंतु
कामंजुराहणो तुह वयंसय त्ति जंपंता पडिया पाएसु । रत्ता वि सम्मं निस्स-
तेण उवलक्खिज्जण भणिया स-विम्हयं भद्दा ! कहं तुम्हाणमेरिसी अवत्था
जाया । तेहिं पि कहिओ जहावित्तो बुत्तंतो । हक्कारिज्जण रत्ता—अहो ! ते
बुद्धि-कोसल्लं, अहो ! ते सील-पालण-पयत्तो, अहो ! ते उभय-लोय-भयालो-
यण-प्पहाणय त्ति सलाहिया सीलमई । बुत्तं च अभिलाण-कुलुम-माला-इंस-
णेण पयडं पि ते सील-माहप्पं असहंतेण मए चेव इमे पट्टविया, ता न कायव्वो
कोवो त्ति खमाविया । तीए वि धम्मं कहिज्जण पडिवोहिओ राया । राय-नम्म-
सचिवा य कराविया सव्वे पर-दार-निधिंति । रत्ता य सक्कारिया सीलमई ।
गया सट्ठाणं । अन्नया आगओ गंध-गओ व्व कलहेहिं परिगओ सम्णेहिं
चउनाणी दमघोसो आयरियो । गओ तस्स वंदणत्थं समं सीलमईए अजि-
यसेणो । वंदिज्जण गुहं निविट्ठो पुरओ । भणिया गुरुणा सीलमई—भद्दे !
धत्ता तुमं पुव्व-भवन्भासाओ चेव ते सील-परिपालण-पयत्तो । मंतिणा
बुत्तं—भयवं ! कहमेयं ति ? वागरियं गुरुणा—कुसमउरे नयरे कुसलापुट्टाण-
लालसो पाव-कम्म-करणालसो सुलसो सावओ । तस्स सुजसा भज्जा ताण
धरे पयड-भद्दओ दुग्गओ कम्मयरो । दुग्गिला से धरिणी । कयाइ सुजसाए
समं गया दुग्गिला साहुणीणं सयासं । कया सुजसाए तत्थ सथित्थरं पुत्थय
पूया पसत्थ-वत्थ-कुसुमाईहिं । वंदिया चंदणा पवत्तिणी । विहीयं उववास-पव-
क्खाणं । पणमिज्जण पुच्छिया दुग्गिलाए पवत्तिणी—भयवइ ! किमज्ज एवं
भणियं भयवईए—अज्ज सिय-पंचमी सुय-तिहि त्ति सा जिण-मए सन्न
क्खाया । एयाइ नाण-पूया तवो य जह-सत्ति कायव्वो ।

इह पुत्थयाहं जे वत्थ-गंध-कुसुमुच्चएहिं अचंति ।

ढोयंति ताण पुरओ नेवज्जं दीवयं दिंति ॥

सत्तीए कुणंति तवं ते हुंति विमुद्ध-बुद्धि-संपत्ता ।

सोहग्गाइ-गुणड्ढा सव्वहु-पयं च पावंति ॥

तो दुग्गिलाइ बुत्तं धत्ता मह सामिणी इमा सुजसा ।

अत्थि तवे सामत्थं जीए घम्मत्थमत्थो य ॥
 अन्हारिसो उण जणो अधणो तव-करण-सत्ति-रहिओ य ।
 किं कुणउ मंदभग्गो पवत्तिणीए तओ भणियं ॥
 सत्तीए चाग-त्तवो करेसु सीलं तु अप्प-वसमेयं ।
 पर-नर-निवित्ति-रुवं जावजीवं तुमं धरसु ॥
 अट्ठमि-चउद्दसीसु य तिहीसु तह निय-पइं पि वज्जिज्जा ।
 एयं कयंमि भद्दे ! तुमं पि पाविहिंसि कल्लाणं ॥
 पडिक्कमिमं तीए मज्जंतीए कयत्थमप्पाणं ।
 गेहं गयाइ कहियं निय-पइणो सो वि तं सोउं ॥
 तुट्ठ-मणो बहु मन्नइ तए फलं जीवियस्स पत्तं ति ।
 भणइ य अओ परमहं काहं पर-दार-परिहारं ॥
 पव्व-तिहिंसु इमासु य विरइस्सं निय-कलत्त-नियमं पि ।
 इय कय-नियमेहिं कमेण तेहिं पत्तं च सम्मत्तं ॥
 अह दुग्गिला विसैसुल्लसंत-सद्धा सयं तवं काउं ।
 पूएइ पुत्थएसु य तिहीसु तदियह-विस्तीए ॥
 कालेण दो वि मरिउं सोहम्मे सुर-वरत्तणं लहिउं ।
 चहज्जण दुग्ग-जीवो जाओसि तुमं अजियसेणो ॥
 एसा य दुग्गिला तुह सीलमई भारिया समुपत्ता ।
 नाणाराहण-वसओ विसिट्ठ-मइ-भायणं जाया ॥
 तो जाय-जाईसरणेहिं तेहिं भणियं सुणिद ! जं तुमए ।
 अक्खायं तं सच्चं तो एवं वागरइ गुरु ॥
 जइ देसओ वि परिवालियस्स सीलस्स फलमिणं पत्तं ।
 ता कुणह पयत्तं सव्वओ वि परिपालणे तस्स ॥
 तं सव्व-संग-परिहाररुव-दिक्खाइ होइ गहणेण ।
 तेहिं भणियं पसायं काउं-तं देहि अम्हाणं ॥
 तो दिक्खियाइं दुन्नि वि गुरुणा संवेग-परिगय-मणाइं ।
 पालंति जावजीवं अकलंकं सव्वओ सीलं ॥
 मरिज्जण वंभलोयं गयाइं सुत्तूण तत्थे दिव्व-सुहं ।
 तत्तो सुयाइं दुन्नि वि निव्वाण-पयंमि पत्ताइं ॥

इति शीले शीलमती-कथा ।

सील-रयणं महर्घं रक्खेज्ज मियावइ व्व बुद्धीए ।
पज्जोओ व्व अकिरिंति सील-विहुणो लहइ जम्हा ॥

तं जहा—

अत्थि पुरं साकेयं संकेय-निकेयणं व लच्छीणं ।
कमलच्छीणं थण-मंडलेसु कर-पीडणं जत्थ ॥
जक्खो सुरप्पिओ तत्थ अत्थि तं चिंतिऊण पइ वरिसं ।
किज्जइ महूसवो सो वि चित्तगं हणइ चित्तयरं ॥
अह जइ नो चित्तिज्जइ तो कुब्बो सो पुरे कुणइ मारिं ।
तो भीया चित्तयरा आढत्ता नासिउं सव्वे ॥
तं नाउं चित्तयरा कया नरिंदेण संकला-वद्दा ।
तन्नामाइं घडे पत्तएसु लिहिऊण छ्वाइं ॥
नीहरइ जस्स नामं पइवरिसं तेण चित्तियव्वो सो ।
एवं वच्चइ कालो अह कोसंवीए निक्खंतो ॥
चित्तयर-दारओ तत्थ आगओ चित्त-सिक्खण-निमित्तं ।
सो य द्विओ एक्काए गेहे चित्तयर-थेरीए ॥
जाया तप्पुत्तेणं सह मेत्ती तत्थ तम्मि वरिसंमि ।
थेरी सुयस्स नामं विणिग्गयं तो रुयइ थेरी ॥
किं रोयसि त्ति इयरेण पुच्छिया कहइ जक्ख-बुत्तंतं ।
निय-पुत्त-वारयं तह पाहुणओ भणइ मा रुयसु ॥
चिट्ठउ तुह पुत्तो जक्खमेयमहमेव चित्तइस्सामि ।
थेरी जंपइ मह वच्छ ! नंदणो होसि किं न तुमं ॥
चित्तेमि तहवि जक्खं अच्छओ मह बंधवो सुहेणं ति ।
वोत्तूण कुणइ छट्टं सो ण्हाओ चंदण-विलित्तो ॥
सुइ-वत्थ-नियत्थंगो अट्ट-गुण-पडंचलेण वद्ध-सुहो ।
नव-वन्नएहिं नव-कुच्चएहिं सो चित्तए जक्खं ॥
नमिऊण पंजली सो जंपइ निग्गह-अणुग्गह-समत्थ ! ।
खमसु सुर-प्पिय भयवं ! अवरद्धं जं मए किं पि ॥
इय भत्तीए तुट्ठो जक्खो जंपइ वरं वरसु भइ ! ।
सो भणइ जक्ख ! तुट्ठोसि जइ तुमं ता परं एत्तो ॥
तुमए विणांसियव्वो न को वि, जक्खो पयंपए एवं

सिद्धमिणं अविणासाओ तुञ्ज ता मग्ग तुममवरं ॥
 सो जंपइ जइ एवं दु-पयस्स चउ-प्पयस्स वा जस्स ।
 वत्थाइ-पिहिय-देहस्स एग-देसं पि पिच्छामि ॥
 सयलं पि तयणुसारेण तस्स रूवं जहट्टियं लिहिउं ।
 होज्जा मह सामत्थं भणइ सुरो होउ एवं ति ॥
 लोएहिं पूइओ सो परोवयारीण होइ जइ पूया ।
 तं किं चोज्जं अह सो कोसंबीए पुरीइ गओ ॥
 तत्थ सयाणीय-निवो कयाइ सामंत-मंति-परियरिओ ।
 निय-रिद्धि-गच्चिओ सो सहानिसन्नो भणइ दूयं ॥
 मम किं न अत्थि जं अत्थि अन्न-निवईण तो भणइ दूओ ।
 चित्त-सहा अत्थि न ते, चित्तयरा तेण आणत्ता ॥
 चित्तेह सहं तं ते चित्तयरा विभइऊण चित्तं ति ।
 सो चित्तयरो चित्तइ पएसमंतेउरासन्नं ॥
 सो चित्तंतो जालंतरेण माणिकक-भूसण-सणाहं ।
 पेच्छइ पायंगुट्टं मिगावईए य देवीए ॥
 सुणिउं मिगावइं तं अणुभाणेणं इमो तओ तीए ।
 रूवं जहट्टियं आलिहेइ जक्ख-प्पभावेण ॥
 नेत्तुम्भीलण-समए मसि-विंदू तत्थ ऊरु-मूलंमि ।
 पडिओ अणेण फुत्तिओ पडिओ सो पुणो फुत्तिओ ॥
 पुण पडियं तं दट्टं चित्तयरो चित्तए धुवं अत्थि ।
 लंछणमित्थ पएसे इमीइ ता होउ इह विंदू ॥
 निम्माया चित्त-सहा राया तहंसणत्थमणुपत्तो ।
 तं पेच्छंतो कम्मसो मिगावईए नियइ रूवं ॥
 ऊहंमि मसी-विंदुं दट्टं रूट्ठो विचित्तए एवं ।
 पाथेण नृणमिभिणा मम पत्ती धरिसिया एसा ॥
 कहम्मन्नह एस मसं देवीए सुणइ वत्थ-मउत्तत्थं ।
 तो तलवरस्स रत्ता समप्पिओ निग्गहत्थन्निमो ॥
 चित्तयरेहिं नरिंदो विन्नत्तो देव ! एग-देसं पि ।
 दट्टं जख-पसाया लिहइ इमो सयलमालेक्खं ॥
 तस्स परिक्खा-करणाय दंसियं खुज्जिया-सुहं रत्ता ।

तेणावि तीए ख्वं जहद्वियं सख्वमालिहियं ॥
 छिंदाविओ निवेणं कोव-वसा तह्वि तस्स संदंसो ।
 चंड-पयईण जम्हा न निप्फलो होइ संरंभो ॥
 तेणावि पुणो सो चिय कओववासेण सेविओ जक्खो ।
 वाम-करेण करिस्ससि तहेव चित्तं ति तेणुत्तं ॥
 एवं लद्ध-वरो सो फुरंत-रोसो विचित्तए चित्ते ।
 रत्ता लहाविओहं एयमवत्थं निरवराहो ॥
 तो विप्पियं करिस्सं इमस्स केणावि अहमुवाएण ।
 बुद्धीइ तं खु धीरा कुणंति जं विक्कमा सज्झं ॥
 तो अहरिय-रइख्वं फलए लिहिउं मिगावई देविं ।
 सो उज्जेणी-पहुणो पज्जोय-निवस्स दंसेइ ॥
 तं ददुं पज्जोओ जंपह पज्जुन्न-वाण-हय-चित्तो ।
 चित्तयर ! तुज्झ नूणं विन्नाणमिणं न उण विहिणो ।
 न महीइ दिट्ठ-पुव्वं सुय-पुव्वं वा न देवलोए वि ।
 ता तुमए ख्वमिणं कह पडिविंवं विणा लिहियं ? ॥
 अह अत्थि कत्थ वि इमा कहेसु ता झत्ति जेण गिहामि ।
 न परो इमीइ उचिओ मणिणो कणगं व मं मुत्तुं ॥
 तुट्ठ-मणो चित्तयरो कहइ सयाणीय-निवइणो ।
 एसा भियंक-वयणा मिगावई नाम मिग-नयणा ॥
 निउणो पयावइ चिय अदिट्ठ-पुव्वा कया इमा जेण ।
 न उण अहं जेण ददुं ददुं पि न सम्ममालिहिया ॥
 अह जंपह पज्जोओ जिणिऊण रणे मए सयाणीयं ।
 वेत्तव्वा धुवमेसा किंतु इमा राय-नीइ त्ति ॥
 पेत्तेमि साम-पुव्वं दूयं एईए मग्गणत्थमहं ।
 जो मरइ गुलेण वि तस्स को विसं देइ महमंतो ॥
 तो वज्जजंघ-दूयं सिक्खविउं पट्टवेइ पज्जोओ ।
 गंतूण सयाणीयं सो एवं भणिउमाढत्तो ॥
 आणवइ महाराओ तुमं सयाणीय ! चंडपज्जोओ ।
 दिव्व-वसा खलु देवी मियावई पाविया तु मए ॥
 थी-रयणमिणं जुगं मम चेव न तुज्झ तुच्छ-पयइस्स ।

ता मज्झ समप्पसु सिग्घमेव जह जीविउं महसि ॥
 तो भणइ सयाणीओ दुरप्प रे दूय ! तुह प्ह मूढो ।
 पर-महिलमहिलसंतो नालोपइ उभय-लोय-भयं ॥
 जह सो रागंध-मणो तुमं पि जाणसि न किं अजुत्तमिणं ।
 ता दूओ त्ति अबज्झो मह दिट्ठि-पहाउ ओसरसु ॥
 एवं सयाणिएणं दूओ निव्वभच्छिऊण निच्छूढो ।
 पत्तो उज्जेणीए पज्जोय-निवस्स तं कहइ ॥
 अह कुविओ पज्जोओ चउरंग-वलेहिं रुद्ध-महि-वीढो ।
 चलिओ कोसंबीए जलहि व्व विमुक्क-मज्जाओ ॥
 तं सोऊण उचितं गरुडं भुयगो व्व संखुहिय-हियओ ।
 तिब्बातिसार-वस्सओ निहणं पत्तो सयाणीओ ॥
 तच्चिरह-विडुर-हियया मियावई चित्तिउं समाडत्ता ।
 हा हा ! अहं अहन्ना सिरोमणी मंद-भग्गाणं ॥
 नमिर-निव-चक्क-चूला-चुंभिय-चलणस्स अज्जउत्तस्स ।
 जा गुण-गणेक्क-निहिणो निहण-निमित्तं अहं जाया ॥
 हा सीलं रक्खिस्सं कहमिण्हिं जं पई विवन्नो मे ।
 उदयण-नाओ वि इसो पुत्तो वालो त्ति अप्प-बलो ॥
 बलिणो सेवा जुत्ता न वरं थी-लंपडस्स एयस्स ।
 सा मह कुणइ कलंकं ता इह काउं कवडमुचियं ॥
 तो अणुकूल-गिराहिं अहं इहत्थावि तं पलोभेउं ।
 असुहस्स काल-हरणं खमं ति समयं पडिक्खामि ॥
 इय चित्तिऊण तीए सिक्खविउं तस्स पेसिओ दूओ ।
 गंतूण तेण भणिओ कडय-गओ चंडपज्जोओ ॥
 जंपइ मियावई तुममरत्तं उवगए सयाणीए ।
 तुममेव मज्झ सरणं किं तु सुओ मे अपत्त-बलो ॥
 तं पुण मए विमुक्कं पचंत-निवा पराभविस्संति ।
 तं सुणिऊण पहिट्ठो पज्जोय-निवो भणइ एवं ॥
 मह रक्खणे मिगावइ-पुत्तं सक्केज्ज को पराभविउं ।
 तो दूएणं भणियं देवीइ इमं पि संलत्तं ॥
 अत्थि इमं किं तु तुमं दूरे पासम्मि सीम-भूवइणो ।

ता ओसहीओ हिनपव्वयंमि उस्सीसए सण्णो ॥
 जइ निव्विगयं वंछसि मह जोगं ता करेसु नर-नाह ! ।
 उज्जेणि-हट्टगाहिं कोसंबि-पुरीइ पायारं ॥
 तं सोउं पज्जोओ दोण्हवि नयरीण अंतरालंमि ।
 निय-निय-परिवार-जुए ठावेइ चउइस-नरिंदे ॥
 पुरिस-परंपरणं उज्जेणी-हट्टगाओ आणेउं ।
 एसो कोसंबीए पायारं दइयरं कुणई ॥
 अह ! दूय-मुहेण मियावईइ भणिओ पुणो वि पज्जोओ ।
 धण-धन्न-तणाईहिं पूरेसु पुरिं इमं सयलं ॥
 सव्वं झत्ति तह चिय तुट्ट-मणो कारवेइ पज्जोओ ।
 आसा-परव्वसाणं न दुक्करं किं पि पुरिसाणं ॥
 रोह-खमं निय-नयरीं नाऊण मियावई मह-प्पवरा ।
 वप्पंमि भडे ठविउं दाराइं ढक्किउं च ठिया ॥
 तो पज्जोय-नरिंदो सव्वत्तो हंभिऊण कोसंबिं ।
 तरु-साहा-बुक्को मक्कडो व्व थक्को विलक्ख-मणो ॥
 अह ! अन्न-दिणे चितइ मियावई विप्फुरंत-वेरग्गा ।
 धन्ना ते पुर-गामा विहरइ वीरो जिणो जत्थ ॥
 जइ एत्थ एइ भयवं तत्तोहं संजमं पवज्जानि ।
 इय तीइ मणं मुणिउं समागओ तत्थ वीर-जिणो ॥
 सोऊण समोसरिउं वीर-जिणिंदं मियावई देवी ।
 उग्घाडिऊण दाराइं निब्भया निग्गया वारिं ॥
 पसमिय-समत्त-वेरं वीरं सा वंदिऊण विणिचिह्वा ।
 आगंतुं पज्जोओ नमिऊण जिणं तह निसल्लो ॥
 घम्मं कहेइ भयवं सोउं सव्वसुमागयं इक्को ।
 धणु-वाण-करो पुरिसो मणेण पुच्छेइ संदेहं ॥
 भणिओ जिणेण एसो वयणेणं भइ ! संसयं पुच्छ ।
 सोऊण जेण एयं लहंति अत्ते वि पडिबोहं ॥
 इय जंपिओ वि पहुणा लज्जाए बुत्तुमक्खओ पयडं ।
 भयवं जा सा सा स त्ति भणइ थेवक्खरं पुरिसो ॥
 एवं इमं ति वुत्तं जिणेण, पुच्छेइ गोयमो सामिं ।

भयवं ! जा सा सा स त्ति भासियं भयवया किमिमं ? ॥

तो कहइ बीर-नाहो इहेव भरहे पुरीए चंपाए ।

आसी सुवन्नयारो अच्चंतं रमणि-लोल-मणो ॥

जं जं पिच्छइ कलं खववइं महियले परिभमंतो ।

तं तं परिणेइ इमो दाऊण सुवन्न-पंचसए ॥

एवं पंचसयाइं परिणीयाइं इमेण महिलाणं ।

सव्वंगीणाभरणं पत्तेयं तेण ताण कयं ॥

रमइ जया जीए सह सो तइया तीइ देइ आभरणं ।

सेसाउ सेस-कालं निरलंकाराउ चिट्ठंति ॥

सो य दढं ईसाळू अवीससंतो मणंमि महिलाणं ।

चिट्ठइ सयं घरे चिय परस्स पुण देइ न पवेसं ॥

अज्ञया अणिच्छंतो वि नीओ नियघरे भोयणत्थं पिय-मित्तेण । तव्व-
ज्जाहिं चित्थियं—धिरत्थु अन्ह जीवियं जं गुत्ति-खित्ताओ व्व चिट्ठाओ । जम-
दूओ व्व मंदिर-दुवारं न मेळ्ळए पावो अन्ह पई । अज्ज सोहणं जायं जं
अजत्थ गओ एसो । ता अच्छामो सेच्छाए खणं । तओ ताओ प्हाय-विलि-
त्ताओ पत्तत्थ-वत्थालंकार-कुसुम-भूसियाओ जाव दप्पण-कराओ अप्पाणं
पेच्छंतीओ अच्छंति, ताव आगओ भत्ता ।

ताओ दट्ठं वट्ठेण तेण भज्जा तहा हया एक्का ।

जह झत्ति मया सा कमलिणि व्व करि-चलण-अक्कंता ॥

अज्जाहिं मंतियं अन्हे वि हणिससइ एसो, ता हणामो इमं । किं इमिणा
रक्खिएणं । तओ ताओ चक्केहिं व एक्कूण-पंचसय-संखेहिं दप्पणेहिं पइं पइ-
णंति । तत्कालमेव मओ सो । जाओ तासिं पच्छायावो । अजुत्तं कयं पइ-मारिण
त्ति अफित्तिं पत्ताओ अन्हे । तओ पिहिय-दुवारं भवणं पलीविज्जण मयाणि
महिलाणं एक्कूण-पंचसयाणि । साणुतावयाए अकाम-निज्जराए सल्लुप्पणाइं
मणुस्सत्तणेण । दिव्व-ज्जोएण मिलिया ते एगत्थ दुग्ग-ट्टिया चोरियाए जीवंति ।
जो पुव्वं मारिया भारिया सा एकं भवं तिरिएसु गमिज्जण बंधण-कुले पुत्तो
सल्लुप्पणो । सो पंचवरिसो जाओ । सुवन्नयारो तिरियत्तेसु एकं भवं गमिज्जण
तत्थेव कुले तस्स चेव भइणी-दारिया जाया । सो दारओ तीए पिज्जहिं बाल-
ग्गाहो कओ सा य दुट्ठत्तणेण निवंपि रोयइ । उयरे फरिसंतेण तेण कह वि
फरिसिया गुज्झ-देसे । निवत्ता रोयणाओ । तं रोयण-नियत्तणोवायं नाऊण

तद्देव सो करेइ । तहा कुणंतो अन्नया दिट्ठो पिऊहिं । हंतूण निव्वासिओ
 घराओ । भमंतो मिलिओ एकूण-चोर-पंचसयाणं । तस्स भइणी अपत्त-
 जुव्वणा वि विणट्ठा । भमंती गया गाममेकं । अन्नया सो गामो तेहिं तकरेहिं
 हओ । सा वि नेऊण निय-पह्लि भज्जा कया । कयाइ चितियं चोरेहिं एका
 इमा वराई अम्हे पंचसया । तो जइ दुइय-दइया होइ ता एसा वीसजइ । तो
 तेहिं आणीया अन्ना इत्थी । पुव्व-भज्जा ईसाए तीए छिद्दाणि मग्गइ । अन्नया
 गया चोरा चोरियाए पुव्व-भज्जा लद्धावसरा नव-भज्जं कवडेण कूव-तडं नेऊण
 भणइ—भदे ! पिच्छ किं पि कूव-मज्झे अत्थि । सा वि उज्जुया दट्ठुमावत्ता ।
 खित्ता कूवे पढमाए । चोरेहिं आगएहिं पुच्छिया—कथ सा दुइया ? तीए
 वुत्तं—किमहं जाणामि, किं न नियं भज्जं रक्खेह । तेहिं नायं जहा इमाए
 मारिया सा । तओ तस्स वंभण-चेडस्स चित्ते ठियं, किं एसा सा पाव-कम्मा
 मे भगिणि त्ति ।

सोडं सव्वहुं मं पुच्छइ एसो मणेण लज्जंतो ।

किं मे भइणी जा सा सा स त्ति ? मए वि से कहियं ॥

तो राग-दोस-मूढा लहंति जीवा भवंमि दुक्खाइं ।

इय मुण्डं संविग्गो सो पुरिसो गिण्हए दिक्खं ॥

गंतूण तेण पह्लि धम्मे पडिबोहिया जिणुद्धिडे ।

कारविया वय-गहणं एकूणा चोर-पंचसया ॥

नमिऊण जिणं जंपह मिगावई पुच्छिऊण पज्जोयं ।

दिक्खं पडिबज्जिस्सं, तत्तो सा भणइ पज्जोयं ॥

जइ मं तुममणुमन्नसि तत्तोहं पव्वयामि पड्डु-पासे ।

सो वारिडं न सक्कइ सुर-असुर-नराण लज्जंतो ॥

ताहे विसज्जए तं सा पज्जोयस्स उदयण-कुमारं ।

उच्छंगे निक्खविडं दिक्खं गिण्हइ जिण-सभीवे ॥

भव-भीयाउ चरिसं मिगावईए समं पवज्जंति ।

अंगारवई-पखुहाउ अट्ट पज्जोय-घरिणीओ ॥

सील-वसेणं लहिडं केवल-नाणं मिगावई सिद्धा ।

सील-रहिओ य पत्तो अजसं कुगइं च पज्जोओ ॥

इति शीले मृगावती-कथा ।

वसण-दसा पत्ता वि हु जे परिपालंति सीलमकलंकं ।
ते उभय-भवुभव-सुक्ख-भागिणो हुंति तार व्व ॥

तं जहा—

अत्थि सयलामरहिया नयरी वाणारसी सुर-पुरि व्व ।
चोज्जं वसंति जीए न के वि लोया अबज्जकरा ॥
सेट्ठी पुरंदरो तत्थ अत्थि अत्थाह-अत्थ-वित्थारो ।
सुंदर-देहा सुर-सुंदरि व्व से सुंदरी भज्जा ॥
कय-सयल-जणाणंदो चंदो चंदु व्व नंदणो तेसिं ।
रच्छुग-वणिणो धूया तारा नाम्णेण से घरिणी ॥
तीए पुरओ रूवेण रेहए किंकरि व्व काम-पिया ।
पर-पुरिस-निवित्ति-वयं पडिवन्नं तीए गुरुपासे ॥
चंद-पियाए ताराइ रोहिणीए बुहो व्व अत्थि सुओ ।
पल्लविय-लोय-लोयण-परिओसो संखचूडो त्ति ॥
अन्न-दिणे चउहट्टे दिट्ठा चंदेण कल्लगा एक्का ।
दाज्जण तणं सीसे निय-पिउणा विक्किणिज्जंती ॥
अचंत-भणहरा का इम त्ति चंदेण पुच्छिया मित्ता ।
ते विंति दरिह-दिओ एयं विक्किणइ निय-धूयं ॥
मित्ता भणंति वित्तुं घरिणी किज्जउ इमा सुख्व त्ति ॥
तेणुत्तं हरिणच्छी रच्छुग-धूय त्ति मह घरिणी ॥
ताहं किम्येयमिच्छामि वंभणिं किं तु इणमजुत्तं त्ति ।
देमि दयाए सुल्लं इमस्स जंपंति तो मित्ता ॥
पवणुय-धय-चंचलह विहवह एत्तिउ सारु ।
वसण-महल्लव-निवडियह जं कीरइ उवयारु ॥
अकय-व्वओ न सोहइ विहवो विहवो व्व अंगणा-निवहो ।
कत्थ वि अपत्त-भोगो सुवन्न-तारुणओ जइ वि ॥
तो पुच्छिओ इमीए सुल्लं किं वंभणो भणइ लक्खं ।
सुहयाइ गिणह लक्खं करिज्ज मा पुण वि तुममेवं ॥
इय जंपिज्जण चंदो दियस्स दिणार-लक्खमप्पेइ ।
जंपइ भट्टो दुण्हं पि भोयणं देसु अम्ह गिहे ॥
लक्खं लहिउं पि अहो सो मग्गइ भोयणं विणय-लज्जो ।

लद्धे बहुए वि दिओ नहि तिप्पह भोयणेण विणा ॥
चंदो जंपइ पुरिसं जेमावसु मम गिहे इमे दो वि ।
पुरिसेण तेण नीओ धूया-सहिओ गिहे भटो ॥
भट्टेण तेण दिट्ठा विसिट्ठ-मणि-कणय-भूसण-सणाहा ।
सुर-तरु-लय व्व तारा गिहेग-देसंमि उवविट्ठा ॥
तीइ पुरओ पयटो भटो वेयक्खराइ वागरिउं ।
भोयणमिमस्स देसु त्ति कहइ पुरिसो पइ-निओगं ॥
तं सोउं सा तुट्ठा सुवन्न-थालेसु देइ दुण्हं पि ।
घयसालि-दालि-भोयग-दहि-दुद्ध-प्पसुहमाहारं ॥
अच्चंतमत्तित्तेहिं पियरेहिं व तेहिं सुत्तमाकंठं ।
तो दाउं तंबूलं ताराए ताइ भणियाइं ॥
एज्जह पुणो वि तुब्भे तो तच्चरिएण विम्भिय-मणाइं ।
सीसं धूणंताइं पत्ताइं दुवे वि सट्ठाणं ॥
अह अत्थमिए सरे सुवणंमि विर्यंमिए तिमिर-पूरे ।
पिउणा पुरंदरेणं लेक्खं सो पुच्छिओ चंदो ॥
तेणावि सिट्ठि-पुरओ कहिओ दिय-दिन्न-लक्ख-बुत्तंतो ।
तत्तो रुट्ठो सेट्ठी चिंत्तिउत्तेवं समाहत्तो ॥
नवमे मासम्मि नवो हवेज्ज पुत्तो पुणो वि पुरिसस्स ।
लक्खो पुण दम्माणं न विट्ठप्पइ वरिस-लक्खे वि ॥
तो सेट्ठी अक्कोसइ चंदं रे रे कुपुत्त ! गुण-सुत्त ! ।
मेल्लसु निल्लक्खण ! लक्ख-दाण-दुल्ललिय ! मह गेहं ॥
जं देत्ति तुमं लक्खं विलक्ख ! कस्सासि राइणो पुत्तो ।
नहि सुणसि दुव्विठप्पं कवज्जुमेत्तं पि वणियाणं ॥
इय निट्ठुरेहिं वयणेहिं सिट्ठिणो दूमिओ मणे चंदो ।
वग-रडिएहि व हंसो सराउ गेहाउ निक्खंतो ॥
सुय-संखचूड-कलिया चलिया चंदस्स पिट्ठओ तारा ।
मुत्तूण पइं कुल-वालियाण सरणं हि को अत्तो ॥
देसंतरंमि चलिओ चंदो पुत्तं पहंमि वहमाणो ।
न मुणइ मणस्मि खेयं तारा पइ-मग्ग-अणुलग्गा ॥
ताराइ कडोहितो बला वि गिण्हेइ नंदणं चंदो ।

सुह-दुक्ख-संविभागं भणंति नेहस्स वि सख्वं ॥
 वच्चइ पहस्मि चंदो अगणिय-तण्हा-छुहा-पसुह-वसणो ।
 अवभाणमेव मज्जंति माणिणो गुरुयरं दुक्खं ॥
 पत्तो य तामलित्तिं कमेण सो वउल-मालिएण तर्हि ।
 भद्दागिइ त्ति दट्ठं तुट्ठेण नियं गिहं नीओ ॥
 पहणो पुत्तस्स य देमि भोयणं जं मणुत्तमेएसिं ।
 इय चितंती तारा न देह-दुक्खं गणइ किं पि ॥
 रंधइ खंडइ पीसइ दलइ जलं वइइ कुणइ सख्वं पि ।
 सा पर-घरेसु कम्मं अहो सुघरिणित्तमेईए ॥
 तं दट्ठं नयर-जणो भणइ अहो ! दुट्ठु विलसियं विहिणो ।
 जं एरिसीइ रमणीइ एरिसी दुइसा विहिया ॥
 अन्न-दिणे सा दिट्ठा कह वि परिव्वाइगाइ एक्काए ।
 ता तीए संलत्तं भदे ! निसुणेसु मह वयणं ॥
 कस्स वि हवेज्ज दूइ त्ति सा इमीए उवेक्खिया भणइ ।
 नाहमजुत्तां वोच्छं ता तारा सुणइ सा भणइ ॥
 भदे ! मं उवलक्खसि तारा अक्खेइ नोवलक्खेमि ।
 पव्वाइया पर्यपइ पुब्बं वाणारसि-पुरीए ॥
 जेभायिया तए जा पिउणा सह वंभणी नियय-भवणे ।
 साहं साहइ तारा किमवत्था एरिसी तुज्झ ॥
 सा भणइ मए गहियं वयं अओ होउ मे दसा एसा ।
 हा कट्ठं जं जाया तुह एसा दुइसा भदे ! ॥

तथा—

अत्थि मह ओसहि-दुगं गुरु-दिशं तत्थ निम्मिए तिलए ।
 एक्काए थी पुरिसो वीयाए सो हवइ इत्थी ॥
 तं सील-रक्खण-कए गिण्ह तुमं गिण्हए तओ तारा ।
 अह मालिएण दट्ठूण दुत्थिओ जंपिओ चंदो ॥
 किं न कुणसि ववसायं सिरीइ मूलं भणंति जं विबुहा ।
 चंदो भणइ न वडुइ विहव-विट्ठणाण ववसाओ ॥
 तो मालिएण वुत्तं विक्किण कुसुमाइं मज्झ भागेण ।
 चंदो तं कुणइ परं पावइ न तहाविहं लाहं ॥

सयमेव तओ तारा चउहृद्वे विक्रिणेइ कुसुमाइं ।
 दक्खत्तणेण तीए लाभो सव्वुत्तमो होइ ॥
 अन्न-दिणे सा दिट्ठा तन्नयर-निवेण वहरसीहेण ।
 एसा किमागया सुर-वहु त्ति सो विम्हयं पत्तो ॥
 सो राय-वाडियाए वच्चइ निच्चं पि तेण मग्गेण ।
 पेच्छंतो स-विलासं परिहास-परो तमालवइ ॥
 अन्नंमि दिणे काउं ओसहि-तिलएण सा पुरिस-रूवं ।
 कुसुमाइं जाव विक्रिणइ ताव पत्तो निवो तत्थ ॥
 तं जंपइ रे मालिय ! तुह भज्जा किं न दीसए अज्ज ।
 तीए जरो किमंगे लग्गो हसिऊण सा भणइ ॥
 तीए जरो न लग्गो लग्गो तुह चैव देव ! काम-जरो ।
 वीय-दिणे पुण रत्ता सहाव-रूवेण सा दिट्ठा ॥
 परिहासं कुणमाणो राया ताराइ जंपिओ एवं ।
 नत्थि इमेसु तिलेसुं तिल्लं भुल्लोऽसि देव ! दढं ॥
 अह रयणीए राया तं हक्कारेइ पेसिउं पुरिसं ।
 सा कय-इत्थी-रूवं चंदं पट्टवइ भत्तारं ॥
 सो रत्तो वास-हरे नीओ पुरिसेण तं रमणि-रूवं ।
 ददूण मणे चितइ अहो इमीए सु-रूवत्तं ॥
 थण-वयण-नयण-कर-चलण-चंगिमा पुण इमीइ सो को वि ।
 थेवो वि हु अन्नाणं जयम्मि जो नत्थि इत्थीणं ॥
 तं सेज्जाए ठविउं विइन्न-कुसुमंग-राग-तंबोलो ।
 पयडिय-दढाणुराओ राया वज्जरिउमारद्धो ॥
 जं तुह विरहे दुक्खानलेण संतावियं मह सरीरं ।
 निय-संगसेण अमओवमेण निव्ववसु तं जत्ति ॥
 इय जंपिऊण लग्गो कंठे चंदस्स सो रमणि-रूवं ।
 मुत्तूण भणइ एयं नरिंद ! किमजुत्तमाढत्तं ॥
 राया पुरिसं ददूण लज्जिओ हा किमिंदयालमिणं ।
 मत्ते महा-सईए तीए सील-प्पभावेण ॥
 काउं इत्थी-रूवो निय-भत्ता पेसिओ अहो ! यत्ता ।
 एसा मह पत्थंते वि पत्थिवे जा न अपुरत्ता ॥

इय चित्तिउं नरिंदो जंपह भो ! किं अजुत्तमिह मित्त ! ।
 मित्ताण नेह-जुत्ताण संगमो किं न अवरुद्धो ॥
 तत्थेव निसं गमिउं चंदो गोत्ते गओ नियय-गेहं ।
 निसि-जुत्तंतं ताराइ अग्गओ कहइ सा भणइ ॥
 एवं कओ विलक्खो कयाइ कुप्पिज्ज पत्थिवो नाह ! ।
 तत्तो सिंहल-दीवे जामो तुह मामग-समीवे ॥
 तो जलहि-लंघण-मणो चंदो मयणस्स सत्थवाहस्स ।
 पवहणमारुद्धो संखचूड-ताराहिं परियरिओ ॥
 मयणस्स मण-ससुद्धो तारा-मुह-चंद-दंसण-वत्सेण ।
 संजाओ उज्जंभिय-अणप्प-कुवियप्प-कल्लोलो ॥
 तं सुणिउं दुत्ति वि ओसहीहि काऊण ख्व-परिवत्तं ।
 चिट्ठंति जाव रयणीइ ताव पुरिसो त्ति सो तारं ॥
 जलहिंभि खिविय इत्थि त्ति चंदमालिंणिउं महइ मयणो ।
 चंदो पयडइ नर-ख्वमह विलक्खो हवइ मयणो ॥
 कत्तो अ-कज्ज-कारीण होइ कुसलं ति पयडणत्थं व ।
 फुट्टइ ज्जत्ति पवहणं महिला-हिययत्थ-गुज्झं व ॥
 सामिम्मि विवन्ने सेवय व्व फुट्टम्मि पवहणे लोया ।
 पडिया ससुद्ध-वत्तणे सव्वे वि दिसो दिसं पत्ता ॥
 तारा ससुद्ध-पडिया निम्मल-सील-प्पभाव-तुट्टाए ।
 कीए वि देवयाए अकिलेत्सेण वि तडं नीया ॥
 तीरे परिवभमंती भिल्लेणिक्केण पाविया तारा ।
 नेऊण नियय-पल्लिं समप्पिया पल्लि-नाहस्स ॥
 पल्लि-वई भोगत्थं तं अब्भत्थइ न मन्नए तारा ।
 सेविस्सामि हट्ठेण वि इमं ति सो मंतिउं सुत्तो ॥
 सुविणे भणिओ कुल-देवयाइ एयं महा-सइं मूढ ! ।
 मा खलियारेसु तुमं तुमए एयं पि किं न सुयं ॥
 सीहह केत्तर सइहि उरु सरणागओ सुहडस्स ।
 मणि मत्थइ आसीविसह किं त्रिप्पइ अनुयस्स ॥
 तो उवसंत-मणो सो निय-पुरिसे भणइ विक्किणह एवं ।
 मंगल-उरम्मि नेउं तं वेत्तुं ते वि जंति पुरे ॥

तत्थ सुमइ त्ति सेट्टी तारं दट्टूण विक्किणिज्जंतं ।
 देह दयाए दब्बं नराण जं मग्गियं तेसिं ॥
 वेत्तुं तारं निय-मंदिरंमि नेऊण जंपए भइं ।
 निय-घरणिं सुयणु ! तए एसा पुत्ति व्व दट्टव्वा ॥
 पुत्ति त्ति भणइ सेट्टी सुहेण मत्ते इमीइ स्व्वेण ।
 चित्ते पुण अत्तिवत्तो काही घरिणिं इमं धुत्तो ॥
 इय चिंतंती भद्दा वाढमवत्ताइ पेच्छए तारं ।
 पइ-पुत्त-संगमासा-कयग्गहा सहइ सव्वं पि ॥
 अन्न-दिणे सलिलत्थं गया इमा पेच्छिउं परिव्वभसंतं ।
 मग्गंमि संखचूडं पमोय-भर-परवसा जाया ॥
 पुत्तेहिं पुत्तय ! तुमं चिराउ दिट्ठो मए जियंतीए ।
 इय जंपंती तारा तम्मइ परिरंभिउं पुत्तं ॥
 भणिया सुएण माए मा मं छिवसु त्ति जेण दिव्व-वसा ।
 फुट्ठे पोयंमि अहं फलग-विलग्गो तडं पत्तो ॥
 गहिओ नरेण केण वि इह नयरे आणिऊण विक्किणिओ ।
 चंडाल-घरे सोहं धणसेट्ठि-धणाइं चारेमि ॥
 कहिउं निय-दुत्तंतं सा भणइ सुयं मिलिज्ज मह निच्चं ।
 अह तत्थ अत्थि पत्थिव-सिरोमणी मणिरहो नाम ॥
 केणावि तस्स कहियं इह एक्का सुमइ-सेट्ठिणो भवणे ।
 कय-भुवणच्छेरा अच्छर व्व अच्छइ कुरंगच्छी ॥
 मलिणंगी वि कुवत्था वि उव्वहइ इमा अउव्व-लावन्नं ।
 रेणु-कण-गुंडियं पि हु कणगं किं झामलं होइ ॥
 तो राग-वत्तो राया निय-पुरिसं पेसए तमाणेउं ।
 गंतूण भणइ पुरिसो मंदिर-दार-ट्ठियं तारं ॥
 पुव्वज्जिय-पुन्न-दुमो फलिओ तुह अज्ज जं तुमं राया ।
 जाय-गरुयाणुराओ हक्कारइ ता लहुं चलसु ॥
 एवं सोउं वज्जाहय व्व हिययंमि दूमिया तारा ।
 काहामि सील-रक्खं कहं ति चिंताउरा जाया ॥
 अह तत्थ संखचूडो पत्तो सा ठवइ तं निउच्छंणे ।
 चुंबइ तस्स सुहे खिवइ भोयणं खप्परे गहिउं ॥

तारा जंपइ पुरिसं किं भणसि तुमं ति तेण पुब्बुत्तं ।
 कहियं नरिंद-वयणं सा भणइ अहं खु चंडाली ॥
 राया वि तारिसो किं मभंग-संगं समीहए जं सो ।
 तो लज्जिओ मणुस्सो गंतुं रत्तो कहइ सव्वं ॥
 हक्कारिऊण सिट्ठिं भणइ निवो तुह घरंमि चंडाली ।
 विट्ठालं कुणइ अहो ! अह समयन्तू भणइ सेट्ठी ॥
 सा घरवाहिं चिट्ठइ भुंजइ य न तेण देव ! विट्ठालो ।
 सिट्ठी गिहागओ तं पुच्छइ को वइयरो तुज्झ ॥
 सेट्ठिस्स कहइ तारा मूलाओ नियय-वइयरं सव्वं ।
 सेट्ठी भणइ तुमं मह भइणीए देविलाइ सुया ॥
 एत्तिय-दिणाइं तुमए मह कहियं जं न तं कयमजुत्तं ।
 चंडालाउ धणेण य मोयाविस्सामि तुह पुत्तं ॥
 संझाइ गया तारा धणसेट्ठि-गिहं तहिं अपेक्खंती ।
 पुत्तं पत्ता पुर-परिसरम्मि पेक्खइ भुयग-डक्कं ॥
 तं विस-वसेण पडियं महीइ दट्ठूण हा हय म्हि अहं ।
 इय जंपंती तारा ताडइ हियं कर-यलेहिं ॥
 हा चंद-वयण ! हा कमल-नयण ! हा महुर-वयण ! सुय-रयण ! ।
 मुत्तूण मं अउत्तं वच्चसि अन्नत्थ कत्थ तुमं ॥
 इत्तिय-दिग्रहाइं मए गमियाइं तुज्झ दंसणासाए ।
 इण्हि तइ गच्छंते सा वि गया ता कहं होहं ॥
 इय ताराए रुज्जं सोउं सयलं निसं फुरिय-सोया ।
 पवण-निवडंत-कुसुमा सहंति तरुणो रुयंत व्व ॥
 अह सेट्ठी रयणीए तारं निय-मंदिरे अपेच्छंतो ।
 सयल-परिवार-सहिओ सव्वत्थ गवेसइ स-खेओ ॥
 सुखगमंमि सेट्ठी सुणिउं तच्चइयरं गओ तत्थ ।
 पुत्ताणुगम-पराए ताराए मग्गिओ अग्गि ॥
 राया वि रायवाडीइ निग्गओ तं पएसमणुपत्तो ।
 तारं दट्ठुं कंदप्प-परवसो तीए गहणत्थं ॥
 आसन्नमणुसरंतो रुद्धो गुण-रागिणीइ देवीए ।
 तारा-रुवक्खित्तो पच्छावि नियसिउं अखमो ॥

ताव मसि-कसिण-काओ कर-धारिय-रज्जु-बद्ध-मकडओ ॥
 सप्प-करंडय-मंडिय-खंध-ट्टिय-कावडि-सणाहो ॥
 आगंतुं गारुडिओ भणइ इमं संखचूड ! उट्टेसु ।
 एयावत्थं दट्टुं तुह जणणी दुक्खिया रुयइ ॥
 सुत्तो व्व उट्टिओ सो तत्तो सव्वो वि विस्सिओ लोगो ।
 गारुडिओ जंपइ संखचूड ! तुह वच्छ ! जणओहं ॥
 सो भणइ न मज्झ पिया तुमं जओ कसिण-वत्त-देहो सि ।
 कणय-च्छवी पिया मे ता दंसइ चंदखवं सो ॥
 तं दट्टुं परितुट्टो पुत्तो चंदस्स चडइ उच्छंगे ।
 तारा वि विस्सिय मणा जंपइ पिययम ! किमेयं ति ॥
 सो भणइ पोय-भंगे फलग-विलगो विलंघिउं जलहिं ।
 पत्तो म्हि आसमं तत्थ तावसो भणइ मं दट्टुं ॥
 दिन्नो दियस्स लक्खो जस्स तए सो अहं गहिय-दिकखो ।
 वसण-वडियस्स तुह किं करेमि उच्चियं ति तेण तओ ॥
 दिन्नो गारुड-मंतो ख्व-परावत्तिणी तहा विज्जा ।
 तो गारुडिओ होउं पत्तो म्हि तुमं गवेसंतो ॥
 एयस्स इमा भज्जा इमो य पुत्तु त्ति जाणए राया ।
 ताराइ ख्व-सीलेहिं विस्सिओ चितए एवं ॥
 धन्ना एसा जा सीलमुज्जलं वहइ वसण-पत्ता वि ।
 अहमो अहं तु एक्को जो पर-महिलाहिलास-परो ॥
 हा ! कह निल्लज्जोऽहं जणस्स दंसेमि अत्तणो वयणं ।
 तो गंतुं गुरु-पासे जिण-दिकखं गिणइए राया ॥
 तग्गुण-रंजिय-चित्ता चंदं कुल-देवया ठवइ रज्जे ।
 सो जिण-धम्मं काउं तारा-सहिओ गओ सुगइं ॥

इति शीले तारा-कथा ।

अवरासत्तं सूरं नलिणि व्व पइं वियाणिउं पि न जा ।
 अन्नत्थ कुणइ पीइं स चिय जयसुंदरी धन्ना ॥

तं जहा—

अत्थित्थ भरइ-वासे जहत्थ-नामा पुरी जयंति त्ति ।

जा जिणइ नियय-रमणिज्जयाइ अलयाइ-नयरीओ ॥
 नाय-रओ रण-चंडासि-दण्ड-खंडिय-विबक्ख-नायरओ ।
 दय-दाणाइ-गुण-जुओ राया जयसेहरो तत्थ ॥
 विमलमइ त्ति अमच्चो अमर-गुरु-सरिस-मइ-गुणो तस्स ।
 वेय-वियारण-चउरो पुरोहिओ चउमुहो नाम ॥
 सयल-जण-कज्ज-जणओ धणेण धणओ धणावहो सेट्ठी ।
 कालं गमंति सव्वे पवन्न-पर-दार-विरइ-वया ॥
 तत्थेव परत्थ-करत्थ-वित्थरो अत्थि धणवई सेट्ठी ।
 जिणधम्म-निच्चल-मणो निच्चं जो गमइ निय-जम्मं ॥
 निय-तणु-छाय व्व सयाणुवत्तिणी तस्स धणसिरी भज्जा ।
 तेसिं रूवाइ-गुणोह-सुंदरो सुंदरो पुत्तो ॥
 रूव-रमणिज्जयाए रइ व्व जयसुंदरि त्ति से धरिणी ।
 अन्नोन्न-सिणेह-पराण ताण वच्चंति दियहाइं ॥
 अन्न-दिणे सव्वेसिं भावाणं खण-विणस्सरत्तणउ ।
 पंच-नमोद्धार-परो पंचत्तं धणवई पत्तो ॥
 धणवइ-पयंमि ठविओ समग्ग-सयणेहिं सुंदरो पुत्तो ।
 अह् अन्न-वासरे सुंदरेण जणणी इमं भणिया ॥
 जो न कुणइ काउरिसो धणज्जणं जोच्चणंमि वट्ठतो ।
 छगल-गल-त्थण-जुयलं व जीवियं निष्कलं तस्स ॥
 किं च नरेण मइमया न चेय चित्तंमि चित्तियव्वमिणं ।
 संते महंत-विहवे किं मह विहवज्जणेण जओ ॥
 पइदियहं पूरिज्जइ जइ कह वि न निन्नया सहरसेहिं ।
 ता खुसइ चिय अहरा गरुओ वि तरंगिणी-नाहो ॥
 एवन्नवड्ढिज्जंतो विविहेहिं निरंतरं उवाएहिं ।
 विलयं वचइ नृणं बह्ओ वि हु विहव-संभारो ॥

तओ—

सगुणो वि विनिग्गुणो चिय बुच्चए मुच्चए परियणेणं ।
 पावइ विहव-विहूणो पए पए परिभवं डुरिसो ॥
 अलियं पि जणो धणइत्तयस्स सयणत्तणं पयासेइ ।
 आसन्न-बंधवेण वि लज्जिज्जइ झीण-विहवेण ॥

विगुणमवि गुणद्धं ख्व-हीणं पि रम्मं
 जडमवि मइमंतं मंद-सत्तं पि सूरं ।
 अकुलमवि कुलीणं तं पर्यंपंति लोया
 नव-कमल-दलच्छी जं पलोएइ लच्छी ॥
 लङ्घण घणं सहलं कायव्वं पत्त-दाण-भोगेहिं ।
 एवं अकीरमाणे संतं पि असंत-सारिच्छं ॥
 जे उण लद्धं पि घणं न दिंति पत्ते सयं न भुंजंति ।
 ते तं परोवभोगं रक्खंति अविस्ति-कम्मयरा ॥
 तो गंतुं देसंतरमहं महंतं घणं उवज्जेमि ।
 तेणोभय-भव-सुहयं करेमि धम्मं च कित्ति च ॥
 जणणीए वज्जरियं इह ट्टिओ चिय धणज्जणं कुणसु ।
 देसंतर-गमणं पुण अण्येय-दुक्खाव्वहं वच्छ ॥
 नव-नव-पयाणएहिं सरीर-खेओ दिणे दिणे होइ ।
 जायंति दुस्सहा वाय-बुद्धि-सीयायव-क्विलेसा ॥
 गुरु-विसम-मंग-लंघण-वसेण तण्हा-दुहाउ पीडंति ।
 असमय-भोयण-पभवा पसरंति निरग्गला रोगा ॥
 दुद्ध-निव-चोर-चरड-प्पसुहा विहवं हडेण गिण्हंति ।
 लङ्घण छलं कहमवि मुसंति मायाविणो धुत्ता ॥
 रयणीसु वि जग्गंतेहिं निच्चमच्चंतमप्पमत्तेहिं ।
 दु-पय-चउ-प्पय-चउ-विह-भंडाणं दुक्करा रक्खा ॥
 इय कित्तियं च भज्जइ दुक्खं देसंतरस्स गमणांमि ।
 सुह-लालिओ तुमं पुण, ता सुंच मणोरहे एए ॥
 तो सुंदरेण भणियं—अम्मो ! विहियंमि पुरिसयारंमि ।
 पुरिसाणं संपज्जइ मणिच्छिया निच्छियं लच्छी ॥
 संसय-तुलहि चडावियउं जीविउ जा न जणेण ।
 ताव कि संपय पावियइ जा चित्तविय मणेण ॥

ता सव्वहा गंतव्वं मए पुव्व-वइ-दिस-विहसणं कंचणउरं नाम नयरं । तं
 सोऊण भणियं घणसिरीए—पुत्त ! जइ एवं ता वच्च तुमं तुज्झ घरिणी पुण
 मह पासे चेव चिट्ठओ । सुंदरेण बुत्तं एवं होउ त्ति, भणिया य घरिणी—

भदे ! अकलंक-सील-पालणुज्याए तुमए अंवाए चलण-सुस्तूसणं कायव्वं ।
वाह-जलाविलच्छीए भणियं तीए ।

इह चिट्ठिसामि अहं सरीर-मित्तेण तुज्झ वयणाओ ।

मह चित्तं पुण पिययम ! तुमए सह वच्चिही नृणं ॥

नहि नाह ! किच्चमवरं अंवा-सुस्तूसणं विणा मज्झ ।

अन्नह कुलंगणापं विहलं जम्मं बुहा भित्ति ॥

जं पुण मह सीलं तं सक्को वि न सक्कए कह वि हरिउं ।

किं चलह मेरु-चूला किं उच्छल्लह धरणि-वीढं ॥

सुंदरेण वुत्तं पिए ! साहु साहु त्ति । तओ काऊण सामग्गि पसत्थ-दियहे
कय-देव-गुरु-पूओ कीरंताणेग-मंगलो सुह-सउण-डुगुणिय-मणुच्छाहो रह-
करहवसह-वेसर-विसरारोविय-वियड-कयाणगो तुरयाखुड-पाइक्क-चक्क-परिगओ
पत्थिओ सुंदरो । दित्तो दीणार्हेण दाणं थुव्वंतो मागहेहिं अणुगम्मंतो मित्तेहिं
अहिणंदिज्जंतो नायरएहिं निग्गओ नयरीओ । परिसरे गंतूण पणओ जणणीए ।
भणिओ अणाए—वच्छ ! एस ते परम-सावओ जिणसुहो नाम सयल-कूजेसु
सहाओ न एयस्स वयणं पडिकूलेयव्वं ।

तहा—

विसएहिं तक्करेहि य रक्खेज्ज मुसिज्जमाणमप्पाणं ।

जे सुह-यरं चरित्तं हरंति इक्के परे वित्तं ॥

घण-रस-परिपुत्ताओ असुणिय-मज्झाओ धीवरेहिं पि ।

नारीओ नईओ तहा अवीससंतो विलंबेज्जा ॥

मय-कोह-पसुह-सावय-भयंकरं मयण-भिल्ल-डुल्लंयं ।

पवलक्ख-रक्खसं नित्थरेसु रत्तं व तारुत्तं ॥

एवं सुंदरमभिनंदिऊण नियत्ता धणसिरी । सुंदरो वि सत्थ-सुत्थं
कुणंतो वच्चंतो पत्तो कायंवरिं अडविं ।

बहु-दीविया ति जाम व्व गाम-भूमि व्व करिसय-समेया ।

वेस व्व भुयंग-जुया गउरि व्व स-नीलकंठा जा ॥

तत्थ भू-निवडिओ खग्ग-पहार-विहुरो सुंदरेण दिट्ठो जोगी । कळणाए
कओ पउण-सरीरो । पुच्छिओ य—भद्द ! किं कारणं जमेवं विहं अवत्थं गओ
सि ? तेण वुत्तं—अत्थि इत्येव पच्चयासन्नं वसंतउरं नयरं । तत्थाहं जोगसारो
जोगी । जोगसिरी मे पडिचारिया । काय-सिद्धि-निबंधणं आउ-बुद्धि-कारणं

काल-बंधना-पवणं पवण-निरोहाइयं जोग-मगं गुखवहृदं अणुचिदंतो जाव
चिद्वामि, ताव मिलिओ मे जोगचंडो नाम जोगी । तेण मए सह कया
कवड-भेत्ती । नत्थि जोगीणं अकज्जं अखज्जं अपिज्जं अगम्मं किं चि त्ति भणं-
तेण कराविओहं मज्ज-पाणं । अज्ज मं मज्ज-मत्तं खग्गेण ह्णिऊण वेत्तूण मे भज्जं
जोगसिरीं गओ जोगचंडो । सुंदरेण वुत्तं—भइ ! अणुचियमिणं मज्जपाणं ।

जं गरहणिज्जसुत्तम-जणस्स कुवियप्प-सप्प-केलि-विलं ।

दुव्वयण-कारणं कय-किलिदु-चिदं ह्य-विवेयं ॥

जा का य सिद्धि-बुद्धी जल-गय-पडिविं-गहण-बंधा सा ।

पच्चक्खेण सरीरे विणस्समाणंमि मणुयाणं ॥

जं कयगं तमणिच्चं ति जुत्तिओ भंगुरत्तणे सिद्धे ।

कायस्स थिरीकरणं सुरचाव-थिरीकरण-तुल्लं ॥

ता सुत्तूण कुबुद्धिं जीव-दया-पसुह-सव्व-गुण-पवरे ।

सयल-सुह-हेउ-भूए जिणिंद-धम्ममे महं कुणसु ॥

इय सोउं पडिबुद्धो सम्मं जिणधम्ममायरइ जोगी ।

तेणावि गारुडं सुंदरस्स दिन्नं पडिय-सिद्धं ॥

तो सुंदरो कमेणं पत्तो कंचणउरे ठिओ वाहिं ।

पारद्धो विविह-कयाणगाण कय-विक्रए काउं ॥

अह पसरिओ वसंतो चूय-वणुच्छलिय-कोहल-रवेण ।

जग्गविय-विसम-वाणो निव्वासिय-माणिणी-माणो ॥

जत्थ—

के वि त्थी-परिरंभेण कामिणो कुरवय व्व कुसुमंति ।

पमया-पय-पहया पल्लवंति के वि हु असोय व्व ॥

वउल व्व रमणि-मइरा-गंडूस-मिसेण के वि वियसंति ।

पहसंति कामिणीहिं कडक्खिया के वि तिलय व्व ॥

फुल्लंति विरहिणो विरहय व्व लहिऊण पंचमं के वि ।

तह चंपय व्व तूसंति के वि वर-सुरहि-सलिलेण ॥

सुंदर-जिणसुहा वसंतूसवं ददं गया उज्जाणं ।

जत्थ—

जंबीरंव-कयंव-जंबु-कयली-कप्पूर-पूगी-फली

खज्जूरज्जुण-सल्ल-सल्लह-समी-नग्गोह-सोहंजणा ।

ककौली-कुवली-लवंग-लवली-नोमालिया-मालई

सग्गासोय-तमाल-ताल-तिलया रेहंति निन्दा दुमा ॥

तत्थ, तेहिं दिहा असोय-तरु-तले चंदलेह व्व तारिया-नियर-परियरिया

निय-सही-सहिया कन्नगा । तं सुहरं निव्वत्तिऊण भणियं सुंदरेण—

वयणेण इमीए निज्जियाईं जं पंकयाईं वियसंति ।

तं जल-संसग्ग-कयं मूढत्तं फुरइ ताण धुवं ॥

सा वि कय-मयण-पडिमा-पूया दहूण सुंदरं भणइ ।

सहि ! संपइ पचक्खं मयणमिणं किमहमवेमि ? ॥

जंपइ सही अणंगो सो सुव्वइ एस पुण पहाणंगो ।

सा भणइ इमो सक्को ?, भणइ सही सो विहयवित्तो ॥

एस उवज्जिय-वित्तो, सा जंपइ भइणि ! को इमो तत्तो ? ।

विनाय-तव्वइयरा सत्थाह-सुओ त्ति कहइ सही ॥

एत्थंतरंमि पुरिसो समागओ तेण जंपिया कन्ना ।

तुह कणय-सुंदरि ! पिया भणइ इमं गच्छ निय-गेहं ॥

सुंदर-मणं मुणंतेण सणियमुवसपिपुं जिणमुहेण ।

सो पुरिसो संलत्तो एसा कन्ना सुआ कस्स ? ॥

पुरिसेण क्कहियमिह अत्थि कणय-कोडीसरो कणयसारो ।

सिद्धी तस्सेसा कणयसुंदरी नाम वर-धूया ॥

आगच्छंति इमीए वरगा बहवो परं न सेट्टिस्स ।

को वि च्चहुइइ चित्ते अओ इमा अपरिणीय त्ति ॥

इय जिणमुहस्स कहिउं गहिउं तह कन्नगं गओ पुरिसो ।

तो कहइ जिणमुहो सुंदरस्स कन्नाइ बुत्तंतं ॥

मयण-त्तर-पर-वसो भणइ सुंदरो मुक्क-दीह-नीसासो ।

मित्त ! इमीए विरहे निय-जीयं निष्फलं मत्ते ॥

मित्तो जंपइ सुंदर ! जणणी-वयणाइं किं न संभरसि ।

किं ते गुल्लवएसा चित्ताओ पवसिया सव्वे ॥

किं तुह धीसरियमिणं विसयाणं विसम-विस-विवागतं ।

कत्थ विवेगो वि गओ वयंस ! जं एवमुल्लवसि ॥

वज्जरइ सुंदरो सव्वमत्थि नट्टं न किं पि मह मित्त ! ।

न मुयइ मणं मयच्छी टंक्कुप्पित्त व्व किं तु इमा ॥

अहं जिगमसुहेण भणियं जहं अणुरत्तो दहं तुमं तीण ।
मा वि नहं वेण तदा सुह-दंसणओ मए सुणियं ॥

जओ—

सुहराओ विण सादहं जो जस्स विओ विमेण भणिएण ।
साहेह पंगणं विण घरस्स अंतगणं लच्छिंठ ॥
तो होसु तुमं घोरो होशी तुहं विणयमा इया नृणं ।
एवं तणेमि अहं अनुहल-निमित्त-सदणेहिं ॥
इयं वृद्धविहं नीओ आवासं सुंदरो जिगमसुहेण ।
कय-देव-गुरु-सुमण्णा रयणीए दो वि पासुता ॥

पहाए ते पडह-दान-पुण्यं उणोसणं सुणंति—जो कणयमार-सेट्ठि-वृणं
कणयसुंदरिं माण-दहं जीवावेह, सेट्ठी से दीणार-उदकं देह । तओ सुंदरेण
पाराविओ पडहओ, भणिया पुरिसा—देसेह नं ये । नेहिं वृत्तं पमायं काआण
एह । गओ वित्तेण सह सुंदरो दिट्ठो सेट्ठी कणयसुंदरी य । कदिआण जरट्ठियं
वुत्तं भणियं सेट्ठिणा—अह ! कणयसुंदरिं जीवाविआण देसु ये जीविये ।
सुंदरेण वुत्तं—अथि ताव गाळहं, कल-सिद्धीए दिक्खो वमाणं ति । आविडिये
मंडलं सुमरिये गाळहं तक्खणा उप्पीलिय-आणणा विणसेती पंडनाओ उट्ठि-
आण निविट्ठा जणणीए उच्छंणे कणयसुंदरी । तुट्ठो सेट्ठी उच्छडिओ आणं-
नंदी सट्ठी । कणयसुंदरी वि सो वेव एम सुहओ ति माणमाए विवि
गुरु-पण-उज्जा-मंदाए दिट्ठीए सुंदरं दहमादत्ता । सुंदरो ते तदा दहं अणुरत्तो-
द-सुंदरो जाओ ।

जओ—

अणुराण-उद-वसराहं गुरु-पणातोप-उज्ज-वणिय्याहं ।
घोरिय-विनिन्वियाहं कुणंति परिओसणं ॥
सेट्ठी वृयाहं पणं सुणितं नहं जानितं जिगमसुहाओ ।
नपर-कुल-प्यसुहं सुंदरस्स तं जंणए एवं ॥
सुंदर ! सह वृयाए उप्पीए संमाहणे मदप्यस्स ।
माण्यस्स व कंदप्यस्स पमाय-दक्खो तुमं वेव ॥

ता परिणेसु एवं । सुंदरेण वुत्तं—गुरु-पणाणतो एम अणो । सेट्ठिणा
वृत्तं—अह ! एम ते विणओ कुलपणं उट्ठेह । गच्छ विणयणं । अहं तुम
पणुय्ये तुहं जणणीए अनुत्तं निमित्तं । तओ वेहं सुमण्णिकण वेणिया

पुरिसा जयंतीए । दंसिओ लेहो धणसिरीए । वाइओ सो तीए जहा—भदे ! कंचणउरे कणयसारो सेट्टी तुह सुयस्स निय-धूयं देइ, जइ तुमं अणुमत्तसि । धणसिरीए भणियं को कल्लाणे विरोहो । जयसुंदरी-सम्मएण सम्मप्पिओ तेसिं पडिलेहो । तेहिं गंतूण दंसिओ सेट्टिस्स ।

जहा—

सव्वुत्तमो तुमं सुंदरस्स जइ देसि देसु निय-कत्तं ।

भवणं पविसंतीए सिरीए को झंपयं देइ ॥

तओ सेट्टिणा तं दंसिज्जण परिणाविओ कणयसुंदरिं सुंदरो । निय-नयरं गंतु कामो वि सो आसन्नो पाउसो त्ति ठिओ तत्थेव । पत्थिया के वि सत्थिया । तत्थ मे जणणि-वरिणीणं इमाणि अप्पेज्जसु त्ति भणिज्जण सुंदरो दामोयर-विप्पस्स सम्मप्पए सत्त रयणाइं । सो वि पत्तो जयंतीए । लोभ-दोसओ तेण अवलत्ताइं ताइं । अन्न-वणिणएण अप्पिओ दामोयर-पासाओ सत्त रयणाइं येत्तव्वाइं त्ति लेहो । तं येत्तूण गया दामोयर-पासं धणसिरी । दंसिज्जण लेहं मग्गिओ सो रयणाणि । तेण वुत्तं—न मम हत्थे पेसियाणि, एस पुण कओ केणावि कूड-लेहो । आगया गिहं धणसिरी भणिया बहुया—बच्छे ! चलिय-चित्तो वंभणो, ता कस्स वि पह्माण-पुरिसस्स कहिज्जण गिण्ह रयणाणि । जं अंवा आणवेइ त्ति वुत्तूण भुत्तुत्तरं गया सेट्टि-समीवं जयसुंदरी । कहिओ तस्स रयण-वुत्तंतो । तेणावि तीए ख्व-लुडेण भणिया सा—भदे ! जइ मए सह एणफसो वि विसए सेयेसि तो ते कज्जं करेमि । तीए वुत्तं—जइ एवं ता जा-भिणी-पुढम-जामे आगंतव्वं त्ति । गया पुरोहिय-पासे । तस्स वि सेट्टि-सरिसो समुल्लाओ । धीय-जामे आगंतव्वं त्ति । गया मंति-सगासं । सो वि पुरोहिणोएव पाडिओ । तं चेव जंपइ तइय-जामे इज्जसु त्ति भणिज्जण गया रत्तो पासे । रत्ता वि तं चेव वुत्तं, चउत्थ-जामे जाभिणीए साभिणा आगंतव्वं त्ति भणिज्जण गया निय-गेहं । साहिओ सासुयाए तव्वुत्तंतो । जत्थ कारण-पुरिसा वि एरि-सा तत्थ केरिसी रयणासा । बहूए वुत्तं—अत्थि चउ-दिस-ट्टिय-पुरिस-पमाणा चउ-कोणा मंजूसा । सा रित्ती काज्जण गिहेम-देहे मुच्चउ । सासुयाए तहेव कयं । सज्जियं जयसुंदरीए मंदिरं । निस्साए विप्फुरंते मोहे व्व विहिय-दिट्ठि-पडिरोहे तिभिरोहे आगओ सेट्टी । पविट्ठो भवणव्भंतरं । कयं तीए चलण-सोहणाइ । पारट्ठा सिंगार-कहा । इत्थंतरे पत्तो पुरोहिओ भणियं अणेण—सुंदरि ! उग्घा-डेसु दुवारं । तीए वुत्तं—को एस ? सेट्टिणा भणियं—पुरोहिओ व्व लक्खीयइ ।

अत्थित्थ किञ्चि निलुक्कण-ठाणं ? दंसिओ तीए मंजूसाए उत्तर-कोणो । तत्थ पविट्ठो सेट्ठी, दिन्नं तालयं । उग्घाडियं दुवारं, पवेसिओ पुरोहिओ, निवेसिओ सीहासणे, तस्स वि तद्देव कओ उचयारो, पारद्धा संकहा । एत्थंतरे पत्तो मंती भणियं तेण—उग्घाडेहि दुवारं । तीए वुत्तं को एस ? पुरोहिएण भणियं—मंति व्व नज्जह् अत्थित्थ किञ्चि नासण-ट्टाणं ? तीए दंसिओ पच्छिम-कोणो । तत्थ पविट्ठो पुरोहिओ । पवेसिओ मंति तस्स वि कओचयारो पारद्धा कहा । इत्थंतरे आगओ राया तेण वुत्तं—उग्घाडेहि वारं । तीए वुत्तं—को एसो ? मंतिणा वुत्तं-राय व्व लक्खीयह् । दंसेहि नासण-ट्टाणं । दंसिओ तीए दक्खिण-कोणो तत्थ पविट्ठो मंती । पवेसिओ राया पारद्धो उचयारो । इत्थंतरे गहिय-संकेया आगया सासुया भणिया अणाए—वच्छे ! उग्घाडस्तु दुवारं । रत्ता भणिया—का एसा ? तीए वुत्तं—मह सासुया । रत्ता वुत्तं—दंसेहि किं पि ठाणं, खणभित्तं ओसराभि । दंसिओ पुव्व-कोणो पविट्ठो राया दिन्नं तालयं । इत्थंतरे पहाया रयणी । वहुयं गले घेत्तूण पख्खा धणसिरी । मिलिओ लोगो, आगओ तलारो, पुच्छियं तेण किमेयं ति ? धणसिरीए कहियं—एगो पुत्तो सो वि देसंतरे पत्तो पंचसं । तओ तलारो गओ रायउलं । नत्थि राय त्ति गओ मंति-गेहं । मंती नत्थि त्ति गओ पुरोहिय-गिहं । सो वि नत्थि त्ति गओ सेट्ठी-गेहं । सो वि नत्थि त्ति कहियं लहुय-पंचउलस्स । तं आगयं गिहे । निखविऊण घर-सारं भणिया तेण धण-सिरी—भदे ! तुह् गेहे महंती अत्थ-संभायणा न य किं पि दीसह् त्ति । तीए वुत्तं देसंतरं वचंतेण पुत्तगेण भणियमेयं—एसा मंजूसा जत्तेण रक्खियव्वा । पंच-उलेण चितियं संभाविज्जह् इत्थ घरसारं । सा उण चालिउं पि न तीरह् त्ति पुच्छिया व्हू—किं कारणं जं इत्थ वहुओ भारो ? तीए वुत्तं—अज्ज मए सुविणे चत्तारि लोगपाला गिहागया दिट्ठा । ते वि मंजूसाए पुव्व-दाहिणावरुत्तरेसु कोणेषु पविट्ठा । तो जइ सच्चो एस सुविणो तो तप्पभावेण भारो संभाविज्जह् । राय-पुरिसेहिं चडाविया गड्डीए मंजूसा, नेऊण मुक्का करणस्स पुरओ । मिलिओ लोगो । पंचउलेण मग्गिया धणसिरी कूंचियाओ । उग्घाडियाइं तालयाइं । पुव्वाओ कोणाओ नव-वहु व्व पडच्छन्न-मुहो अहो-निविट्ठ-दिट्ठी निग्गओ राया । दाहिणाओ मंती, पच्छिमाओ पुरोहिओ, उत्तराओ सेट्ठी । सव्वे वि वेगेण गया निय-निय-गिहेसु । पंचउलेण भणियं—किं सच्चं इमे रायामच्च-पुरो-हिय-सेट्ठिणो ? किं वा इंद्यालं ? न हसंताणं न रोयंताणं ति पुच्छिया जय सुंदरी—को एस वुत्तंतो । तीए वुत्तं घरे चेव साहिओ सुविणो, सो सच्चो संभा

बिज्जह । पंचउलेण चित्तियं अलं इमिणा वियारेण, मा जणो पंडिओ कीरओ ।
 आयार-संवरं काऊण मंजूसाए सह पेसियाओ सासुय-बहुयाओ । रत्ता
 भणिओ तलारो एगंते—गिहे गंतूण भण जयसुंदरिं, जहा रयणाणि लहसि
 तहा करिस्सामो, परं न एस निसा-वुत्तंतो कस्स वि कहियव्वो । तहेव कयं
 तलारेण । अमच्चेण भणिओ दामोयरो परसंतियाणि रयणाणि हरंतस्स ते
 सुमरियं कयंतेण ता लहुं समप्पेहि । तेणावि तहेव कयं ।

अह सुंदरो वि वित्ते वासारत्ते विटत्त-बहु-वित्तो ।
 सह कणयसुंदरीए पत्तो खेमेण निय-नयरिं ॥
 जणणी-मुहाउ सोउं जयसुंदरि-सील-रयण-वुत्तंतं ।
 तीए उवरि विसेसेण सुंदरो कुणइ अणुरायं ॥
 देव-गुरु-भत्ति-रम्मं धम्मं जयसुंदरी चिरं काउं ।
 पज्जंते गहिय-वया मरिऊण गया तियस-लोयं ॥

इति शीले जयसुंदरी-कथा ।

इय सील-धम्ममायन्निऊण भव-जलहि-तारण-तरंडं ।
 संचिग्ग-मणो राया गिण्हइ नियमं गुरु-समीवे ॥
 अह्मि-चउइसी-पसुह-पव्व-दियहे सुनिच्चमेव मए ।
 कायव्वं वंभवयं भयवं ! मण-वयण-काएहिं ॥
 अह वागरियं गुरुणा—जीव-दया-कारणं तवं कुज्जा ।
 छज्जीव-निकाय-बहो न होइ जम्हा कए तस्मि ॥
 जह कंचणस्स जलणो कुणइ विसुद्धं मलावहरणेणं ।
 जीवस्स तहेव तवो कम्म-समुच्छेय-करणेण ॥
 कम्माइं भवंतर-संचियाइं तुडंति किं तवेण विणा ।
 उज्झंति दवानलमंतरेण किं केण वि वणाइं ॥
 अगणिय-तणु-पीडेहिं तित्थयरेहिं तवो सयं विहिओ ।
 कहिओ तह तेहिं चिय तित्थयरत्तण-निमित्तमिणो ॥
 कुसुम-समाओ तियसिंद-चक्कवट्ठिणाइ-रिद्धीओ ।
 जाणसु तव-कप्प-महीरुहस्स सिंद-सुक्ख-फलयरस्स ॥
 वारस वरिसाइं तवो पुव्व-भवे रुप्पिणीइ जह विहिओ ।
 तह कायव्वो नीसेस-डुक्ख-खवणत्थमच्चेहिं ॥

तं जहा—

लच्छि-ग्गामे लच्छी-अलंकिओ आसि सोमदेवो त्ति ।
 विप्पवरो दाणपरो लच्छिमई नाम तस्स पिया ॥
 सा नियय-रूव-लावन्न-गव्विया गमइ कालमणवरयं ।
 मंडंती अप्पाणं अन्न-दिणे मंदिरे तीए ॥
 समणो समाहि-गुत्तो पत्तो पक्खोपवास-पारणए ।
 भिक्खत्थं तं ददुं तुट्ठो अब्भुट्ठिओ विप्पो ॥
 समणस्स देहि भिक्खं पिए ! इमस्स त्ति जंपिउं भज्जं ।
 सो निग्गओ गिहाओ मंडंती सा वि निय-वयणं ॥
 दप्पण-तल-संकंतं मुणि-पडिर्विवं च पिच्छए एवं ।
 निम्मंसमट्ठि-चम्मावसेसमइमल्लिण-दुग्गंधं ॥
 तं ददुं कुवियाए दिट्ठि-पहं मज्झ मेल्लसु विरूव ! ।
 इय निट्ठर-भणिरीए तीए निस्सारिओ साहू ॥
 तीए य सत्तम-दिणे जाओ सव्वंग-संचरो कोढो ।
 जं उग्ग-पुन्न-पावाइं एत्थ जम्मे वि दित्ति फलं ॥
 जण-वन्नणिज्ज-वन्नं आसि सुवण्णं व जं सरीरं से ।
 तवं व तं विवण्णं जायंतं कं न दूमेइ ॥
 सुंदरिम-हसिय-कमलं पि कम-जुयं तीइमं गलं जायं ।
 रंभा-समं पिह्वयं सिंवल्लि-थंभाभन्नूजुयं ॥
 चंपय-लओवमं पि हु भुय-जुयलं जायमयगर-सरिच्छं ।
 अरुणंगुलि-कलियं पि हु कर-कमल-जुयं गयं गल्लिउं ॥
 विंव-फल-सोयरं पि हु उट्ट-पुडं कुट्ट-घोत्थरं जायं ।
 सरला वि नासिया से नट्टा कुट्टस्स भीय व्व ॥
 एवं उंवर-कोढकंता कंता वि तेण सा चत्ता ।
 रूव-सिणेहाईणं अणिल्लयं तेण विंति वुहा ॥
 मण-दुक्ख-अग्गि-दड्ढा मया इमाए विसिज्जण अग्गिम्मि ।
 जं भणियमोसहं खलु अग्गि चिय अग्गि-दड्ढाण ॥

मरिज्जण सा समुप्पन्ना तत्थेव गामे रायउले रासही । पय-पाणं अपावंती
 कइ वि दियहाइं जीविज्जण मया संजाया गड्ढा-सूयरिया । तओ मरिज्जण जाया
 सुणही । वणे भमंती दड्ढा दवग्गिणा, मरिज्जण लाड-देसे भरुयच्छासन्न-गामे

जाया कुरुवा विस्सरा दुग्गंधा काणि त्ति नाम धीवर-धूया । तग्गंधं असहंतेहिं
 पिडहिं नम्मया-तीरे तण-कुडीरयं काऊण तत्थ ठविया सा । नावाए नईए
 लोगं उत्तारंती दिणाइं गमेइ । अन्नया सो चेव समाहिगुत्तो साहू सिसिरे
 नम्मया-तीरे कय-काउस्सगो दिट्ठो तीए । तं च तरंगिणी-तरंग-संग-सीयलं
 दुस्सह-समीरं सहंतं संज्ञाए निरावरणं पेच्छिऊण जाय-रूणाए कया तस्स
 समंतओ तण-भरेहिं पवण-वारणत्थं वाडी । पभाए आगया, मुणिं नमिऊण
 निघिट्ठा पुरओ । कया मुणिणा धम्मदेसणा । तं सोऊण संविग्गा सा पुच्छए
 मुणिं—भयवं ! कहिं पि तुमं मे दिट्ठ-पुव्वो । नाण-वलेण साहिया साहुणा तीए
 लच्छिमइ-भवाइया पुव्व-भवा । संजाय-जाइसरणा जाया सा साविया । सा-
 हुणा समप्पिया धम्मसिरि-अज्ञाए । साहुणीहिं सह विहरंती गया गामभेक्कं ।
 सुक्का तत्थ नाइल-सावयस्स गिहे । करेइ जिण-भयण-वेयावचं । काऊण वा-
 रस-वरिसाइं एगंतरोयवासे पज्जंत-विहियाणसणा मरिऊण जाया अच्चुइंदस्स
 पिययमा । पंचपद्दासं पलिओवमाइं पवर-भोगे भुत्तूण समुप्पन्ना इहेव भरहे
 वराड-विसय-मंडिणीए कुंडिणीए नयरीए ।

जत्थुल्लासिय-दोस्तायराउ रयणीउ न उण रमणीओ ।

अगुरु-परिचय-पहाणा य भोइणो जोइणो न उण ॥

तत्थ वल्लुहा-विलासिणी-विसेसओ भेसओ राया ।

जस्स असि-भिन्न-अरि-करि-कुंभत्थल-गलिय-मुत्तिय-गणेण ।

वीएण व जणिया समर-भूमि-पडिएण कित्ति-लया ॥

तस्स रघो निरुवम-रुव-रेहा-वियंभिय-जसाए जसमइ-देवीए गग्ग
 संभवा रूप्पिकुमारस्स लहु-वहिणी रूप्पिणी नाम धूया जाया । सा य सरीरसुं-
 दरिम-दलिय-देव-रमणी-मडप्फरा मथरद्वय-महाराय-लीला-वणं पत्ता जुव्वणं ।
 इओ य विस्संभर-भरण-भूयाए वारवइए भरहद्व-चक्कवट्ठी कण्हो राया ।
 अन्नया तत्थ गओ गयणंगणेण नारय-रिसी । सो वि कण्ह-वल-पसुह-दसारे
 अभिनंदिऊण पत्तो कण्हस्स अंतेऊरं । तत्थ अग्गुट्ठाण-अग्घ-दाणाईहिं स-
 म्माणिओ अंतेउरीहिं, न उण कयसिगाराए आयरिस-गिहे अप्पाणं सबवंतीए
 सत्तभामाए । कुबिएण तेण चित्तियं—निय-सोहंग-गव्वियाए सत्तभामाए
 एक्काए न पूइओइहं ता तहा करेमि जहा एसा सावक्क-डुक्खे पडइ त्ति । तओ
 उप्पइओ सो निसियासि-पट्ट-सन्निहं नहंगणं । पत्तो कुंडिणीए । भेसय-नरिं-
 दम्मभिनंदिऊण पविट्ठो अंतेउरं दिट्ठा तत्थ रूप्पिणी ।

जीए सयंकयाणं रूवाइ-गुणाण वन्नणत्थं व ।
 चउ-वयणो संपन्नो पयावई विम्हय-वसेण ॥
 तीए अग्वं दाउं पराए भत्तीए नारओ नमिओ ।
 तेणावि रुपिणीए आसीसा एरिसा दिन्ना ॥
 कण्हस्स अग्गमहिस्सी वारवई-सामिणो तुमं होसु ।
 नमिऊण पुच्छए सा—भययं ! को एस कण्हो त्ति ? ॥
 अह नारएण कहियं चरियं कण्हस्स सूळओ सव्वं ।
 पयडी-कया गुणा तह सोहग-परक्कम-प्पसुहा ॥
 तं सोउं संजाओ अणुराओ रुपिणीइ कण्हम्मि ।
 तीए रूवं लिहिउं पडंमी नारयरिस्सी वि गओ ॥
 कण्हस्स पडं अप्पइ, सो पुच्छइ भइ ! का इमा देवी ? ।
 रिसिणा भणियं—नरवर ! न देवया माणुसी एसा ॥
 कण्हो जंपइ किं माणुसीइ संभवइ एरिसं रूवं ।
 भणइ सुणी नणु तीए रूवस्स लवो मए लिहिओ ।

जओ—

एइह मित्तम्मि जए सुंदर-महिला-सहस्स-भरिए वि ।

अणुहरइ नवर तिस्सा वामद्वं दाहिणव्वस्स ॥

एवं भणिऊण उप्पइओ नारओ । जायाणुराएण कण्हेण पेसिया
 कुंडिणीए रुपिणो पासे रुपिणी-मग्गणत्थं पुरिसा । गोवालो हीण-जाइ त्ति
 निसिद्धो कण्हो रुपिणा । दिन्ना य सिसुपालस्स । अन्नया पहरिके पिउच्छाए
 भणिया रुपिणी—वच्छे ! ममुच्छंग-गयं तुमं वालत्ते दट्ठूण अइसुत्तय-सुणिणा
 भणियं, एसा कण्हस्स अग्गमहिस्सी होही । मए भणियं—भययं ! को सो
 कण्हो ? । तेण जंपियं—पच्छिम-दिसाए समुद्ध-तीरे जो वारवईं निवेसेही ।
 संपयं भइ ! तुह कल्लाणसुवट्ठियं । कण्हेण मगिया तुमं परं न दिन्नासि,
 रुपिणा दिन्नासि सिसुपालस्स । रुपिणीए भणियं—किमन्नहा होइ सुणि-
 वयणं ? । तुमं चेव कुणसु जमित्थजुत्तं । तीए नायं—अत्थि एयाए कण्हे अणु-
 राओ । तओ तीए पेसिओ पच्छन्नं कण्हस्स दूओ । जहा—माह-सिय-ट्ठमिए
 नाग-घरे पूया-निमित्तं रुपिणीए समं गमिस्सामि । तत्थ तुमए आगंतव्वं ति ।
 पारद्धो य वीवाहो रुपिणा सिसुपालस्स । समागओ सो अपेय-करि-तुरय-
 रह-पाइक्क-चक्क-परिगओ । कलि-कामेण नारएण जाणाविओ एयमत्थं कण्हो ।

रामेण सह रहाखुडो सो पत्तो कुंडिणीए पंचाणणो व्व काणणे निम्भओ चिइइ । तंमि दिणे रुपिणी पिउच्छाए बहु-धाई-बुडु-नारी-परिगया नागाइ-पूयणत्थं गया उज्जाणे । काऊण नाग-पूयं पूएइसुं इंदाणी-पमुह-देवेसु कहियं चरेहिं एयासिं जहा पत्ता एए राम-केसवा । तओ रहाओ उयरिऊण कण्हेण अभिवाइया पिउच्छा । भणिया य रुपिणी—

कण्हो इं तुज्झ कए इहागओ, तो समीहसे जइ मं ।

ता आरुह रहमेयं हियए पुण पुव्वमाखुडा ॥

पिउच्छाए अपुत्राया कण्हेण आरोविया रहं रुपिणी । एसा रुपिणी केणावि निज्जइ त्ति परियणेण कओ कोलाहलो । तं सोऊण मिलिओ बहुओ लोगो । भणिओ सो कण्हेण—गंतूण कहेह रुपिणो, तुह भइणी कण्हेण निज्जइ, जइअत्थि कावि सत्ती ता मेल्लवसु त्ति भणिऊण आऊरिया राम-कण्हेहिं पलय-काल-घण-घोसाणुकारिणा सरेण कय-असंख-जण-संखोहा संखा । सुणिय-वुत्तंता जणिय-कोवा कय-संनाहा दसहिं सहस्सेहिं गयंदाणं तिहिं लक्खेहिं तुरंगाणं सट्ठीए सहस्सेहिं रहाणं वड्ढहिं लक्खेहिं पाइकाणं परियरिया रुपिसि-सुपाला । लग्गा अपुमग्गेणं राम-कण्हाणं । ते आगच्छंते दट्ठूण भउव्वभंत-हिययाए कण्हुच्छंग-गयाए रुपिणीए भणियं—बहु-सेन्न-संगया महारहा इमे तुम्हे पुण सेन्न-रहिया । ता तुम्ह संगमं विहलं व तक्केमि त्ति कंपइ मे हिययं ।

कण्हेण जंपियं—पंकयच्छि ! उज्जेसु सज्जसं झत्ति ।

बहुएवि अहं गरुडो व्व पन्नगे निग्गहिस्सामि ।

जओ—

अम्हे थोडा रिउ बहुय इउ कायर चिंतंति ।

मुच्चि निहालहि गयणयलु कह उज्जोउ करंति ॥

जइ न पत्तियत्ति ता पिच्छ मे वाहु-वलं ।

इय भणिउं कण्हेणं आकण्णं कड्ढिऊण कोदंडं ।

एगेण अद्ध-चंदेण छिंदिया ताल-तरु-माला ॥

पुण वि बल-पयडणत्थं हरिणा वज्जं नियंगुलीयस्स ।

दलियं नियंगुलीहिं कप्पूर-कणो व्व हेलाए ॥

दट्ठूण इमं तुज्जा एसा, अह हलहरं हरी भणइ ।

वेत्तूण वहुं वयसु अहं निवारेमि पर-सेन्नं ॥

हलिणा वि हरी भणिओ वच्च तुमं पर-वलं जिजेमि अहं ।

इय तेसि संलावं सोउं तुद्दा य तद्दा य ॥
 कणहस्स रुप्पिणी निवडिऊण चलणेसु विन्नवइ एवं ।
 रक्खेसु रुप्पिणो मज्झ भाउणो जीवियं नाह ! ॥
 हरिणा भणिओ रामो रक्खेज्ज इमीइ भाउणो जीयं ।
 कण्हो वि सयं पुण रुप्पिणीइ सह निय-पुरिं चलिओ ॥
 जलहि-जलं पिव मच्छो विलोलए परवलं बलो पवलो ।
 लीलाए मुसलेणं चूरंतो करडि-संघायं ॥
 तो कुविओ सिंसुपालो दुक्को भानिय-कराल-करवालो ।
 हणिउं मुसलेण बलेण सो वि गय-पोरिसो विहिओ ॥
 अह घाविओ स-दप्पो रूप्पी धिट्ठोसि रे ! तुमं गोव ! ।
 जो मह पुरओ चिट्ठसि इय जंपंतो हलहरेण ॥
 आयड्डिउं रहाओ हलेण हणिउं तल-प्पहारेण ।
 धरणीइ पाडिओ छिन्न-घणु-गुणो लुलिय-केसो य ॥
 भणिओ सुक्कोसि मए रे ! जीवंतो दयाइ गच्छ गिहं ।
 इय विहिय-वेरि-विजओ कण्ह-समीवं गओ रामो ॥
 वारवईइ पवेसे भणिया कण्हेण रुप्पिणी एवं ।
 धणएण निम्मिया जा मज्झ कए सा पुरी एसा ॥
 कण्हो भणिओ तीए गुरु-यण-दिजाओ गुरु-विभवाओ ।
 बहु-परिवार-जुयाओ भज्जाओ तुज्ज चिट्ठंति ॥
 एगाणिणी अहं पुण आणीया वंदिणि व्व इह तुमए ।
 ता तह करेसु तासि जह नाह ! न होमि हास-पयं ॥
 कण्हेण जंपिया सा मा वीह पिए ! तहा करिस्सामि ।
 जह चूडामणि-भूया होसि तुमं सव्व-भज्जाणं ॥
 तो गंतुं उज्जाणे अबणेउं सिरि-घरे सिरि-पडिमं ।
 तद्दाणे सा ठविया कण्हेण इमं च सिक्खविया ॥
 सच्चा-पखुहाउ अंतैउरीउ सिरि-पणमणत्थमेत्थ जया ।
 आगच्छंति तया खलु अणमिस-नयणा हवेज्ज तुमं ॥
 अह कण्हो निय-भवणे पत्तो सवाइ पुच्छिओ एवं ।
 कत्थ तुह वल्लहा सा ? सो जंपइ सिरि-घरे अत्थि ॥
 तदंसणूसुयाओ गयाओ सव्वाओ तत्थदेवीओ ।

ददूण रूपिणि कणय-सच्छहं छविमगमितच्छि ॥
 लच्छि त्ति लक्खिउं पूहउं पणमिउं च जंपए सच्चा ।
 देवि ! पसायं काउं जइ कुणसि तुमं ममाहिंतो ॥
 तुच्छं रूवाइ-गुणेहिं महिलमागंतुगं तओ तुज्ज ।
 काहं महंत-पूयं इय विन्नविउं गया सच्चा ॥
 कणहस्स अंतिए भणइ अप्पणो दइयममह दंसेसु ।
 तो सिरि-हरंमि पत्तो कणहो अंतेउरीहिं समं ॥
 सो रूपिणीइ अब्भुट्ठिऊण भणिओ नमामि कं पढमं ।
 कणहेण सत्तभाणा दक्खविया भणइ सा एवं ॥
 पुव्वं मए पणमिया एसा हसिऊण जंपए कणहो ।
 जं भइणीए भइणी नमिया तत्थत्थि को दोसो ॥
 वियरेइ रूपिणीए पासायं सच्च-सुंदरं कणहो ।
 तह रयण-कंचणाहरण-वत्थ-पसुहं महा-विहवं ॥
 इय पुव्व-जस्स-निम्मिय-तव-प्पभावेण रूपिणी देवी ।
 इंदेण सइ व्व सुहं माणेइ समं उविंदेण ॥

इति तपसि रुक्मिणी-कथा ।

जह पुव्व-भवे मज्जुकेउवेहि पज्जुन्न-संभ-कुमरेहिं ।
 विहिओ तवो विचित्तो तह अणेहिं पि कायव्वो ॥

तं जहा—

कइयावि कणह-पासे समागओ नारओ कहइ एवं ।
 वेपड्डु-पव्वए जंबवंत-विज्जाहरिंदस्स ॥
 देवीए सिवचंदाइ नंदणो अत्थि वीससेणो त्ति ।
 जंबवई जंबूणय-वच्चा तस्सत्थि लहु-वहिणी ॥
 निय-वपण-कणय-पंकेरुहाण तुल्लत्त-दंसणत्थं व ।
 सुर-सरियाए कूले कीलंती सा मए दिहा ॥
 कणहेण तत्थ गंतुं दडाणुराएण सावि आणीया ।
 तज्जणयमगाहिटी जिणिऊण हरिस्स उवणेइ ॥
 सो वि हु गुरु-रिडीए हरिणा परिणाविऊण निय-धूयं ।
 गुरु-ववण-सवण-संविग्ग-माणसो गिण्हए दिक्खं ॥

अन्नया गिरिनयराओ सच्चभामाए भाया दुज्जोहणो तत्थागओ । सो परिहासेण भणिओ सच्चभामाए—भाय ! वेवाहिओ होसु जया मज्झ पुत्तो होइ तथा तुमए तस्स निय-धूया दायव्वा । रुप्पिणीए वि सो एवं भणिओ । इत्थंतरे भिक्खत्थं तत्थागओ ओहिनाणी साहू । पवराहारेहिं पडिलाभिऊण सो रुप्पिणीए भणिओ—

भयवं ! मे होही पुत्तो ? सच्चाए वि पुच्छिओ एवं ।

होहि त्ति एग-वयणं भणिऊणं निग्गओ साहू ।

सच्चभामा-रुप्पिणीणं जाओ दुण्हंपि सुय-विवाओ । सच्चा भणइ मुणिणो मे अक्खिओ पुत्तो, रुप्पिणी भणइ ममं ति । सच्चाए भणियं—जीए पुत्तो होही तदियरीए केसेहि पुत्त-विवाहे दग्ग-कज्जं कायव्वं । इत्थ सक्खिणो कण्ह-वलदेव-दुज्जोहणा । अन्नया निसाए सारय-ससंक-सच्छहो वसहो वयणे पविसंतो सुविणे दिट्ठो रुप्पिणीए । कहिओ कण्हत्स । तेणावि हक्कारिऊण सम्माण-पुव्वं पुच्छिया सुविण-पाठगा—किं फलो एस सुविणो त्ति ? तेहिं कहियं—तुज्झ तुल्लो पुत्तो होही ।

अह महासुक्काओ चविऊण मल्लुदेव-जीवो रुप्पिणीए गग्गे समुप्पन्नो । सा नवण्हं मासाणं साहरेगाणं निय-देह-प्पहा-पभारेण गग्ग-गिहंधयार-दारयं दारयं पसूया ।

वच्चाविओ य कण्हो गंतुं चेडीए तुरिय-गमणाए ।

तीए नियंग-लग्गं दिन्नं कण्हेण आभरणं ॥

कण्हो पहिट्ठ-हियओ उवविट्ठो सुइ-मंदिरे गंतुं ।

काउं करे कुमारं दासी दंसेइ कण्हत्स ॥

नयण-मणाणंदकरं सव्वंगं जाइ तं नियइ कण्हो ।

ता रयणं व कुमारो हरिओ केण वि अदिट्ठेण ॥

अह रुप्पिणी-कुमारावटार-गुरु-सोय-भरिय-सव्वंग ।

मुच्छा-निमीलियच्छी धस मी धरणी-यले पडिया ॥

सिसिरोवयार-संपत्त-चेयणा पसमिडं व सोयणिं ।

सा वाह-सलिल-पूरं भिल्लंती पलवए एवं ॥

हा चंदवयण ! हा कमल-नयण ! हा वच्छ ! लच्छि-कुल-भवण ! ।

हा निय-वंस-विभूसण ! हा विसलय-अरुण-कर-चलण ! ॥

खिविऊण ममं दीणं दुस्सह-सोयानलंनि पजलंते ।

अगणिय-जणणि-सिणेहो पुत्त ! तुमं कत्थ पत्तोसि ॥
 निळ्ळक्खणा अहं चिअ निब्भग्ग-सिरोमणी अहं चेअ ।
 जं परिहरिऊण ममं पुत्त ! तुमं कत्थ वि गओसि ॥
 हा तणय ! कणय-सच्छह ! जीवंति लोयणेहिं एएहिं ।
 किं तुज्झ वयण-कसलं कयाइ पुणरवि पलोइस्सं ॥
 कणहो वि जाय-सोगो विलवइ सह जायवेहिं हा वच्छ ! ।
 केणावि वेरिएणं एक्क-पए चेव हरिओसि ॥
 हा दिव्व ! मह विलीयं किं दिट्ठं जं तए सुय-मित्तेण ।
 आरोविऊण भवणे कप्प-तरू एस अवहरिओ ॥

एत्थंतरे गयणाओ आगओ नारओ, भणियं तेण—ओ ! किमेवं सोय-
 सुव्वहह, जओ सुरासुरेहिं पि दुरइक्कओ कम्म-परिणाओ । ता अवलंवेह धीरयं,
 कहेमि तुम्ह पुत्त-पउत्तिं ति, भणिऊण पत्तो महाधिदेहं । पणमिऊण सीमंघ-
 र-सामिं पुच्छेइ—भयवं ! किं पुव्व-भवे रुपिणीए कयं कम्मं जं जायमेत्तो वि
 अवहरिओ से पुत्तो । केण अवहरिओ, कत्थ सो, कहं वा चिट्ठइ त्ति ? । भणियं
 सामिणा भइ ! सुण—वंभणी-भवे इमीए उज्जाणाओ मोरीए रसंतीए मोर-
 पोयगो नीओ निय-गेहं । बुद्धिं नेऊण सिक्खविओ नटं । तालाए चप्पुडि-
 याए य दिवाए नडो व्व नच्चए विविह-भंगीहिं । सा उण तस्स माया मोरी
 तणेह-मोहिया न मिळ्ळए तं पएसं । सयणेहिं भणिया वंभणी—भइ ! किं
 अणेण रुडेण जस्स माया मोरी सुय-विओग-दुक्खिया एवं गमइ कालं । तओ
 तव्वयण-जायाणुकंपाए तीए सोलसमे मासे सुक्को । तं कम्मं वारस-गुणं उइत्तं
 रुपिणीए । अओ सोलस-वरिस-पज्जंते पुत्त-दंसणं होहि त्ति । जं पुण पुच्छियं
 केण कम्मेण अवहरिओ त्ति तं सुण—एत्थेव भारहे वासे सालि-ग्गासे मणोर-
 सुज्जाणस्स सामी सुमणो नाम जक्खो । तत्थेव सोमदेवो नाम वंभणो आसि ।
 तस्स भज्जा अग्गिला ताणं दुत्ति पुत्ता चउदस-विज्जा-ठाण-पारगा अग्गिभूई
 वायुभूई य । अन्नया वहु-साहु-सहिओ चंदो व्व तारय-परियरिओ समोस-
 रिओ मणोरसुज्जाणे नंदिकट्टणायरिओ । गओ तव्वंदणत्थं गाम-लोगो । पारड्ड
 भव-निव्वेय-जणणी गुरुणा धम्मदेसणा । निय-पंडिच्च-पयंड-दप्पा दो वि
 दिय-नंदणा उवट्टिया वाए । निज्जिया एक्केण साहुणा भणिया य—भइ ! किं
 जाइ-कुलाइ-गव्वसुव्वहह । सुणह अत्तणो पुव्व-भवं । इत्थेव गामे वणत्थलीए
 सियाला दो वि तुम्हे आसी । कयाइ करिसगेण केण वि हलोवगरणाइं खेत्ते

मुक्काइं नाडयाइं रयणीए बुद्धेण तित्ताइं ताइं भक्खिज्जण मया कम्मवसेण ।
जाया इमस्स विप्पस्स पुत्ता । करिस्सगो वि कालेण मओ जाओ निय-सुण्हाए
नंदणो । जाइं सरिज्जण कहं निय-तणयं जणयं सुण्हं वा जणणिं जंपेमि त्ति
मूयत्तणं पवत्तो । जइ नत्थि पच्चओ, तो सद्देह तं मूयं जेण सव्वमेयं साहइ ।
तओ वाहराविओ मूओ भणिओ सो सुणिणा ।

राया वि होइ भिच्चो भिच्चो वि नरेस्सरत्तणं लहइ ।

माया वि होइ भज्जा भज्जा वि हु होइ माय त्ति ॥

जणओ वि होइ तणओ तणओ वि हु एत्थ जायए जणओ ।

सुण्हावि होइ माया माया वि हु होइ सुण्ह त्ति ॥

ता वच्छ ! संसार-सख्वमेयं परिभाविज्जण सुत्तूण लज्जं कहेसु
अत्तणो पुव्व-भवं । सो वि सहरिस्सो लोयस्स निय-पुव्व-भवं साहइ । संबि-
ग्ग-मणो सुणि-पासे पव्वइओ पामरो । ते वि दिव-दारया सियाला वंभणा
जाय त्ति उवहस्सिया अविवेणिणा लोएण । विलक्ख-चित्ता कोवसुव्वहंता
रयणीए खग्ग-वग्ग-हत्था वहत्थं साहूणं आगया उज्जाणं । थंभिया सुमण-
जक्खेण । पभाए दिट्ठा खीलिया लोणेण । सुणिय-दुत्तंता आगया तेस्सि
माया-पियरो । अक्खियं जक्खेण सुणि-मारणुज्जुया इमे मए एवं कया ।
तो जइ जिणधम्मं पडिवज्जंति ता मिच्छेमि, न अन्नहा । तेहिं भणियं
दुक्करो साहु-धम्मो सावग-धम्मं पुण करिस्सामो । एवं करेह त्ति भणि-
ज्जण मुक्का ते जक्खेण । गहियं सावगत्तं भावओ सुएहिं साहु-समीवे, न
उण जणणि-जणएहिं । कालेण अग्गिभूइ-वाउभूइणो मरिज्जण ससुप्पत्ता
सोहम्मे पंच-पलिओवमाऊ देवा । तओ चुया हत्थिणाउरे अरिहदास्स
सावयस्स पुन्नभइ-माणिभइ-नामाणो जाया नंदणा । जिणसासणापुरत्ता
कुणंति सावगत्तं । अन्नया महिंद-चाव-चवलं जाणिज्जण जीवियं महिंद-सुणि-
समीवे पवन्नो अरिहदासो दिक्खं । तस्स सुया रहाल्ला साहु-नमणत्थं
पत्थिया । पेच्छंति मग्गे सुण्ही-सणाहं चंडालं । जाओ तेस्सि तदुवरि सि-
णेहो । गया साहु-समीवे । वंदिज्जण पुच्छंति साहुं—भयवं ! किं कारणं जेण
अम्हाणं सुण्हिं चंडालं च दट्ठूण सिणेह-निव्भरं मणं जायं । साहुणा कहियं-
तुव्वे अग्गिभूइ-वाउभूई पुव्व-भवे हुंता । तुम्ह पुण माया-पियरो अक्ख-धम्मो
मया संसारं हिंदिज्जण माया सुण्ही जाया पिया पुण एत्तो सोवागो ।
तओ ते संजाय-जाइसरणा संसार-सख्वं सुभरंता गया मेहं । तेहिं कहिज्जण

वृत्तं पडिवोहिओ सोवागो सुणही य । वेरग-समगो सोवागो मास-प्पमायं
अणसणं काऊण मओ नंदीसरे देवो जाओ । सुणही वि कयाणसणा तत्थेव पुरे
रत्तो धूया जाया । पुणो वि सो साहू तत्थागओ । पुच्छिओ तेहिं सुणही
सोवागो य मरिऊण कत्थ गय त्ति ? । साहुणा कहियं जहावत्तं । राय-धूया
पडिवोहिया तेहिं । काऊण पवज्जं गया सुरलोयं । ते वि काऊण निम्मलं साव-
गत्तं पत्ता सोहम्मै । जाया सुरिंद-सरिसा सुरा । तओ चुया हत्थिणाउरे वीर-
सेण-रायस्स महु-केडवाभिहाणा जाया तणया । गहिय-कला-कलावा पत्ता
जुव्वणं । पर-लोय-पत्थिएण पिउणा ठविओ रज्जे महुकुमारो, केडयो कओ-
जुव्वराओ । अन्नया निय-सेवगस्स वडउर-साभिणे कणयाभरणस्स भज्जा
चंदाभा नाम अबहरिया महुणा । तीए सह विसए सेवंतो महु कालं गमेइ ।
वडउर-नरिंदो वि चंदाभा-विरहे तरु-वक्क-निवसणो भूइ-भुर-कुंडियंगो संजाओ
जडहारी । कयाइ दिट्ठो देवीए मग्गे भमंतो, दंसिओ महु-नरिंदस्स । एस
मज्झ पई मह धिओगे परिचत्त-रज्जो एगागी एवं परिव्वभमइ । तं सोऊण
चित्तियं महुणा ।

हा ! कुंदिंदु-समुज्जलो कलुसिओ तायस्स वंसो मए
वंधूणं सुह-पंकएसु य हहा दिन्नो मसी कुचओ ।
ही ! तेलुक्कमकित्ति-पंसु-पसरेणुखूलियं सव्वओ
धिद्धी ! भीम-भवुव्ववाण भवणं दुक्खाण अप्पा कओ ॥
जं विसय-परव्वस-माणसेण हरियं मए पर-कलत्तं ।
ता तिन्व-तवं काहं इमस्स पावस्स सुद्धिकए ॥
तो धुंधुमार-कुमरं रज्जे ठविऊण महु-मही-नाहो ।
निय-बंधु-केडवेणं समन्निओ गिण्हए दिक्खं ॥
ते दो वि सयल-सुत्तत्थ-पारगा जिय-परीसह-कसाया ।
कुव्वंति तवं छट्ठमाइ-छम्मास-पज्जंतं ॥
बहुवास-सहस्साइं सामघं पालिऊण पज्जंते ।
कय-पायवोच-गमणा मरिउं सुके सुरा जाया ॥
अह वडउर-नयर-निवो काउं अन्नाण-तीवमपज्जंतं ।
मरिऊण समुप्पलो पलियाऊ जोहसेसु सुरो ॥
तत्तो चविउं भमिओ भवम्मि लहिउं नरत्तणं कह वि ।
किंचि कय-सुकय-कम्मो जाओ सो धूमकेउ-सुरो ॥

महु-नरिंदो वि सत्तरस-सागराहं सुर-रिद्धिं भुक्तूण चविडं ससुप्पन्नो
 कण्ह-पत्तीए रुप्पिणीए पुत्तो । धूमकेउ-सुरेण भज्जा-वेरं सरिऊण अवहरिओ
 सो । नीओ विजयद्ध-भूधरस्स भूरमण-वणे । छुहा-तिसा-सीय-वायायव-
 पीडिओ दुक्खेण मरउ त्ति मुक्को सिलायले । गओ सुरो सट्ठाणं । देव-वसेण
 विमाणारूढो निय-भज्जाए कणयमालाए समेओ कालसंवरो विज्जाहरो
 आगओ तं पएसं । देह-प्पहा-पडल-पूरिय-दियंतरं रयण-पुंजं व तं दारयं
 ददूण विज्जाहरो अवयरिऊण विमाणाओ पहिट्ठ-मणो वेत्तूण तं समप्पए
 निय-भज्जाए । तुद्ध-चित्ताए तीए समं गओ निय-नयरं मेहकुंडं । गरुध-रिद्धीए
 कयं पज्जुत्तो त्ति से नामं । कणय-गिरि-गुहा-गओ कप्प-रुक्खो व्व बहए
 एसो । तं सोऊण हरिसिओ नारओ । नभिऊण जिणिंदं गओ वेयड्ड-सेल-
 सिहर-सेहरं मेहकुंड-नयरं । तत्थ ददूण कालसंवरं बद्धावए पुत्त-जन्मेणं ।
 तेणावि नेऊण भवणव्भंतरं दंसिओ पज्जुत्तो । तं रुप्पिणी-पडिम-रूवं निरु-
 विऊण उप्पइओ नारओ । आगओ वारवईए । कहेइ कण्ह-रुप्पिणी-पसुहाण
 पुरओ सीमंधर-जिणोवइट्ठं पज्जुत्त-वुत्तंतं । तं सोऊण रुप्पिणी-पुत्त-दंसणूसुया
 कालं गमेइ । अन्नया जाओ भाणू नाम सच्चभामाए मणाणंद-जणओ तणओ ।

अह मेहकुंड-नयरे पज्जुत्तो गुण-कलाव-पडिपुत्तो ।

उद्दाम-कामिणी-मण-विमोहणं जुव्वणं पत्तो ॥

तेलुक्के वि तमत्थि वत्थु न परं जं तस्स सच्चप्पणा

पाविज्जाखिल-लोय-लोयण-सुहा-सारस्स तुल्लत्तणं ।

जं पंकेरुह-कुंद-चंद-पसुहा ते तस्स तेयस्सिणो ।

इक्केरुस्स वि अंगयस्स पुरओ दीसंति दासा इव ॥

अह तं निसग्ग-सोहग्ग-संगयं पेच्छिऊण तज्जणणी ।

मयण-विचस्ता विलज्जा पज्जुत्तं जंपए एवं ॥

मह कुक्खि-भवो न तुमं किं तु अरंभंमि सुहय ! लद्धोसि ।

संपडिओ पगामं गरूएहिं मणोरहेहिं मए ॥

संपइ मणोरहे मह विसय-सुहासेवणेण पूरेसु ।

जेण तुह देमि विज्जा-गोरी-पंनत्ति-पसुहाओ ॥

इय सोउं सो चिंतइ धिद्धी जणणी वि जंपए एवं ।

अहवा मयणायत्ता कज्जमकज्जं च न मुणंति ॥

विज्जाओ ताव गिण्हामि तयणु काहामि किं पि जं उच्चियं ।

तो भणइ इमो विज्जाउ देहि मे तुह हियं काहं ॥
 दिन्नाउ तस्स विज्जाउ तीइ सुद्धाइ विसय-लुद्धाए ।
 तत्तो भोग-सुहत्थं तं पत्थंतिं भणइ कुमरो ॥
 जइ वि अहं तुह पुत्तो न होमि पुत्तो त्ति वड्ढिओ तह वि ।
 ता वोत्तुं पि न जुत्तं तुज्झ इमं किं पुणो काउं ॥
 पुणरुत्तं पत्थंती वि तेण गणिया तणं व सा जाव ।
 ताव नहेहिं नियंगं वियारिउं तीइ पुक्करियं ॥
 अह संभंतो पत्तो तवभत्ता भणइ हा किमेयं ति ।
 सा कहइ मज्झ सीलं वला वि खंडइ इमो कुमरो ॥
 दंसइ य नह-पयाइं तो कुविओ कालसंवरो भणइ ।
 निय-पुत्ते रे ! मारह इमं दुरायरमकयत्तुं ॥
 ते पहरिउं पयट्टा पयंड-भुय-विक्रमेण कुमरेण ।
 एकेण व निज्जिणिया हरिणा हरिण व्व सव्वे वि ॥
 तत्तो कुद्धो कालो व्व दुस्सहो कालसंवरो दुक्को ।
 सो वि कओ गय-दप्पो इमिणा सप्पो व्व मंतेण ॥
 नट्टो पुरे पविट्टो सो पज्जुत्तेण पेसिउं पुरिसं ।
 जाणाविओ सम्मगं पि कणयमालाइ वुत्तंतं ॥
 भणिओ य संसुहोहं जं दुक्को तुज्झ ताय ! संगामे ।
 तं खमसु मज्झ दोसं खमा-परा हुंति जं गुरुणो ॥
 महिला-अणत्थ-संदोह-मंदिरं दोस-दुम-अमय-कुल्ला ।
 इय थित्तिज्जण खयरेसरेण सम्माणिओ कुमरो ॥

एत्थंतरे आगओ नारओ । एस देव-रिसि त्ति साहिओ पज्जुत्तस्स
 विज्जाए । पणमिओ सो अणेण । तेणावि कहियं कणह-पत्तीए रुपिणीए तुमं
 पुत्तो । धूमकेउणा अबहरिओ । तुह विरहे रुपिणीए गणियाइं सोलस-वरि-
 साइं । रुपिणीए सच्चभामाए सह पइत्ता कया आसि । जीए सुओ पुठ्वं उप्प-
 जिही तदन्नाए केसेहिं पुत्त-विवाहे दव्व-कज्जं कायव्वं । संपयं सच्चा-सुयस्स
 भाणुस्स विवाह-कालो वट्टइ । ता कुमार ! तत्थ वच्चाओ । तओ पियरं पुच्छि-
 ज्जण पत्थिओ पज्जुत्तो नारएण समं । पुरओ पिसंडि-पासाय-पसरंत-वहा-
 पव्वभार-भासुरं वारवइं ददूण पुच्छए तं किमेयं ति ? ।

तो नारएण कहियं धणएण कया इमा सुवन्नमई ।

महु-नरिंदो वि सत्तरस-सागराहं सुर-रिद्धिं भुत्तूण चविडं ससुप्पन्नो
 कण्ह-पत्तीए रुपिणीए पुत्तो । धूमकेउ-सुरेण भज्जा-वेरं सरिऊण अबहरिओ
 सो । नीओ विजयद्ध-भूधरस्स भूरमण-वणे । छुहा-तिसा-सीय-वायायव-
 पीडिओ दुक्खेण मरउ त्ति मुक्को सिलायले । गओ सुरो सट्टाणं । देव-वत्तेण
 विमाणाख्खो निय-भज्जाए कणयमालाए समेओ कालसंवरो विज्जाहरो
 आगओ तं पएसं । देह-प्पहा-पडल-पूरिय-दियंतं रयण-पुंजं व तं दारयं
 ददूण विज्जाहरो अवयरिऊण विमाणाओ पहिद्ध-मणो वेत्तूण तं समप्पए
 निय-भज्जाए । तुट्ट-चित्ताए तीए समं गओ निय-नयरं मेहकुंडं । गरुय-रिद्धीए
 कयं पज्जुत्तो त्ति से नामं । कणय-गिरि-गुहा-गओ कप्प-ख्खो व्व वट्टए
 एसो । तं सोऊण हरिसिओ नारओ । नमिऊण जिणिंदं गओ वेयडु-सेल-
 सिहर-सेहरं मेहकुंड-नयरं । तत्थ ददूण कालसंवरं वडायए पुत्त-जम्भेजं ।
 तेणावि नेऊण भवणअंतंरं दंसिओ पज्जुत्तो । तं रुपिणी-पडिम-ख्वं निर-
 विऊण उप्पइओ नारओ । आगओ बारवईए । कहेइ कण्ह-रुपिणी-पमुहाण
 पुरओ सीमंधर-जिणोवइट्टं पज्जुत्त-वुत्तंतं । तं सोऊण रुपिणी-पुत्त-दंसणूखुया
 कालं गमेइ । अन्नया जाओ भाणू नाम सच्चभामाए मणाणंद-जणओ तणओ ।

अह मेहकुंड-नयरे पज्जुत्तो गुण-कलाव-पडिपुत्तो ।

उद्दाम-कामिणी-मण-विमोहणं जुव्वणं पत्तो ॥

तेलुक्के वि तमत्थि वत्थु न परं जं तस्स सव्वप्पणा

पाविज्जाखिल-लोय-लोयण-सुहा-सारस्स तुल्लत्तणं ।

जं पंकेरुह-कुंद-चंद-पमुहा ते तस्स तेयस्सिणो ।

इक्केस्स वि अंगयस्स पुरओ दीसंति दासा इव ॥

अह तं निसग्ग-सोहग्ग-संगयं पेच्छिऊण तज्जणणी ।

मयण-विवसा विलज्जा पज्जुत्तं जंपए एवं ॥

मह कुक्खि-भवो न तुमं किं तु अरन्नंमि सुहय ! लद्धोसि ।

संवड्ढिओ पगामं गरूएहिं मणोरहेहिं मए ॥

संपइ मणोरहे मह विसय-सुहासेवणेण पूरेसु ।

जेण तुह देमि विज्जा-गोरी-पनत्ति-पमुहाओ ॥

इय सोउं सो चिंतइ धिद्धी जणणी वि जंपए एवं ।

अहवा मयणायस्ता कज्जमकज्जं च न मुणंति ॥

विज्जाओ ताव गिण्हामि तयणु काहामि किं पि जं उचियं ।

तो भणइ इमो विज्जाउ देहि मे तुह हियं काहं ॥
 दिज्जाउ तस्स विज्जाउ तीइ सुद्धाइ विसय-लुच्चाए ।
 तत्तो भोग-सुहत्थं तं पत्थंतिं भणइ कुमरो ॥
 जइ वि अहं तुह पुत्तो न होमि पुत्तो त्ति वड्ढिओ तह वि ।
 ता वोत्तुं पि न जुत्तं तुज्झ इमं किं पुणो काउं ॥
 पुणरुत्तं पत्थंती वि तेण गणिया तणं व सा जाव ।
 ताव नहेहिं नियंगं वियारिउं तीइ पुक्करियं ॥
 अह संभंतो पत्तो तवभत्ता भणइ हा किमेयं ति ।
 सा कहइ मज्झ सीलं बला वि खंडइ इमो कुमरो ॥
 दंसइ य नह-पयाइं तो कुविओ कालसंवरो भणइ ।
 निय-पुत्ते रे ! मारह इमं दुरायरमकयत्तुं ॥
 ते पहरिउं पयट्टा पयंड-भुय-विक्रमेण कुमरेण ।
 एकेण व निज्जिणिया हरिणा हरिण व्व सब्बे वि ॥
 तत्तो कुद्धो कालो व्व दुस्सहो कालसंवरो दुक्को ।
 सो वि कओ गय-दप्पो इमिणा सप्पो व्व मंतेण ॥
 नट्टो पुरे पविट्टो सो पज्जुत्तेण पेसिउं पुरिसं ।
 जाणाविओ समग्गं पि कणयमालाइ वुत्तंतं ॥
 भणिओ य संलुहोहं जं दुक्को तुज्झ ताय ! संगामे ।
 तं खमसु मज्झ दोसं खमा-परा हुंति जं गुरुणो ॥
 महिला-अणत्थ-संदोह-मंदिरं दोस-दुम-अमय-कुल्ला ।
 इय चित्तिज्जण खयरेस्सरेण सम्माणिओ कुमरो ॥

एत्थंतरे आगओ नारओ । एस देव-रिसि त्ति साहिओ पज्जुत्तस्स
 विज्जाए । पणमिओ सो अणेण । तेणावि कहियं कण्ह-पत्तीए रुपिणीए तुमं
 पुत्तो । धूमकेउणा अबहरिओ । तुह विरहे रुपिणीए गमियाइं सोलस-वरि-
 स्साइं । रुपिणीए सब्बभामाए सह पइत्ता कथा आसि । जीए सुओ पुब्बं उप्प-
 जिही तदसाए केसेहिं पुत्त-विवाहे दब्ब-कज्जं कायव्वं । संपयं सत्ता-सुयस्स
 भाणुस्स विवाह-कालो बहइ । ता कुमार ! तत्थ वच्चामो । तओ पियरं पुच्छि-
 ज्जण पत्थिओ पज्जुत्तो नारएण समं । पुरओ पिसंडि-पात्ताय-पत्तरंत-पहा-
 पब्बार-भासुरं वारयइं दट्टूण पुच्छए तं किमेयं ति ? ।

तो नारएण कहियं धणएण कथा इमा सुवन्नमई ।

वारवई नाम पुरी जुग्गा कण्हस्स तुह पिउणो ॥
 भणियं अणेण—कस्स वि इहागओहं न साहियव्वो त्ति ।
 कय-वाल-साहु-वेसो जणणी-गेहं गओ एसो ॥
 सो जंपइ सोलस-वच्छराहं उववासिओ अहं थक्को ।
 संपइ पारणय-कए तुह गेहं साविए ! पत्तो ॥
 सा भणइ तवो कम्मं सुव्वइ वरिस-प्पमाणमुक्किटं ।
 जं पुण इत्तियं कालं कहसि तुमं तं कहं घडइ ॥
 जंपइ पज्जुन्न-सुणी वरिसाणं सोलसण्ह-मज्झंमि ।
 जणणीए थण-छीरं पि साविए ! न हु मए पीयं ॥
 जइ तुज्झ अत्थि दिच्छा देसु तओ अह व नत्थि तो जामि ।
 तो भणइ रुप्पिणी तं तुह अत्थो वत्थुणा केण ॥
 सो जंपइ पेज्जाए, तो पेज्जा तीइ पइउमाढत्ता ।
 तो विज्जाए इन्निणा जलणो विज्झाविओ इत्ति ॥
 तो रुप्पिणीइ भणियं—भयवं ! गिण्हाहि मोयगे पवरे ।
 किं तु न जीरवइ इमे अन्नो एक्कं विणा कण्हं ॥
 अक्खेइ खुब्बुओ जीरवेमि तेऽहं तव-प्पभावेण ।
 तो खुब्बुयस्स पुरओ मोयग-रासी कओ तीए ॥
 पक्खिवइ खुब्बुओ रक्खसो व्व वयणंमि मोयगे सव्वे ।
 हसिऊण भणइ देवी—तुहत्थि दिव्वा धुवं सत्ती ॥
 अह नारएण कहियं तुह पुत्तो एस देवि ! पज्जुओ ।
 कुमरो वि साहु-रूवं मुत्तुं जाओ सहज-रूवो ॥
 सुर-कुमरो व्व मणहरो पडिओ पाएसु निय-जणणीए ।
 आलिंनिऊण गाढं सिरंमि सो चुंविओ तीए ॥

तेण भणिया जणणी न मत्तागमणं कस्सवि साहियव्वं, जाव मे न मिलइ
 पिया । इओ य सच्चभामाए रुप्पिणी-पासे पेतिया पुरिसा नाविएण समं केस-
 जायणत्थं । पज्जुत्तेण विज्जा-बलेण नावियस्स सीसं मुंडिऊण पेतिया केसा ।
 सच्चभामा वि स-रोसा आगया रुप्पिणी-पासं । पज्जुत्तो वि कण्ह-रूवं काऊण
 ठिओ तत्थ दिट्ठो सच्चभामाए । तओ कोवेण तज्जंती इमो मूलमणत्थाणं ज्या-
 निग्गच्छिस्सइ तथा केसे गिण्हिस्सामि त्ति भणंती निग्गया । गवा-कण्ह-
 भवणं । तत्थ तं सपरियणं पेच्छिऊण भणइ—मज्झ पइत्ता-भंगं काऊण

सिन्धुमागओ सि एत्थ त्ति । गया निय-गेहं । कण्हो वि तीए अणुणयत्थं गओ तत्थ । इओ य पज्जुन्नो रह-रयणे रुप्पिणिं ठाविऊण संखं आऊरंतो निग्गओ नयरी-मज्जेण । जंपेह पउर-जणं कहेह कण्हस्स जहा रुप्पिणी केणावि भडेण निज्जइ । जह सामत्थमत्थि ता निचारेसु । तं सोऊण जाय-कोवा जायव करि-तुरय-रह-समूहमारुहिऊण धाविया तस्स पिट्ठओ । ते वि चंड-भुय-दंड-कुंडलिय-कोदंड-चंड-मुक्क-नाराय-नियर-निरुद्ध-नह-मंडला बलिऊण निज्जिया पज्जुत्तेण । तओ आगओ गय-संख-चक्क-करवाल-करो रहारुद्धो कण्हो । सो वि गोरी-पन्नत्ति-विज्जा-बलेण कओ कुमारेण परंसुहो । जाओ विलक्ख-वयणो धिताउरो भणिओ नारएण—नारायण ! एस ते पुत्तो रुप्पिणी-गम्भ-संभवो पज्जुन्नो । हरिस-वस-विसदंठ-वयणेण कण्हेण आलिंकिऊण मद्दसवेणं पवेसिओ पुरिं । परिणाविओ नरिंद-खयरिंद-सुंदरीहिं गरुय-गुण-रंजिएहिं रान-कण्हेहिं । कओ सो रज्ज-चित्तगो । एत्थंतरे दुज्जोहण-पेसिएहिं पुरिसेहिं चित्ततो कण्हो, जहा—तुज्ज सुण्हा मह धुया भाणु-विवाह-जुग्गा अवहरिया सा केणावि । तो तं गवेसेसु । कण्हेण भणियं—किमहं सब्बभू जेण तं जाणामि । जइ जाणंतो अहं ता किं न जाणिओ मए रुप्पिणी-पुत्तो पज्जुन्नो । पज्जुत्तेण वुत्तं—देव ! देसु मे आएसं तेण तं आणेमि । कण्हेण वुत्तो सो—एवं करेसु त्ति । तओ आणीया सा । तेणेव अवहरिया आसि, तं गरुय-विभूर्हेए विवा-हिओ भाणु-कुमारो । अन्नया एज्जुन्न-कुमार-चरियाइं कयच्छरियाइं सोऊण सवभामा भणइ कण्हं—तहा करेसु, जहा ममावि जायए एरिसो पुत्तो । कण्हेण जंपियं—पिए ! पुत्तेहिं एवं होइ । पुणरुत्तं सच्चाए वुत्तंतो पुच्च-परिचियं देवं सुमरंतो एगंते चिट्ठइ कय-पोसहो कण्हो ।

तइय-दिणे पच्चक्खीहूओ देवो तमुल्लवइ कण्हो ।

मह देसु पुत्तमन्नं पज्जुन्न-कुमार-त्तारिच्छं ॥

भणइ सुरो—तुह होही सुओ सुयं जीइ वंच्छसे तीए ।

अप्पसु इमं ति भणिऊण देइ हारं स कण्हस्स ॥

तत्तो तिरोहिओ सो इमं च विज्जा-पभावओ मुण्डं ।

पज्जुन्नो निय-जणणिं भणइ सुओ होउ तुह वीओ ॥

सा भणइ मज्झ वीओ पसवो नत्थि त्ति नाणिणा कहियं ।

ता मज्झ बल्लहाए जंबवईए सुयं देसु ॥

एवं ति भणइ कुमारो पत्ता इत्थंतरंमि सा तत्थ ।

सच्चा रूवाइ कया पण्णत्ति-बलेण कुमरेण ॥
 पट्टविया वास-हरे सच्चा एस त्ति जाणित्तं कण्हो ।
 तुट्ठो तीए कंठे हारं पक्खिवइ सुर-दिअं ॥
 तीए सह संभोगं कुणइ हरी सा वि निय-गिहं पत्ता ।
 सुत्ता पासइ सीहं सुविणे वयणंमि पविसंतं ॥
 अह सुक्काओ चविउं तीए केठव-सुरो वसइ गन्धे ।
 सच्चा वि कण्ह-पासे पत्ता अह चित्तए कण्हो ॥
 संभोयस्स अत्तित्ता अज्जवि तो आगया पुणो एसा ।
 तेसिं रइ-विग्घ-कए कुमरेणं वाइया भेरी ॥
 भेरी-सइं सुणित्तं निसा विहाय त्ति उट्ठिओ कण्हो ।
 जंववईए जाओ समए संबो त्ति वर-पुत्तो ॥
 सो जुव्वणं पवन्नो विवाहिओ खयर-राय-कन्नाओ ।
 पज्जुत्ते कय-नेहो तेण समं कीलइ जहिच्छं ॥
 अह नेमि-नाह-पासे पव्वइया दो वि विहिय-तिव्व-तवा ।
 उप्पन्न-केवला बोहिऊण भुवणं गया मोक्खं ॥

इति तपसि प्रद्युम्न-शंभ-कथा ।

इह लोयाइ-निरीहो कुणसु तवं कम्म-निज्जरा-हेउं ।
 जह धम्मजसो साहू न उण तहा धम्मघोस-मुणी ॥

तं जहा—

अत्थित्थ भरह-वासे अवंति-जणवय-विसेसय-सरिच्छा ।
 अच्छेरय-सय-कलिया नयरी-नामेण उज्जेणी ॥
 जत्थ सुर-घर-सिरेसुं सुवन्न-कलसाण उवरि विलसंता ।
 रेहंति धया हंस व्व गयण-गंगाइ कम्मलेसु ॥
 अरि-विजय-कउज्जोओ राया तत्थासि चंडपज्जोओ ।
 पुत्ता सहोयरा दो पालग-गोपालगा तस्स ॥
 वेरग-परिगणं गहिया गोपालगेण पव्वज्जा ।
 पवल-पयावेणं पालगेण पुण पालियं रज्जं ॥
 जाया दो तस्स अवंतिवद्धणो रट्टवद्धणो य सुया ।
 रज्जे जेट्ठो ति अवंतिवद्धणो तेण अहिसित्तो ॥

जुवराय-पए तह रट्टवद्धणो ठाविओ कणिट्ठो त्ति ।
 संबिग्ग-मणेणं पालगेण गहिया सयं दिक्खा ॥
 आसि जलरासि-धूया मणोहरा. रट्टवद्धणस्स पिया ।
 निम्मल-सील-गुणाभरण-धारिणी धारिणी नाम ॥
 तीए य अत्थि पुत्तो गुणोह-जुत्तो अवन्तिसेणो त्ति ।
 गव्भंमि समुप्पन्नो वीओ पुत्तो तहा तीए ॥
 तइया वसंत-समओ वियंभिओ कामिणी-विलासमओ ।
 पयडिय-कंदप्प-मओ उज्जीविय-जण-मण-प्पमओ ॥
 तत्थ वसंते कीलंतमुववणे अवन्तिवद्धणो राया ।
 दट्टूण धारिणिं मयण-परवसो चितए एवं ॥
 चंदो इमीइ मुह-पंकएण विजिओ समुह-सलिलम्मि ।
 मज्झइ निचं पि कलंक-पंक-पक्खालणत्थं व ॥
 एईए बालाए लोयण-लायन्न-लाह-लुद्धाईं ।
 मुद्धाईं मय-कुलाईं वण-वास-वयं व सेवंति ॥
 एईइ अहर-हरियारुणिम-मरटाईं लज्जनाणाईं ।
 विय-फलाईं उव्वंधणं व बह्णीसु चिरयंति ॥

ता जह इमीए सह विसय-सुहं सेवेमि ता अत्तणो जीवियं सहलं
 मणेमि । तओ सो इमीए कुसुम-तंबोल-विलेवणाईणि पेसिउं पयट्ठो । सा वि
 गुरु त्ति तं पइ निव्वियारा सव्वं गिण्हइ । अन्नया अविभाविऊण उभय-लोग-
 भयं भणिया रत्ता—सुंदरि ! ममं पडिवज्जसु । तीए वुत्तं—महाराय ! जो मे
 भत्तुणा तुमं पडिवज्जो सो मए पुव्वं पडिवज्जो । रत्ता वुत्तं—मणुस्स-भावेण
 मं पडिवज्जसु । तीए वुत्तं—अणेय-समर-निव्वूढ-साहसं तुमं मणुस्सं को न
 पडिवज्जइ ? रत्ता वुत्तं—ममं पइं पडिवज्जसु । तीए वुत्तं—जो तुमं सयल-
 पुहणीए पईं सो ममावि पईं चेव । रत्ता वुत्तं—कमलच्छि ! अलं परिहासेण,
 मयण-जलण-जाला-पलितं ममं नियग-संगमामय-रसेण निव्ववेऊण रत्ता-
 मिणी होसु । तीए वुत्तं—देव ! मा एवमाणवेसु गरुओ तुमं । मेडिभूओ
 भुवणस्स । समुदो व्व मा विलंवेसु मज्जायं, विलंधिय-मज्जाए तुमंमि समुदो य
 जायए जग-प्पलओ । तुह भएणं च नाएणं च बट्टए लोओ ।

यतः—

१

इदं प्रकृत्या विषयैर्बशीकृतं
 परस्परस्त्रीधनलोलुपं जगत् ।

सनातने वर्त्मनि साधुसेविते

प्रतिष्ठिते भूपभयोपपीडितम् ॥

ता अलं इमिणा कुल-कलङ्क-कारिणा दुग्गइ-निबंधणेणं दुरज्जवसाएणं ।
परिचत्तो एस मग्गो खुइ-सत्तेहिं पि । पइदिणं पत्थंतो एसो भणिओ अणाए—
किमेयस्स वि भाउणो न लज्जासि । चिंतियं रत्ता—नूणं रट्टवट्टण-भएण मं न
मन्नए एसा ता वावाएमि तं । तहेव काऊण भणिया एसा—वावाइओ मए
भय-कारणं ते । तीए चिंतियं—

धिद्धी ! मह देहमिणं हा वज्जं पडउ मज्झ रुवंमि ।

जं जायं मरण-करं गुण-निहिणो अज्जउत्तस्स ॥

अकलंकिय-सीलाए परिओसं कुणइ मज्झ भिक्खा वि ।

रज्जेण वि तेण अलं जं लवभइ सील-भंगंमि ॥

तत्तो अवतिसेणं पुत्तं मुत्तूण धारिणी चलिया ।

सत्येण सह कमेणं पत्ता कोसंवि-नयरीए ॥

तत्थ विजयारिसेणो राया नामेण अजियसेणो त्ति ।

गुण-गण-लीला-भवणं देवी लीलावई तस्स ॥

धम्म-तरु-वारिवाहो धम्मवसू नाम तत्थ आयरिओ ।

विणयाइ-गुण-पवत्ता पवत्तिणी तह य विणयवई ॥

तीए वसहिं गंतूण धारिणी तं पवत्तिणिं नमइ ।

सा जंपइ तुह वच्छे ! नरिंद-पत्ती-सरिसमंगं ॥

एयस्स विसरीसी पुण दसा, अओ कहसु इत्थ किं तत्तं ।

तो कहइ धारिणी से निय-वुत्तंतं भणइ सा वि ॥

धत्तासि तुमं वच्छे ! जा एवं सील-पालण-निमित्तं ।

मिह्लसि जलण-पलीविय-पलाल-पूलं व रज्जं पि ॥

जं सयलोवइव-सेल-दलण-दंभोलि-दंड-दुप्पेच्छं ।

जं पुव्व-भयज्जिअ-पाव-दाव-विज्जवण-घण-तुल्लं ॥

जं सग्ग-सोक्ख-तरु-मूलमुत्तिमं मुत्ति-मंदिर-दुवारं ।

सीलंमि तंमि निच्चं जत्तो जुत्तो चिय बुएणं ॥

न अन्नो सील-पालणोवाओ त्ति तीए पडिवत्ता दिक्खा । तओ अ पच्छा
सिणो वाहि व्व वड्डिउं पवत्तो गग्गो । पुच्छिया सा पवत्तिणीए—भइ !
किमेयं ति ? तीए वुत्तं—पुव्वं निय-पइ-संगमेण मे एस गग्गो जाओ, परं

वय-विग्घो मा होउ त्ति न मए अक्खाओ । सावय-घरे पच्छन्ना ठिया सा ।
 क्रमेण पसूया सब्ब-लक्खणालंकियं दारयं । साहु-साहुणीणं किलेसो मा होउ
 त्ति चिंतंतीए रट्ठवट्ठण-नामंक-सुद्धिया-सणाहो मुज्जो सो नरिंद-भवणंगणे ।
 अबक्कंता साहुणी । मणि-प्पभा-समुज्जोइय-गयणंगणो सो उवरितलारूढेण
 दिट्ठो रत्ता । घेत्तूण दिट्ठो लीलावईए । भणिया सा—एस ते अपुत्ताए पुत्तो
 त्ति । पच्छन्न-गम्भा देवी पसूय त्ति कयं रत्ता वट्ठावणयं ।

जओ—

संगामे गय-डुग्गमे हुयवहे जालावली-संकुले
 कंतारे करि-वग्घ-सीह-विसमे सेले बहूवद्दवे ।
 अंभोहिंनि समुल्लसंत-लहरी-लंघिज्जमाणं वरे
 सब्बो पुब्ब-भवज्जिएहिं पुरिसो पुत्तेहिं पालिज्जए ॥

साहुणिहिं पुच्छिया सा—कत्थ एगाणिणी गयासि ? तीए वुत्तं—वा-
 वन्नं डिंभ-स्सवं जायं । तस्स परिट्ठवणत्थं । सो पंच-घाइ-परिगओ वड्डिउ-
 माहत्तो । कयं मणिप्पभो त्ति से नामं । साहुणी वि देवीए सह संगयं काऊण
 दारयमभिनंदेइ । कय-कला-गहणो मणिप्पभो पत्तो जुब्बणं । मरण-पज्जव्व-
 साणयाए सब्ब-जीवाणं त्ति पंचत्तं पत्ते अजियस्सेणे सब्ब-गुणागरो त्ति अहि-
 सित्तो रज्जे मणिप्पभो मंति-सामंतेहिं ।

जओ—

न दत्त्वा नार्थितामेति नवाम्भोभिर्न पूर्यते ।
 आत्मा तु पात्रतां नेयः पात्रमायान्ति सम्पदः ॥
 सो परक्कनकंत-विक्कंत-वेरि-चक्को पालए रत्तं ।
 अत्थि तहिं विणयवई-पवत्तिणीए य सीसिणी-पवरा ।
 विगय-भयासा भत्तं पचक्खइ भव-भउन्विग्गा ॥
 संवेण गरुय-भत्तीइ पूइया अणस्सेणे ठिया जाव ।
 पच्छा विच्छड्डेण महया सत्तारिया अज्जा ॥
 धम्मवसु-सूरि-सीसा आसि दुवे धम्मघोस-धम्मजसा ।
 ते वि पयट्ठा काउं सरीर-परिकम्मणं एवं ॥
 चत्तारि वि चित्ताइं विगई निज्जुहियाइं चत्तारि ।
 संवच्छरे य दोन्निओ एगंतरियं च आयामं ॥
 नाइ विगिट्ठो य तवो छम्मासे परिमियं च आयामं ।

अत्रे वि य छम्मासे होइ विगिट्टं तवो कम्मं ॥
 वासं कोडी सहियं आयामं काउ आणुपुब्बीए ।
 गिरि-कंदरं तु गंतुं पायवगमणं अह करेज्ज ॥
 अह धारिणिं अदद्धं चित्तेइ अवंतिवद्धणो एवं ।
 हा ! विसय-पर-वत्तेणं मए महंतं कयमकज्जं ॥
 जं निहओ निय-भाया सा वि कलत्तं न मज्झ संपन्ना ।
 तो भक्खिए वि काए नाहं अजरामरो जाओ ॥
 इय पच्छायाव-परो संविग्गो धारिणीइ पुत्तस्स ।
 रज्जं अवंतिस्सेणस्स वियरिउं गिण्हए दिक्खं ॥
 सव्वे वि निवा उच्चियं कुणंति पूयं अवंतिस्सेणस्स ।
 किं तु मणिप्पभ-राओ कमागयं पेसइ न दंडं ॥
 दंडस्स मग्गणत्थं पट्टवइ मणिप्पभस्स सो दूयं ।
 गंतूण कय-जहोच्चिय-कायव्वो सो भणइ एवं ॥
 आइसइ महाराओ अवंतिस्सेणो मणिप्पभ-नरिंद ! ।
 दाउं कमागयं मज्झ दंडमणुहवसु रज्ज-सुहं ॥
 तं वयणमसुय-पुण्वं सोउं पसरंत-रोत्त-रत्तच्छो ।
 भणइ नरिंदो रे ! रे ! जीहं छिंदेह दूयस्स ॥
 जं देवो आणवइ त्ति जंपिउं गहिय-पहरणे पुरिसे ।
 दद्धुं उवट्टिए धिट्टयाइ दूएण पहियमिणं ॥
 राजन् ! वाक्यं परस्सेदं वयं वाइ-मात्रहारिणः ।
 त्वं चान्ये च महीपालाः सर्वे दूतसुखा यतः ॥
 निपतत्स्वपि शस्त्रेषु सम्प्रवृत्ते महाहवे ।
 दूतानां प्रेषणं युक्तमवध्यत्वं च नीतिषु ॥
 तो मुणिय-नीइ-सत्थेण तेण रत्ता विसज्जिओ दूओ ।
 आगंतुं सो अक्खइ बुत्तंतमवंतिस्सेणस्स ॥
 सो चउरंग-असू-भर-चूरिय-फणिराय-फण-रयण-चक्को ।
 गहिऊण भूरि कोसं कोसंवि-पुरीइ संबलिओ ॥
 अह धम्मघोस-मुणिणा कय-पडिकम्मणेण चित्तियं एवं ।
 इह जह विगय-भयाए पूया संघाउ संपत्ता ॥
 अहमवि तहा लहिस्सं तो पुण्वं तत्थ अणसणं विहिउं ।

धम्मजसो पुण साह सुह-चित्तो चित्तए एवं ॥

नो इह लोगट्टयाए तवमहिड्डेज्जा, नो परलोगट्टयाए तवमहिड्डेज्जा, नो कित्ति-वन्न-सह-सिलोगट्टयाए तवमहिड्डेज्जा, नन्नत्थ निज्जरट्टयाए तवमहिड्डेज्जा, ता कम्म-क्खए कायव्वे, किं लोग-सक्कारेणं, तत्थ वच्चांमि जत्थ न को वि जाणइ त्ति भायंतो कोसंबीए उज्जेणीए य अंतरा वच्छगा-तीरे गिरि-कंदरंमि पवन्नो अणसणं ।

पर-वलभितं सोउं मणिप्पभो कुणइ समर-सामग्गि ।

अह आगंतुं रुद्धा अवंतिसेणेण कोसंबी ॥

तो निविड-क्काडेहिं नगर-दुवाराइं आवरिज्जंति ।

ते सुभडा संनद्धा पहरण-हत्था ठविज्जंति ॥

कोट-कविसीसयाइं अलं करिज्जंति कोट्वालेहिं ।

पर-चक्क-चूरणत्थं उवला सुच्चंति जंतैहिं ॥

सलहिज्जंति भुयाओ भडाण दाऊण भूरि-दब्बाइं ।

सज्जिज्जंति करिंदा तुरंगमा पक्खरिज्जंति ॥

विलहिज्जंति जहारिहमेए य पियाउ धीरविज्जंति ।

निय-निय-दल-चिंताए निओगिगो वाउलिज्जंति ॥

मणि-कणय-प्पमुहाइं जणेण खोणीइ निक्खणिज्जंति ।

तण-जल-तेल्ल-घइंधण-धच्चाइं संगहिज्जंति ॥

सव्वे वि हु नायरया किमित्थ होहि त्ति आउला जाया ।

न य वयणेण वि तं धम्मघोसमभिनंदए को वि ॥

सो पूअं अलहंतो मओ तओ कोट-उवरि-भागेण ।

खित्तो वाहिं दारेण नत्थि जं निग्गम-पवेसा ॥

किञ्च—

अन्यथैव विचिन्त्यन्ते पुरुषेण मनोरथाः ।

देषाहितसद्भावा कार्याणां गतिरन्यथा ॥

अन्न-दिणे पट्टविओ अवंतिसेणेण मागहो एक्को ।

जंपइ मणिप्पभं सो किं चिट्ठसि जंजुगो व्व तुमं ॥

नयरी-दरीइ नट्टो जइ सच्चं विक्रम-प्पहाणोसि ।

तो सीहो व्व गुहाओ नयरीओ नीहरलु वाहिं ॥

भणियं मणिप्पभेणं नयरि-गुहाए वसांमि सीहोइं ।

जीवाण होइ न खओ इमाण बंधूण जुद्धेण ॥
 ताव निवारेमि इमे तत्तो जंपइ मणिप्पभं अज्जा ।
 वच्छ ! ममेगं तं देहि जेण जंपेमि किं वि हियं ॥
 तंमि विइत्ते रत्ता रायाणं भणइ धारिणी अज्जा ।
 किं निय-सहोयरेणं समं तुमं कुणसि संगामं ॥
 रत्ता भणियं—भयवइ ! कहं असच्चं तुमं इमं भणसि ।
 तो धारिणीइ कहिओ सब्बो वि हु नियय-वुत्तंतो ॥
 भणियं च जइ न पत्तियसि वच्छ ! पुच्छसु तुमं नियय-जणणिं ।
 तह पेच्छ रट्ठवट्ठण-नामकं कट्ठिउं सुहं ॥
 राया तहेव काउं गय-संको भणइ जइ वि सब्बमिणं ।
 तह वि हु नियत्तमाणो अज्जे ! लज्जामि अहमिणिह ॥
 तो अज्जाए भणियं चिट्ठ खणं जाव उवसमावेमि ।
 तुह भायरं पि तत्तो पत्ता अज्जा दुइय-कडगं ॥
 सा जंपइ पडिहारं कारावसु राय-दंसणं मज्झ ।
 सो कहइ इमं रत्तो, राया जंपइ पवेसेसु ॥
 तेण वि पवेसिया सा निवेसिया आसणे नरिदेण ।
 दट्ठूण परियणो तं चिंतिउमेवं समाढत्तो ॥
 अज्जा एसा दीसइ अम्हाणं सामिणीइ सरिसि त्ति ।
 सम्मं निस्वमाणो सुणइ धुवं धारिणी एसा ॥
 तो पणमिऊण अज्जं रोयंतो परियणो कहइ रत्तो ।
 अह जणणी खलु एसा, रुयमाणो नमइ तं राया ॥
 पच्छा निय-वुत्तंतं कहेइ सा जंपए पुणो वि इमं ।
 भाया तुहेस राया ता विरमसु वच्छ ! जुज्झाओ ॥
 इय धारिणि-अज्जाए सहोयरा दो वि उवसमं नीया ।
 ते परिओस-वसेणं मिलिया वियसंत-सुह-कमला ॥
 उल्लसिय-सिणेहाणं दुण्ह वि बंधूण संगमे तेसिं ।
 तं किं पि सुहं जायं तइलुक्कं संकडं जस्स ॥

यतः—

पादा हिमांशोर्ललितं बधूनां
 गन्धः स्रजां भ्रातृसमागमश्च ।

एकैकमप्येष मुदं तनोति

कः संहतानां पुनरस्ति मल्लः ॥

जोगे सहोयराणं निय-कुल-गयण-यल-रवि-मयंकाणं ।
 कोसंबीए जायं दिणे दिणे नव-नवं पव्वं ॥
 ठाऊण तत्थ कहवय-दिणाइं सह जणणि-पमुह-अज्जाहिं ।
 उज्जेणीह पयट्ठा मिलिय चिय दो वि ते गंतुं ॥
 ठाणे ठाणे पाहुड-सयाइं लोयाउ ते पडिच्छंता ।
 जिण-मंदिरेसु पूयं कुणमाणा गरुय-भत्तीए ॥
 मुणि-विदं बंदंता संपत्ता ते वि वच्छगा-तीरं ।
 जत्थत्थि गिरि-गुहाए धम्मजस-मुणी कयाणसणो ॥
 तन्नमणत्थसुबितं आसन्नं साहु-सावयाइ-जणं ।
 दहं निव-जणणी-साहुणीउ गंतुं नमंति मुणिं ॥
 ताहिं भणिया नरिंदा गहियाणसणस्स साहुणो अम्हे ।
 पय-पज्जुवासणत्थं चिट्ठिस्सामो इहेव स्ति ॥
 निव-पुंगवेहिं भणियं पूयं करिमो इमस्स अम्हे वि ।
 तत्तो सो पइदियहं संवेण नरेसरेहिं च ॥
 भत्तीए थुव्वंतो सेविज्जंतो तहा नमिज्जंतो ।
 पूया-निरीह-चित्तो मुत्तं देहं गओ सगं ॥
 ते वि नरिंदा पत्ता उज्जेणि-पुरीइ साहुणीहिं समं ।
 पालंति चिरं रज्जं जिणधम्म-सभावणा पवणा ॥
 निय-सील-रक्खणत्थं दिक्खं गहिऊण धारीणी देवी ।
 काऊण तवं मुत्तूण देहममरत्तणं पत्ता ॥

इति तपसि धर्मयशो-धर्मघोष-कथा ।

खेलाई-लब्धीओ तव-प्पभावेण हुंति साहुस्स ।
 गिरिणो व्व ओसहीओ ससि-कर-संगेण दित्ताओ ॥
 मुणिणो खेल-लवेण वि देहं कुट्टकुयं पि देहीणं ।
 कोडी-वेह-रसेण व तंवं संपज्जइ सुवन्नं ॥
 कत्थूरिया-परिमलो मुणि-देह-मलो समग्ग-रोग-हरो ।
 मुणिणो कर-फरिसेणं अमएण व होइ रोग-खओ ॥

मुणि-अंग-संगि-सलिलं रवि व्व तिमिरं हरेइ रोग-भरं ।
 समगंग-लग्ग-पवणेण जंति विलयं विस-प्पमुहा ॥
 विस-दूसियमत्ताई मुणि-मुह-पत्तेसु निव्विसं होइ ।
 मुणि-वयण-मंत-सवणेण समइ सव्वो विस-वियारो ॥
 मुणिणो नह-केसाई जं जं रोगीण ओसहं तं तं ।
 अणिमा-गुणेण साहू सुई-रंधे वि संचरइ ॥
 सुर-सेलाओ महंतं महिम-गुणेणं मुणी कुणइ रूवं ।
 लंविज्ज लघिम-गुणओ अनिलस्स वि लाघवं साहू ॥
 सक्काईहिं वि दुसहं मुणिणो गरिमा-गुणेण गरुयत्तं ।
 पाचण-सत्तीए छिवइ मेरु-सिरमंगुलीए मुणी ॥
 पाकम्म-गुणेणं मुणी शुधी व नीरे जलि व्व भुवि चरइ ।
 इस्सरिय-गुणेण पुणो चक्किंद-सिरिं खमो काउं ॥
 साहु-वसित्त-गुणेणं पसमं कूरो वि जंतुणो जंति ।
 अप्पडिघायत्त-गुणेण सेल-मज्जे वि कमइ मुणी ॥
 अंतद्दाण-गुणेणं समणो पवणो व्व जायइ अदिस्सो ।
 रूवेहिं कामरुचित्तणेण पूरइ जयं पि मुणी ॥
 एगत्थ-वीयओ पेगअत्थ-वीयाई जत्थ जायंति ।
 सा वीय-बुद्धि-रिद्धी संपज्जइ निच्छियं मुणिणो ॥
 सा धरइ कुट्ट-बुद्धी कुट्टे धन्नं व अक्खयं मुत्तं ।
 एग-पचाउ वि गिण्हइ गंधं पि पयाणुसारी सो ॥
 अवगाहइ सुय-जलहिं अंतमुहत्तेण सो मणोवलिओ ।
 सो वायावलीयो तं गुणेइ अंतोमुहुत्तेण ॥
 सो कायवली पडिमं चिरं पवन्नो वि जाइ न किलेसं ।
 तह अमय-खीर-महु-घय-आसव-लद्धी हवइ साहू ॥
 साहुस्स पत्त-पडियं अमयाइ-रसं भवे कदन्नं पि ।
 वयणं व दुक्खिएसुं जायइ अमयाइ-परिणामं ॥
 अक्खीण-महाणस-लद्धिओ य थेवं पि बहुय-दाणे वि ।
 मुणि-पत्त-पडियमन्नं न खिज्जए जिमइ जा न सयं ॥
 अक्खीण-महालय-लद्धि-जोयओ साहुणो असंख-जणो ।
 सम्माइ निरावाहं तित्थयरस्सेव परिसाए ॥

एगेण इंदिएणं सेसिंदिय-अत्थ-दंसणं जत्थ ।
 संभिन्न-सोय-लद्धी मुणिणो सा होइ तव-वसओ ॥
 जंघाचारण-लद्धीइ एक्क-फालाइ जाइ सो रुयगं ।
 इक्काए नंदीसरमेइ सठाणे तु बीयाए ॥
 एक्काए फालाए मेरु-सिरं जाइ सो तओ बलिओ ।
 एक्काए नंदणवाणे बीयाए एइ सठाणं ॥
 सो विज्जालद्धि-जुओ इक्काए माणुसुत्तरं जाइ ।
 बीयाए फालाए वच्चइ नंदीसरं दीवं ॥
 तत्तो नियत्तमाणो इक्काए चेव एइ सट्ठाणं ।
 उडुं तु दोहि फालाहि जाइ इक्काइ पुण एइ ॥
 सो आसीविस-इड्डीइ निग्गहाणुग्गह-क्खमो होइ ।
 लद्धीओ अप्प-कज्जे तहा वि न पउंजए समणो ॥
 तव-पभवाओ लद्धीओ संय-कज्जे पउंजमाणो वि ।
 विण्हुकुमारो व्व मुणी मणं पि लिप्पइ न पावेण ॥

तं जहा—

अत्थित्थ भरह-खेत्ते वित्थिन्नं हत्थिणाउरं नयरं ।
 जत्थ निवसंति निच्चं तुरय व्व सुहेसिणो लोया ॥
 इक्खागु-कुल-सरोवर-पउमं पउमुत्तरो निवो तत्थ ।
 सोहग्ग-हत्थि-साला जाला नामेण से देवी ॥
 सीह-सुविणेण लद्धो विण्हुकुमारो त्ति से सुओ एक्को ।
 चउदस-सुविण-पिसुणिओ वीओ पुत्तो महापउमो ॥
 ते जुव्वणमारुढा अह सजिगीसो त्ति जाणिउं ठविओ ।
 पउमुत्तरेण रत्ता जुवराय-पए महापउमो ॥
 पत्तो उज्जेणीए सिरिधम्मो नाम पत्थिवो अत्थि ।
 तस्स नमुइ त्ति मंती कुसत्थ-भाविय-मइ-प्पत्तरो ॥
 अह मुणिसुव्वय-सीसो संपत्तो तत्थ सुव्वयायरिओ ।
 तन्नमणत्थं रत्ता वच्चंतो पुर-जणो दिट्ठो ॥
 कत्थ गुरु-वित्थरेणं वच्चइ एसो त्ति पुच्छिओ नमुई ।
 सो कहइ के वि समणा उज्जाणे आगया अज्ज ॥
 ते नमिउं जाइ जणो अहं पि जाभि त्ति जंपियं रत्ता ।
 भणियममच्चेण तुमं जइ धम्मं देव ! सोउमणो ॥

ताहं कहेमि तं तुह भणइ निवो धुवमहं गमिस्सामि ।
 भणइ अमच्चो तुम्हेहिं तत्थ मोणेण ठायव्वं ॥
 जेण जिणिऊण वाए करेमि तेऽहं निरुत्तरे झत्ति ।
 तो गुरु-पासंभि गओ राया नमुई पुर-जणो य ॥
 पुच्छंति गुरु-समीवे ते वि असंबद्ध-भासिणो घम्मं ।
 ताण सरूवं मुण्डं तुण्हको चिट्टए सूरी ॥
 नमुई जंपइ सूरिं पडुच्च किं एस जाणइ बइल्लो ।
 एक्केण चेल्लएणं भणियं चिट्ठंतु मह गुरुणो ॥
 दाहाभि उत्तरं ते अहं पि जंपसु तुहत्थि जइ दप्पो ।
 अह कुविय-मणो मंती जंपइ परुसेहिं वयणेहिं ॥
 पासंडिणो असुइणो निच्चं सुइ-सत्थ-वाहिरा तुम्हे ।
 ता नरवइस्स निय-मंडलाओ निव्वासिउं जुत्ता ॥
 तो चिल्लएण भणियं जे मेहुण-सेविणो असुइणो ते ।
 न उण मुणिणो इमे जेण वंभयारी सुई निच्चं ॥
 पासंडिणो य सुय-वाहिरा य भणंति ते मेहुणासत्ता ।
 वंभवयं तु बहंता मुणिणो कह तारिसा हुंति ॥

तद्यथा—

कंडनी पेपणी चुल्ली जलकुम्भी प्रमार्जनी ।
 पञ्च सूना गृहस्थस्य तेन स्वर्गं न गच्छति ॥
 सेवन्ति जे इमाओ सूणाओ पंच ते तई वज्झा ।
 तच्चिरया उण मुणिणो कहं तई वाहिरा हुंति ॥
 इय खुल्लेण विहिओ निरुत्तरो कोवमुवगओ मंती ।
 स्तिरिधम्मनिचो नायर-जणो य निय-मंदिरे पत्तो ॥
 रयणीइ मुणि-वहत्यं किवाण-हत्यो वणं गओ नमुई ।
 गारुडिणं भुयगो व्व थंभिओ सासण-सुराए ॥
 पच्चूसे तं दहुं तहट्टियं विम्हिओ महीनाहो ।
 नयर-जणो य अणेगो गिण्हइ जिण-भासियं घम्मं ॥
 नमुई तहावमाणाओ निग्गओ हत्थिणाउरं पत्तो ।
 माणीण विदेसो चिय ठाणं अवमाणियाण जओ ॥
 जुवराय-महापउमो नमुइं निय-मंतिणं कुणइ तत्थ ।

अन्न-निवह-प्पहाणं हि आगयं आयरंति निवा ॥
 एत्तो य महापउमस्स मंडलं मंडलो व्व लद्धल्लो ।
 सिंहवलो नाम निवो दुग्गरस वलेण विद्वर्ह ॥
 नमुहं भणइ कुमारो सिंहवलो निग्गहिज्जए जेण ।
 सो किं अत्थि उवाओ नमुहं जंपइ किमन्नेण ॥
 पट्टु ! देसु ममाएसं जेण उवायं फलेण दंसेमि ।
 पायडिउं पुण वयणेहिं तं किलीवा वि सक्कंति ॥
 इय सोउं तुट्टेणं कुजरेण विसज्जिओ गओ नमुहं ।
 दलिउं दुग्गं सीहो मयं व वेत्तूण सीहवलं ॥
 पत्तो कुमार-पासे तुट्टेण अणेण जंपिओ नमुहं ।
 मग्ग वरं, सो जंपइ समयम्मि वरं गहिस्सामि ॥
 अह जालादेवीए अरहंत-रहो कराविओ पपरो ।
 तह तीइ सबत्तीए लच्छीदेवीइ वंभ-रहो ॥
 लच्छीइ निवो भणिओ वंभ-रहो भमउ पुरवरे पढमं ।
 पच्छा अरहंत-रहो, तो जाला जंपए एवं ॥
 जइ वंभ-रहो भमिही इह पुब्बं मज्झ अणसणं तत्तो ।
 तत्तो रहाण रत्ता दुण्हंपि निवारिया जत्ता ॥
 तो जणणि-दुक्ख-दूमिअ-मणो निसाए अलक्खिओ कहवि ।
 नगराउ महापउमो खग्ग-सहाओ विणिक्खंतो ॥
 परिणीय-राय-कन्नो कयारिविजओ चिरं महिं भमिउं ।
 उप्पन्न-चक्क-रयणो पुणो वि हत्थिण पुरं पत्तो ॥
 अह तत्थ समोसरिओ नयरुज्जाणंमि सुव्वयायरिओ ।
 तस्स नमंसण-हेउं पत्तो पउमुत्तरो राया ॥
 घम्मं सोऊण निवो भव-निविन्नो गुरुं भणइ एवं ।
 काऊण रज्ज-सुत्थं तुह पासे पव्वइस्सामि ॥
 गंतूण गिहे राया विण्हुकुमारं पडुच्च वज्जरइ ।
 रज्जमिणं गिणह तुमं अहं तु दिक्खं गहिस्सामि ॥
 जंपइ विण्हुकुमारो जलण-पलीविय-पलाल-पूलं व ।
 मुत्तूण रज्जमेयं चारित्तमहं पि गेण्हिस्सं ॥
 तो भणइ महापउमं राया पडिवज्ज वच्छ ! रज्जमिणं ।

जेणन्हे गिणहामो दिक्खं कम्मक्खणण-दक्खं ॥
 सो भणइ ताथ ! रज्जे विण्हुकुमारं ठवेसु मह जेट्ठं ।
 पत्तिं व्व विहिय-भत्ती तस्साहं होमि जुवराओ ॥
 भणइ निवो एस मए वहुंपि भणिओ न गिणहए रज्जं ।
 किं तु विसएसु विलुहो मए समं संजमं काही ॥
 तो कय-मोणो पउमो रज्जे चक्खित्तणे य अहिंसित्तो ।
 पउमुत्तरेण गहिया विण्हुकुमारेण सह दिक्खा ॥
 जणणि-कराविय-रहजत्तं काऊण चक्खिणा नयरे ।
 जिणसासणस्स जणिया समुज्झं निय-कुलस्सेव ॥
 नगरागर-गामाइसु कारयिया तेण जिण-गिहा गख्या ।
 जिणधम्म-कप्पतरु-अंकुर व्व सव्वत्थं छज्जंति ॥
 निट्ठयिय-अट्ठ-कम्मो कमेण पउमुत्तरो गओ सिद्धिं ।
 जायाओ तव-वलेणं विण्हुकुमारस्स लद्धीओ ॥
 मेरु व्व होइ तुंगो सुरो व्व रुवाइं कुणइ विविहाइं ।
 गरुडो व्व भज्जइ गयणे जाओ सोणेग-सत्ति-जुओ ॥
 अन्न-समयंमि हत्थिणपुरंमि चंदो व्व तारया-वरिओ ।
 सो सुणि-अलंकिओ कुणइ पाउसं सुव्वयायरिओ ॥
 तं जाणिऊण नमुईं सुमरंतो पुव्व-वेर-संबंधं ।
 विन्नवइ महापउमं देसु वरं मज्झं पडिबन्नं ॥
 वज्जरइ महापउमो जंपसु किं देमि ? जंपए नमुईं ।
 ताव मह देहि रज्जं करेमि पट्टु ! जाव जन्नमहं ॥
 तत्तो सच्चपइत्तो राया नमुइस्स अप्पए रज्जं ।
 अंतेउर-मज्झ-गओ सयं तु चिट्ठइ निरारंओ ॥
 पुर-वाहिं गंतुं होइ दिक्खिओ जन्न-वाडए नमुईं ।
 पत्ता नायरया लिंगिणो य कट्ठावया तस्स ॥
 किं तु न सनागया सेव-भिखुणो तं छलं इमो लहिउं ।
 गंतूण कोव-विवसो सुव्वय-सूरिं भणइ एवं ॥
 जो होइ जया राया दंसणिणो तं तथा निसेवंति ।
 राय-विरुद्ध-ठिईणं धम्मो वि न निव्वहइ पायं ॥
 तुन्हे पुण मं निंदह अहिणंदह न उण दंसणेणावि ।

ता मह रजं मुंचह निहणिस्सं अन्नहा तुब्भे ॥
 भणइ गुरु अम्ह इमो कप्पो त्ति न आगया तुमं ददुं ।
 निंदं कस्स वि अम्हे न करेमो किं पुणो तुम्ह ॥
 नमुई जंपइ कुब्धो किं बहुणा इत्थ सत्त-दिण-उवरिं ।
 जो चिट्ठिस्सइ तुम्हाण सो मए मारियव्वो त्ति ॥
 इय जंपिउं गओ सो गुरु भणइ भो ! किमित्थ कायव्वं ।
 मुणिणो कहेह तुम्हे निय-निय-मइ-सत्ति-अणुस्सवं ॥
 तत्थेक्को भणइ मुणी सट्ठिं वच्छर-सयाइं विहिय-तवो ।
 पउमस्स जेइ-भाया विण्हु-मुणी मंदरे अत्थि ॥
 सो उवसमिही एयं पउमो व्व पहू इमस्स जो जम्हा ।
 नह-गमण-सत्ति-जुत्तो जो सो वच्चउ तमाणेउं ॥
 तो भणइ मुणी एक्को गंतुं सत्ती मम त्थि नागंतुं ।
 भणइ गुरु गच्छ तुमं सो चेव तुमं इहाणेही ॥
 सो उप्पइओ गरुडो व्व विण्हु-साहुस्स संनिहिं पत्तो ।
 तं ददुं संभंतो विण्हुमुणी चितए एवं ॥
 मुणि-आगमणमिणं कहइ संघ-कज्जं उवट्ठियं किं पि ।
 कहमन्नहा विहारो साहूणं पाउसे होइ ॥
 इय चितंतं तं वंदिऊण साहइ पओयणं साहू ।
 तं वेत्तूण खणेणं विण्हू हत्थिणपुरं पत्तो ॥
 सो वंदिउं निय-गुरुं मुणि-परियरिओ गओ नमुइ-पासं ।
 नमिओ य नमुइ-वज्जं नरिंद-लोएण सव्वेण ॥
 सो धम्म-कहं काउं कोमल-वयणेहिं जंपए नमुइं ।
 चिट्ठंतु ताव मुणिणो पुरंमि इह पाउसो जाव ॥
 एगत्थ न चिर-कालं वसंति सयमेव साहुणो एए ।
 ददुं बहु-जीव-वहं विहरंति न पाउसम्मि पुणो ॥
 गरुए इमंमि नयरे जइ भिक्खा-वित्तिणो इमे भिक्खू ।
 मास-चउक्कं चिट्ठंति तुज्झ किं नस्सए तत्तो ॥
 जे भरह-निव-पुंगवेहिं पुव्वं नमंसिया मुणिणो ।
 ते जइ तुमं न पणमसि तह वि ठियं देहि ताण पुरे ॥
 इय विण्हुकुमारेणं भणिओ नमुई सकोवमुल्लवह ।

किं वयण-वित्थरेणं न देमि वसिउं पुरे तुम्ह ॥
 जंपइ पुणो वि विण्हू वसंतु मुणिणो वणंमि पुर-वाहिं ।
 कुविओ नमुई साहइ न सहेऽहं तुम्ह गंधं पि ॥
 मज्झे वा वाहिं वा पुरस्स संवास-पत्थणाइ अलं ।
 ता मेल्लह मह नयरं निहणिस्सं अन्नहा तुम्हे ॥
 तं सोउं विण्हु-मुणी पज्जलिओ पावओ व्व घय-सित्तो ।
 तह वि नमुई पयंपइ पय-त्तयं देहि मह वसिउं ॥
 नमुई जंपइ दिअं पय-त्तयं तो इमाउ जइ वाहिं ।
 ठाहिंसि तओ हणिस्सं एवं होउ त्ति भणइ मुणी ॥
 अह वड्डिउं पयट्ठो किरीट-कुंडल-धरो कुसुम-माली ।
 धणु-वज्ज-किवाण-करो भयंकरो तिहुयणस्सावि ॥
 विकिरंतो गह-चक्रं चक्र-नियरं व निय-करगोहिं ।
 कंपावंतो पयददरेण पत्तं व महिवीढं ॥
 उच्छालंतो जलनिहि-सलिलं चिर-भुत्तमुदरवाऊ व्व ।
 वेल व्व नइ-पवाहे पडिलोम-पहे वहावंतो ॥
 पाडंतो खयर-गणं तणं व फारेण फुक्क-पवणेण ।
 वड्डंतो सो जाओ मेरु-समो कय-विबिह-रुवो ॥
 दाउं सिरंमि पायं धरिणीए पाडिओ इमो नमुई ।
 चिट्ठइ चलणे ठविउं पुग्वावर-जलहि-मज्झंमि ॥
 तं ति-जय-क्खोभ-करं दट्ठूण सुरंगणाउ सक्केण ।
 पट्टवियाओ गायंति महुरमरहंत-भणियत्थं ॥
 कोवो जलणो व्व वणं दहइ तवं पन्नगो व्व कुणइ भयं ।
 जीयं पक्खिवइ भवे रत्ते दुस्सिक्ख-तुरओ व्व ॥
 इय कोवोवसम-कए तह किंनर-खयर-पमुह-महिलाओ ।
 गायंति सवण-सूले मुणिस्स पुरओ य नचंति ॥
 पउमो वि आगओ निय-पमाय-सच्चिवावराह-भीय-मणो ।
 नमिऊण चलण-लग्गो खमावए विण्हु-मुणि-नाहं ॥
 भयवं ! न मए मुणिया कीरंती दुट्ठ-मंतिणा इलिणा ।
 आसायणा मुणीणं कहिया य न मज्झ केणावि ॥
 तह वि इयो मह दोसो जं नमुई मज्झ संतिओ भिच्चो ।
 छिप्पंति भिच्च-दोसेण सामिणो नीइ-वयणमिणं ॥

तह तुह अहं पि भिच्चो तुमं पद्द मज्झ मज्झ दोसेण ।
 छिप्पसि तुमं पि भयवं ! ता उवसंहर इमं कोवं ॥
 एवं खामिज्जंतो सो तइलोक्येण वज्जिउं कोवं ।
 जाओ सहज-सरीरो वेला-मुक्को समुदो व्व ॥
 इय काउं जिण-पवयण-पहावणं गुरु-समीव-कय-सुद्धी ।
 तिव्व-तव-खविय-कम्मो विण्हुकुमारो गओ मोक्खं ॥
 इति लब्धिप्रकटने विष्णुकुमार-कथा ।

एवं तव-माहाप्यं मुणिऊण तवो नरिंद ! कायव्वो ।
 सो वज्झो छ-ब्भेओ अविंभतरओ य छ-ब्भेओ ॥

तं जहा—

अणसणमूणोयरिया वित्ती-संखेवणं रस-च्चाओ ।
 काय-किलेसो संलीणया य वज्झो तवो होइ ॥
 पायच्छित्तं विणओ वेयावच्चं तहेव सज्झाओ ।
 झाणं उस्सगो वि य अविंभतरओ तवो होइ ॥
 रत्ता भणियं अट्टमि-चउइसी-पसुह-पव्व-दियहेसु ।
 जिण-कल्लाण-तिहीसु य सत्तीइ तवं करिस्सामि ॥
 एवं वात्स-भेयं तव-धम्मं अक्खिउं गुरु भणइ ।
 बारसविहं नराहिव ! सुण संपइ भावणा-धम्मं ॥
 सुह-भावणा-परिगओ जीव-दयं पालिउं खमइ जीवो ।
 सो असुह-भावणाए गहिओ पावं न किं कुणइ ॥
 वंझं विंति जहित्थ सत्थ-पढणं अत्थाववोहं विणा
 सोहग्गेण विणा मडप्प-करणं दाणं विणा संभमं ।
 सन्भावेण विणा पुरंधि-रमणं नेहं विणा भोअणं
 एवं धम्म-समुज्जमं पि विवुहा ! सुद्धं विणा भावणं ॥
 सत्तम-नरय-निमित्तं कम्मं वद्धं पसन्नचंदेण ।
 असुहाइ भावणाए सुहाइ पुण केवलं पत्तं ।

तं जहा—

अत्थित्थ पोयणपुरं रमणीहिं विभूसियं पि सवत्तो ॥
 जं नरमणीहिं रेहइ तत्थ निवो सोमचंदो त्ति ।

रिउ-रमणि-नयण-नीर-प्पवाह-संबंध-लद्ध-उल्लासो ।
 छज्जइ समुज्जलो तस्स जस-भरो रायहंसो व्व ॥
 देवी य धारणी से जीइ हसंतीइ ओणय-मुहीइ ।
 दु-गुणेइ दंत-कंती थण-वट्टे हार-लट्ठीओ ॥
 अन्नया गवक्खे ठियस्स केसे निवस्स विवरंती ।
 पलियं दट्ठुं जंपइ समागओ देव ! दूओ त्ति ॥
 दट्ठुं दिसाउ राया जंपइ किं देवि ! दीसइ न दूओ ।
 सा भणइ नाह ! नाहं मणुस्स-दूयं तुह क्खेमि ॥
 नवरं पलियं दट्ठुण धम्म-दूओ मए समक्खाओ ।
 देवीइ दंसियं पलियमिंदु-किरणुज्जलं रत्तो ॥
 तं दट्ठुण नरिंदो हिम-संगम-दड्ढु-कमल-सम-वयणो ।
 झत्ति तरंगिय-नयणो संजाओ वाह-सलिलेण ॥
 तं फुल्लमाणा चेलंचणेण हसिऊण जंपए देवी ।
 जइ लज्जसे जराए तो पडहं देव ! दावेमि ॥
 बुड्ढो त्ति जो भणिस्सइ देवं तस्संग-निग्गहं काहं ।
 राया जंपइ सुंदरि ! जुत्तमिणं निव्विवेयाणं ॥
 जम्हा जयम्मि जीवा मूढा बुड्ढुत्तणेण लज्जंता ।
 पुण वि तरुणत्त-लुद्धा खिज्जंति रसायण-निमित्तं ॥
 वलि-पलिय-नास-हेउं कुणंति तणु-महणोसहाईणि ।
 चंक्कम्मंति सलीलं पुरओ तरुणीण तरुण व्व ॥
 पुट्ठा परेण वहुयं पि विंति ते थेवमत्तणो जम्मं ।
 गय-जुव्वणा वि मूढा कुणंति ही जुव्वण-विचारो ॥
 देवि ! मह पुव्व-पुरिस्सा अ-दिट्ठ-पलिया पलित्त-पूलं व ।
 रज्जमिणं परिचइउं पर-लोय-समुज्जया जाया ॥
 जं पुण एयाण कम्मं विलंघिउं रज्जमेत्तियं कालं ।
 विहियं मए महंतं तं जाओ मह मणे मड्डू ॥
 ता वज्जिऊण रज्जं वण-वास-वयं अहं पवज्जिस्सं ।
 पुत्तं पल्लवचंदं बालं परिपालसु तुमं ॥
 देवी जंपइ पच्छा न अच्छिउं उच्छेहे विणा तुमए ।
 सेह-रहिंयंमि गयणे कयःवि किं फुरइ विज्जलिया ॥

बालं पि सोमचंदो पसन्नचंदं निवेसितं रज्जे ।
 देवीए घाईए य संगओ तावसो जाओ ॥
 अह देवीह पयटो पवड्डिउं पुव्व-संभवो गग्गो ।
 समयंमि समुप्पन्नो समत्त-लक्खण-धरो पुत्तो ॥
 वक्कलचीरि त्ति कयं से नामं वक्कलेहिं पिहिओ त्ति ।
 पत्ता पंचत्तं झत्ति धारिणी पसव-पीडाए ॥
 चंद-विमाणे जाया देवी सा पुव्व-नेह-पडिबद्धा ।
 कय-वण-महिंसी-ख्वा दुडं पाएइ तं पुत्तं ॥
 तं किं पि न चोज्जमदिट्ट-माइओ जं निरक्खरो एसो ।
 घाई वि कमेण मया नत्थि हि भवियव्वया-नासो ॥
 किच्छेण पालिओ सो पिउणा जाओ य जुव्वणाभिमुहो ।
 कुणइ फल-कंद-कुसुमाणयणेण पिउस्स साहेज्जं ॥
 अह तं पसन्नचंदो वणे वसंतं सहोयरं मुणित्तं ।
 चिंतेइ कुणउ ताओ थविरो तावस-वयं विसयं ॥
 जं पुण वणवास-दुहं दुस्सहं बालो वि सहइ मह भाया ।
 रज्जं तु करेमि अहं तं महइ मह मणे पीडा ॥
 तो भणियाउ गणियाउ तेणं गंतुं मुणीण वेसेण ।
 निय-कोसलेण उवल्लोभिऊण आणेह मह वंथुं ॥
 तत्थासमे गयाओ मुणि-वेस-धराउ ताउ सो दट्ठुं ।
 अभिवाइऊण मुट्ठो पुच्छइ को आसमो तुम्ह ॥
 जंपंति ताउ अम्हे पोयण-आसम-निवासिणो रिसिणो ।
 तुह आगया अतिहिणो ता आतित्थं तुमं कुणसु ॥
 सो भणइ खाह तुम्हे विल्लाइ-फलाइँ आणियाइँ मए ।
 ताहिं भणियं इमाइँ विरसाइँ न कोवि भक्खेइ ॥
 जे अम्ह आसम-डुमा तेसिं फलवत्तियं तुमं पिच्छ ।
 तो भुंजावंति इमं खंडमए मोयगे ताओ ॥
 तो भक्खिऊण एसो जाओ विल्लाइ-फल-विरत्त-मणो ।
 ताओ निय-देह-फरिसं कय-हरिसं कारवंति इमं ॥
 थोर-थण-कलस-कलिए निय-वच्छ-यले ठवंति तस्स करं ।
 सो जंपइ महरिसिणो किं अंगं कोमलं तुम्ह ॥

किं वा थलाइं हियए एयाइं समुन्नयाइं तुम्हाण ।
 ताओ निय-कर-घलेहिं तं फरिसंतीउ जंपंति ॥
 अम्ह वण-रुक्ख-फल-भक्खणेण इणमंग-मद्वं होइ ।
 उवचय-वसेण हियए थलाइं थूलाइं तह हुंति ॥
 ता मुत्तुं एयमसारमासमं अम्ह-आसमं एहि ।
 तो कुणइ सो कुमारो ताहिं समं गमण-संकेयं ॥
 संठविउं तावसभंडमागओ जाव सो कहिय-ठाणे ।
 तरु-वडिया चर-पुरिसा ता दट्टुं सोमचंद-रिसिं ॥
 आगच्छंतं तासिं कहंति ताओ वि साव-भीयाओ ।
 वाहागमे भिगीओ व सव्वाओ दिसोदिसं जंति ॥
 ठाणं गयम्मि जणए सयल-वणे ताओ सो गवेसंतो ।
 परिभणइ जाव मुद्धो ता पेच्छइ रह-गयं पुरिसं ॥
 ताय ! अभिवाययामि त्ति तं पि जंपइ रिसि त्ति मन्नंतो ।
 रहिणा पयंपिओ सो कुमार ! ते कत्थ गंतव्वं ॥
 सो भणइ पोषणे आसयम्मि तत्थेव गंतुकामेण ।
 रहिणा सो संलत्तो एहि समं चेव वच्चाओ ॥
 रहिणो भज्जं ताय त्ति सो भणइ तीए पुच्छिओ भत्ता ।
 को एसो उवयारो रहिणा भणियं पिए ! एसो ॥
 इत्थी-रहियम्मि वणे वसिओ त्ति तुमं पि मन्नए पुरिसं ।
 किं वाहिज्जं ति इमे भिगि त्ति तुरगे य वागरइ ॥
 वक्कल-चीरी रहिणा भणिओ एएहिं कज्जन्निणमेव ।
 रहिणो वि मोयणा से दिन्ना तो जंपए एसो ॥
 दिन्नाइं एरिसाइं फलाइं मे पोयणासम-रिसीहिं ।
 अह रहिणो संजायं चोरेणेकेण सह जुद्धं ॥
 रहिणा वि णिज्जिओ सो दढ-प्पहारित्तरंजिओ भणइ ।
 एत्थत्थि मज्झ अत्थो वित्थिओ तं तुमं णिण्ह ॥
 भरिओ रहो धणेणं रहिणा सो पोयणम्मि संपत्तो ।
 दाऊण किं पि मुल्लं वक्कल-चीरिं इमं भणइ ॥
 इभिणा मग्गसु उडवं इह त्ति सव्वत्थ सो परिभमंतो ।
 गणिया-णिहं गओ भणइ ताय ! अभिवादयामि तुमं ॥
 महरिसि ! इभिणा मुल्लेण देसु उडवं ति देमि णिण्ह इमं ।

इय जंपंती अक्का हक्कारावइ दिवाकित्ति ॥
 तस्स अणिच्छंतस्स वि तह कम्मं कारवेइ सा ण्हविउं ।
 अवणीय-वक्कलं तं परिहाविय-वत्थ-आभरणं ॥
 परिणावइ निय-धूयं रुवेण सुरंगणं व पच्चस्वं ।
 गायंतीओ बह-वरमसेस-वेसाओ चिट्ठंति ॥
 मुणि-वेसा वेसाओ जाओ गयाओ कुमारमाणेउं ।
 ताओ कहंति रत्तो एवं उवलोभिओ कुमरो ॥
 आगमणे संकेयं कारविओ किं तु ताय-दंसणओ ।
 अम्हे नट्ठाओ तओ न सक्किओ सद्धिउं कुमरो ॥
 अम्हे गवेसमाणो अडविं चिय उवगओ न पिउ-पासं ।
 तं सोऊण विसन्नो पसन्नचंदो भणइ एवं ॥
 अहह अजुत्तं जं सो पत्तो पासं न मज्झ पिउणो ।
 मीणो व्व जलाओ सो जणयाओ विजोओ मरिही ॥
 इय दुक्खेण नरिंदो सयणिज्ज-गओ रइं अपावंतो ।
 तीए गणियाइ गिहे मुरय-रवं निसुणिउं भणइ ॥
 मह दुक्खिए वि सुहिओ को एसो जस्स मंदिरे एवं ।
 सुव्वइ मुरय-रवो तं परंपराए सुणइ गणिया ॥
 सा आगंतुं विन्नवइ नरवइं देव ! मह पुरा कहियं ।
 नेमित्तिण जो तुह एइ गिहं तावसो तरुणो ॥
 तस्स तुमं निय-धूयं दिज्जसु तस्स पभावओ होही ।
 सा सुख-भागिणी अज्ज मज्झ सो आगओ गेहं ॥
 परिणाविओ य धूयं मइसवो तेण वट्टइ गिहे से ।
 देवो दुक्खी न मए मुणिओ ता खमसु मह दोसं ॥
 तो रत्ता पट्टविया पुव्व-नरा तदुवलक्खण-निमित्तं ।
 गंतुल्लुवलक्खणं तं आगंतुं विन्नवंति निवं ॥
 परितुट्टमणो राया बह-समेयं करेषु-खंघ-गयं ।
 वक्कल-चीरिं आणेइ निय-गेहं गरुय-रिद्धीए ॥
 परिणीय-राय-कत्तो सो कुमरो मुणिय-सयल-ववहारो ।
 संपन्न-वंछियत्थो तिथसो व्व सुहं गम्हइ कालं ॥
 जणओ वि वणे कुमरं अपेच्छमाणो दढं कुणइ सोयं ।
 निव-पट्टविया पुरिसा कहंति से कुमर-बुत्तंतं ॥

सो होइ किंचि सत्थो सुय-विरहे तह वि तस्स महरिसिणो ।
 अचंत-रोअणाओ कमेण अंधत्तणं जायं ॥
 अत्तेहिं तावसेहिं कयाणुकंपेहिं पारण-दिनेसु ।
 विहिय-फल-संधिभागो तत्थेव वणे वसइ एसो ॥
 वारससु वच्छरेलुं गएसु कहयावि अडरत्तम्मि ।
 कुमरो वकलचीरी पडिबुद्धो चिंतए एवं ॥
 जम्म-समए वि माया मज्झ मया तो महाकिलेसेण ।
 परिपालिओम्हि पिउणा पवन्न-तावस-वएणावि ॥
 निचं कडि-चडिएणं पिउणो तव-वरण-पीडियंगस्स ।
 कट्टं कयं मए निवडियस्स पण्ह-प्पहार-समं ॥
 पचुवयार-समतथो जाओऽहं जाव जुव्वणाख्ढो ।
 विहि-वसओ इह पत्तो पावो अजिइंदिओ ताव ॥
 इय चिंलिऊण कुमरो निवहं विन्नवह देव ! मह चित्तं ।
 ताय-चलणारविंदं दट्टुं उक्कंठियं वाढं ॥
 राया भणइ ममावि हु अचंतं ताय-दंसणे वंछा ।
 तो दोवि गया तत्थासम्मि ते राय-जुवराया ॥
 कुमरो जंपइ दट्टुण आसमं मह तणं व रज्ज-सिरी ।
 ताइं इमाइं सराइं रमिओ हंसो व्व जत्थाहं ॥
 फल-भवस्वणं जहिच्छं कयं मए जाण ते इमे खक्खा ।
 एए ते हरिणा भायर व्व मह खेळण-सहाया ॥
 मह बुद्ध-पाण-पवणाउ ता इमा मायरो व्व महिसीओ ।
 रज्जे वि मज्झ कत्तो पिउ-सुस्ससा कहं तु इमं ॥
 ते आसमं पविट्ठा तुट्ठा दट्टुण सोमचंद-रिसिं ।
 जंपइ पसन्नचंदो ताय ! तुमं नमइ जेट्ट-सुओ ॥
 पिउणा पसन्नचंदो सव्वंगं पाणिणा परामुट्ठो ।
 पुत्तय ! निरामओसि त्ति जंपमाणेण महरिसिणा ॥
 कुमरो जंपइ एसो वकलचीरी तुमं नमइ ताय ! ।
 सो रिसिणा सव्वंगं तुट्टेणालिंणिओ गाढं ॥
 नयणेसु तथा रिसिणो वाह-जलं पसरियं सिणेहेण ।
 तं चेय तस्स अंधस-विगम-परमोसहं जायं ॥

तो दुन्निवि महरिसिणा ते दिद्वा पुच्छिया कुसल-वत्तं ।
 ते चिंति अम्ह कुसलं सव्वत्थ तुह प्पसाएण ॥
 तं अणपेक्खिज्जंतं तावस-भंडं खु केरिसं जायं ।
 इय चिंतंतो पत्तो वक्कलचीरी उडव-भज्जे ॥
 तावस-भंडं वत्थंचलेण पडिलेहए सयं ठवियं ।
 सो पायकेसरीए जइ व्व पत्ताइ-उवगरणं ॥
 पुव्वं कहिं पि करणं कयं मए एरिसं ति चिंतंतो ।
 सो जाय-जाइसरणो सामन्नं सरइ पुव्व-कयं ॥
 विस-दारणेसु विसएसु हा! कहं मुच्छिओमिह मूढ त्ति ।
 पसरिय-सुह-भावो वीय-सुक्क-ज्झाणं अहंकांतो ॥
 वक्कलचीरी चूरिय-मोह-वलो झत्ति केवली जाओ ।
 जणयस्स बंधवस्स य जहट्ठियं कहइ सो धम्मं ॥
 अम्हाण सुक्ख-मग्गो सुट्ठु तए दंसिओ त्ति जंपंता ।
 तं देवया-सम्मप्पिय-लिंगं ते दो वि पणमंति ॥
 तम्मि समयम्मि पोयण-पुर-आसन्ने मणोरसुज्जाणे ।
 सयल-तइलुक्क-पुज्जो वीरजिणिंदो समोसरिओ ॥
 पत्तेयबुद्ध-समणो वक्कलचीरी पवन्न-जिणधम्मं ।
 निय-जणयमप्पिउं जिणवरस्स विहरेइ अन्नत्थ ॥
 गंतुं पसन्नचंदो पोयणपुरसुल्लसंत-वेरग्गो ।
 वालं पि सुयं रज्जे ठविउं पडिवज्जए दिक्खं ॥
 सो अहिगय-सुत्तत्थो कमेण दुक्कर-तवचरण-निरओ ।
 वीरजिणिंदेण समं समागओ पायगिह-नयरं ॥
 सामिस्स बंदणत्थं विणिग्गओ सेणिओ सपरिवारो ।
 तस्स पुण अग्गसेत्ते संति दुवे सुसुह-दुस्सुहा ॥
 एग-चलणे पइट्ठिय-मूसिय-भुय-जुयलमचल-थिर-कायं ।
 रवि-बिंब-निहिय-नयणं एगं पेच्छंति ते समणं ॥
 एक्केण तत्थ भणियं—अहो ! महप्पा मुणी इमो को वि ।
 सयल-जण-बंदणिज्जो जो एवं कुणइ तिन्व-तवं ॥
 चिट्ठेज्ज एग-चलणेण को रविं को खणं पि पेक्खेज्ज ।
 एयस्स सग्ग-मोक्खा दुक्करकारिस्स हत्थ-गया ॥

वीएण पुणो भणियं—पसन्नचंदो नराहिवो एसो ।
 एयस्स नत्थि घम्मो विहलं तिब्बं पि तव-कम्मं ॥
 बालो पुत्तो रज्जम्मि ठाविओ जो अणेण सो इण्हि ।
 मोयाविज्जाइ रज्जं अरीण मिलिऊण मंतीहिं ॥
 मंतीणं ताण रज्जं समप्पियं रक्खणत्थमेएण ।
 ते भक्खंति खला तं लुद्धा दुब्बं व मज्जारा ॥
 बाले ह्यम्मि पुत्ते होही एयस्स वंस-विद्धंसो ।
 अंतेउरं अणाहं इमं विणा कं दसं लहिही ॥
 ता एसो पाव-निही न हीण-चरिओ धुवं अदट्ठव्वो ।
 एवं सोउं चलयं पसन्नचंदस्स सुहज्जाणं ॥
 सो च्चित्तुं पवत्तो—अहो ! अणज्जा कुमंतिणो एए ।
 मह पुत्तस्स विहडिया बहुसो सम्माणिया वि मए ॥
 जइ तत्थ अहं हुंतो तेसिं वीसत्थ-घायगाण तओ ।
 अणुसासणं करंतो नव-नव-निग्गह-पयारेहिं ॥
 इय कलुस-ज्झाण-परो रायरिसी रोस-रक्खसारूढो ।
 पेक्खइ पुत्त-विक्खे ते पक्खे व्व दुरमच्चे ॥
 पुब्बं पिब ते समरे मणसा..... ।
 एत्थंतरम्मि राया समागओ सेणिओ तत्थ ॥
 तं ज्ञाण-निचलं पिक्खिऊण राया फुरंत-परिओसो ।
 उत्तरिऊण करिंदाओ वंदए महि-निहित्त-सिरो ॥
 तव-सामत्थमउव्वं पसन्नचंदस्स इय च्चित्तंतो ।
 राया गंतुं परिचत्त-रायच्चिंधो नमइ नाहं ॥
 सो परिसाइ निसज्जो समए पुच्छइ जया मए नाह ! ।
 नम्मिओ पसन्नचंदो करिज्ज जइ सो तथा कालं ॥
 का तस्स गइ हुज्जा वीरजिणो भणइ तम्मि समयम्मि ।
 सो कालं कुण्ण्णो सत्तम-नरयम्मि गच्छिज्ज ॥
 सरलासओ नरिंदो च्चित्तइ सुणिणो कहं निरय-गमणं ? ।
 ता न मए सुट्ठुं सुयं खणंतरे पुच्छए पुणावि ॥
 भयवं ! पसन्नचंदो करेइ जइ संपयं कहवि कालं ।
 तो कत्थ वच्चइ ?; जिणो जंपइ सव्वट्ठसिद्धम्मि ॥

पुच्छइ सेणिय-राओ वागरणं नाह ! कहमिणं दुविहं ।
 भणइ जिणो सो तइया दुम्भुह-दुब्बयण-सवणेण ॥
 पसरिय-पुत्त-ममत्तो रुद्धज्जाणं महंतमारुढो ।
 बद्ध-घण-असुह-कम्मो सत्तन-नरयारिहो आसि ॥
 तह वंदिउं अवगए मंतीहिं समं मणेण जुज्झंतो ।
 तुट्टेसु पहरणेसुं मुणिउं सन्नद्धमप्पाणं ॥
 निहणाभि खिरत्ताणेण दुट्ठ-सच्चिवे इमे त्ति चिंतंतो ।
 तग्गहणत्थं हत्थेण मत्थयं सो परासुसइ ॥
 तं लुंचियं फुसंतो सुमरइ पडिक्क-दिक्खमप्पाणं ।
 तो चिंतइ धिच्ची मं रुद्धज्जाणाणुबद्ध-मणं ॥
 किं मज्झ तेण पुत्तेण किं च मंतीहिं चत्त-संगस्स ! ।
 इय चिंतंतो पुरओ ठियं व मं वंदिऊण इमो ॥
 आलोइय-पडिकंतो पसत्थ-ज्ञाणेण खविय-कम्म-भरो ।
 सव्वट्ठ-सिद्ध-जुग्गो पसन्नचंदो मुणी जाओ ॥
 इय जंपिऊण विरए विरजिणे सेणिओ गयण-मग्गे ।
 दट्ठं सुर-संपायं स-विम्हओ पुच्छए साम्मि ॥
 भयवं ! सुर-संपाओ किं एसो नह-यले ? भणइ सामी ।
 जायं पसन्नचंदस्स संपयं केवलं नाणं ॥
 इय जिण-वयणं मुणिउं स-देव-मणुयासुरा मुणइ परिस्ता ।
 सुगइ-कुगईण हेऊ सुहासुहा भावणा चय ॥

इति भावनायां प्रसन्नचन्द्र-कथा ।

सुह-भावणा-वत्सेणं संजाया खविय-घाह-कम्माण ।
 केवल-नाणुप्पत्ती साल-महासाल-पञ्जुहाण ॥

तं जहा—

इत्थत्थि पिट्ठचंपा-नयरी पर-वक्क-भय-अकय-कंपा ।
 मय-लंछणो ससि चियं सुरु चियं जत्थ कर-चंडो ॥
 तत्थ नय-नियर-सालो सालो राया विसाल-बल-साली ।
 नामेण महासालो सहोयरो तस्स जुवराओ ॥
 अह तत्थ समोसरिओ सुर-पुंगव-सेविओ महावीरो ।

शाल-महाशाला दो वि तस्स पत्ता पणमणत्थं ॥
 तरिऊण भव-समुहं धम्म-तरंडेण लहह मोक्ख-तडं ।
 इय वीरजिणेसर-देसणाइ ते दो वि पडिबुद्धा ॥
 सालेण महाशालो रज्जं पडिवज्जसु त्ति भणिओ वि ।
 जाव न तं गिण्हइ ताव गागली भाइणिज्जो त्ति ॥
 जसवइ-पिठरय-पुत्तो ठविओ रज्जम्मि गरुय-रिद्धीए ।
 शाल-महाशालेहिं गहिया दिक्खा जिण-समीवे ॥
 सणयंतरम्मि सामी विहरंतो आगओ पुरिं चंपं ।
 सह शाल-महाशालेहिं गोयमो पट्टु-अणुत्ताओ ॥
 पत्तो य पिट्टुचंपं कंचण-कमल-ट्टिओ कहइ धम्मं ।
 सोऊण गागली तं पडिबुद्धो जणणि-जणय-जुओ ॥
 ठविऊण सुयं रज्जे गिण्हइ दिक्खं पिज्जहिं परियरिओ ।
 पंचहिं वि तेहिं कलिओ चलिओ गोयम-गुरु चंपं ॥
 ताण जिण-वंदणत्थं वच्चंताणं पहम्मि पंचण्हं ।
 सुभ-भावणा-पराणं उप्पन्नं केवलं नाणं ॥
 सव्वे वि गया चंपं कमेण ति-पयाहिणं ति ते सामिं ।
 वंडेइ इंदभूई इयरे पंच वि गया परिसं ॥
 ते भणइ गोयमो एह सामिणं वंदह त्ति तो सामी ।
 तं जंपइ मा गोयम ! केवलि-आसायणं कुणसु ॥
 खान्हेइ गोयमो ते विसस-चित्तो य चित्तए एवं ।
 लहिऊण केवलमहं किं सिज्जित्सामि एत्थ भवे ॥
 पुव्वं जिणेण कहियं मणुओ अट्टावयम्मि जो चड्डिं ।
 चउपीस-जिणे नमिही सो सिज्जित्सइ इहेव भवे ॥
 तं जंपते तियसे मुणिउं अट्टावयं गिरिं गंतुं ।
 वंछेइ गोयमो वंदणत्थमरहंत-पडिभाणं ॥
 तावस-पडिवोहं जाणिऊण सो भयवया अणुत्ताओ ।
 चारण-लखि-वलेणं पवणो व्व खणेण तं पत्तो ॥
 एत्तो य मोक्ख-हेउं सोउं अट्टावयंसमारुहिं ।
 तिन्नि पयट्टा कोडिन्न-दिन्न-सेवाल-कुलवइणो ॥
 पढमो चउत्थ-पारणय-अइ-कंदाइ-भोयणो निचं ।
 पंच-सय-तावस-जुओ आरुढो मेहलं पढमं ॥

छट्-तव-पारणे रह्य-सुक्क-कंदाह-भोयणो दुहओ ।
 दुहयाइ मे हलाए चडिओ पंच-सय-परिवारो ॥
 निचं कयट्टमो विहिय-सुक्क-सेवाल-पारणो तइओ ।
 पंच-सय-तवस्सि-जुओ आरूढो मेहलं तहयं ॥
 ते उडुं आरुहिउं अखमा चिट्ठंति उम्मुहा जाव ।
 पेच्छंति कणय-वन्नं थूल-तणुं गोमयं ताव ॥
 जंपंति ते परुप्परमम्हे अट्टावए तव-किसा वि ।
 आरुहिउं न तरामो कहमारुहिही इमो थूलो ? ॥
 इय जंपंतेसु इमेसु गोयमो तं गिरिंदमारूढो ।
 तियसो व्व सो खणेणं नयणाण अगोयरं पत्तो ॥
 एयस्स अहो ! सत्ती महरिसिणो ता नियत्तमाणस्स ।
 सीसा अम्हे होमि त्ति निच्छओ तावसेहिं कओ ॥
 तो गोयमो मणोहर-मणि-कणय-मयं जिणालयं पत्तो ।
 अट्टावय-गिरि-रायस्स मउड-सोहं जमुव्वहइ ॥
 भरहेसर-कारविया चउवीस-जिणाण तत्थ पडिमाओ ।
 अप्पडिमाओ वन्न-प्पमाण-जुत्ताउ सो नमइ ॥
 निगंतुं जिण-गेहाओ इंदभूई असोग-रुक्ख-तले ।
 उवविट्ठो तियसाणं जिण-पन्नत्तं कहइ धम्मं ॥
 पत्थावे भणइ इमं तव-वसओ अट्ठि-चम्म-सेसंगे ।
 किडि-कडिय-संधिणो जंपिउं पि अखमा मुणी वुंति ॥
 तो चिंतइ वेसमणो थूलत्तं गोयमस्स पेक्खंतो ।
 किं भयवं साहु-गुणे अप्प-विसंवाइणो कहइ ॥
 मणपज्जवेण भयवं तवभावं जाणिऊण वज्जरइ ।
 परमत्थओ पमाणं ज्ञाणं न किसत्तणं तणुणो ॥

तहा हि—

जंबुद्दीवस्मि महाविदेह-ठिय-पुक्खलावई-विजए ।
 अत्थि मही-महिला-पुंडयं व पुंडरिगिणी नयरी ॥
 वेरि-करि-पुंडरीओ ससि-पंडुर-पुंडरीय-रुद्धदिसो ।
 सिरि-केलि-पुंडरीयं तत्थ निवो पुंडरीओ त्ति ॥
 तस्स भुय-दंड-कुंडलिय-चंड-कोयंड-कंड-तुंडेहिं ।

खंडिय-विपक्ख-मुंडो जुवराओ कंडरीओ त्ति ॥
 अह तत्थ नलिण-वण-काणणम्मि गुणिणो समागया मुणिणो ।
 ताण समीवे धम्मं सुणंति ते राय-जुवराया ॥
 वेरग्ग-मग्ग-लग्गो सग्गिहं गंतूण पुंडरीय-निवो ।
 जुवराय-कंडरीयं मंति-समक्खं इमं भणइ ॥
 वच्छ ! कमागयमेयं गिण्हसु रज्जं अहं तु भय-भीओ ।
 भव-दुक्ख-लक्ख-खंडण-दक्खं दिक्खं गहिस्सामि ॥
 तो भणइ कंडरीओ—किं भव-कूवम्मि खिवत्ति मं नाह ! ।
 तुममेव कुणसु रज्जं अहं तु काहामि पवज्जं ॥
 भणियं रत्ता—रेहइ धम्मो वि कमेण वच्छ ! कीरंतो ।
 कुमरेण जंपियं—इव ! नत्थि मरणस्स को वि कम्मो ॥
 तो भणइ पुंडरीओ जइ वि इमं तहवि जुवणं विसमं ।
 कामो जएक्क-वामो निरग्गलो इंदियग्गामो ॥
 दुपरिच्चओ पमाओ परीसहा दुस्सहा चलं चित्तं ।
 हुयवह-जाला-पाणं व दुक्करं वच्छ ! चारित्तं ॥
 ता सावय-धम्मं चिय पवज्जिओ रज्ज-पालणं कुणसु ।
 पडिवन्न-अनिव्वहणं उभय-भव-दुहावहं जम्हा ॥
 वज्जरइ कंडरीओ सच्चमिणं तहवि नाह ! निय-वयणं ।
 कीरइ किमन्नहा तो चित्तव्वा मिच्छयं दिक्खा ॥
 इय भणित्तं पव्वइओ कुमरो राया उ भावओ साहू ।
 गेहम्मि ठिओ मंतीहिं वारिओ दिक्ख-गहणाओ ॥
 तो कुणइ कंडरीओ चिरं तवं निच्चमंग-निरवेक्खं ।
 दस-विह-सामायारिं पालइ मुणि-वल्लहो होइ ॥
 अह अन्नया वसंते वियंभिए भुवण-खोह-संजणणे ।
 चारित्त-भोह-वसओ चलइ मणं कंडरीयस्स ॥
 सो चित्तेइ अलं मे पवज्जाए किलेस-बहुलाए ।
 गंतुं करेमि रज्जं जं मह निय-बंधुणा दिव्वं ॥
 तो पत्तो पुंडरिगिणि-नयरीए सो ठिओ य उज्जाणे ।
 उवगरणं ठविउं तरु-लयाइ हरियम्मि उवविट्ठो ॥
 सो अप्पाणं रत्तो जाणावइ वण-निउत्त-पुरिसाओ ।

राया वि पहाण-जुओ आगंतुं नमइ तं झत्ति ॥
 रुक्खे ठविओवगरणो एगागी हरिय-काय-लुढियंगो ।
 वय-निव्विन्नो मन्ने इमो त्ति सुणिउं भणइ राया ॥
 भो ! भो ! सुमरह तुम्भे जं वारं तस्स मज्झ तंमि दिणे ।
 रहस-वसेण पवन्ना, वालेण अणेण पवज्जा ॥
 तत्तो राया दाऊण कंडरीयस्स राय-चिंधाहं ।
 सुणि-लिंणाणिय-गहिउं नीहरइ सयं गहिय-दिक्खो ॥
 अह वय-भट्टो रंको व्व क्खिस-तणू एस भोयणत्थो त्ति ।
 गरहिज्जंतो लोएहिं कंडरीओ कुणइ कोवं ॥
 भुंजामि ताव पढमं पच्छा एयाण निग्गहं काहं ।
 इय चिंततो चित्तम्मि कंडरीओ गओ गेहं ॥
 उत्तम-मज्झिम-अहमो ति-विहो लद्धो चिराउ आहारो ।
 भुत्तो तव-तिव्वल्लुहेण कंडरीएण आकंठं ॥
 तस्स बहु-भोयणाओ य भोग-जागरणओ य रयणीए ।
 जाया विसुइया वेयणा य महई समुप्पन्ना ॥
 भत्थि व्व अनिल-पुन्ना वियसियमुयरं निरुंभिओ पवणो ।
 तस्सुल्लसिया तण्हा सब्बंगं पसरिओ दाहो ॥
 भट्ट-पहणो पावो एसो त्ति विभाविउं निओगीहिं ।
 सो अकय-चिकिच्छो किच्छमुवगओ चितए एवं ॥
 जह कहवि इमं रयणिं अहकमिस्सामि तां पभायम्मि ।
 निहणिस्सं स-कुडुंवे सब्बे वि निओगिणो एए ॥
 एवं रुइ-ज्झाणेण कण्हलेसा-समन्निओ मरिउं ।
 सत्तम-पुढवीए इमो उप्पन्नो अप्पइट्ठाणे ॥
 अह पुंडरीय-साहू अहो सुलद्धं चिराउ सुणि-धम्मं ।
 काहामि गुरु-समक्खं ति चिंतिउं चलइ गुरुपासे ॥
 सो वेला-लंघिय-सीय-रुक्ख-भोयण-किलामिओ मग्गे ।
 कोमल-कम-तल-नीहरिय-रुहिर-संसित्त-महिवट्टो ॥
 गामे उवस्सयं मग्गिऊण तण-सत्थरम्मि उवविट्टो ।
 गुरु-पासे गिण्हिस्सं कहया दिक्खं ति चित्तेइ ॥
 गरहिय-निय-दुचरिओ पहसभय-समुल्लसंत-सुह-ज्ञाणो ।
 पीणंगो वि विवज्जो सो सब्बट्ठे सुरो जाओ ॥

ता देहस्स किसत्तं पीणत्तं वा मुणीण अपमाणं ।
 किं तु सुह-झाणमेक्कं निब्बाण-निबंघणं विंति ॥
 गोयम-भणियं एयत्थ-संगयं पुंडरीय-अज्झयणं ।
 गिण्हैइ एक्क-वारेण धणय-सामाणिओ देवो ॥
 वेसमणो उण नमिऊण गोअमं गिण्हऊण सम्मत्तं ।
 संपत्त-ति-जय-रज्जो व्व रंजिओ जाइ निय-ट्टाणं ॥
 इय देसणाइ गमिऊण गोयमो रयणिसुत्तरइ जाव ।
 अट्टा-वयाउ पेच्छंति तावसा ताव तं तुट्टा ॥
 जंपंति पणमिउं ते महरिसि ! तव-लच्छि-कुल-भवन ! अम्हे ।
 तुह सीसा होहामो तुमं तु अम्हाण होसु गुरु ॥
 तो गोयमो पर्यपइ सव्वन्नू मह गुरु महावीरो ।
 सो चिअ सुरासुरचिय-चलणो तुम्हं पि होउ गुरु ॥
 पुणरुत्त-पत्थण-परे दिक्खइ तावस-गणे गणहरिंदो ।
 तेसिं समप्पियं देवयाइ सव्वं पि मुणि-लिंणं ॥
 जूहाहिओ व्व कलहेहिं तेहिं सह गोयमो पहु-समीवे ।
 चलिओ गओ य गामं भिक्खा-काले भणइ एए ॥
 किं तुम्ह पारण-कए मण-इट्ठं कहइ जेण आणेमि ।
 ते पायसं ति जंपंति विम्हओ फुल्ल-मुह-कमला ॥
 तं एग-कुक्खि-पूरण-पमाणमाणइ पडिग्गहे काउं ।
 लद्धि-समिद्धो भयवं जंपइ मुणिणो निविसह त्ति ॥
 अम्हाण पारणं एत्तिएण नणु पायसेण किं होही ।
 तहपि गुरु जं जंपइ तं कायव्वं ति चिंतता ॥
 ते सव्वेचि निविट्टा अक्खीणमहाणसाइ लद्धीए ।
 जेमाविऊण सव्वे सयं च पच्छा जिमइ भयवं ॥
 अह अम्हेहिं पत्तो देवो परमेसरो महावीरो ।
 जणय-सन्नो एस गुरु धम्मो य भवन्नव-तरंडो ॥
 ता कयपुत्ता अम्हे त्ति भावयंताण भुंजमाणाण ।
 सेवाल-भक्खगाणं संजायं केवलज्ञाणं ॥
 दिन्नाईणं नियडे गयाण पहु-पाडिहेर-दंसणओ ।
 कोडिन्नाईणं पुण पहु-पिच्छणओ तमुप्पन्नं ॥

सामिं तिपयाहिण्डं केवलि-परिसाए पत्थिया एए ।
 एह नमंसह सामिं ति भणह तो गोयमो भयवं ॥
 मा कुरु केवलि-आसायणं ति वागरह गोयमं सामी ।
 मिच्छादुक्कड-पुव्वं ते खामह गोयमो नमिउं ॥
 चित्तेह गोयमो पुण वि गरुय-कम्मो किमेत्थ जग्गेऽहं ।
 सिद्धिस्सामि न वा किं एए पुण दिक्खिया वि मए ॥
 पत्ता केवल-नाणं अहो महंतो इमाण पुत्त-भरो ।
 एवं चिंतावत्तं पर्यंपए गोयमं सामी ॥
 सच्चं सुराण वयणं जिणाण वा किं ति गोयमो भणह ।
 नाह ! जिणाणं सामी जंपह ता मा कुणल्लु अधिइं ॥
 तण-वंस-चम्म-उत्ता कह तुल्ला हुंति जेण इह नेहो ।
 चिर-संसग्गा तुह मह उत्ता कड-संनिहो नेहो ॥
 सो दढयरो जया तुज्झ तुद्धिही केवलं तया होही ।
 ता तुममहं च गोयम ! अंते तुल्ला भविस्सामो ॥
 इति भावनायां शाल-महाशाल-कथा ।

पुव्व-कय-कम्म-वसओ नीय-जणोचिय-पहे पयट्ठो वि ।
 सुह-भावणाह पत्तो केवल-नाणं इलापुत्तो ॥

तं जहा—

इत्थेव भरहवासे विसिट्ठ-सर-वावि-कूव-कय-सोहं ।
 धण-धन्न-समिद्ध-जणं अत्थि इलावद्धणं नयरं ॥
 पुरिसा परत्थ-लुद्धा सरोय-नयणाउ जत्थ इत्थीओ ।
 भवणाइं भोगि-रुद्धाइं तत्थ किं वण्णिमो अन्नं ॥
 तत्थ निवो जियसत्तू कराल-करवाल-राहुणा जस्स ।
 निच्चंपि सूर-राघाण कवलणं कीरए चोज्जं ॥
 तस्सासि माणाज्जो वेसमण-सरिच्छ-रिद्धि-वित्थारो ।
 इव्वो नाम गुण-निही समग्ग-वणिवग्ग-अवयंसो ॥
 निरुवम-रूवाइ-गुणोह-धारिणी धारिणी पिवा तस्स ।
 तेसिं निरवच्चत्तं करवत्तं पिव दलइ हिययं ॥

जओ—

संसार-निव-तरुणो कडुयं कुल्लुमं व विसय-सुक्खं पि ।

चोज्ञं अमय-फलोवममवच्च-मुह-दंसणं एकं ॥
 तत्थत्थि इला-देवी तीए उवाइयं कयमणेहिं ।
 जइ अम्ह सुओ होही ता तुह भत्ति करिस्तामो ॥
 तुह चित्थियं च नामं दाहामो तस्स, तो सुओ जाओ ।
 तुह-मणेहिं अणेहिं इलाइ पूया कया मद्दई ॥
 प्पएसु पाडिओ सो भणिओ नामेण तह इलापुत्तो ।
 निध्विग्घं वट्ठतो संजाओ अट्ट-वारिसिओ ॥
 जणएण कलायरियस्स अप्पिउं कारिओ कला-गहणं ।
 अह रमणी-माण-मडप्प-मोडणं जुव्वणं पत्तो ॥
 तह वि रमइ रमणीसुं न मणं पि इमो मुणि व्व उवसंतो ।
 जणणि-जणएहिं तत्तो खित्तो दुल्ललिय-गोहीए ॥
 अह संपत्तो सरओ उल्लासिय-रायहंस-हरिस-रओ ।
 पसरिय-ताम-रस-रओ अपिदेय-जणग्घविय-सरओ ॥
 निस्सि-निम्मल-तारय-संगयस्स गयणस्स पाडिसिडीए ।
 वियसिय-कुसुय-जुयाइं जम्मि सराइं विरायंति ॥
 कल्लसंति अपिज्जंतं पुव्वं सत्थं ति जम्मि पिज्जंतं ।
 सव्वो वि होइ सत्थो पिओ त्ति लोयाण कहइ जलं ॥
 मलिणा वि घणा खित्तेसु वरिसिउं जम्मि उज्जला जाया ।
 खित्तेसु रिद्धि-दाणं विसुद्धि-हेउ त्ति जंपंति ॥
 वासासु आसि हरिसो सिहीण हंसाण जम्मि संजाओ ।
 सासूए केवि दिणा केवि वड्डइ त्ति पयडेइ ॥
 सारस-मिहुण-वणत्थल-मणोहरा वियसमाण-कमल-मुही ।
 पसरंत-कास-हासा जम्मि वियंभइ भुवण-लच्छी ॥
 तम्मि सरए स-मित्तो पहिहु-चित्तो गओ इलापुत्तो ।
 नंदण-वणाभिरामे आरामे कीलण-निमित्तं ॥
 दिट्ठा तत्थ अणेणं रइ व्व रुवेण मणहरा तरुणी ।
 लंसय-नडस्स कम्मा नचंती विविह-भंगीहिं ॥
 तं पेच्छंतो सो पर-वसो त्ति विद्धो सरेहिं मयणेण ।
 जं असमत्थो पुरिसो पहरेइ परं छलं लहिउं ॥
 अह धंभिओ व्व सहसा टंङ्गकिओ व्व चित्त-लिहिओ व्व ।

लेप्प-घडिओ व्व पत्थरमओ व्व सो निचलो जाओ ॥
 सेउ-वियंभिओ सो जलं व दाउं कुलाभिमाणस्स ।
 उल्लसिओ पाव-डुमंकर-प्पवंचो घुरोमंचो ॥
 काहं कहं अकज्जं ति सज्जसेणं च पसरिओ कंपो ।
 लज्जाइ पाडिसिद्धीइ नूण से चेयणा नट्टा ॥
 तं तयवत्थं दट्ठुं भणंति पर-चित्त-लक्खणा मित्ता ।
 जाया महर्हं वेला वयंस ! इह आगयणम्ह ॥
 काहं ति जणणि-जणया तुह अधिहं तेण मंदिरं जामो ।
 वणमिणमवाय-वट्ठुलं ति नेह जुज्जइ चिरं ठाउं ॥
 इय पत्ताविओ वि इमो तग्गय-चित्तो न जंपए किं पि ।
 तो घेत्तूण भुएहिं नीओ मित्तेहिं पिइ-गेहं ॥
 तत्थ वि सयणिज्ज-गओ विमुक्क-उप्पहुण्ह-दीह-नीसासो ।
 परिचत्त-निच्च-किच्चो चिट्ठइ तं चेव पितंतो ॥
 तुच्छ-जले मच्छस्स व तस्सारइ-परिणयत्स बुत्तंतं ।
 पिउणो कहांति मित्ता नड-धूया-दंसण-प्पभिइं ॥
 तं सोउं सो वज्जाहओ व्व सहसा विसायभावओ ।
 वाह-जल-सरिय-नयणो स-प्पणयं जंपए पुत्तं ॥
 उत्तम-कुलम्मि जाओ वच्छ ! तुमं, तुह नणोहरा मुत्ती ।
 तुज्ज विमुद्धा बुद्धी सत्थ-रहस्सं तए पढियं ॥
 जुत्ताजुत्त-विमरिसं न खमो काउं विणा तुमं अओ ।
 ता कत्तो जायमिणं तुह गुण-विबरीयमायरणं ॥

तहा—

जेण कुलं कल्लसिज्जइ सुयणा खिज्जंति उल्लसंति खला ।
 कंठ-गय-जीविया वि हु सप्पुरिसा आयरंति न तं ॥
 मुणिऊण इमं राया काही लब्बस्स-निग्गहं मज्ज ।
 लज्जिस्सए गुरुयणो कओ कुपत्ते किलेसो त्ति ॥
 संभाविस्संति तुमं अकुलीणं नयर-सिद्धिणो नूणं ।
 निय-पंति-वाहिरं मं सयण-गणा पुण करिस्संति ॥
 ता निरुत्तम-रूवाणं लायन्नामय-समुद्ध-लहरीणं ।
 वच्छ ! कुल-कल्लगाणं कर-गहूणं कारविस्सामि ॥

जं वच्छ ! वंछसि इमं अकुलीणं मणहरं पि तमजुत्तं ।
 वंडाल-कूव-सलिलं सिद्धो सिसिरंमि किं पियइ ॥
 अह भणइ इलापुत्तो—अहं पि जाणामि ताय ! सव्वज्जिणं ।
 किं तु तहिं अणुरत्तं न तरामि निवारिउं चित्तं ॥
 अपि चण्डानिलोद्धूततरङ्गस्य महोदधेः ।
 शक्येत प्रसरो रोद्धुं नानुरक्तस्य चेतसः ॥
 सो जिवियक्खणु अक्खियइ छज्जइ सोज्जि छइल्लु ।
 उप्पह-पट्टिओ पहि ठवह चित्तु जु नेह गहिल्लु ॥
 पावेमि जइ न एयं तो पाणा निक्खमंति मह नूणं ।
 हा ! विहि-वत्सेण वत्सेणे पडिओम्हि करेमि किं ताय ! ? ॥
 इय पुत्त-निच्छयं सुणिऊणं जणएण लंखओ भणिओ ।
 कणएण समं तुलिउं सुयस्स मे देहि निय-धूयं ॥
 तो लंखएण भणियं जइ तुज्ज सुयस्स कज्जमेयाए ।
 ता बिलउ अम्ह एसो सुवन्न-अक्खय-निही जमिमा ॥
 जणएण कहियमेयं सोऊण विचित्तए इलापुत्तो ।
 हा ! मज्ज कए जणएण ववसियं जण-विरुद्धं पि ॥
 विहि-वत्सओ संपत्तं अपत्त-दाणं व निष्कलं तं पि ।
 ता किं करेमि ठाउं खणं पि न खमो विणा तीए ॥
 इय चिंतिऊण एसो अगणिय-पिउ-माइ-मित्त-उवएसो ।
 वज्जिअ-कुलाभिमाणो लंखय-नड-पेडए मिलिओ ॥

जओ—

विसमाउह-वाण-पहार-जज्जरे माणुसस्स मण-कलसे ।
 ठाइ कहं निक्खित्तं थेवं पि परोवएस-पयं ॥
 उद्दाम-काम-कामल-विद्विय-विवेय-चक्खुणो मणुया ।
 खुप्पंति मग्ग-बुद्धा अक्किच्च-पंकमि किं चोज्जं ॥
 तं भणइ नडो निउणा सिप्पे नट्टाइयम्मि मह धूया ।
 वच्छ ! तुमं तु अनिउणो तुम्ह तओ अणुचिओ जोगो ॥
 ता सिक्ख तुमं नट्टाइ-सिप्पमह सिक्खित्तं पयट्ठो सो ।
 न हि कुणंति किमकिच्चं तरुणी-वत्त-वत्तिणो मणुआ ॥
 पन्न-गुण-संपत्तो खिप्पं सिप्पम्मि तम्मि संजाओ ।

सव्वेसिसुवखित्ती किमसज्झं मइ-पगरिसस्स ॥
 तं भणइ पुणो वि नडो निय-सिक्खं पयडिउं बहु सुवन्नं ।
 विट्ठवसु तुमं विवाहं करेमि रिद्धीइ तुह जेण ॥
 तो विज्ञाय-नड-नयरे नड-पेच्छं ञ्जिओ निवो तेण ।
 संपत्ता नागरया निवो निविट्ठो स-देवीओ ॥
 तो कुणइ इलापुत्तो पेक्खणयं जणय-जणमणच्छेरं ।
 राया नड-धूयाए ख्वाइ-गुणेहिं अक्खित्तो ॥
 हंतुमिलापुत्तं भणइ भइ ! भो ! कुणसु वंस-पडणं ति ।
 तो रंग-भूमि-निक्खय-वंसग्गे ठावियं फलयं ॥
 पासोसु दोसु कीला तस्स कया तत्थ सो समाख्खो ।
 पाएसु पाउआओ सच्छिद्दाओ परिहिज्जण ॥
 असि-फलय-वग्ग-हत्थो अग्गहे सत्त सत्त पच्छडे ।
 करणाइं कुणइ गयणे उप्पयमाणो इलापुत्तो ॥
 छिद्देसु कीलए सो पवेसिउं जाव चिद्दए उद्धो ।
 ता रंजिओ पुर-जणो जंपेइ अहो महच्छरियं ॥
 अल्लस्स नत्थि सत्ती इम त्ति सो द्ध्वमिच्छए दाउं ।
 किं तु निवम्मि अदिते न देइ एयस्स किंचि जणो ॥
 राया उ चित्तइ इमं इमाउ ठाणाउ कहवि जइ एसो ।
 पडिज्जण मरइ ता होज्ज नट्टिया मे इमा भज्जा ॥
 तो भणइ निवो न मए तुह विज्ञाणं निरुवियं सम्मं ।
 ता कुणसु पुणो वि इमं तेण कयं तं दुइय-वारं ॥
 तुट्ठो य जणो वाढं गय-लज्जो जंपइ पुणो राया ।
 न मए सम्मं दिट्ठं ता पयडसु पुण वि विज्ञाणं ॥
 तं तेण तइय-वारं कयं निवो तहवि देइ न हु किंचि ।
 अहह ! अजुत्तमजुत्तं ति कुणइ हाहारयं लोओ ॥
 लक्खेइ लंखियाखित्त-माणसं खिइवइं इलापुत्तो ।
 तो चिंतिउं पवत्तो धिद्धी ! विसयाण विसनत्तं ॥
 जेणेस निवो रंगो व जीवियाए इमीइ अपुरत्तो ।
 मम मरण-निजित्तं कारवेइ करणाइं पुणरुत्तं ॥
 संते वि खव-लावज्ज-कंतिन्ते महंत-सुद्धंते ।

अंकुलगयाह किमिमीह पत्थिवो एस अणुरत्तो ॥
 अहवा किमणेण अहं पि एरित्तो चेव जेण वट्ठामि ।
 दूरे नियह जलंतं ता लोओ न उण पाय-तले ॥
 धिद्धी ! मह जम्मभिणं जेण न लज्जा कया गुरु-जणस्स ।
 जणणि-जणयाण दुक्खं मणं पि न निरुद्धियं जेण ॥
 परिभाविणं न चित्ते लोए लहुयत्तमत्तणो जेण ।
 जेणोभय-लोय-भयं न थेवमेत्तं पि संभरियं ॥
 उमग्ग-विलग्गेणं मत्तगएण व मिठ-रहिणण ।
 पर-पुट्ट-वालएण व पर-घर-संचरण-सीलेण ॥
 भक्खाभक्ख-विभागं अपेक्खमाणेण सुयवहेणेव ।
 गिरि-नह-पय-पूरेण व नीयं चिअ वच्चमाणेण ॥
 चिस-रुक्खेण व नीसेस-लोय-उब्बेय-करण-दक्खेण ।
 सयल-जण-गरहणिज्जं लंखय-कुलमणुसरंतेण ॥
 अहह ! मए मूढेणं कओ कलंको कुलम्मि ससिचिमले ।
 सयणाणं वयण-सरोरुहेसु मसि-कुचओ दिग्घो ॥
 उद्धूलियं समग्गं तहलोकं अयस-पंसु-पसरेंण ।
 अप्पा अणप्प-दुग्गह-दुक्खाणं भायणं विहिओ ॥
 हा ! रुवमेत्त-दंसण-लोल-सहावत्तणेण सलह-समे ।
 पाविट्ठि-दिट्ठि-रंडे पंच इमे मंडया तुज्झ ॥
 इय वेरग्ग-गएणं अणेण कस्सवि मिहम्मि धणवहणो ।
 पंच-समिया ति-गुत्ता दढ-व्वया साहुणो दिट्ठा ॥
 निय-रुव-विजिय-तियसंगणाउ तरुणीओ धणवह-वहूओ ।
 भत्तीह भत्त-पाणं तेसिं दितीओ दिट्ठाओ ॥
 ते दहुं सो चित्तह इमे कयत्था सुलद्ध-जम्माणो ।
 जे एरित्ते पि धीरा न दिंति दिट्ठिं जुवह-वग्गे ॥
 अहह ! अहं पुण पावो अणज्ज-चरिओ विवेय-परिहरिओ ।
 जो अकुलीज-जणत्थे अणत्थमेवं अणुहवामि ॥
 इय चिंतंतस्स इमस्स मोहणिज्जं गयं खओवसमं ।
 उल्लसिओ सुह-भावो फुरिओ चारित्त-परिणाओ ॥
 चित्तेण चत्त-संगो मुक्क-ममत्तो सरीरमेत्ते वि ।

जह धंसगगे षडिओ तहेव सो खवग-सेढीए ॥
 सुह-भावणानलेणं दहिउं नीसेस-घाइ-कम्म-वणं ।
 पयडिय-लोयालयं सो पावइ केवलं नाणं ॥
 सो देवया-समप्पिय-लिंगो सुर-कय-सरोरुह-निसन्नो ।
 राय-प्पसुह-सहाए धम्मं वागरिउमाढत्तो ॥
 चिंतामणिं व दुलहं लहिउं मणुयत्तणाइ-सामग्गिं ।
 परिहरह विसय-सुक्खं किंपाग-फलं व सुह-मडुरं ॥
 पडिवज्जह चारित्तं थेवं पि पमाय-चेट्टियं चयह ।
 पाविस्सह अन्न-भवे विडंवणं अन्नह अहं व ॥
 रत्ता भणियं—पुव्वं कओ पमाओ मुणिंद ! को तुमए ? ।
 का वा विडंवणा पाविय त्ति, तो केवली कहइ ॥
 अहमासि वसंतपुरे छक्कम्म-कओज्जसो पवर-विप्पो ।
 मह माहणी य भज्जा कय-गुरु-लज्जा विणय-सज्जा ॥
 अम्हे अणुरत्ताइं परोप्परं पालिऊण गिहवासं ।
 गुरु-पासे पडिवुद्धाइं दोवि दिक्खं पवन्नाइं ॥
 मज्झ मणे नावगओ नेहो सुत्तत्थ-लीण-मइणो वि ।
 मह भज्जाए य कओ जाइमओ किं पि निय-चित्ते ॥
 गुरु-पुरओ तमणालोइऊण दुन्नि वि गयाइं सुर-लोयं ।
 तत्तो चुओ य जाओ एसोऽहं तुम्ह पच्चक्खो ॥
 जाइ-मएणं जाया एसा सा हीण-जाइ-नड-धूया ।
 तन्नेहेणं एवं विडंवणमहं पि संपत्तो ॥
 तं सोउं नड-धूया राया देवी य भावणा-वसओ ।
 पार्धित्ति केवल-स्तिरिं कमेण सव्वाणि सिज्जंति ॥

इति भावनायामिलापुत्र-कथा ।

विसएसु पयटो वि हु पुरिसो वेरगं-भावणा-वसओ ।
 अपयटो दट्टव्वो दिट्ठंतो भाउणो दुन्नि ॥

तं जहा—

इत्थेव भरहवासे अत्थि पुरं रयणसंचयं नाम ।

कमलवणं व सहइ जं रमणी रमणिज्ज-वयणेहिं ॥

अणुवत्तिय-नय-धम्मो आजम्म-परोवयार-कय-कम्मो ।
 मयरद्धओ व्व रम्मो नर-नाहो तत्थ जयवम्मो ॥
 समरम्मि जो समग्गे विपक्ख-वग्गे पलायमाणम्मि ।
 संसुहम्मप्पाणं चिय पिच्छइ करवाल-संकंतं ॥
 सुद्ध-हसिएण जीए हसियं व जयम्मि लज्जियं अमयं ।
 अप्पाणं न पयासइ जयावली तस्स सा देवी ॥
 तस्सात्ती जुवराओ सहोयरो विजयवम्म-नामो त्ति ।
 तस्स सुमइ त्ति मंती विसिद्ध-मइ-विजिय-सुर-मंती ॥
 अन्न-समयम्मि सूरी जुगंधरो नाम आगओ तत्थ ।
 चंदो व्व तारएहिं वड्ढहिं साड्ढहिं परियरिओ ॥
 नयव्वमाणम्मि ठिओ नमणत्थं तस्स राय-जुवराया ।
 सामंत-मंति-कलिया दोवि गया गयवराख्खा ॥
 भू-भिलिय-निडाल-यला दो वि गुरुं वंदिज्जण उवविट्ठा ।
 भव-निव्वेय-पहाणा पारद्धा देसणा गुरुणा ॥
 भो ! भो ! भव्वा दुव्वार-दुक्ख-संदोह-सलिल-संपुण्णं ।
 जम्म-जरा-मरण-समुल्लसंत-कल्लोल-दुल्लंघं ॥
 कोह-बडवग्गि-दुग्गं मोह-मेहावत्त-भीसण-सरूवं ।
 माण-गिरि-दुरवणाहं गुरु-माया-वल्लि-परिणद्धं ॥
 धण-मुच्छ-मच्छ-रिंछोले-संकुलं पाद-पंक-पडिहत्थं ।
 रागोरग-संरुद्धं विविहामय-मयर-दुप्पेच्छं ॥
 अणवरय-पडंत-महंत-आवया-सय-सहस्स-संकिण्णं ।
 दुद्धर-विसय-पिवासुच्छलंत-वेला-पसर-विसमं ॥
 तरिज्जण भव-समुद्धं जइ वंछह मोक्ख-पारसुवलद्धुं ।
 ता पडिवज्जह चारित्त-पवहणं पवर-गुण-कलियं ॥
 अह भणइ सुमइ-मंती—भयवं ! चारित्तमेव जीवाणं ।
 निव्व्याण-लाभ-हेउ त्ति निच्छओ वट्टए न इमो ॥
 जं मरुदेवी सिद्धा अकय-चरित्ता वि भावणा-वसओ ।
 कम्म-खाए निमित्तं तत्तो सुह-भावण वेय् ॥
 तो गुरुणा वागरियं अणेग-जम्मेसु सुकय-जोगेण ।
 अणुचिण्ण-चरित्ताणं कमेण सुह-भावणा होइ ॥

जं पुण मरुदेवीए अकय-वयाए वि भावणा जाया ।
 तं नूणं टउयाटचकेण जागरण-तुल्लं ति ॥
 मंती पभणइ—भयवं ! कह टउयाटचकेण जागरणं ? ।
 सूरी जंपइ—पयडं जयम्मि अक्खाणयं एयं ॥
 अत्थि महावडगामे वसंतपालो त्ति ठक्कुरो तत्थ ।
 टउओ गाम-तलारो तं गामं रक्खए निच्चं ॥
 गामाहिवस्स अचंत-वल्लहो अत्थि कुक्कुडो एक्को ।
 जस्स सिहा सोहइ पउमराय-घडिय व्व आरत्ता ॥
 नज्जइ जस्स पिसंगं चंचु-पुडं जच्च-कंचणमयं व ।
 रेहइ घुसिण-विलित्तं व पिंजरं जस्स चलण-जुयं ॥
 छज्जंति जस्स पिच्छा चित्ताभा विविह-रण-रइय व्व ।
 तं पिच्छंतो चिय गाम-ठक्कुरो निव्वुइं लहइ ॥
 ठक्कुर-गेहासणे गिहम्मि चंडा तहिं वसइ महिला ।
 अह तीए कुक्कुड-मंस-भक्खणे दोहलो जाओ ॥
 अण्णो य कुक्कुडो तत्थ नत्थि तत्तो कहिं पि संगहिउं ।
 सो चेव तंवचूडो विणासिउं भक्खिओ तीए ॥
 तं कुक्कुडं अदट्टुं वसंतपालो अनिव्वुओ जाओ ।
 टउयं तलारमाणवइ तंवचूडस्स सुद्धि-कए ॥
 कत्तो वि तप्पउत्ति अलहंतो सो वि भणइ फुडमेयं ।
 कुक्कुड-पउत्ति-कहगस्स देमि दीणार-वीसं ति ॥
 तं सोउं घण-लुद्धा चंडाइ सयज्झिया कह वि मुणिउं ।
 चवला नाम तलारस्स अग्गओ अक्खए एवं ॥
 चंडाइ भक्खिओ कुक्कुडो त्ति को पच्चओ त्ति सो भणइ ।
 चवला जंपइ चंडा-मुहेण एयं कहावेमि ॥
 तो डल्लाए ठइउं ठविओ चवलाइ निय-गिहे टउओ ।
 सहि-कय-कवड-सिणेहाइ सहिउं पुच्छिया चंडा ॥
 सहि ! कुक्कुड-वुत्तं मह कह मूलाउ सा वि तं कहइ ।
 जा कुक्कुडो मए भक्खिओ त्ति एत्थंतरे चवला ॥
 हत्थ-द्विय-लट्ठीए डल्लाए उवरि टचकं देइ ।
 टउयं जाणावेउं तो चंडा चितए एवं ॥

ध्रुवमिह ठविडं टउयं इमीह पुट्टमिह कुक्कुड-सख्वं ।
 ता जह अलियं एयं मुणह इमो तह भणामि त्ति ॥
 तो जंपह टउया-टच्चकेण सहि ! जग्गियाहमेत्ताहे ।
 चवला जंपह सहि ! जग्गियाहमेयस्स को अत्थो ॥
 चंडा भणह मए सहि ! सुविणो दिट्ठो इमो न उण सच्चं ।
 इय तव्वयणं सोउं जाया चवला विलक्ख-मणा ॥
 जागरणं टउया-टच्चकेण तो जह कयाह संभवह ।
 मोक्खो वि कयाह तहा जीवाण विणा चरित्तेण ॥
 जे सिद्धा जे सिज्झंति जंतुणो सिज्झिहंति जे के वि ।
 ताण सुह-भाव-जुत्तं निमित्तमेहं चिय चरित्तं ॥
 इय धम्म-देसणाए संविग्गा दो वि राय-जुवराया ।
 चारित्तं धित्तुमणा नमिऊण गुरुं गया गेहं ॥
 जयवर्म्म-नरिंदेणं भणिओ लहु-बंधवो विजयवर्म्मो ।
 वच्छ ! कमागयमेयं रज्जं पडिबज्ज तुममिण्हि ॥
 सुणिऊण गुरु-समीवे परिणह-विरसं विसं व विसय-सुहं ।
 कम्म-गिरि-दलण-वज्जं पवज्जमहं तु गिण्हिस्सं ॥
 भणियं जुवराएणं अहं पि दुव्वार-दुक्ख-पस्सराओ ।
 संसार-चारयाओ निविण्णो संजमं काहं ॥
 रत्ता भणियं एत्तिय-दिणाहं रज्जं कयं मए वच्छ ! ।
 नमिर-नर-नाह-निवहं तुमं पि तं संपयं कुणसु ॥
 सुय-संक्रामिय-रज्जो तुमं पि गिण्हिज्ज संजमं पच्छा ।
 समयंमि कीरमाणं सव्वं पि हु सोहए जम्हा ॥
 वज्जरह विजयवर्म्मो रज्जं काऊण संजमं काहं ।
 जह देज्ज कहवि तुट्ठो मरण-विलंबक्खराहं जमो ॥
 अहमज्ज करेमि इमं कल्लं काहामि पुण इमं किच्चं ।
 इय को मंतह मइमं तरंग-खण-भंगुरे जीए ॥
 लहिऊण दुल्लहमिणं कहिं पि चिंतामणिं व मणुयत्तं ।
 विसय-पमाय-परवसो न निप्पलं निग्गमिस्सामि ॥
 रज्जं गल-रज्जुं पि व भोगे भुयगे व्व बंधणं व धणं ।
 पासं व गेहवासं सुत्तुं दिक्खं गहिस्सामि ॥
 तो रत्ता वज्जरियं—जह एवं गिण्ह ता तुमं दिक्खं ।

न ह्यु सक्केमि अहं पुण पयाओ मुत्तं अणाहाओ ॥
 काऊण रज्ज-सुत्थं कमेण दिक्खं अहं पि गिण्हिस्सं ।
 तो भाव-जइ व्व ठिओ जयवस्सो गेहवासे वि ॥
 इयरो पुण पव्वइओ गुरु-पय-मूलंमि गरुय-रिद्धीए ।
 अहिगय-समत्त-सुत्तो निरवज्जं कुणइ पव्वज्जं ॥
 आगम-विहिणा कह्यावि नगर-गामागरेसु विहरंतो ।
 सो रयणसंचयपुरे समागओ गुरु-अणुत्ताओ ॥
 नगरासबुज्जाणे वसहिं सो गिण्हिउं ठिओ तत्थ ।
 तन्नमणत्थं देवी-समन्निओ आगओ राया ॥
 कहिओ जिणिंद-धम्मो निबंधणं सग्ग-सुक्ख-सुक्खाणं ।
 परिणाम-दारुणत्तं विसयाण परुवियं मुणिणा ॥
 संविग्ग-मणा देवी जयावली गिण्हए नियममेवं ।
 एयं मुणिं इह द्वियमहं अदट्टं न भुंजेमि ॥
 मुणि-निच्च-पज्जुवासण-पराइ तीए दिणाइं वचंति ।
 अन्नदिणे उक्किट्ठा बुट्ठी जाया उवरि-भागे ॥
 नयरस्स काणणस्स य अत्थि नई अंतरा महावेगा ।
 सा उवरि-बुट्ठि-सलिलेण दुत्तरा झत्ति संपन्ना ॥
 मुणिणो नमंसणत्थं न गया देवी न भुंजए तत्तो ।
 लुंपंति न निय-नियमं मरणे वि ह्यु जं महासत्ता ॥
 रत्ता भणिया देवी अज्ज तुमं किं न भोयणं कुणास्सि ।
 तीए य निय-पइत्ता निवेइया भूभि-नाहस्स ॥
 राया भणइ न नज्जइ कस्मि दिणे विरभिही नई एसा ।
 सूमाल स्ति तुमं पुण अभोयणे पाविहिसि कट्ठं ॥
 ता वच्च जंपसु नइं मह देवर-दिक्ख-गहणओ पभिई ।
 जइ मज्झ पिययमेणं विसय-सुहासेवणं विहियं ॥
 ता भयवइ ! मा विरमसु अहं न कयं देहि मज्झ तो मग्गं ।
 हसिऊण भणइ देवी किमसंवच्चं भणास्सि देव ! ॥
 तुममेवं जंपंतो नाह ! चिरं सेविउं विसय-सुक्खं ।
 अचलत्त-कलिंगगमो दिओ व्व अचंत-साहसिओ ॥
 रत्ता बुत्तं मुत्तुं कुवियप्पे देवि ! गच्छ कुरु भणियं ।
 देवी भणइ किमेवं अवलवसि कयं विसय-सेवं ॥

मं कुट्टणि व्व भुयगं तुमं पयारेसि अलिय-वयणेहिं ।
 दिव्व-सख्वं तु नइं पयारिउं कस्स सामत्थं ॥
 रत्ता भणियं तुह देवि ! किं विवारेण कुणसु मह वयणं ।
 देवी भणह सकोवं व देव ! किमहं गहग्गहिया ॥
 विसय-सुहसेवणे जा सयाचि तुह सक्खिणी अहं नाह ! ।
 तह जीए अंगेसुं एयं चित्तं समत्तं पि ॥
 साहं सच्च-पियाए नईइ पुरओ असच्चमाएसं ।
 तुह वयणेण भणंती होहामि न कस्स हसणिज्जा ॥
 ता वेत्तूण भुयाए भणिया देवी निवेण सप्पणयं ।
 मह वयणमिक्क-वारं करेसु भणिएण किं बहुणा ॥
 चित्ते असहंती वि तं गिरं नरविमाणमाख्खा ।
 रत्तो उवरोहेणं नई-समीवं गया देवी ॥
 दोसु वि तडेसु लग्गं पास-ट्टिय-रुक्ख-उक्खणण-दक्खं ।
 अन्नंलिह-लहरि-भरं दट्टूण नइं भणह देवी ॥
 जह मह देव-दिक्खा-गहणाउ पभिइ भत्तुणा मज्झ ।
 न कओ विसय-पसंगो ता भयवइ ! देहि मे मग्गं ॥
 तो देह नई विवरं ववइ देवी सविम्हया तेण ।
 तं वंदिउं सुणिंदं जा आगच्छइ नई ताव ॥
 मिलियं नइं तह चिय दट्टुं सुणिणो पुणो गया पासं ।
 नह-उत्तरण-निमित्तं कहेइ निव-वयण-वुत्तंतं ॥
 तीए पठियोह-गुणं विचित्तिउं अणुचियं पि सा भणिया ।
 देवि ! पुणो वच्च तुमं भणसु नइं एरिसं वयणं ॥
 मह देवरेण भयवइ ! वय-गहणाणंतरं जह न भुत्तं ।
 ता विरम देहि मग्गं अह भुत्तं मा तओ दिज्जा ॥
 ता देवी आगंतुं वागरइ नइं पडुच्च सुणि-वयणं
 दिन्ने नईइ मग्गे स-विम्हया सा गया गेहं ॥
 कय-भोयणा निवहणो देवी कहिऊण सव्व-वुत्तंतं ।
 भणइ पडु ! तुम्ह दुणहवि किसेयमच्चभुयं चरियं ॥
 राया भणइ करिस्सइ भयवं चिय सव्व-संसयोच्छेयं ।
 अच्छरिय-भरिय-हियथा क्हं पि रयणिं गमइ देवी ॥

गोसे नरिंद-सहिया देवी गंतूण पुच्छए साहुं ।
 चरियं दुणहवि तुम्हं किमिंदयालं व चोज्ज-करं ॥
 देवेण विसय-सेवा मह पच्चक्खं कया वि अवलत्ता ।
 सा मन्निया नईइ पि अकय त्ति तओ पओ दिन्नो ॥
 घय-सालि-दालि-मोयग-मंडग-पसुहं मए सहत्थेण ।
 जं दिन्नं तुह अन्नं तए किमन्नस्स तं दिन्नं ॥
 भयवं ! इत्तियकालं देहं निव्वहइ कह विणाहारं ।
 ता खलु कयं पि भोयणमवलवसि तुमं पि साहसिओ ॥
 एसा नई वि कत्तो सरिसी दुणहंपि तुम्ह संघडिया ।
 जा बहु मन्नइ वत्थुं तुम्हेहिं कयं पि अकयं ति ॥
 भणइ मुणि-विजयवम्मो इममत्थं सुणसु तुज्ज जइ कुडुं ।
 मह वय-गहणाउ च्चिय इय चिंतंतो ठिओ राया ॥
 को सो हवेज्ज दियहो जंमि अहं सव्व-संग-परिहारं ।
 काउं पडिवज्जिस्सं गुरु-पय-मूलम्मि पव्वज्जं ॥
 कहया दुवालसंगं गिण्हिस्समहं गुरूण वयणाओ ।
 कमलाओ महुरं महुरो व्व मयरंद-संदोहं ॥
 दुव्वयणाहं सहंतो घरे घरे फुरिय-असम-पसम-रसो ।
 भिक्खागओ सहिस्सं वावीस-परीसहे कहया ॥
 बाहु व्व कया काहं उव्वगहं भत्त-पाण-दाणेण ।
 साहूण कया वीसामणं च काहं सुबाहु व्व ॥
 सम-सुह-दुक्खो सम-कणय-पत्थरो सम-सपक्ख-पडिवक्खो ।
 सम-तरुणि-तणुक्केरो सम-मोक्ख-भवो कया होहं ॥
 इय वेरग्ग-पहाणो एसो राया परोवरोहेण ।
 विसएसु पयट्ठो वि हु अपयट्ठो चेव दट्ठव्वो ॥
 वेयण-वेयावच्चे इरियट्ठाए य संजमट्ठाए ।
 तह पाणवत्तियाए छट्ठं पुण धम्म-चित्ताए ॥
 एएहिं कारणेहिं उगम-उप्पायणेसणा-सुद्धं ।
 भत्तं भुंजंतो वि हु मुणी अकय-भोयणो भणिओ ॥
 इय सोउं पडिवज्जइ तह त्ति सव्वं जयावली देवी ।
 जिण-पूयण-मुणि-वंदण-दाण-परा गमइ दियहाइं ॥

राया वि सोमवर्मं जयावली-गन्ध-संभवं पुत्तं ।
 ठविउं रज्जे संवेग-परिगओ गिण्हए दिक्खं ॥
 कय-तिव्व-तवच्चरणा निच्चं वेरग्ग-भावणा-पवणा ।
 उपन्न-केबला दो वि बंधवा सिव-सुहं पत्ता ॥

इति भावनायां जयवर्म-विजयवर्म-कथा ॥

अह पुच्छइ कुमर-नराहिराउ, मण-मक्कड-नियमण-संकलाउ ।
 कह कीरहि बारह भावणाउ, तो अक्खइ गुरु घण-गहिर-नाउ ॥

तं जहा—

चलु जीविउ जुव्वणु धणु सरीरु, जिम्ब कमल-दलग्ग-विलग्गु नीरु ।
 अहवा इहत्थि जं किं पि वत्थु, तं सव्वु अणिञ्चु हहा धिरत्थु ॥
 पिइ माय भाय सुकलत्तु पुत्तु, पडु परियणु मित्तु सिणेह-जुत्तु ।
 पहवंतु न रक्खइ कोवि मरणु, विणु धमह अत्थु न अत्थि सरणु ॥
 राया वि रंक्कु सयणो वि सत्तु, जणओ वि तणउ जणाणि वि कलत्तु ।
 इह होइ नडु व्व कुकम्मवंतु, संसार-रंगि वहु ख्वु जंतु ॥
 एकल्लउ पावइ जीवु जम्मु, एकल्लउ मरइ विदत्त-कम्मु ।
 एकल्लउ परभवि सहइ दुक्खु, एकल्लउ धम्मिण लहइ सुक्खु ॥
 जहिं जीवह एउ वि अत्थु देहु, तहिं किं न अत्थु धणु सयणु गेहु ।
 जं पुण अणत्थु तं एक-चित्तु, अज्जेसु नाणु दंसणु चरित्तु ॥
 बस-मंस-रुहिर-चम्मट्टि-वद्ध, नव-छिड्डु-झरंत-मलावणद्ध ।
 असुइ-स्सरुव-नर-थी-सरीर, सुइ बुद्धि कहवि मा कुणसु धीर ॥
 मिच्छत्त-जोग-अविरइ-पमाय, मय-कोह-लोह-माया-कसाय ।
 पावासव सन्धि इमे सुणेहि, जह महसि मोक्खु ता संवरेहि ॥
 जह मंदिरि रेणु तलाइ वारि, पविसइ न किंचि ठक्खिय दुवारि ।
 पिहियासवि जीवि तहा न पावु, इय जिणिहि कहिउ संवरु पहावु ॥
 परवसु अनाणु जं दुहु सहेइ, तं जीवु कम्मु तणु निज्जरेइ ।
 जो सहइ सवसु पुण नाणवंतु, निज्जरइ जिहंदिउ सो अणंतु ॥
 जहिं जम्मणु मरणु न जीवि पत्तु, तं नत्थि ठाणु बालग्ग-मत्तु ।
 उड्डाहो-चउदस-रज्ज-लोगि, इय चिंतसुं निच्चु सुओवओगि ॥
 सुह-कम्म-निओगिण कहवि लडु, वहु पावु करेविणु पुण विरुडु ।

जलनिहि-भुय-रयणु व दुलह बोहि, इय सुणिवि पमत्तु म जीव होहि॥
 घम्मो त्ति कहंति जि पावु पाव, ते कुगुरु मुणसु निदय-सहाव ।
 पहपुनिहि दुल्लह सुगुरु-पत्तु, तं वज्जसु मा तुहु विस्सय-सत्तु ॥
 इय वारह भावण सुणि विराउ, मणमज्झि वियंभिय भव-विराउ ।
 रज्जु वि कुणंतु चित्तह इमाउ, परिहरिवि कुगह-कारणु पमाउ ॥
 इय सोमप्पह-कहिए कुमार-निव-हेमचंद-पडिबडे ।
 जिणघम्म-प्पडिबोहे पत्थावो वण्णिओ तइओ ॥

इत्याचार्यश्रीसोमप्रभविरचिते कुमारपालप्रतिबोधे

तृतीयः प्रस्तावः ॥

॥ ॐ ॥

अथ चतुर्थः प्रस्तावः ।

अह वागरियं गुरुणा जीव-दयं धम्ममिच्छभाणेण ।
सिव-मंदिर-निस्सेणी विरई पुरित्सेण कायच्चा ॥
सब्बेदिय-वसगाणं समत्त-पावासवानियत्ताणं ।
जं अविरयाण जीवाण कहवि न वट्टइ जीव-दया ॥
(जं अविरयाण कहमवि वट्टइ सन्नं न जीव-दया ॥ पाठान्तरम् ।)
जइ कहवि सब्ब-विरइं मुणि-धम्म-सख्खणमक्खमो काउं ।
ता देसओवि विरइं गिहत्थ-धम्मोचियं कुज्जा ॥
पुब्ब-परिकम्मिय-चित्त-कम्म-जुग्गा जहा भवे भित्ती ।
तह विहिय-देस-विरई काउमलं सब्ब-विरइं पि ॥

भणियं च—

एत्ता वि देस-विरई सेविज्जइ सब्ब-विरइ-कज्जेण ।
पायमिमीए परिकम्मियाण इयरा थिरा होइ ॥
पंचउ अणु-व्वयाहं गुण-व्वयाहं हवंति तिस्सेव ।
सिक्खा-वयाहं चत्तारि देस-विरई दुवालसहा ॥
संकप्प-पुव्वयं जं तसाण जीवाण निरवराहाण ।
दुविह-तिविहेण रक्खणमणुव्वयं विति तं पढमं ॥
थिर-जीवी वर-स्वो नीरोगो सयल-लोग-मण-इट्ठो ।
सो होइ सुगइ-गामी सिवो व्व जो रक्खए जीवे ॥

तं जहा—

अत्थि नयरी विदग्धा दिय-मंदिर-दिस्समाण-घणदग्धा ।
विधिह-मणि-खंड-मंडिय-पिसंडि-पासाय-संदग्धा ॥
सुंदर-कर-कय-हरिसो हरित्सेणो तत्थ पत्थियो अत्थि ।
जस्स परवारणस्स वि चोज्जं न मओ सल्लुसिओ ॥
कमल त्ति तस्स देवी मुहेण जीए जियाहं कमलाहं ।
नूणं लज्जंताहं जलस्स मज्झे निलुज्जाहं ॥

तीए कयाइ पुत्तो विविहोवाइय-सएहिं संजाओ ।
 रत्ना बद्धावणयं कारवियं गरुय-रिद्धीए ॥
 तम्मि पुरे आसि पुरा महंतमसिवं इमम्मि पुण जाए ।
 तं उवसंतं तत्तो सिवो त्ति नामं इमस्स कयं ॥
 कणय-गिरि-कंदराए सो चंपय-पायवो व्व निव्विग्घं ।
 बुद्धिं गओ कमेणं सयलाउ कलाउ सिक्खविओ ॥
 सो पत्तो तारुलं ता रुलं तं अपावमाणीहिं ।
 थुवममरीहिं चिरंतण-अमर-परिग्गह-विसत्ताहिं ॥
 तं चिअ पेच्छइ तं चेव थुणइ तं चेव आलिहइ चित्ते ।
 चित्ते तं चिय चित्तइ तरुणि-यणो मयण-वसवत्ती ॥
 तस्स भन्निरस्स दंसण-सतण्ह-तरुणीण सहइ वयणेहिं ।
 गयणं गवक्ख-निक्खंतएहिं ससि-लक्ख-निचियं व ॥
 अह अन्नया कुमारे सहा-निसत्तम्मि पणामिउं राया ।
 पडिहारेण उरत्थल-फुरंत-हारेण विन्नत्तो ॥

देव ! दुवारे दुवे देव-दंसणाभिलासिणो तावस-कुमारया चिहंति । रत्ना
 युत्तं—सिग्घं पवेसेहि । ते पवेसिया पडिहारेण । उचिय-पडिवत्ति-पुव्वं निवे-
 सिया आसणेसु । पुच्छिया रत्ना—अवि सपरिवारस्स कुसलं कुलवहणो ? ।
 निव्विग्घं निव्वहइ तवोक्कम्मं ? । केण वा कज्जेण निय-पय-पंक्कएहिं तुग्गेहिं
 पवित्तियं ठाणमेयं ति । तेहिं भणियं—चउरासम-गुरुणो महारायस्स पभा-
 वेण सव्वत्थ कुसलं । केवलं—

कत्तो वि आसम-पए संपत्तो अत्थि करिवरो एक्को ।
 जो वित्थिन्न-समुन्नय-कुंभत्थल-तुलिय-गिरि-सिहरो ॥
 सव्वंग-लक्खण-धरो दीह-करो दसण-दलिय-दुम-विसरो ।
 दुव्वार-गह-प्पसरो मय-गंध-भमंत-भमर-भरो ॥

सो महाराय-जोग्गं हत्थि-रयणं अन्नं च किंचि आसम-दुमाणं विद्वं करेइ
 त्ति पेसिया अम्हे कुलवहणा । रत्ना भणियं—महंतो अणुग्गहो कओ अम्हं ति
 विसज्जिया तावसा । पत्थिओ हत्थि-गहणत्थं पत्थिवो । इत्थंतरे चिन्नतो सिव-
 कुमारेण, देह मय आएसं जेणाहमेव गहिज्जण तं आणेमि । रत्ना दिन्नो आएत्तो ।
 नियत्तो सयं राया । चलिओ तुरंगमारुढो कइवय-पहाण-जण-परिवारो कुमारो ।
 पत्तो तमुद्देसं । दिट्ठो अणेण महि-बलय-गयगंधमसहंतो सग्गाओ सत्तागओ

सुरगड व्व गयवरो । मुत्तूण तुरंगं अगगओ होऊण हक्किओ सो कुमारेण ।
 वाविओ तयभिमुहं । संचिल्लिऊण पुरओ पक्खित्तमुत्तरिज्जं अणेण । परिणओ
 तत्थ हत्थी । कुमारो वि दंत-मुसलेसु दाऊण चलणे चडिओ हत्थि-खंवे ।
 बद्धमासणं अणेण अप्फालिओ कुंभत्थले करी करयलेण । एत्थंतरे परियणस्स
 पेच्छंतस्स चैव उप्पइओ हर-गल-गवल-सामले गयणगणे । गओ जगो-
 यरं नयणाण । पत्तो खणेण वेयडु-पव्वयं । ठिओ तत्थ तरुण-तरुसंड-मंडि-
 उज्जाण-मज्झ-भागे । सो य कुंजर-रुवं मुत्तूण जाओ फुरंत-मणि-कुंडलो
 विज्जाहरो ।

नमिऊण तेण भणियं कुमार ! कंकेलि-तरु-तले एत्थ ।
 वीसमसु खणं एकं जाव अहं कणयपुर-पहुणो ॥
 पवणंजयस्स खयरेसरस्स साहेमि तुम्ह आगमणं ।
 इय जंपिऊण पत्तो खयरो अह चिंतए कुमरो ॥
 हरिओमिहि किं इमिणा खयरेण किंवा इमीइ चिंताए ।
 देव्वं चैय पप्पाणं जणाण सुह-दुक्ख-संजणणे ॥
 पिच्छामि ताव संपइ पगाम-रमणिज्जमेयमुज्जाणं ।
 तो वियरंतो पत्तो तमाल-तरु-मंडवं कुमरो ॥
 सोऊण तत्थ इत्थी-संलावं पेच्छए लयंतरिओ ।
 कुसुम-सयणिज्ज-संठियमिक्कं कन्नं सही-सहियं ॥
 तो चिंतए कुमारो का वि इमा कमल-दल-विसालच्छी ।
 विरह-दसाइ उदगं कस्सवि साहेइ सोहगं ॥

इमीइ मुह-पंकयं कय-समत्त-नेत्तूसवं,

कलंक-परिवज्जियं पुलइओ ससी लज्जिओ ।

विसेस-ससिरीययं समुवलडुकामो धुवं,

करेइ अइदुकरं हर-नडाल-बहिचयं ॥

अह कन्नाए भणियं—सहि भूयलए गिहं विमुत्तूण ।

उज्जाणमागयाहं महु-समय-विसेस-सिसिरमिणं ॥

कुसुमाउहेण सुलहेहिं कुसुम-वाणेहिं भिज्जमाणाए ।

मह उज्जाणं एयं पि पज्जलंतं व पडिहाइ ॥

तथाहि—

जालाहिं पिव मंजरीहिं हिययं दूमंति भूय-हुमा,

इंगाल व्य न दिति लोयण-सुहं कंकेल्लिणो पल्लवा ।
 संतावंति तपुं पलास-कुसुमकेरा कुलिंग व्य मे,
 भिगालीओ वि संहरंति हरिसं धूमावलीओ विव ॥
 कयं कयलि-वीयणं कुसुम-सत्थरो सज्जिओ,
 विणम्मिय उरत्थले बहल-चंदणासेवणं ।
 मुणाल-बलयावली विरईया भुयासुं तए,
 तहावि न नियत्तए सहि ! सरीर-दाहो महं ॥

किं च—

पंचसरोवि हु मयणो सर-लक्खं मज्झ हियय-लक्खम्मि ।
 जं मिल्ह तेण मए लक्खिज्जइ एस लक्खसरो ॥
 सुहयस्त दंसणं तस्स दुल्लहं मज्झ मंद-भग्गाए ।
 ता इण्ह मत्तेहं मरणं चिय अप्पणो सरणं ॥
 सोऊण इयं कुमरो चित्तइ तस्सेव जीवियं सहलं ।
 जम्मि अणुरत्त-चित्ता खिज्जइ एवं इमा बाला ॥
 कला-सहीइ भणिया सहि ! मा उत्तम्म धरसु धीरत्तं ।
 हरणच्छि ! निच्छियं ते होहिति मणोरहा सहला ॥
 जं पट्टविओ ताएण अज्जं सिवराय-पुत्तमाणेउं ।
 नयरीइ विदग्भाए सुवेग-विज्जाहरो तुरिउं ॥
 अह निय-नामं सोउं फुरंत-हरिसो विचित्तए कुमरो ।
 नूणं इमाइ बालाइ कारणेणाहमाणीओ ॥
 एत्थंतरे उचितं दट्ठं विज्जाहराण संघायं ।
 कुमरो नियत्तिऊणं पत्तो कंकेल्लि-तरु-बूले ॥
 उचिय-पडिबत्ति-पुच्चं पवेसिओ तेहिं कणयउर-नयरे ।
 ठविओ विउलम्मि विमाण-मणहरे रयण-पासाए ॥
 भणिओ समए पवणंजएण खयराहिवेण सप्पणयं ।
 सुण रायपुत्त ! अवहार-कारणं अप्पणो एयं ॥
 अत्थि चउण्हं पुत्ताणसुवरि मे कणयसुंदरी धूया ।
 अहिगय-कला-कलावा संपत्ता जोव्वणं सावि ॥
 मह पणमणत्थमत्थाण-मंडवे जज्जि-पेसिया पत्ता ।
 तीए ख्वाहसयं दट्ठं भणियं मए एवं ॥

सो नत्थि नरो मन्ने इमीइ ख्वेण जो वरो जोग्गो ।
 तत्तो विज्जाहर-मागहेण एक्केण संलत्तं ॥
 अत्थि विदग्धा-पहुणो हरित्सेण-नराहिवस्स अंगख्हो ।
 नीसेस-कला-निलओ सिवो त्ति ख्वेण जिय-मयणो ॥
 जह केसवो सिरीए सईइ सक्को हरो गिरिसुयाए ।
 तह देव ! कुमारीए इमीइ सो चिय वरो उच्चिओ ॥
 एवं सोउं तीए तहाणुराओ तुमम्मि संजाओ ।
 जह विज्जाहर-कुमराण सहइ नामं पि कहवि न सा ॥
 कत्थ पि रइमलहंती अपत्त-निद्दा-सुहा निसालुं पि ।
 कर-यल-कलिय-कवोला चिड्डइ तुह संकह-खित्ता ॥
 एयं नाऊण मए कुमार ! आणाविओ तुमं इत्थ ।
 ता कणयसुंदरि परिणिऊण मह कुणसु परिओसं ॥
 कुमरो जंपइ जं आणवेसि सज्जोन्निह तत्थ किं बहुणा ।
 न कुलीण-जणो जाणइ गुरूण पडिक्कूलमायरिउं ॥
 तो कणयसुंदरीए पाणिग्गहणं कराविओ कुमरो ।
 गुरू-रिद्धि-पवंधेणं पवणंजय-खेयरिंदेण ॥
 अह अत्थाण-निसत्तो सिवकुमार-अणेय-खयर-परियरिओ ।
 एक्केणागंतुं खेयरेण पवणंजओ भणिओ ॥
 सूरपुर-प्पहुणो सूरतेय-खयरेसरस्स दूओऽहं ।
 सो भणइ न मह दिन्ना मगंतस्सवि तए धूया ॥
 भूगोयरस्स दिन्ना ता जंपित्ससि तुमं न मे कहियं ।
 अज्जवि तं मह अप्पसु वयराणं छड्डियं किंतु ॥
 हणिऊण अज्जहा भूमिगोयरं तं सयं वि गिण्हिस्सं ।
 पवणंजएण भणिओ दूओ—भो ! कहसु निय-पहुणो ॥
 धूयाइ नाभिरुइउ त्ति जइ मए तं विवाहिओ न तुमं ।
 तत्थ उवालंभ विहिं जेण तुमं मणहरो न कओ ॥
 संपइ पुण पर-भज्जं तं वंछंतो न लज्जसे कीस ।
 भण्णंति महापुरिसा परदार-परंसुहा जम्हा ॥
 सिवकुमरेणं भणिओ दूओ—जइ भूमि-गोयरं हणिउं ।
 फुरइ मई तुह पहुणो सो आगच्छउ तओ तुरियं ॥

जेणेस अप्पणो भूमिगोयरस्स य वियाणइ वित्तेसं ।
 तह सेस-खेयेरेहिं खरंठिओ निग्गओ दूओ ॥
 गंतूण सूरतेयस्स तं कहइ सोवि कोव-दुप्पेच्छो ।
 बहु-खयर-सुहड- सहिओ कणयपुरं झत्ति संपत्तो ॥
 तस्सागमणं मुणित्तं कुमरो पवणंजयं भणइ एवं ।
 इमिणा सह जुज्झंतं मं पिच्छ तुमं सपरिवारो ॥
 तो पवणंजय-सहिओ सिवकुमरो निग्गओ रहरूढो ।
 वज्जरइ सूरतेयं पट्टविउं खेयरं दूयं ॥
 तुह मम य विग्गहो एस सेस-लोयस्स किं विणासेण ।
 एकांगा जुज्झामो दुत्ति वि पेच्छउ जणो सेसो ॥
 दप्पेण सूरतेओ तं पडिवज्जइ तओ इमे दोवि ।
 रहमाख्खा समरं कुणं ति मिहंति सर-नियरं ॥
 तो सूरतेय-वाणा तरुणि-कडक्ख व्व दीयरायस्मि ।
 सव्वेवि निप्फलत्तं पडिवज्जा सिवकुमारस्मि ॥
 सिवकुमर-सर-समूहो अद्ध-पहे सूरतेय-सर-पंतिं ।
 निप्पुन्न-जण-मणोरह-मालं छिंदेइ देव्वो व्व ॥
 तो निहिय-सर-निचओ चावं चइऊण गहिय-करवालो ।
 दुक्खेइ सूरतेओ कुमरो वि हु गिणहए खग्गं ॥
 निय-खग्गेणं खग्गं पोरिस-दप्पं च खंडए तस्स ।
 वेत्तूण सूरतेओ छुरियं पहेरेइ सिवकुमरं ॥
 लग्गइ न सो पहारो देहे थेवं पि सिवकुमारस्स ।
 चित्तस्मि सज्जणस्स व दुज्जण-दुव्वयण-संघाओ ॥
 कुमरेण वज्ज-कठिणेण मुट्ठिणा पहणिऊण तस्स भूयं ।
 छुरिया निवाडिया करयलाउ सो पाडिउं वद्धो ॥
 गयणाउ कुसुम बुट्ठी मुक्खा कुमरस्स उवरि अमरेहिं ।
 सव्वो वि विम्हिओ विक्रमेण कुमरस्स खयर-गणो ॥
 कुमरेण सूरतेओ मुक्को काऊण गरुय-सक्कारं ।
 रयणावलि त्ति भइणी तेणवि परिणाविओ कुमरो ॥
 इय अत्तेहिं वि विज्जाहरेहिं दिक्काउ तस्स कक्काओ ।
 तह तेण साहियाओ पत्तात्ति-प्पमुह-विज्जाओ ॥

भज्जाहिं ताहिं सहिओ खयर-समेओ विमाणमाख्ढो ।
 सो पत्तो निय-नयरं तुद्धा जणयाइणो सब्बे ॥
 सो कणयसुंदरी-पमुह-खेयरी-चक्कवाल-परियरिओ ।
 संपन्न-बंधियत्थो तियसो व्व सिवो गमइ कालं ॥
 अत्थि य सिवस्स धावीइ नंदणो सो कुख्व-सेहरओ ।
 वहिरो वाया-रहिओ जम्मंधो रोग-सय-गहिओ ॥
 चंकमिउं पि अखमो विसिट्ठतर-चेयणाए परिचत्तो ।
 तिव्व-दुहक्कलो नारओ व्व निच्चं गमइ कालं ॥
 दहुं तहाधिहं तं करुणा-परवस-मणो सिवकुमारो ।
 कुणइ विविहे उवाए तहुक्ख-निवारण-निमित्तं ॥
 किं तु कया उवयार व्व दुज्जणे तम्मि हुंति ते विह्ला ।
 चिंतइ सिवो पुराकय-पाव-फलं भुंजइ वराओ ॥
 अन्न-दिणे चउनाणी समागओ तत्थ नाणभाणु-गुरु ।
 तं नमणत्थं राया गओ समं सिवकुमारेण ॥
 भू-मिलिय-निडाल-यला दोवि गुरुं बंधिऊण उवविद्धा ।
 भव-निव्वेय-पहाणा पारद्धा देसणा गुरुणा ॥
 समयम्मि पुच्छइ सिवो—भयवं ! मह धावि-सूणुणा इमिणा ।
 किं पुब्ब-भवे विहियं जं एसो दुक्खिओ एवं ॥
 किं वा उवयारिच्छा महई एयम्मि वट्टए भज्झ ।
 गुरुणा भणियं—सुण राय-पुत्त ! सब्बं कहेमि इमं ॥
 वडडरगामे दो आसि बंधवा अंब-निंब-नाम्माणो ।
 अन्न-दिणे ते दुक्खि वि मुणीण पासम्मि संपत्ता ॥
 तेहिं अहिंसा-धम्मो कहिओ तेसिं समग्ग-सुह-हेऊ ।
 तं सोउं लहु-कम्मो अंबो संवेयभावणो ॥
 सो थूल-जीव-वह-विरई-ख्व-धम्मस्स कुणइ पडिवत्ति ।
 निवेण पावमइणा न धम्म-नामं पि सहियं ॥
 भव-वेरग्ग-परिगओ गहिय-वयं पालिउं निरइयारं ।
 कालेण मओ अंबो सोहम्मो सुरवरो जाओ ॥
 काउं बहु-जीव-वहं निकरुणो मंस-लालसो निवो ।
 मरिऊण ससुप्पणो नेरइओ पढम-पुढवीए ॥

अंबो कुमार ! अविडं सोहम्माओ तुमं ससुप्पन्नो ।
 जीव-वह-विरह-वसओ संपत्तो एरिसिं रिडिं ॥
 नरगाओ निक्खंतो निंबो घावी-सुओ इमो जाओ ।
 जीव-वह-विहिय-पावस्स सेसमणुसुंजइ वराओ ॥
 पुव्व-भववभासेणं उवयारिच्छा इमम्मि तुहं कुरइ ।
 किं तु पुराकय-दुक्कय-वत्तेण थेवोवि नत्थि गुणो ॥
 संजाय-जाइसरणो भयवं ! सच्चं इमं ति भणइ सिवो ।
 संविग्ग-मणा दुक्खिवि नमिऊण गुहं गया गेहं ॥
 भणिओ सिवेण राया वय-गहणत्थं ममं विसज्जेसु ।
 रत्ता वुत्तं किच्चं जमम्ह तं वच्छ ! कुणसि तुमं ॥
 पियरो दुप्पडियार त्ति पुत्त ! जइ मुणसि वुड्ड-वयणमिणं ।
 ता पेत्तुं रज्जमिमं धम्म-सहाओ हवसु मज्झ ॥
 कुमरो जंपइ जं ताय ! आणवसि तत्थ एस सज्जोमिह ।
 तत्तो रज्जमि सिवं ठविडं गिण्हइ निवो दिक्खं ॥
 पडिवन्न-गिहत्थ-वओ दया-पहाणो सिवो कुणइ रज्जं ।
 सो पडह-दाण-पुव्वं समत्त-जीवाभयं देइ ॥
 सव्वत्थ गरिम-जिय-मंदराइं जिणसंदिराइं कारवइ ।
 गुण-गाम-गामणीणं मुणीण चलोणे नमइ निच्चं ॥
 सव्वे वि निवा सेवं पयावमेत्तेण तस्स पडिवन्ना ।
 तत्तो समर-निमित्तो न तस्स रज्जमि जीव-वहो ॥
 चोरस्सवि नत्थि वहो जं कोवि न तत्थ चोरियं कुणइ ।
 इय निरवज्जं रज्जं परिपालइ सिव-महीनाहो ॥
 दम्भग्ग-लग्ग-जल-विन्दु-चंचलं जीवियं वियाणंतो ।
 पुत्तं रज्जे ठविडं कयावि दिक्खं पवन्नो सो ॥
 रक्खिय-अस्सेस-जीवो समत्त-सुत्तत्थ-पारगो जाओ ।
 कय-तिव्व-तवो मरिडं पत्तो तिदिवं सिवं च सिवो ॥

इति स्थूलप्राणातिपातविरतौ सिवकुमारकथा ॥

जं गो-भू-कला-कूडसक्तिव-नासापहार-अलियस्स ।
 दुबिह-तिविहेण-बज्जणमणुव्वयं विंति तं वीयं ॥
 भुयगो व्व अलियवाई होइ अवीसास-भायणं भुवपे ।
 पावइ अकित्ति-पसरं जणयाण वि जणइ संतावं ॥
 सचेण फुरइ कित्ती सचेण जणम्मि होइ वीसासो ।
 सग्गापवग्ग-सुह-संपयाउ जायंति सचेण ॥
 कुस्से यो मृषावादविरतिं सत्यवाग्गतः ।
 मकरध्वजवद्भद्रसुभयत्रापि सोऽश्रुते ॥

तद्यथा—

द्वीपस्य जम्बूपपदस्य भारते समस्ति काञ्ची नगरी गरीयसी ।
 लङ्केव कल्याणकलापकल्पिता परिस्फुरत्पुण्यजनालकेव या ॥

घनैरनन्वोऽत्र जनो न भोजनं
 सरः सदम्भो न तपोधनव्रजः ।

सतामनागश्चरितं न भूपति-
 र्वपुस्तरिणामनयो न चापरः ॥

तत्राभ्रघृपतिर्षीरदमनो नामविश्रुतः ।
 यः सौन्दर्याच्च शौर्याच्च नारीणामभवत् प्रियः ॥
 प्राज्यास्तस्याभवन् पुत्रास्तन्मध्ये यः पुनर्लघुः ।
 रूपवानिति पित्रोक्तः स नाम्ना मकरध्वजः ॥
 अन्यस्तद्भव्यमन्यः स वेधा येनैष निर्मितः ।
 अन्यथा कथमस्याङ्गुलुकृष्टं जगतोऽप्यभूत् ॥
 क्रमाद् वृद्धिङ्गतोऽधीती सकलासु कलासु यः ।
 तीक्ष्णबुद्धिबलाद्वाढं नदीष्णः शङ्कुनेऽभवत् ॥
 ततस्तद्भूतभाव्यर्थं परमार्थं विदन्नपि ।
 ज्ञापयामास नात्मानमसौ कार्यं विना महत् ॥

अथ मलयसमीरोद्दीपितानङ्गवह्निः

प्रतिविपिनविसर्प्यत्कोकिलारावरम्यः ।

विविधकुसुमगन्धभ्रान्तशृङ्गाभिरामः

ससुदलसद्भक्तूनां चक्रवर्ती वसन्तः ॥

उद्यानपालकस्तत्र नत्वा भूपं व्यजिज्ञपत् ।
 गत्वोद्यानं वसन्तर्तुं देव ! पश्य प्रसीद नः ॥
 इति श्रुत्वा जराक्रान्तं निजं देहं पुनः पुनः ।
 पश्यन्निःश्वस्य भूपालस्तं प्रति प्रत्यपीपदत् ॥
 वसन्तसमयः सोऽयं सर्वोत्सवशिरोमणिः ।
 उद्यानं कुसुमाकीर्णं द्रुमसन्दोहसुन्दरम् ॥
 सन्ति सन्तोषकारिणः क्रीडोपकरणं स्त्रियः ।
 किन्तु कामविकाराणां कारणं नास्ति यौवनम् ॥
 तद्विना न वनक्रीडां कर्तुमिच्छति मे मनः ।
 शोभते क्रियमाणा हि क्रियाऽवस्थोचिता नृणाम् ॥
 ततः क्रीडार्थमुद्यानभागमिष्यन्ति मे सुताः ।
 तेषां तारुण्यरम्याणामिदं हि समयोचितम् ॥
 इत्युक्त्वा व्यसृजद्राजा दत्त्वार्थं वनपालकम् ।
 कुमारांश्चादिशक्यत्सा ! गच्छत क्रीडितुं वनम् ।
 पित्रादेशं गृहीत्वा ते स्नातालङ्कृतमूर्त्तयः ।
 आरुह्य करिणस्तुङ्गान् क्रीडां कर्तुं प्रतस्थिरे ॥
 युष्माभिस्तत्र तद्देयं कुमारा दापयन्ति यत् ।
 इत्यादिक्षत्सुताध्यक्षं कोशाध्यक्षान् पतिः क्षितेः ॥
 कुमारा जग्मुख्यानां चिक्रीडुर्द्रुमराजिषु ।
 ममज्जुः केलिवापीषु विचिक्र्युः कुसुमानि च ॥
 सर्वेऽपि कारयामासुर्वहस्पर्द्धाः परस्परम् ।
 सङ्गीतान्यमरस्त्रैणसगोत्रैः प्रमदाकुलैः ॥
 तत्रार्थिभ्यो ददुर्लक्षमेके स्वर्णस्य केप्युभे ।
 अन्ये तिस्रश्चतस्रश्च परे तुष्टा नृपात्मजाः ॥
 अदात्कोटीं सुवर्णस्य कुमारो मकरध्वजः ।
 ततः सर्वे समाजग्मुख्यानात् स्वं स्वमाश्रयम् ॥
 कोशाध्यक्षाः क्षितीशस्य सविषादं व्यजिज्ञपत् ।
 हेमनः कोटीं ददावेकामुद्याने मकरध्वजः ॥
 कोटयर्थं त्वपरे सर्वेऽप्यर्थिभ्यो व्यतरन् प्रभो ! ।
 इत्याकर्ण्य क्रुधं चक्रे क्षमापतिर्मकरध्वजे ॥

नमस्कृतुं निशि प्राप्तं तं यभाषे महीपतिः ।
 वत्स ! त्यागो गुणः पुंसां यद्यपि प्रतिपादितः ॥
 तथापि क्रियमाणोऽसावाहार इव मात्रया ।
 पुरुषस्य गुणाय स्यादन्यथाऽनर्थकारणम् ॥
 ततोऽर्थिभ्यस्त्वयोद्याने स्वर्णकोटिर्यथा ददे ।
 तथान्यदा न दातव्या क्वाप्याधिक्यं न शोभनम् ॥
 आयस्थानेषु सर्वेषु यस्माद्देशे ममाखिले ।
 त्रिंशदेव सुवर्णस्य जायन्ते किल कोटयः ॥
 तत्र भक्तेषु पत्नीनां यान्ति षोडश कोटयः ।
 गृहव्यये तु गच्छन्ति चतस्रः कोटयः सदा ॥
 हस्तिनामेकया कोट्या भोगो भवति सर्वथा ।
 गवाश्वकरभादीनां घृत्तिः कोटिद्वयव्ययात् ॥
 चतस्रः कोटयस्त्यागे व्रजन्ति सकलार्थिनाम् ।
 निधाने कोटयस्त्रिस्रः स्थाप्यन्ते प्रतिवत्सरम् ॥
 तुष्टस्तुष्टस्तस्त्वं चेत् कोटिं स्वर्णस्य दास्यसि ।
 तदा स्तोत्रेण कालेन कोशो रिक्ती भविष्यति ॥
 दुर्भिक्षे पतिते दैवान्मयि मृत्युमुखं गते ।
 मत्सुतोऽपि ततो राज्यं कथं कर्तेति चिन्त्यताम् ॥
 पुत्रः प्रोचे भवद्राज्ये यो भावी चेत्स पुण्यवान् ।
 तदा बर्द्धिष्यते कोशो दुर्भिक्षं भविता न च ॥
 अथ निष्पुण्यकः स स्यात् तदा तस्य त्रुटिष्यति ।
 सञ्चितोऽपि चिरं कोशस्तत्कार्पण्येन तात ! किम् ॥
 नृपेणोक्तं धनं पित्रोपार्जितं पुण्यवानपि ।
 लब्ध्वा तेन पुमानन्यदर्जयन्नवलोक्यते ॥
 विद्यमानं यथा बीजमुप्त्वा दक्षोऽपि कर्षकः ।
 धान्यमाप्नोति पित्रर्थात्तथा पुत्रोऽर्थमश्नुते ॥
 पुत्रः प्रोचे यदादाय पुण्यं पूर्वभवार्जितम् ।
 जन्तुर्जातस्तदेवास्य बीजं सर्वार्थसिद्धये ॥
 क्रुद्धो राजाऽब्रवीद्बीजं पुण्यमेव यदि श्रियः ।

आनय स्वर्णकोटिं तच्छिरश्छित्त्वाऽन्यथार्पय ॥
 इत्याकर्ण्य पितुर्वाक्यं सामर्षो मकरध्वजः ।
 निष्कान्तः सदसो धीरः केसरीवाद्रिकन्दरात् ॥
 पुरीपरिसरं यावज्जगाम मकरध्वजः ।
 तावदक्षिणदिग्वतीं रासभो रसितं व्यधात् ॥
 ततोऽपशकुनाशङ्की भुक्त्वा पूर्वामसौ दिशम् ।
 चलितः पश्चिमां यावच्चकाम कियतीं भुवम् ॥
 तावदक्षिणदिग्भागे सोऽश्रीपीत्कौशिकस्वरम् ।
 तमप्यशकुनं मत्वा प्रतस्थे दक्षिणां दिशम् ॥
 ततो दक्षिणतो जज्ञे तस्य घोरं शिवारुतम् ॥
 तच्छ्रुत्वा दक्षिणां भुक्त्वा प्राचात्तुत्तरां दिशम् ॥
 ततस्तस्याभवद्वामदिग्भागे पिङ्गलारुतम् ।
 अप्रशस्तमिदं ज्ञात्वा राजसूनु रचिन्तयत् ॥
 न्यपेधि गमनारम्भश्चतस्रज्वपि दिक्षु मे ।
 सम्प्रत्यशकुनैरेभिस्तत्कुत्रान्यत्र याम्यहं ॥
 कथं च विनिवृत्त्याहमस्माधितमनोरथः ।
 उद्भटभ्रजुटीभीमं पश्यामि पितुराननम् ॥
 साम्प्रतं साम्प्रतं तस्मादवस्थानमिहैव मे ।
 रजनी बह्वपाया यन्निशीथस्तु विशेषतः ॥
 तिष्ठतोऽग्रेव मे किञ्चिद् भद्रं भावीति तर्क्यते ।
 इदं हि श्रूयते दत्ते शकुनो मानितो वरम् ॥
 एवं चिन्तापरो यावत् तत्रास्ति मकरध्वजः ।
 रुदन्ती कथयामास तस्य तावदिदं शिवा ॥
 नद्यास्तीरेऽत्र यदंशयष्टिमध्येऽस्ति गोपितम् ।
 तद्गहाण चतुःकोटिमूल्यं रत्नचतुष्टयम् ॥
 तच्छ्रुत्वा मुदितस्तत्र प्रयातो मकरध्वजः ।
 यष्टिं ददर्श तत्पार्श्वे कञ्चिदप्रेक्ष्य मालुषम् ॥
 भित्त्वा क्षुरिकया यष्टिं रत्नान्यादाय मध्यतः ।
 नगराभिसुखं यावत् प्रस्थितो मकरध्वजः ॥
 दिव्यगीतध्वनिस्तावत्तस्य श्रुतिपथं ययौ ।

यःपीथूपरसस्यन्द इव सम्मदमादधौ ॥
 तस्यानुसारतो गच्छन् व्यन्तरायतनस्थितम् ।
 मुनीन्द्रमेकमद्राक्षीत् सज्ञानमिव मूर्तिमत् ॥
 तस्याग्रे स्त्रीगणे दिव्ये गीतातोयकृतोद्यमे ।
 कुमारेण नरो नृत्यन् रम्यमूर्त्तिर्व्यलोक्यत ॥
 तं पश्यन् कौतुकेनैष यावत् तत्र क्षणं स्थितः ।
 तावत् सर्वं स संहृत्य मुनिं नत्वा गतः क्वचित् ॥
 कुमारो विस्मयस्मेरो नत्वाऽपृच्छत्तपोधनम् ।
 भगवन् ! कस्तवाग्रेऽसौ व्यधाधृत्यं क्व वा गतः ॥
 मुनिनोक्तमयं यक्षः काननस्यास्य नायकः ।
 वसत्यायतनेऽमुष्मिन्नाश्रित्य प्रतिमाभिमाम् ॥
 अत्रागतस्य मे स्थानादन्यतोऽनेन भक्तितः ।
 निजाङ्गादङ्गनां कृत्वा चक्रे सङ्गीतकं क्षणम् ॥
 संहृत्य सर्वरूपाणि सोऽधुना प्रतिमां श्रितः ।
 कुमारो विस्मितः प्रोचे शक्तिरस्याद्भुता मुने ! ॥
 साधुनोक्तमिदं स्तोत्रं यस्माद्देवा महर्द्धिकाः ।
 अत्युत्कृष्टतपःशक्तियुक्ताश्च मुनिपुङ्गवाः ॥
 कुर्वन्ति वैक्रियै रूपैर्जम्बूद्वीपस्य पूरणम् ।
 इदं त्वल्पद्विकस्यास्य व्यन्तरस्य विजृम्भितम् ॥
 कुमारोऽवोचदेतेन भगवन् ! किं पुरा कृतम् ।
 सज्ञातोऽयं यदल्पद्विस्ततः साधुरचीकथत् ॥
 मृषावादव्रतं पूर्वजन्मन्यादीयतामुना ।
 तच्च भग्नमभाग्येन परन्यासापहारतः ॥
 तेनाल्पद्विरसौ जात इति श्रुत्वा नृपात्मजः ।
 यावज्जीवं मृषावादविरतिं प्रत्यपद्यत ॥
 अथ क्षपाक्षयं प्राप ततो नत्वा तपोधनम् ।
 परितुष्टमना गेहं जगाम मकरध्वजः ॥
 तं दृष्ट्वा भ्रातरः प्रोचुः सोपहासं शुभं व्यधाः ।
 स्वपुण्यमानमालोच्य यद्वयाधृतोऽसि बान्धव ! ॥

निर्गत्य यदसिद्धार्थो निवृत्तोसि न तद्वरम् ।
 प्रारब्धव्यागिनो मर्त्याः कस्य हास्यकृतो न हि ॥
 स्वर्णशून्यः कथं वक्त्रं स्वं पितुर्दर्शयिष्यसि ।
 स प्रोवाच विचारेण किं वः पश्यत कौतुकम् ॥
 अथ कर्पटिकः कश्चित् करस्थः करपत्रिकः ।
 दधन्नागफणं कक्षापुटं मलिनविग्रहः ॥
 तृणपूलयुतं वंशं विश्राद्राजकुलाग्रतः ।
 अन्यायो मुषितोऽस्मीति निजगाद गुरुस्वरम् ॥
 तदाकर्ण्य सभासीनो राजा वेत्त्रिणमादिशत् ।
 अन्यायं पूत्करोत्येष मद्राज्ये केन हेतुना ॥
 प्रतीहारस्तमानीय पप्रच्छ नृपतेः पुरः ।
 पूत्करोषि किमन्यायं मुषितः केन वा भवान् ॥
 सोऽवोचत्सेवितोऽम्भोधिर्मया द्वादशवत्सरीम् ।
 सोऽदान्मह्यं चतुःकोटीमूल्यं रत्नचतुष्टयम् ॥
 निक्षिप्य यष्टिमध्ये तदत्रायातो नदीतटे ।
 सुप्तो रात्रावहं यष्टिं भित्त्वा तत्कश्चिदग्रहीत् ॥
 इति श्रुत्वा नृपोऽवोचत् सचिवं तनयोऽपि मे ।
 यदि जग्राह रत्नानि कृत्वा तस्यापि निग्रहम् ॥
 तन्नर्पयास्य रत्नानि ततः कर्पटिकोऽवदत् ।
 स एव निग्रहार्हो यस्तद्ग्रहं मन्यते स्वयम् ॥
 यः पुनस्तानि रत्नानि गृहीत्वाऽपि न मन्यते ।
 न तस्य निग्रहः कार्य इत्यर्थं शपथोऽस्तु वः ॥
 ततोऽस्मात्त्येन सर्वत्र पुरेऽकार्यत घोषणा ।
 यो रत्नान्यग्रहीत् कोऽपि स तान्यर्पयतु द्रुतम् ॥
 तच्छ्रुत्वाऽचकथद्रत्नवृत्तान्तं मकरध्वजः ।
 एतान्यस्वार्पयेत्युक्त्वा मन्त्री राज्ञे व्यजिज्ञपत् ॥
 क्रुद्धो राजा कुमारस्य वधायामात्यमादिशत् ।
 श्रेष्यः पर इव स्वोऽपि न्यायिनां हि नयोऽज्ञितः ॥
 अथ थोतितदिकचक्रो भूत्वा कर्पटिकः सुरः ।
 जगाद जगतौ ज्येष्ठं राजन् ! जयति ते कुलम् ॥

यत्रोत्पेदे पदं वाचां सत्यानां मकरध्वजः ।
 कोऽयं वृत्तांत इत्युचे तं विस्मितमुखो नृपः ॥
 तेनोक्तं तत्पुरोद्यानाध्यक्षो यक्षोऽस्मि षण्मुखः ।
 रजन्यां तु निजैः पुण्यैर्लब्ध्वा रत्नचतुष्टयम् ॥
 कुमारो मद्गृहं प्राप स श्रुत्वा मुनिदेशनाम् ।
 सत्यवाग्ब्रतमादाय प्रातः स्वगृहमागमत् ॥
 अथादित्योदये गच्छन्नप्रच्छिन्न स मुनिर्मया ।
 सत्यवाग्ब्रतमेतत् किं कुमारः पालयिष्यति ॥
 किं बाहमिव लोभेन बाधितः खण्डयिष्यति ।
 साधुर्लुचे ब्रतं नैष प्राणत्यागोऽपि लोप्स्यति ॥
 ततोऽलुप्य परीक्षार्थमहं कर्पटिकोऽभवम् ।
 रत्नेष्वपि निरीहोऽसौ न सत्यव्रतमत्यजत् ॥
 अस्यास्ति सदृशः कश्चिन्नान्यः सत्वनिधिः पुमान् ।
 इत्युक्त्वान्यदपि ब्रुव्यं दत्त्वाऽस्मै व्यन्तरो ययौ ॥
 कुमारस्य वचः सत्यं रत्नलाभं च तादृशम् ।
 दृष्ट्वा हृष्टो नृपः प्रोचे सचिवान्निखिलानिदम् ॥
 अयमेव महासत्त्वः सत्यवाक् सुकृतास्पदम् ।
 लघुरप्येष निःशेषकुमाराणां गुणैर्महान् ॥
 अस्याद्भुतेन सत्येन पुण्येन च कदाचन ।
 न देशे भविता दौस्थ्यं दुर्भिक्षडमरादिकम् ॥
 ततो राज्यभरं बोद्धुमयं धत्ते धुरीणताम् ।
 इत्युक्त्वा तं नृपो राज्ये निवेश्य जगृहे व्रतम् ॥
 राज्यं सत्यप्रधानोऽयं व्यधत्त मकरध्वजः ।
 लीलयैवाखिलास्तस्य भूपालाः प्रणतिं ययुः ॥
 कुर्वाणेन जिनेन्द्राचीं तेन साधून्नमस्यता ।
 पात्रेभ्यो ददता वित्तं जगृहे जन्मनः फलम् ॥
 पालयित्वा चिरं राज्यं स्मरन् पञ्चनमस्क्रियाम् ।
 मृतवोत्पन्नः सहस्रारे त्रिदशो मकरध्वजः ॥
 इति कृतमृषावादत्यागव्रतो मकरध्वजो
 व्यलभत भवेऽप्यस्मिन् कीर्तिं श्रियं च दुरासदाम् ।

सुरनरसुखं भुक्त्वा भूयः परत्र विकल्मषः
शिवपदपुरीसाम्राज्यं स क्रमेण करिष्यति ॥

इति मृषावादविरतौ मकरध्वजकथा ।

जं चोरं कारकरस्स खत्त-खणणाहणा पर-धणस्स ।
दुविह-तिविहेण-वज्जणमणुव्वयं विंति तं तइयं ॥
जो न हरइ पर-दव्वं इहावि सो लहइ न बह-बंधाई ।
पर-लोए पुण पावइ सुर-नर-रिद्धीओ विउलाओ ॥
एकस्स चेव दुक्खं मारिज्जंतस्स होइ खणमेकं ।
जावज्जीवं सकुडुंबयस्स पुरिस्सस्स धण-हरणे ॥
दव्वं परस्स वज्जं जीयं जो हरइ तेण सो हणिओ ।
दव्व-विगमे जओ जीयमंतरंगं पि जाइ खयं ॥
जं खत्त-खणण-बंध-ग्गहाइ-विहिणा परस्स धण-हरणं ।
पच्चक्ख-दिट्ठ-दोसं तं चिट्ठउ दूरओ ताव ॥
पर-बंधणेण धेत्तुं दिंतस्स वि पर-धणं पर-भवस्मि ।
पर-गेहे चिय बचइ दत्तस्स व बणिय-पुत्तस्स ॥

तं जहा—

अत्थि सुर-भवण-सिहरग्ग-लग्ग-दिणयर-रह-तुरध-मग्गं ।
पुरमित्थ पइट्ठाणं लोउत्तर-संपया-ट्ठाणं ॥
तत्थ पयावसीहो निवो पयावानलो नवो जस्स ।
रिउ-रमणि-नयण-नीर-प्पवाह-सेत्तो वि पज्जलइ ॥
चिट्ठंति तत्थ विच्छिन्न-रित्थ-कुल-संभवा बणिय-पुत्ता ।
अन्नोन्न-नेह-जुत्ता दत्तो संखायणो य दुवे ॥
देसंतराई गंतुं धणज्जणं जुव्वणे न जो कुणइ ।
किं कूव-ददुरस्स व तस्स पसंसिज्जए जीयं ॥
इय मंतिज्जण दुत्तिवि परोप्परं निग्गया निय-पुराओ ।
महिमंडले भमंता कमेण पत्ता रयणदिवं ॥
रयणाई तत्थ संखायणेण पत्ताई न उण दत्तेण ।
पुरिस्सस्स हि पुव्व-कयं सुकयं चिय फलइ सब्बत्थ ॥

संखायणो पयद्वो अन्न-दिणे नियय-देसमागंतुं ।
 दत्तो उण अकयत्थो त्ति ठाडमहिलसइ तत्थेव ॥
 साहारणाइं दुणहवि इमाइं रयणाइं अम्ह इय भणिउं ।
 संखायणेण दत्तो वि अप्पणा सह समाणीओ ॥
 सत्थेण सहागच्छंति दोवि ते रयण-संबलत्थइयं ।
 मग्गे वहंति कमसो जा पत्ता निय-पुरासन्नं ॥
 ता तत्थ भिल्ल-धाडी पडिया दत्तेण निय-करत्थाइं ।
 खित्ताइं अणुवलक्खं रयणाइं रुक्ख-गहणम्मि ॥
 अह ताडिऊण दत्तं तस्स सयासाउ संबलत्थइया ।
 भिल्लेहिं जम-भडेहिं व गहिया संखायण-समक्खं ॥
 नीया पल्लिं भिल्लेहिं कइवि दियहाउं तत्थ धरिऊण ।
 मुक्का अनन्न-दिसाहि दोवि पत्ता पइट्ठाणं ॥
 जइ कहवि रयण-लाभो न होइ ता होहमलियवाइ त्ति ।
 संखायणस्स कहिओ दत्तेण न रयण-बुत्तंतो ॥
 अन्न-दिणे तत्थ गओ दत्तो पत्ताइं तेण रयणाइं ।
 न समप्पियाइं संखायणस्स एसो परोक्खो त्ति ॥
 अह कित्थियम्मि काले गयम्मि पियरो इमाण काल-गया ।
 जाया पमाण-भूया एए चिय दोवि सब्वत्थ ॥
 संखायणो धणद्धो देव्व-वसेणं न तारिसो दत्तो ।
 सो चिंतइ रयण-कए खिज्जइ संखायणो न इमो ॥
 कुणइ परलोग-किरियाओ एस तत्तो अहं पि एयाओ ।
 एयं चिय उद्दिस्सिउं करेमि एएहिं रयणेहिं ॥
 एवं कए न होही मित्त-दोहो वि तो कुणइ दत्तो ।
 परलोग-किच्चमत्थि य सेनेहो धम्म-बुद्धी य ॥
 एवं नियाउयं पालिऊण आउ-क्खये मया दोवि ।
 जत्थुप्पन्ना तं वागरेमि नर-नाह ! निसुजेसु ॥
 चिट्ठंति दुज्जि नयरीओ उत्तरा दाहिणा य महुराओ ।
 महुराउ सुयण-वाणीउ जत्थ दक्ख व्व विलसंति ॥
 पत्त-घण-च्छायाओ भमरहियाओ लसंत-सुमणाओ ।
 जत्थ वजेसु लयाओ भवणेसु वसंति विलयाओ ॥

तत्थोत्तर-महुराए समिद्धदत्तो त्ति वाणिओ अत्थि ।
 सो विहव-विहवणत्थं दक्खिण-महुरं कयाइ गओ ॥
 तस्स तर्हि विविह-कयाणगाण कय-विक्कए कुणंतस्स ।
 जाओ असोगदत्तेण वाणिएणं सह सिणेहो ॥
 तस्स थिरीकरणत्थं दोहिं पि कओ इमेहिं संकेओ ।
 एकस्स सुओ धूयं परेण परिणावियव्वो त्ति ॥
 कइवय-दिणाइं ठाउं समिद्धदत्तो गओ नियय-नयरिं ।
 संखायणस्स जीवो कमेण जाओ सुओ तस्स ॥
 दत्तस्स पुणो जीवो असोगदत्तस्स नंदणो जाओ ।
 भवियव्वयाइं तेसिं विहियाइं पुव्व-नामाइं ॥
 कय-उच्चिय-कला-गहणा कमेण ते दोवि जुव्वणं पत्ता ।
 संखायणस्स भगिणी जाया दत्तस्स सा दिन्ना ॥
 इय कित्तिए वि काले गयम्मि अकयम्मि चव वीवाहे ।
 ताण पियरो विवन्ना ते चिय घर-सामिणो जाया ॥
 तत्थत्थि कुवेरस्स व गरुओ दत्तस्स रिद्धि-वित्थारो ।
 सो तं सयमुवभुंजइ जहोचियं देइ अत्तेसिं ॥
 अन्न-दिणम्मि निविट्ठो ण्हाणत्थं मणिमयम्मि सो पीढे ।
 चत्तारि उवट्टविया कलसा कंचणमया तस्स ॥
 तह चउरो रूपमया तंवमया मिम्मया य पत्तेयं ।
 एवं ण्हाणोवगरणमन्नं पि इमस्स साइसयं ॥
 तं ण्हविऊण विमुक्को तत्थेक्को उड्ढिओ कणय-कलसो ।
 एवं चउरो वि गया एवं चिय रूप्पियाई वि ॥
 ण्हाणोवगरणमन्नं पि जं महत्थं तमुड्ढियं एवं ।
 अह दत्तो भुत्तुण्णो भोयण-सालाह संपत्तो ॥
 तस्स पुरो ठवियाइं कंचण-कच्चोल-रूप-थालाइं ।
 दिन्ना सुवन्न-थाली दव्वी पमुहेहिं आहारो ॥
 भुत्तस्स तस्स सव्वं पि थाल-कच्चोल-पमुहमुड्ढीणं ।
 थालस्स कन्न-वट्ठी धरिया कुड्ढेण दत्तेण ॥
 तित्थियमेत्तं खंडं दत्तस्स करे ठियं तओ एसो ।
 अहह अउव्वं विहि-विलसियं ति चिंताउरो जाओ ॥

अह तस्स विणट्ठाइं जलहि-निहित्ताइं जाणवत्ताइं ।
 थल-पह-पट्टवियं तक्करोहिं हरियं सयल-भंडं ॥
 नट्ठाइं निहाणाइं गयाइं विहलत्तणं करिसणाइं ।
 कण-कप्पड-प्पमुहाइं दट्ठाइं अग्गिणा गेहे ॥
 कय-विक्कएसु छेओ होइ न लब्भइ कलंतर-निउत्तं ।
 न कुणंति य सम्माणं परियण-बंधुयण-नायरया ॥

जओ—

रिद्धि विह्वणह माणुसह न कुणह कुवि सम्माणु ।
 सउणिहि सुच्चइ फलरहिउ तरुवरु इत्थु पमाणु ॥
 लच्छीइ विलसियं तं दट्ठुं सुविणिंदियाल-सारिच्छं ।
 विम्हय-विस्साय-विवसो आढत्तो चिंतिउं दत्तो ॥
 खणमेत्त-दिट्ठ-नट्ठा हा ! लच्छी जेण तेण तक्केमि ।
 तडिलय-तरंग-सुरधणु-दब्बेण कया इमा विहिणा ॥
 जइवि हु सूरु सुखु विअक्खणु

तहवि न सेवइ लच्छि पइक्खणु ।

पुरिस-गुणागुण-सुगण-परस्सुह

महिलह बुद्धि पर्यपहिं जं बुह ॥

संतिं पि स्तिरिं मोत्तूण उत्तमा संजमं पवज्जंति ।
 अहमा दूर-गयं पि हु तं पत्थंता किलिस्संति ॥
 तो मज्झ इमीए अलं ति चिंतिउं निग्गओ निय-गिहाओ ।
 दत्तो परिब्भमंतो भरुअच्छं पट्ठणं पत्तो ॥

निव्वाण-मग्ग-साहण-कयायरो पाव-कायरो दिट्ठो ।

गुण-रयण-सायरो तेण तत्थ धम्मायरो सूरी ॥

तं दट्ठूण सुणिंदं चंदं जलहि व्व सो ससुहसिओ ।

नम्मिऊण रिद्धि-भेए पुच्छइ, अह कहइ आयरिओ ॥

धम्मिड्डी भोगिड्डी पाविड्डी इह तिहा भवे रिद्धी ।

सा भन्नइ धम्मिड्डी जा दिज्जइ धम्म-कज्जेसु ॥

सा भोगिड्डी गिज्जइ सरीर-भोगम्मि जीए उवओगो ।

जा दाण-भोग-रहिया सा पाविड्डी अणत्थ-फला ॥

पाविड्डी पाविज्जइ फलेण पावस्स पुब्ब-विहियस्स ।
 पावेण भाविणा वा इत्थत्थे सुणसु दिट्ठंतं ॥
 इह आसि वसंतपुरे परोप्परं नेह-निव्वभरा मित्ता ।
 खत्तिय-माहण-वाणिय-सुवण्णयार त्ति चत्तारि ॥
 ते अत्थ विट्ठवणत्थं चलिया देसंतरं निय-पुराओ ।
 पत्ता परिव्वभमंता षूमिपइट्ठम्मि नयरम्मि ॥
 रयणीइ तस्स वाहिं उज्जाणे तरुतलम्मि पासुत्ता ।
 पढम-पहरम्मि चिट्ठइ जग्गतो खत्तिओ तत्थ ॥
 पेच्छइ तरु-साहाए पलंबमाणं सुवण्ण-पुरिसं सो ।
 विम्हिय-मणेण भणियं अणेण सो एस अत्थो त्ति ॥
 कणय-पुरिसेण संलत्तमत्थि अत्थो परं अणत्थ-जुओ ।
 तो खत्तिएण तुत्तं जइ एवं ता अलं अम्ह ॥
 वीए जामे जग्गेइ माहणो सोवि पिच्छइ तद्देव ।
 तइयम्मि वाणिओ तं दट्ठण न लुब्भए तम्मि ॥
 जग्गइ चउत्थ-जामे सुवण्णयारो सुवण्ण-पुरिसं तं ।
 दट्ठण विम्हिय-मणो भणइ इमं एस अत्थो त्ति ॥
 पुरिसेण जंपियं एस अत्थि अत्थो परं अणत्थ-जुओ ।
 जंपइ सुवण्णयारो न होइ अत्थो अणत्थ-जुओ ॥
 पुरिसो जंपइ तो किं पडामि ?, पडसु त्ति जंपइ कलाओ ।
 पडिओ सुवण्ण-पुरिसो छिंदइ सो अंगुलिं तस्स ॥
 खड्डाए पक्खित्तो सुवण्ण-पुरिसो सुवण्णयारेण ।
 गोसम्मि पत्थिया ते सुवण्णयारेण तो भणिया ॥
 किं देसंतर-भमणेण अत्थि एत्थवि इमो कणय-पुरिसो ।
 खड्डाइ मए खित्तो तं गिण्हइ विभज्जिउं सव्वे ॥
 तो सव्वेवि नियत्ता अंगुलि-कणगेण भत्तमाणेउं ।
 वणिओ सुवण्णयारो य दोवि पत्ता नयर-मज्जे ॥
 चिंतियमिमेहिं हणिमो खत्तिय-माहण-सुए उवाएण ।
 अम्हं चिय दोण्हं जेण होइ एसो कणय-पुरिसो ॥
 भुत्तूण सयं मज्जे सभागया गहिय-कुसुम-तंबोला ।
 खत्तिय-माहण-जुग्गं विस-मिस्सं भोयणं वेत्तुं ॥

बाहिं ठिएहिं तं चेव चिंतियं किं चिरं ठिया मज्जे ।
 तुम्हे त्ति भणंतेहिं दुन्निवि खग्गेण निग्गहिया ॥
 विस-मिस्सं भत्तं भुंजिऊण दिय-खत्तियावि वावणा ।
 इअ एसा पाविड्डी पाविज्जइ पाव-पसरेणं ॥
 सव्वा असासय च्चिय रिद्धी परमत्थओ भव-निमित्तं ।
 मोक्खो अकिंचणाणं जीवाण जिणेहिं जं भणिओ ॥
 इय घम्म-देसणाए पडिबुद्धो एस गंठि-भेएण ।
 चारित्त-मोहणिज्जं इमस्स पत्तं खओवसमं ॥
 पव्वइओ पर-पडिबोहणत्थमविमुक्क-थालखंडो सो ।
 अहिगय-सन्नत्त-सुत्तो करेइ तिव्वं तवच्चरणं ॥
 अन्न-समयस्मि एसो उत्तरमहुरं गओ विहरमाणो ।
 भिक्खा-कए भमंतो पत्तो संखायणस्स गिहं ॥
 निय-रिद्धि-वित्थरं तं दट्ठण इमस्स मज्जमाणस्स ।
 पुण्णो किम्भूणगो व त्ति कोउगेण द्विओ तत्थ ॥
 दिग्गा इमस्स भिक्खा तहवि न निहरइ एस तो भोत्तुं ।
 संखायणो पवत्तो वहिणीए वीयण-कराए ॥
 भणिओ अणेण साह—किं जासि तुमं न लद्ध-भिक्खो वि ।
 किं बालियं पलोयसि ?, मुणिणा संखायणो भणिओ ॥
 विसए विसं व विसमे वियाणिउं जे पवन्न-पव्वज्जा ।
 ते जिय-अयणा मुणिगो तणं व तरुणीओ मत्तंति ॥
 किंतु ठिओ रिद्धि-कुऊहलेण अहमेत्थ इत्तियं कालं ।
 संखायणेण भणियं रिद्धिं गिण्हहि देमि अहं ॥
 जंपइ मुणी न कज्जं घयवड-चवलाइ मज्झ रिद्धीए ।
 संखायणेण भणियं जइ एवं ता कहं कुडुं ॥
 मुणिणा भणियं तुह आगयस्स वसहीइ तं कहिस्सामि ।
 संखायणेण भणियं एवं ति तओ गओ साह ॥
 सन्नए वसहिं गंतुं नमिउं संखायणो रहसि साहुं ।
 कह कोउगं ति पुच्छइ मुणी भणइ तुह कुओ रिद्धी ॥
 संखायणो पयंपइ कमागया मे इमा, मुणी भणइ ।
 सच्चं साहसु, संखायणेण भणियं अमुग-दियहे ॥

कत्तो वि अकम्हा आगय त्ति तह अत्थि खंडथालमिह ।
 तं पुण तह चेव ठियं समारिउं तीरह न जम्हा ॥
 दत्तेण कन्नवट्ठिं समप्पिउं जंपिओ इमो भद्द ! ।
 एएण समारिज्जसु घडइ त्ति समारियं तेण ॥
 संजाय-कोउगो संभमेण संखायणो भणइ दत्तं ।
 भयवं ! कहसु किमेयं जहट्ठियं साहए एसो ॥
 एवमिणंति पवज्जइ एसो जाणइ य सयण-संवंधं ।
 तो भणइ मज्झ भहणिं परिणेउं भुंज निय-रिद्धिं ॥
 दत्तो जंपइ भोगा भुयंग-भोग व्व जे मए मुक्खा ।
 पत्थेसि पुणावि संपइ अमूढ-सत्तो कहं तेऽहं ॥

तथा—

अवश्यं यातारश्चिरतरमुपित्वापि विषया
 वियोगे को भेदस्त्यजति न जनो यत् स्वयममून् ।
 ब्रजन्तः स्वातन्त्र्यादतुलपरितापाय मनसः
 स्वयं त्यक्त्वा ह्येते शमसुखमनन्तं विदधति ॥
 इय सोउं पडिबुद्धो दिक्खं संखायणो वि पडिबन्नो ।
 कय-तिव्व-तवा मरिऊण दोवि सगं सिवं च गया ॥
 जं पुव्व-भवे संखायणस्स दत्तेण वित्तमवलवियं ।
 तो दत्त-गिहाओ गयं परत्थ संखायणस्स गिहं ॥
 इति अस्तेयव्रते दत्त-संखायण-कथा ।

जं निय-निय-भंगेहिं दिव्वाणं माणुसाण तिरियाणं ।
 परदारारणं विरमणमणुव्वयं धिति तं तुरियं ॥
 चउ-विह-कसाय-मुक्को चउ-गइ-संसार-भमण-निव्विण्णो ।
 जो धरइ चउत्थ-वयं सो लहइ चउत्थ-पुरिसत्थं ॥
 निव्वडिय सुहड-भावाण ताण को वहउ एत्थ समसीहिं ।
 परि-रमणि-संकडे निवडिया वि न मुयंति जे मेरं ॥
 इणमेव धम्म-वीयं इणमेव विवेय-कणय-कसवट्ठो ।
 इणमेव दुक्करं जं कीरइ परदार-विरइ-वयं ॥
 यः पालयति निर्व्याजं परस्त्रीविरतिव्रतम् ।
 परब्रेह च स श्रेयः पुरंदर इवाश्नुते ॥

तद्यथाऽस्त्यत्र विस्तीर्णे जम्बूद्वीपस्य भारते ।

महाधनजनाकीर्णं विलासपुरपत्तनम् ॥

शुभा रम्भाकीर्णाः प्रचलदलकान्ताः सतिलकाः

प्रपन्नाः पुन्नागैरसमलवलिव्यक्तुरुचयः ।

बहिर्यत्रान्तश्च प्रकटितमहामानवकुलाः

सदारामाः पुंसां पृथुलकुचरम्या मुदमदुः ॥

तत्र सिंहरथो राजा शूरः सिंह इवाभवत् ।

चित्रं क्रमागतं मार्गं यो विभेद न जातुचित् ॥

यत्कृपाणलतालग्रद्विषल्लोहितपल्लवाः ।

सुपुत्रे दिग्बधूत्तंसं यशः कुसुममाहवे ॥

तस्य सुन्दरदेहस्य देवी कनकवत्यभूत् ।

अनङ्ग इति कन्दर्पं त्यक्त्वा रतिरिवागता ॥

तयोर्धुञ्जानयोर्भोगान् पूर्वपुण्यसमुद्भवान् ।

सौन्दर्यनिर्जितामर्त्यकुमारस्तनयोऽभवत् ॥

पुरन्दर इति ख्यातः सोऽधीत्य सकलाः कलाः ।

कामिनीमानसोन्मादजननं यौवनं ययौ ॥

सोऽगादन्येषुख्यानं द्रुमराजिविराजितम् ।

तत्र नानाविधाः क्रीडाः कुर्वन् बभ्राम सर्वतः ॥

सोऽपश्यत्स्वेचरं कश्चिद्वेदनानष्टचेतनम् ।

कीलितं तरुणा सार्द्धं हस्तयोः पादयोस्तथा ॥

कुमारः करुणाक्रान्तस्तस्य निष्कास्य कीलकान् ।

संरोहण्योपधीयोगाद्रणसंरोहणं व्यधात् ॥

स्वस्थीभूतं तमप्राक्षीत् कुमारः किं तवेदशी ।

दर्शनीयाकृतिव्यक्तगुणस्याप्यभवद्दशा ॥

अचोचत् स्वेचरो यद्यप्यवद्यं चरितं मम ।

तथापि कथयाम्येष तव जीवितदायिनः ॥

अस्ति प्रशस्तसुतुङ्गमणिमन्दिरसुन्दरम् ।

वैताल्यस्योत्तरश्रेण्यां पुरं गगनवल्लभम् ॥

तत्र विद्याधराधीशो रत्नचूडोऽस्ति विश्रुतः ।

अनिरुद्धः स्मरस्येव स्रुस्तस्यास्मि सूर्पकः ॥

सोऽहं यौवनमासाद्य चण्डानिलमिचानलः ।
 तमवाप मदोद्रेकं यत्राकृत्यं न किञ्चन ॥
 अन्यदा गगने भ्राम्यन् रत्नशालपुरप्रभोः ।
 खेचरस्य प्रियां दृष्ट्वा जातोऽस्मि स्मरविह्वलः ॥
 सहसा तामपाहार्षं मांसपेशीं यथा खगः ।
 कन्दर्पविवशानां हि क्व प्रेक्षापूर्वकारिता ॥
 तामादाय कुरङ्गाक्षीमिहायातमरुद्ध माम् ।
 शृष्ठागतः पतिस्तस्या नकुलः पद्मगं यथा ॥
 मां विनिर्जित्य युद्धेन प्रापय्य च दशाभिसाम् ।
 स जगाम निजं स्थानं गृहीत्वा गृहिणीं निजाम् ॥
 तदेवं व्यसनाम्भोधौ मग्नो येनाहमुद्धृतः ।
 स निष्कारणबन्धुस्त्वं महात्मन् ! मम वर्तसे ॥
 अतो रूपपरावर्तविद्यामादाय मे प्रियम् ।
 कर्तुमर्हसि यत् सन्तः प्रार्थनाभङ्गभीरवः ॥
 परोपरोषप्राधान्यादग्रहीतां पुरन्दरः ।
 परस्त्रीसंगमोद्विग्नः स्वस्थानं सूर्पको ययौ ॥
 अथ सज्जनवत्तत्र सुखदः स्फुरितो मरुत् ।
 जिनवाक्यमिवापास्तरजोगन्धपयोऽपतत् ॥
 पुष्पवृष्टिरभूत्सृष्टेः पञ्चवर्णतयोत्कटा ।
 साधोर्गुण इव व्योम्नि जजृम्भे दुन्दुभेर्ध्वनिः ।
 क्रीडासञ्ज जगल्लक्ष्म्याः स्वर्णपञ्चं व्यधुः सुराः ।
 निषण्णः केवली तत्र राजहंस इषोऽञ्जलः ।
 देशनां कर्तुमारभे सदेवनरपर्षदः ।
 तं नत्वा विस्मयस्मेरः कुमारो न्यषदत्पुरः ॥
 जन्तुघातो मृषावादः स्तेयं युवतिसङ्गमः ।
 परिग्रहश्च पञ्चामी मुच्यतां पापहेतवः ॥
 इति श्रुत्वा भवोद्विग्नो निजगाद् पुरन्दरः ।
 भगवन् ! सर्वथा कर्तुं त्वदुक्तमहमक्षमः ॥
 परस्त्रीत्यागमात्रं तु करिष्ये जीवितावधि ।
 यद्विपाको मया दृष्टः संप्रत्येषातिदाहणः ॥

गुरुर्जगाद पुण्यात्मन्निदमेवातिदुष्करम् ।
 इदमेव नरामर्त्यनिर्वाणश्रीनिबन्धनम् ॥
 इदं विदधता भद्र ! त्वया सर्वमनुष्ठितम् ।
 इदं पालयतो भावी महानभ्युदयस्तव ॥
 ततः केवलिनं नत्वा परस्त्रीपरिहारतः ।
 कृतार्थं मन्यमानः स्वं कुमारोऽगात्रिजं गृहम् ॥
 अन्यदा सुन्दरोद्देशदेशदर्शनलालसम् ।
 कश्चिन्मागधमेकान्ते पप्रच्छ नृपनन्दनः ॥
 किं त्वया भ्राम्यता पृथ्वीं दृष्टं किमपि कौतुकम् ।
 सोऽवोचचेत्तत्रार्थं शुश्रूषा तन्निशम्यताम् ॥
 अस्ति भोगिवधूभोग्याभोगं भोगपुरं पुरम् ।
 पातालपुरवच्चित्रमशेषश्रीविभूषितम् ॥
 तत्र शशुञ्जयो राजा शस्त्रशास्त्रकृतश्रमः ।
 शिरांसि धूनयामास विद्विषां विदुषां च यः ॥
 गिरीशस्येव गङ्गोमे द्वे देव्यौ तस्य बल्लभे ।
 एका रत्नवती नाम द्वितीया मदिरावती ॥
 शुद्धबुद्धिरिवासूत नीतिं रत्नवती सुताम् ।
 रामणीयकविस्फूर्जत्कीर्तिं नाम्ना कलावतीम् ॥
 यस्याः शरीरसौन्दर्यं विभाव्य भुवनाद्भुतम् ।
 हियेव दर्शनं लोके न यच्छन्ति सुराङ्गनाः ॥
 कलाकलापे सकले कलयामास कौशलम् ।
 सा क्रमान्मदनक्रीडावनं प्राप च यौवनम् ॥
 रूपादिभिरपश्यन्ती पुरुषं तुल्यमात्मनः ।
 पुरुषद्वेषिणी साऽभूदित्याश्चर्यं मयेक्षितम् ॥
 इत्याकर्ण्य दिदृशुस्तां निशितासिकरो निशि ।
 अनिवेद्यैव कस्यापि कुमारो निर्ययौ पुरात् ॥
 स सरोऽद्रिसरिद्रामनगराकरसङ्कुलाम् ।
 भुवं भ्राम्यंस्तस्त्वस्तोमरम्यां प्राप महादवीम् ॥
 मध्याह्नातपतसोऽसौ तरुमूले कृतत्थितिः ।
 महापुरुष ! मां रक्षेत्यश्रृणोत्करुणस्वरम् ॥

केनापि पीड्यते काचित् वराकीति स चिन्तयन् ।
 विभ्रत् कृपां कृपाणं च तं शब्दं प्रत्यगाद्भुतम् ॥
 सोऽपश्यत् काननस्यान्तः स्त्रीमेकां कलशस्तनीम् ।
 पद्मास्यां पल्लवाताम्रपाणिपादां मृगेक्षणाम् ॥
 दिक्षु चक्षुः क्षिपन् कश्चिददृष्ट्वा तत्र मानुषम् ।
 आवभाषे कुमारस्तां कस्त्वां भद्रे ! विधाधते ॥

स्त्री—

यतः प्रभृति दृष्टस्त्वं तदादि मदनः प्रभो ! ।
 मां पीडयति पञ्चेपुरप्यसंख्यैरिवेषुभिः ॥
 त्वमेव मदनस्पृहीं शरणं मम नापरः ।
 तत्त्वं निजभुजस्तम्भमध्यमारोप्य रक्ष माम् ॥

कुमारः—

त्वां परस्त्रीं कथं भद्रे ! स्वकराभ्यां स्पृशाम्यहम् ।

स्त्री—

पुरुषस्य परैव स्त्री सर्वेति प्राज्ञ ! चिन्तय ॥

कुमारः—

यद्यप्येवं तथापि त्वं मम नासि परिग्रहे ।

स्त्री—

महान्तो नाथ ! मन्यन्ते जगत्सर्वं परिग्रहे ॥

कुमारः—

तथापि तव सम्भोगः करोति दुरतिक्रमम् ।

उभयोर्लोकयोर्दुःखमतस्त्वां कथमाद्रिये ॥

स्त्री—

स्मरार्त्ता सानुरागाऽहं स्वामिस्तन्मम सङ्गमः ।

कुर्यात्तव ममाप्येवमुभयोर्लोकयोः सुखम् ॥

कुमारः—

सर्वथा न करोम्येव परस्त्रीस्पर्शपातकम् ।

ततः किममुना साकं त्वया वाङ्मलहेन मे ॥

इत्युक्त्वा स वनात्तस्मान्निर्गत्य बलितोऽग्रतः ।

तमाचक्षे साक्षेपमेकः शस्त्रीकरः पुमान् ॥

परस्त्रीविह्वलं कृत्वा मागास्तिष्ठ पुरो मम ।
 तस्य सिंह इवेभस्य कुमारः संमुखः स्थितः ॥
 जगाद् च सदैवाहं परस्त्रीणां पराङ्मुखः ।
 संमुखः परस्त्रीणां ब्रूहि यत्तेऽभिवाञ्छितम् ॥
 दिव्यरूपधरो भूत्वा सोऽब्रवीत्तिष्ठताग्रतः ।
 सर्वत्र शुचयो धीरा इति सत्यीकृतं त्वया ॥
 अहं स्वामी वनस्यास्य व्यन्तरः पिङ्गलाभिधः ।
 अद्य वेलावनेऽस्मभोवेर्मित्रपार्श्वमहं गतः ॥
 निवृत्य यावदायातस्तावद्दीक्ष्ये निजां प्रियाम् ।
 प्रार्थनां तव कुर्वाणां प्रच्छन्नोऽहं स्थितस्ततः ॥
 तृणवत्तामपज्ञाय यत्त्वं सत्त्वमहोदधिः ।
 प्रस्थितोऽसि तदाश्चर्यं दुष्करं किमतः परम् ॥
 तुष्टोऽहं किं ददे तुभ्यं अथावादीत्पुरन्दरः ।
 भद्र ! किं न त्वया दत्तं ददता दिव्यदर्शनम् ॥
 तस्मै याञ्छाऽनभिज्ञायाप्यभोधं देवदर्शनम् ।
 इति जल्पन् सुरश्चिन्तारत्नं दत्वा तिरोदधे ॥
 चिन्तारत्नप्रभावेण प्राप्तसर्वसमीहितः ।
 त्यागं भोगांश्च कुर्वन् स क्रमाद्भोगपुरं ययौ ॥
 राजपुत्रीसुपायेन पश्यामीति पुरन्दरः ।
 वामनः समभूद्रूपपरावर्तनविद्यया ॥
 कथागीतादिभिः कुर्वन् पुरलोकस्य विस्मयम् ।
 जगाम वामनः ख्यातिं गुणा हि यशसः पदम् ॥
 अन्यदाऽऽश्चर्यकारीति नृपेणाह्वय वामनः ।
 त्वनस्मत्सन्निधौ तिष्ठेरित्युक्तः स तथाऽकरोत् ॥
 कलाविद् वामनश्चायमिति जातकुतूहला ।
 चेटीं प्रेष्यात्मनः पार्श्वे तमाह्वत कलावती ॥
 सा प्रीतिमगमद् दृष्टे वामनेऽपि नृपात्मजे ।
 कुर्यात् कुसुदिनीं स्मेरां मेघच्छन्नोऽपि चन्द्रमाः ॥
 दृष्ट्वा राजसुतां हृष्टो दध्यौ मनसि वामनः ।
 अस्यां प्रकर्षमारूढं रूपनिर्माणकौशलम् ॥
 वक्त्रं चन्द्रविजित्वरं यदधरो बन्धूकवाधाबुधः

कण्ठः कम्बुविडम्बकोऽक्षियुगलं नीलोत्पलश्रीहरम् ।
 पाणिद्वन्द्वमशोकपल्लवरुचां लुण्ठकमस्थास्ततः
 कोऽप्यन्यत्कृतपूर्वसृष्टिमहिमा घातुः प्रयत्नो ध्रुवम् ॥
 अथ पृष्ठः कलावत्या कुत्रत्योऽसीति वामनः ।
 विलासपुरवास्तव्योऽस्मीति स प्रत्यपीपदत् ॥
 किं तत्र नगरे किञ्चिदस्ति वस्त्वद्भुतं वद ।
 इति प्रोक्ते कलावत्या साकूतं वामनोऽब्रवीत् ॥
 तत्र सिंहरथो राजा तस्य पुत्र पुरन्दरः ।
 यः सौन्दर्यकलौदार्यविक्रमादिभिरद्भुतः ॥
 इत्याकर्ण्य कुमारं प्रत्यनुरागं चकार सा ।
 को वा न रज्यते लोकः श्रुतैरप्यद्भुतैर्गुणैः ॥
 त्यक्तान्यसर्वव्यापारा चिन्तयन्ती पुरन्दरम् ।
 योगिनीव परात्मानं दिवसानि निनाय सा ॥
 आसने शयने रात्रौ दिवसे भवने वने ।
 नाससाद रतिं कापि शफरीव स्थले स्थिता ॥
 जलाद्रासुमनःशय्याचन्द्रचन्दनपञ्चमान् ।
 प्रपञ्चितवपुस्तापान् मेनेऽग्नीनिव पञ्च सा ॥
 इतश्च गीतं शृण्वन्त्या वामनस्य मनोहरम् ।
 मदनो मदीरावत्या मनो बाणैरताडयत् ॥
 सा निशीथे नृपं सुप्तं त्यक्त्वोत्थाय शनैः शनैः ।
 प्रस्थिता वामनभ्यर्णमङ्गरक्षैरलक्षिता ॥
 विबुद्धो नृपतिः कासौ चलितेति विचिन्तयन् ।
 मन्दं मन्दं पदन्यासमन्वगान्मदिरावतीम् ॥
 गत्वा व्यबोधयद्देवी वामनं मधुरोक्तिभिः ।
 करिष्यति किमेवेति ज्ञातुं छन्नो नृपः स्थितः ॥

वामनः—(देवीमालोक्य)

देवता सदृशी का त्वम् ?

देवी—

देव्यहं मदिरावती ।

वामनः—

अत्रागतासि किं कर्तुं

देवी—

कामार्ता त्वामुपासितुम् ॥

वामनः—

कुरूपो धनहीनोऽहं मुग्धे ! किं मामुपस्थिता ।

रूपनिर्जितकन्दर्पः पृथ्वीनाथः पतिस्तव ॥

हंसं हित्वा कलयसि वकं रत्नमुत्सृज्य धत्से

काचं कार्त्तस्वरमवगणय्यारकूटं विभर्षि ।

दुग्धं त्यक्त्वा पिवसि विकले ! काञ्चिकं यद्विमुच्य

क्षोणीनाथं रचयसि रुचिं सेवितुं वामनं माम् ॥

राजा (स्वगतम्)—

साधु वामन ! धन्योऽसि यः स्तौष्यन्त्यं स्वनिन्दया ।

स्वं निर्गुणमपि प्रायो मन्यन्ते गुणिनं जडाः ॥

देवी—

तदेव सुन्दरं तस्य यद्यस्य प्रतिभासते ।

विमुच्य करभश्चूतं करीरे कुरुते रतिम् ॥

तन्नाथ ! किं विचारेण मद्बचः कुरु सत्वरम् ।

प्रियस्त्वं मे नरेन्द्रस्तु द्वेष्यो वार्धकदूषितः ॥

राजा (स्वगतम्)—

ताश्चदूस्तीः पुरा श्रुत्वा देवीवदननिर्गताः ।

चदूस्तीः सांप्रतं शृण्वन्न किं हृदय ! भिद्यसे ॥

वामनः—

चक्षुषाऽपि निरीक्षेऽहं नान्यामपि परस्त्रियम् ।

किं पुनर्भवतीं भद्रे ! महाराजस्य बल्लभाम् ॥

राजा (स्वगतम्)—

शरीरेणैव वत्स ! त्वमहो ! वामन ! वामनः ।

कर्मभिः पुनरुत्तुङ्गस्त्वमेव जगतोऽप्यसि ॥

देवी—

परस्त्री किमहं मूर्ख ! या त्वां स्वयमुपस्थिता ।

परस्त्री कथिता सा हि या बलादुपपद्यते ॥

वामनः—

परस्त्रीं सेवितुं जातु चित्तमुत्सहते न मे ।
जननीव नमस्कार्या त्वं देवि ! मम तद्रज ॥

देवी—

करोषि यदि मे वाक्यं यदिच्छसि ददामि तत् ।
भविष्यत्यन्यथा मूढ ! सन्देहो जीवितेऽपि ते ॥

वामनः—

अखण्डितचरित्रस्य मृत्युरप्यस्तु मे वरम् ।
लभ्यते यदनाचारात् साम्राज्येनापि तेन किम् ॥
इति प्रार्थयमानासौ वामनेन निराकृता ।
विलक्षीभूय संप्राप स्वस्थानं मदिरावती ॥
राजाऽपि शयने गत्वा चिन्तयामास चेतसि ।
अहो ! दुश्चरितं स्त्रीणां विचाराणामगोचरः ॥
अकृतान्याङ्गनासङ्गं सर्वाभीष्टार्थपूरकम् ।
मां विहाय विघत्ते हा ! किमेषा वामने मनः ॥
प्रेमसर्वस्वशंसीनि कुर्वत्यपि चट्टनि मे ।
रमतेऽसौ हहान्यत्र वेत्ति स्त्रीचरितं हि कः ॥
किं तडित्कारिकर्णाद्या येन द्रव्येण निर्मिताः ।
स्त्रीणां चित्तस्य निर्माणे तदेव विधिनादृतम् ॥
धिष्णां विषयगृहं यद्विषयाः स्त्रीनिबन्धनाः ।
स्त्रीणां चरित्रमीदृक्षं यद्वक्तुमपि नोचितम् ॥
अहो ! मे मन्दभाग्यत्वं कालेनैतावतापि यत् ।
नैकोऽपि समभूत् पुत्रो यं राज्ये स्थापयाम्यहम् ॥
कलावत्यपि चेत्कुर्याच्चित्तं राजस्रुते क्वचित् ।
तत्तमेव निजे राज्ये निवेश्य व्रतमाददे ॥
इति चिन्ताजुषो राज्ञः प्राज्यानर्थनिबन्धनम् ।
जवाद्विषयतृष्णेव निशा नाशं समासदत् ॥
रूढदृष्टिस्तामस्तोमः प्राप मोह इव क्षयम् ।
दोषान्तमुदयं लेभे विवेक इव भास्करः ॥
अत्रान्तरे प्रतिहार्या विशतः पृथिवीपतिः ।

देव ! चित्तं कलावत्या यन्न रेमे नरे क्वचित् ॥
 साम्प्रतं वामनाख्याते राजपुत्रे पुरन्दरे ।
 बद्धोत्कण्ठं तदस्वस्थं न कापि लभते रतिम् ॥
 इति श्रुत्वा नृपो हृष्टः कलावत्या गृहं ययौ ।
 आहूय वामनं तत्र निजगाद सगौरवम् ॥
 छन्नरूपस्त्वमेवासि राजपुत्रः पुरन्दरः ।
 उत्तमैश्वरितैर्ज्ञातस्तदात्मानं प्रकाशय ॥
 राजा रजनीवृत्तान्तं जानातीति विचिन्त्य सः ।
 अहो ! देवस्य दक्षत्वं इत्युक्त्वा स्वमदर्शयत् ॥
 जगाद च निशम्याहं राजपुत्रीं गुणोज्ज्वलाम् ।
 कृतरूपपरावर्तः कौतुकाद्द्रष्टुमागतः ॥
 मङ्गलार्थं पुरस्कृत्य कुचकुम्भौ नृपात्मजा ।
 प्रेमाद्रीं तन्मुखे दृष्टिं पुष्पवृष्टिनिवासुचत् ॥
 राजा तन्नकुतं दृष्ट्वा निजां पुत्रीं च तादृशीम् ।
 अचोचदनयोर्युक्तः सम्बन्धस्तुल्यरूपयोः ॥
 प्रशस्तेऽहि क्षुभे लग्ने विभूत्याऽतिप्रकृष्टया ।
 अकारयत्तयोर्भूषः पाणिग्रहणमादरात् ॥
 कृतार्थः पार्थिवो राज्ये स्थापयित्वा पुरन्दरम् ।
 प्रतिपेदे स्वयं दीक्षामार्हतीं गुरुसन्निधौ ॥
 एवं परस्त्रीनियमात् प्रकृष्टां पुरन्दरः प्रापदिहापि ऋद्धिम् ।
 परत्र चासादितवाञ्छितार्थो गीर्वाणनिर्वाणसुखानि लब्धा ॥

इति परस्त्रीविरतौ पुरन्दरकथा ॥

दुपय-चउप्पय-धण-धन्न-खेत्त-घर-रुप्प-कणय-कुप्पाण ।
 जं परिमाणं तं पुण अणुव्वयं पंचमं विति ॥
 जीवो भवे अपारे गरुय-परिग्गह-भरेण अङ्गतो ।
 दुह-लहरि-परिक्खित्तो बुद्धुइ पोओ व्व जलहिम्मि ॥
 धम्माराम-खयं खमा-कमलिणी-संघाय-निग्घायणं
 मज्जाया तडि पाडणं सुह-मणो-हंसस्त निव्वासनं ।
 बुद्धिं लोह-महण्णवस्स खणणं सत्ताणुकंपा-भुवो

संपाडेह परिग्गहो गिरिनई-पूरो व्व वडुंतओ ॥
 लोह-परिचत्त-चित्तो जो कुणइ परिग्गहस्स परिमाणं ।
 सो परभवे परिग्गहमपरिमियं लहइ नागो व्व ॥
 अत्थि एत्थेव दीवे भारहे वासे कुसुमपुरं नयरं ।
 दट्टुं मज्झट्टियमत्थ-वित्थरं हरिउमुज्जया चोरा ।
 फलिह-भवणेषु विरमंति भित्ति-हयमत्थया जत्थ ॥

तत्थ सीहविक्रमो राया ।

जत्स समरम्मि दट्टुं विसुक्क-कोसं करम्मि करवालं ।

हारिवडिय व्व सहसा कोसं मेळ्ळंति रिउणो वि ॥

तत्स सयलंतेउर-सारा तारा देवी । तीए गव्वभ-संभूओ ख्वाइ-गुणेहिं
 भुवणच्छरिय-भूओ सयल-कला-कलाव-कुलहरं हरिविक्रमो कुमारो । कयाइ वि-
 यडु-गोटीए ठियस्स तत्स पढियं केणावि—

निय-पुन्न-परिक्खाए देस-वेस-भासा-विसेस-विनाणं ।

नव-नव-कोउग-दंसणमेगत्त ठियाण न हवंति ॥

इमं सोऊण चित्तियं कुमारेण मए देसंतरं गंतव्वं ति । तओ कस्सवि
 अकहिऊण रयणीए निग्गओ कुमारो । परिभमंतो पत्तो कंचणउरं । तत्थ
 पओसे पविसिउं पयट्ठो । पहरण-पाणि-पाइक्क-परिक्खित्ताइं पिहियाइं पओलि-
 दाराइं दट्टूण नियत्तो पसुत्तो परिसराराम-मज्जे पल्लव-सत्थरे । पहाय-प्पायाए
 रयणीए पवुद्धो पेच्छए पुरओ गयणंगणे अणप्प-अणि-देप्पमाणं विमाणं ।
 तम्मज्झ-गयाए गरुडारूढाए कणयावदाय-देहाए चक्क-दिवि-डिक्किय-कराए देव-
 याए भणिओ सो—भो कुमार ! आरोहसु विमाणमेयं । तुहाणयणत्थमेत्था-
 गया अहं । तेण तं पणाभिऊण कयंजलिणा जंपियं—देवि ! का तुमं, कत्थ
 किमत्थं वा नेसि मं ? । देवयाए भणियं—कुमार ! अत्थि एसा विसाल-साला
 विसाला नयरी । तत्थ इक्खाणु-कुल-कमल-सूरो सूरो राया । तस्साहं कुल-
 देवया चक्केसरी । सो राया संपयं अपुत्तो पत्तो पर-लोयं । तस्स गोत्तिया
 रज्जत्थिणो पयट्ठा कलहिउं, भणिया पहाणेहिं—भो ! किं कुल-क्खयं कुणह ।
 अच्चेमो चक्केसरि-कुल-देवयं । सा जं भणित्थइ सो राया होहि ति । तहेव
 तेहिं कए वुत्ता मए गुत्तिया—नत्थि तुम्ह रज्ज-जुग्गया ।

जं पुरिसम्महं रज्जे ठावेमि करेह तस्स पय-सेवं ।

रज्जं पुण पाविज्जइ पुणेहिं पुराणुत्थिणेहिं ॥

मुण्डं तुमं अवहिणा इहागयं आगयाहभाणेऽं ।
 हरिविक्रम-कुमर ! तओ लहु आरोहसु विमाणमिणं ॥
 तो आरूढो कुमरो गयं विमाणं नरिंद-भुवणम्मि ।
 सयल-पहाण-समक्खं ठविओ देवीए सो रज्जे ॥
 देवीइ तस्स दिन्नं चूडारयणं अणप्प-माहप्पं ।
 जत्थ सिरत्थे निवडंति मुच्छिया महियले रिउणो ॥
 सव्वेहिं वि सो नमिओ नयरम्मि महुसवो समारद्धो ।
 आहरण-रयण-वुट्ठिं काऊण तिरोहिया देवी ॥

नएण रज्जं कुणंतस्स तस्स अन्नया आगया करहमारूढा दुवे पुरिसा ।
 विन्नत्तो तेहिं राया एगंते—अत्थि निय-विहव-विहिय-सुरपुर-पराजयं जयपुरं
 नयरं । तत्थ पच्चत्थि-पत्थिव-दुज्जओ जयो राया । तस्स रइ व्व सुंदरी रइ-
 सुंदरी देवी । रज्ज-सुहं सेवंताण ताण लच्छि व्व कमलच्छी जाया जय-
 लच्छी धूया । तीए जम्म-दिणे कहियं जोइसिएण, जहा—एसा कन्नगा चउपहं
 रज्जाणं सामिणो पत्ती होहिं ति । सा संपयं पवन्ना तारुलं । रत्ता अन्न-रज्ज-
 लाभत्थिणा सयं चेव सा परिणेउमारद्धा । विन्नत्तो पहाणेहिं राया—देव !
 उभय-लोय-विरुद्धं ति न जुत्तं काउमेयं ति ।

जओ—

जेण कुलकसु लंघियइ अवजसु पसरइ लोइ ।
 तं गुरु-रिद्धि-निबंधणु वि न कुणइ पंडिओ कोइ ॥
 ता रज्ज-कारणं पि हु धूयं ति इमा परस्स दायव्वा ।
 जइ सोवण्णिय-छुरिया हंतव्वो किं तओ अप्पा ॥

रत्ता अणिया पहाणा—तहावि अन्नस्स न दायव्वं ति, विणासेह एयं ।
 तओ तेहिं कया कन्ना पच्छन्ना । कहियं रत्तो विणासियं ति । तं जीवंति
 नाऊण कुद्धो राया तेसिं । तओ तेहिं पेसिया अम्हे तुम्ह पासं, विन्नत्तं च
 इमं, जहा—एस राया अणायार-परो पर-लोय-परम्मुहो मह-महुर-विसयासत्तो
 सत्त-रहिओ हिओवएसं पि विसं व मन्नए । तुमं पुण एयच्चिदरीओ रायरिसी ।
 ता जइ एगागी आगच्छसि तो इमं दुरप्पाणं परिचयामो ति । रत्ता चित्थियं—
 जुत्तमिणं । जं सामी वि मुक्कमज्जाओ मुच्चइ ति । जं पुण 'जइ एगागी आगच्छ-
 सि'त्ति तं किं फलं । हुं नायं, सत्त-परिक्खण फलं ति । तओ रज्जसुत्थं काऊण
 गओ तेहिं सह जयपुरं । पडिच्छिओ पहाणेहिं । परिणाविओ पच्छन्नं जय-

लच्छि । पच्छा पयासिओ लोए । निवेसिओ रज्जे । निग्गओ नयराओ सयं
चेय जओ । अणुरत्त-पयइ-वग्गं पालइ रज्जं हरिविक्कमो ।

अन्न-दिणे सिरिपुर-नयर-सामिणा चंडसेण-राएण ।

निय-दूयं पट्टविउं भणिओ हरिविक्कमो एवं ॥

जो तुह पुव्व-नरिदेहिं मज्झ दिन्नो निरंतरं दंडो ।

तं संपइ देसु तुमं पि अन्नहा होसु रणसज्जो ॥

जो पुव्व-पत्थिवेहिं दिन्नो दंडो तमेव संभरसु ।

देमि न दंडमहं पुण वेत्तुं वंछामि तुह पासे ॥

इय हरिविक्कमराएण जंपिए नियपुरं गओ दूओ ।

गंतूण तेण कहियं पुव्वुत्तं चंडसेणस्स ॥

तं सोउं सो कुविओ चलिओ चउरंग-सेन्न-परियरिओ ।

तत्तो पत्तो हरिविक्कमो वि निय-देस-सिमंते ॥

दुण्हि वि दलाइं मिलियाइं ताण जायं जएक्क-चित्ताणं ।

कुड्ड-वसागय-सुर-खयर-सिद्ध-रुद्धंवरं जुडं ॥

पहरण-संवट्ट-समुच्छलंत-हुयवह-फुलिग-छउमेण ।

खुर-रय-घणंधयारे रणम्मि रेहंति खज्जोया ॥

हरिविक्कम-सेनेणं जलहि-जलेकेय उच्छलंतेण ।

निव-चंडसेण-सेणा नइ व्व पच्छामुही विहिया ॥

तो चंडसेण-निवई कुविओ उट्टेइ पवल-वल-कलिओ ।

हरिविक्कम-सेन्नं मंदरो व्व जलहिं विलोडेइ ॥

थक्को एक्को हरिणो हरि व्व हरिविक्कमो पुरो तस्स ।

रवि-मंडलं व दित्तं सिरम्मि चूडामणिं काउं ॥

चूडामणि-माहप्पेण चंडसेणस्स आगया मुच्छा ।

पडियाइं पहरणाइं हत्थेहिंतो ससिन्नस्स ॥

हरिविक्कम-सुहडेहिं गहिओ पुंजीकयाइं ताइं पुरो ।

तत्तो चूडारयणं सिराउ ओसारियं रत्ता ॥

सत्थी हूओ दट्टूण चंडसेणो ससिन्नमप्पाणं ।

पहरण-रहियं हय-विक्कमं च चितइ विसन्न-मणो ॥

एस हरिविक्कम-निवो अणन्न-सामन्न-पुद्ध-पवभारो ।

देवय-कय-सन्निज्झो मणुस्समेत्तं न होइ फुडं ॥

जं इमिणा सह जुद्धं पारद्धं तं मए कयमजुत्तं ।
 जो अप्प-पर-विसेसं न मुणइ सो होइ हसणिज्जो ॥
 हा दंसिउं असक्को जणस्स वयणं अहं अजस-कलुसं ।
 ता किं करेमि संपइ हुं नायं जामि वण-वासं ॥
 तो हरिविक्रम-पुरओ आगतुं गिण्ह मज्झ रज्जमिणं ।
 इय भणिउं वन-वासं संपत्तो चंडसेण-निवो ॥
 हरिविक्रमो सिरिउरं गंतूण करेइ तत्थ रज्ज-ठिइं ।
 अह पुरिसा कुसुमपुराउ आगया जणय-पट्टघिया ॥
 वच्छ ! अहं तुह विरहे इहं ठिओ संपयं गिलाणोमिह ।
 ता निय-रज्जं गिण्हसु इमं ति पुरिसेहिं विन्नत्तं ॥
 तो तत्थ रज्ज-सुत्थं काउं हरिविक्रमो जणय-पासं ।
 चलिओ चउरंग-चमू-चमढिय-फणिराय-फणचक्को ॥
 सो पत्तो कुसुमपुरं पणओ जणयस्स तेण अहिस्सित्तो ।
 रज्जे गुरु-रिद्धीए अह पर-लोयं गओ जणओ ॥
 सो भूरि कणय-कोसं पयाव-पडिहय-पयंड-पडिक्खं ।
 करि-तुरय-रह-समग्गं तिवग्ग-सारं कुणइ रज्जं ॥
 अह अन्नया निसाए पच्छिम-जामम्मि सुह-विउद्धस्स ।
 जाया रत्तो चिंता पुव्व-भवे किं मए विहियं ॥
 जं रज्जाण चउण्हं इमाण सामित्तमुत्तमं पत्तं ।
 इय चित्तं कुणमाणस्स निवइणो उग्गओ सूरु ॥
 उज्जाण-वालएणं विन्नत्तं ताव देव ! उज्जाणे ।
 सुर-कय-कमल-निसन्नो केवल-नाणी कहइ धम्मं ॥
 तो परितुट्ठो राया जयलच्छी-संगओ गओ तत्थ ।
 नमिउं गुरुं निसन्नो धम्मकहं सोउमाढत्तो ॥
 समए पुट्टं रत्ता निसाइ जं चितियं चरम-जामे ।
 केवलिणा भणियं सुण नरिंद ! जं पुच्छियं तुमए ॥
 पुव्व-भवे आसि तुमं सिरिनयर-पुरम्मि सावगो नागो ।
 नागसिरि से भज्जा दुण्हवि नेहेण जंति दिणा ॥
 अन्न-दियहम्मि तेसिं पुरओ पुरिसेण भणियमेक्केण ।
 जं अच्छरियं वित्तं इहेव नयरम्मि तं सुणह ॥

देसंतराओ कत्तो वि आगओ इह पुरे नरो एक्को ।
 सयल-कला-कुल-गेहं रूवेण विणिज्जियाणंगो ॥
 सो महिलाइ नव-जोव्वणाए दट्टूण मयण-विहुराए ।
 नीओ स-गिहं तंबोल-भोयणाईहिं गोरविओ ॥
 तीए सह विसय-सुहं सेवंतो सो ठिओ कहवि दियहे ।
 अन्न-दिणे अन्नाए नारीए कहवि सो दिट्ठो ॥
 तीए वि नियं गेहं नीओ काऊण गरुय-सम्माणं ।
 विसय-सुहं सेवंतीइ तीइ धरिओ चिरं कालं ॥
 तस्स कए अन्नोन्नं दुन्नवि नारीउ ताउ कलहंति ।
 अह कहमवि पढमाए एसो निय-गेहमाणीओ ॥
 तस्स निसाए सुत्तस्स मत्थयं छिंदिऊण पट्टवियं ।
 गेहम्मि सबत्तीए परंपिया सा पुणो एवं ॥
 जइ तुह इमम्मि नेहो इमस्स ता मत्थएण सह कुणसु ।
 जलण-पवेसमहं पुण एयकबंधेण सह काहं ॥
 तो जलणम्मि पविट्ठाउ दोवि महिलाउ नेह-गहिलाओ ।
 अविमरिसिय-कारित्तं अकित्तिमं काम-विहुराण ॥
 तं असमंजसभायन्निऊण नागो भणेइ संबिग्गो ।
 इत्थीसु असंतोसो इमस्स जाओ मरण-हेऊ ॥
 तोऽहं संतोस-कए गेण्हामि परिग्गहस्स परिमाणं ।
 तं गेण्हइ सकलत्तां नागो गंतुं गुरु-समीवे ॥
 तप्पभिइ होइ नागो आजम्मं एग-दार-संतुट्ठो ।
 नागसिरी उण मणसावि कुणइ पर-पुरिस-परिहारं ॥
 जिण-भवण-पडिम-पूयाउ कारवइ पुत्थए लिहावेइ ।
 साहूण देइ दाणं सन्निज्झं कुणइ सड्ढाणं ॥
 एवं मुच्छा-रहिओ नागसिरीए पिथाइ सह नागो ।
 धम्मे धणं निजुंजइ खंडइ न परिग्गह-पमाणं ॥
 अन्न-दिणे आगंतुं नागं वागरइ वाणिओ एक्को ।
 तुह पिउ-दव्वं धेत्तुं पत्तो देसंतरम्मि अहं ॥
 तत्थेव ठिओ कारण-वसेण दव्वेण तेण तत्थ मए ।
 दव्वं बहुयसुवज्जियमिणिंह पुण आगओ इत्थ ॥

ता पिउ-दव्वं गिण्हसु तुमं इमं तो पर्यंपए नागो ।
 जइवि मह जणय-दव्वं तहावि गेण्हामि नाहमिणं ॥
 जं इमिणा गहिण्णं खंडिज्जइ मह परिग्गह-पमाणं ।
 तेण भणिओ वि पुण पुण जाव न गेण्हइ धणं नागो ॥
 ता रयण-भूसण-धरो तियसो होऊण सो भणइ एवं ।
 तुममेव नाग ! धन्नो पसंसिओ जो सुरिंदेण ॥
 नागो जंपइ कह तत्थ मह पसंसाइ अवसरो जाओ ।
 कहियं सुरेण एवं सक्कस्स सहा-निसन्नस्स ॥
 पय-पणमत्थमेक्को पत्तो तियसो इमस्स सीसाओ ।
 पडियं चूडारयणं तं गहियं अन्न-तियसेण ॥
 तो झत्ति कण्हराईए पविसणत्थं पलायमाणो सो ।
 वज्जेण हओ हरिणा सिरम्मि अन्नायकारि त्ति ॥
 तं कंदंतं दट्टुं मए हरी जंपिओ जइ सुरा वि ।
 लोभ-ग्गहेण गहिया गिण्हंति परस्स रयणाइं ॥
 ता मुत्तूण मुणिंदे नरलोए नत्थि कोवि निल्लोभो ।
 हरिणा भणियं चिट्ठइ सिरिनयरे सावगो नागो ॥
 निल्लोभ-चक्कवट्ठी जो सपरिग्गह-पमाण-भंग-भया ।
 तुह संतियं ति भणियं पि ढोइयं गिण्हइ न दव्वं ॥
 तं सोउं रयणसिहो सुरो अहं तुह परिकखण-निमित्तं ।
 इत्थागओम्हि हरिणा पसंसिओ भइ ! तुममेवं ॥
 भणियं सुरेण मह कहसु किं पि किच्चं करेभि जं तुज्झ ।
 नागेण जंपियं भइ ! नत्थि मह किं पि करणिज्जं ॥
 तियसो गओ सठाणं कालेण स-भारियाइ सह नागो ।
 स-परिग्गह-परिमाणं णिहोसं पालिऊण मओ ॥
 सोहम्मि संपत्तो तत्तो चविउं तुमं समुप्पन्नो ।
 नागसिरी तुज्झ पिया जाया नरनाह ! जयलच्छी ॥
 तो जाय-जाइसरणाइं दोवि जंपंति सच्चमेयं ति ।
 संवेग-परिगयाइं पुत्तं ठविऊण निय-रज्जे ॥
 सव्वं परिग्गहं वज्जिऊण गेण्हंति दोवि पव्वज्जं ।
 काऊण तवं तिव्वं गयाइं सग्गं च मोक्खं च ॥

इति परिग्रहपरिमाणे हरिविक्रमकथा ।

दससु दिसासुं जं सयल-सत्त-संताण-ताण-कय-मइणो ।
 गमण-परिमाण-करणं गुणव्वयं वित्ति तं पढमं ॥
 जीवो धणलोभ-ग्गह-गहिय-मणो जत्थ जत्थ संचरइ ।
 विद्दवइ पाणिणो तत्थ तत्थ तत्तायपिंडो व्व ॥
 संतोस-पहाण-मणो दिसासु जो कुणइ गमण-परिमाणं ।
 सो पावइ कल्लाणं इत्थवि जम्मे सुबंधु व्व ॥

तं जहा—

जंबू-जंबीर-कयंब-अंब-निउरंब-बंधुरारामा ।
 जंबुदीवे भरहे कोसंबी नाम अत्थि पुरी ॥
 पसरंत-परुप्पर-पणय-कलह-कोवेण अकय-जोगेण ।
 मिहुणाण कुणइ पीडं चंदो चिय जत्थ रयणीसु ॥
 तत्थासि वीरसेणो नरेसरो नीइ-कंदली-कंदो ।
 पणभिर-पत्थिव-मत्थय-कुसुमावलि-लीढ-पयवीढो ॥
 तस्सासि माणणिज्जो जिणदत्तो नाम सावओ सेट्ठी ।
 तस्स तणओ सुबंधू गहिय-कलो जुव्वणं पत्तो ॥
 रइ-सरिस्स-रुव-रेहं सुनंद-वणियस्स वसुमइं धूयं ।
 गुरु-विहव-वित्थरेणं पिउणा परिणाविओ एसो ॥
 घयवड-चवलत्तणओ समत्त-भावाण भव-समुत्थाण ।
 पंच-नमोक्कार-परो पंचत्तमुवागओ सेट्ठी ॥
 जह वचइ किरण-गणो अत्थमपंतेण सह दिणंदेण ।
 तह अत्थमिओ अत्थो जणएण समं सुबंधुत्स ॥
 धण-वज्जिओ सुबंधू बंधुयणस्स वि असम्मओ जाओ ।
 सो चेव पिओ पायं जणस्स जं सेवए लच्छी ॥
 अह अन्नया पयट्ठो विउत्त-जण-मीण-हणण-केवट्ठो ।
 कय-तरुण-मण-प्पमओ महुसमओ मयण-दप्पमओ ॥

नचंत-रमणि-कंकण-कलाव

कल-सह-पवोहिय-कुसुम-चाव ।

अच्छेरय-रंजिय-तरुण-सत्थ

सुर-घरिहिं हुंति रहजत्त जत्थ ॥

जहिं कुसुम-गंध-लुद्धालि-जाल-

रव-भरिय-सयल-दिस-चक्रवाल ।
 नीसेस-जगत्तय-विजय-सज्जु
 जंपंति व मयण-नरिंद-रज्जु ॥
 जहिं रत्त-सहहिं कुसुमिय-पलास
 नं फुट्टए पहिय-गण-हिययमास ।
 सहयारिहि रेहहि मंजरीओ
 नं मयण-जलण-जालावलीओ ॥
 जहिं मलय-समीरण-हृत्तिरेहिं
 नं नचइ लय-पल्लव-करेहिं ।
 परहुय-रखु पसरइ काणणेसु
 नं माणिणि-मय-चाओवएसु ॥

इय मयण-महा-महि-लोय-सहावहि भुवणि पयट्टइ महु समइ ।
 कय इत्थी-सत्थिहिं अत्थ-समत्थिहिं कीलण-धुवण-गमणमइ ॥
 अधण त्ति वसुमई पुण पारद्धा रोविउं विसन्न-मणा ।
 किं रोयसि त्ति पुट्टा सुबंधुणा तीइ कहियमिणं ॥
 वर-वत्थ-नियत्थाओ रयणालंकार-मंडियंगीओ ।
 अन्न-रमणीओ माणांति अज्ज मयणूसवं नाह ! ॥
 अणलंक्रिया कुवत्था अहं तु लज्जामि ताण मज्झम्मि ।
 तत्तो करेमि कहसूसवं ति रोयामि दीण-मणा ॥
 तत्तो सुबंधुणा सा भणिया मह परिभवो पिए एसो ।
 संपइ तुमं परिचय संतावं धरसु धीरत्तं ॥
 विवरं पि पविसिउं रोहणं पि खणिउं नहं पि आरुहियं ।
 जलहिं पि लंघिउं भमडियं च देसंतराहं पि ॥
 विडविय-वहूय-विहवो मणोरहा पूरणं तुह करिस्सं ।
 किं तेण जीविण हि उवजुज्जइ जं न पियकज्जे ॥
 इय भणिऊण पहाए सुबंधुणा निग्गएण गेहाओ ।
 पुर-परिसरम्मि दिट्ठो मणपज्जव-संगओ समणो ॥
 धम्म-कहं कुणमाणं जणाण तं पणमिउं सुबंधू वि ।
 तस्स पुरओ निसल्लो कयंजली वोत्तुमाहत्तो ॥
 भयवं ! किं ते वेरग्ग-कारणं जेण जुव्वण-भरे वि ।

मणहर-मुक्ती वि तुमं पडिवन्नो दुक्करं दिक्खं ॥
 मुणिणा भणियं सुण, इत्थ आसि नयरे गुणंधरो वणिओ ।
 वरुण त्ति तस्स जगणी कुडिल-मणा गोमई गिहिणी ॥
 न सुहाइ गोमईए सासू तो चित्तए वहू एवं ।
 को सो होज्ज उवाओ जेण इमं नेमि पंचत्तं ॥
 पइ-पुरओ जंपइ सासुयाइ दोसे वहू असंते वि ।
 सो पियइ पाणियं तेत्तियं जेत्तियं भणइ घरिणी ॥
 भणिओ सो जणणीए जणणिं दुलह त्ति मावमन्नेसु ।
 सो मग्गइ दोवि धणेण लहइ घरणिं न उण जणणिं ॥
 तह वि न मन्नइ जणणिं गुणंधरो केवलं घरिणि-रत्तो ।
 भणिया जणणीए वहू विरमसु मह कड-गोहूमे ॥
 भणिउं वहू इमाए काउं बहु मोयगाइ-पक्कन्नं ।
 दाहं तुह गोहूमे पुत्तो कट्टाइं पुण दाही ॥
 कहियं पइणो तीए जणणी बुडु त्ति महइ कट्टाइं ।
 तेणुत्तं किमजुत्तं विणोसहं वाहि-विगमो त्ति ॥
 भणिया अणेण जणणी माए कट्टाइं मग्गसि तुमं किं ।
 कूडमिणं बहुयाए एवं होउ त्ति कलिऊण ॥
 सा भणइ वच्छ ! एवं अन्न-दिणे तेण घरिणि-सहिण्ण ।
 नीया जणणी पिउवणमत्थमिओ दिणयरो ताव ॥
 सेसो जणो नियत्तो इमेहिं दोहिं पि विरइया चियगा ।
 खित्ता य तत्थ जणणी तावग्गी नत्थि वीसरिओ ॥
 भणिया गुणंधरेणं गिहिणी गेहाउ अग्गिमाणेसु ।
 सा भणइ गिहं जंती इह चिहंती य वीहेमि ॥
 तो दोवि गयाइं गिहं मरामि किमहं ति चित्तिउं जणणी ।
 मुत्तूण चियं खिविउं अणाह-मडयं तहिं किं पि ॥
 सयमाख्खा रुक्खं गुणंधरो गोमई य आगंतुं ।
 दहिऊण चियं गेहं गयाइं दुत्तिवि पहिट्ठाइं ॥
 मणि-कणय-भूसणाइं मुसिऊण पुराउ आगया तत्थ ।
 चोरा दिव्व-वस्सेणं जणणी जत्थत्थि तरु-चडिया ॥
 ते विभजिउं पयटा भणिया जणणीइ देह भागं मे ।

नूनं इमा मसाणे रयणीए रक्त्वसी कावि ॥
 इय भय-विहुरा चोरा नट्टा मुत्तूण सव्वमाभरणं ।
 तं पुण गहिउं जणणी गया पभाए नियं गेहं ॥
 ददुं जणणिं पुत्तो वडू य दुन्निवि चमक्कियाइं मणे ।
 कहमागय त्ति पुट्टा सा विणय-पुरस्सरं तेहिं ॥
 तीए कहियं सग्गे गयम्हि तो विम्हिएहिं तियसेहिं ।
 दिन्नमिणं आहरणं तं वेत्तुं आगयाहमिमा ॥
 भणियं वडूइ माए तं धन्ना जं सुरेहिं गोरविया ।
 तीए बुत्तं थेवं गोरविया डोक्करि त्ति अहं ॥
 जइ छोक्करिं कहवि ते लहंति तो गोरवं कुणंति वहुं ।
 धण-लुट्टाए वडूइ भणियमहं तत्थ वच्चिस्सं ॥
 गहियग्गि-सासुयाए तह पइणा सह गया मसाणम्मि ।
 बहुया चियं पविट्टा दड्डा जलणेण झत्ति मया ॥
 लहु एही मज्झ पिय त्ति चिंतिरेणं गुणंधरेण पुणो ।
 पुण पुण भणिया जणणी आगच्छइ गोमई किं न ॥
 तीए भणियं मग्गेण तेण तुह वल्लहा गया वच्छ ! ।
 जेण पुणो न नियत्तइ अहं तु कत्थवि तया न गया ॥
 कहिओ निय-बुत्तंतो य तस्स तेणावि जंपिया जणणी ।
 तुमए कयमुच्चियमिणं सढे सढत्तं नहि अजुत्तं ॥
 लोभाउ धण-निमित्तं चलिया सग्गं पि गोमई मूढा ।
 पंचत्तं सा पत्ता तमेवमसमंजसं ददुं ॥
 वेरग्ग- मग्ग-लग्गो गुरु-पासे संजमं पवन्नो सो ।
 एसो सोहं तव-वस-पसरिय-मणपज्जव-न्नाणो ॥
 ता भो ! सुबंधु ! तुममवि विवर-पवेसाइणो वहु किलेसे ।
 काउं वंछसि धण-लोभ-परिगओ तं पुण न जुत्तं ॥
 देसंतराइं भमडउ पविसउ विवरम्मि लंघउ समुद्धं ।
 आरुहउ नहं तहवि हु न पावए किं पि निपुत्तो ॥
 तो संतोस-परेणं इह परलोए य कुसल-कामेण ।
 उड्डाहो-तिरिय-दिसासु गमण-माणं विहेयव्वं ॥
 तं सोऊण सुबंधू जंपइ धन्नो मुणिंद ! तुममेव ।

जो गोमईइ चरियं दहुं दिक्खं पवन्नोसि ॥
विसय-विवसो अहं पुण पवज्जं गिण्हिउं न सक्केमि ।
किंचि कय-कुसल-लाहं काहं दिसि-गमण-परिमाणं ॥
जोयणमेगं मुत्तुं उड्ड-दिसाए मए न गंतव्वं ।
आजम्ममहो-लोए विवर-पवेसो न कायव्वो ॥
तिरियं जलनिहि-तरणत्थमप्पणा पवहणे न चडियव्वं ।
निय-नयराओ जोयण-सयस्स परओ न गंतव्वं ॥
इय-दिसि-परिमाण-वयं मुणि-पय-मूले सुबंधुणा गहियं ॥
तो एसो विहवत्थी महीयलं भभिउमाढत्तो ॥
अगणिय-सरीर-डुक्खो बहु उवाए इमो कुणंतो वि ।
पत्तो न फलं जेणंतराय-विगमे हवइ सिद्धी ॥
गाम-नगरागराइसु भममाणेणं स-नियम-सीमंते ।
पत्तेण तेण चित्तियमओ परं मे न गंतव्वं ॥
एत्थंतरम्मि एसो भणिओ एक्केण जोगिणा एवं ।
भइ ! तुमं किं दिससि विसन्न-चित्तो व्व मे कहसु ॥
भणियं अपेण भयवं ! दारिहं मे विसाय-हेउ त्ति ।
तो जोगिण्ण वुत्तं मह आएसं जइ करेसि ॥
अंक-चडियं व दासिं विहेभि ता तुज्ज अणुचरिं लच्छि ।
भणियं सुबंधुणा कहसु मज्झ जं किं पि करणिज्जं ॥
अह जोइएण भणियं—इहत्थि पव्वय-तले विवरमेक्कं ।
तत्थत्थि जक्खिणी सा तुट्ठा घणमिच्छियं देइ ॥
तत्थ मए सह पविससु, सुबंधुणा जंपियं मए विहिओ ।
विवर-प्पवेस-नियमो जावज्जीवं गुरु-समीवे ॥
जोगी जंपइ—गिरिणो इमस्स दो जोयणाहं तुंगस्स ।
सिहरम्मि कूवियाए सहस्स-वेहो रसो अत्थि ॥
गिरिमारुहिउं तं दोवि गिण्हिमो तेण साहिमो कणगं ।
भणइ सुबंधू—उड्डं जोयण-परओ मह निचित्ती ॥
जोगी जंपइ—पवहणमारुहिउं जलहि-पर-तडं जामो ।
तत्थ खणिऊण रोहण-गिरिम्मि रयणाहं गिण्हेमो ॥
भणियं सुबंधुणा—पवहणम्मि चडिउं मए जलहि-तरणं ।

पुढ्वं पच्चकखायं, तो भणियं जोगिणा एवं ॥
 ठाणाउ इमाउ जोयणेहिं वारसहिं अत्थि वित्थिन्नं ।
 सूरपुरं नाम पुरं तत्थत्थि महाबलो जक्खो ॥
 सो मग्गिओ समप्पइ थेवेण कलंतरेण भूरि धणं ।
 गंतूण तत्थ ववहरसु तेण जेजेसरो होसि ॥
 भणियं अणेण—मह निय-पुराउ जोयण-सयं गमण-विसओ ।
 तं पुण्णमित्थ तत्तो अओ परं जामि न पयं पि ॥
 कुविएण व भणियं जोइएण जं जं उवायमक्खेमि ।
 तं तं तुमं निसेहसि अहो अहन्नोसि निब्भग्ग ! ॥
 भणियं सुबंधुणा तो पसिऊण सुणेह निच्छयं मज्झ ।
 नियमेण अभग्गेणं धणं न जइ होइ मा होउ ॥
 सुक्ख-निबंधुणु पंच-दिण धण-लडु अहिलसमाणु ।
 जम्म-परंपर-सुक्खकरु नियसु कु भंजइ जाणु ॥
 अह चरा-जोगि-ख्वो रवि-मंडल-भासुरो सुरो होउं ।
 सो जंपिउं पवत्तो तुमं महासत्त ! धन्नोसि ॥
 जम्मि समयम्मि तुमए मुणि-पय-मूले दिसि-व्वयं गहियं ।
 जक्खो गोसुह-नामो अहं पि तत्थेव आसि तथा ॥
 किं अच्चत्थ-धणत्थी निय-नियमं पालिही नवा एसो ।
 इय चिंतिऊण विहिया मए परिक्खा इमा तुज्झ ॥
 तो अविचलेण सत्तेण तुज्झ तुट्ठो अहं इमं देमि ।
 कणयस्स लक्खामिक्कं गिण्ह तुमं जंपइ सुबंधू ॥
 कह नेमि नियय-गेहं इक्कोहं कंचणं इमं जक्ख ! ।
 तो जक्खेणुक्खिचिउं खणेण सो निय-वरं नीओ ॥
 कणं समप्पिउं से जामि त्ति पयंपियं गओ जक्खो ।
 विम्हिय-मणो सुबंधू दट्ठुं धम्म-प्पभावमिणं ॥
 पुज्जइ जिणं तिसंझं मुणीण दाणं निरंतरं देइ ।
 सयल-सुहि-सयण-मग्गण-मणोरहापूरणं कुण्ह ॥
 इय दिसि-परिमाण-वयस्स पेक्खिउं सो इहावि माहप्पं ।
 सेसाइं पि वयाइं गुरु-पय-मूलम्मि पडिबत्तो ॥
 पज्जंत-कयाणसणो चित्तव्भंतर-फुरंत-परमेट्ठी ।

मरिचं गओ सुबंधू सगं च कमेण मोक्खं च ॥

इति दिग्ब्रते सुबन्धुकथा ।

धीयं गुण-व्ययं पुण भोयणओ कम्मओ य होइ दुहा ।

तं भोयणओ भोगोवभोग-माणं विहेयव्वं ॥

सइ भुज्जइ त्ति भोगो सो पुण आहार-पुप्फमाईओ ।

उवभोगो य पुणो पुण उवभुज्जइ भुवण-विलयाई ॥

असणस्स खाइमस्स य विरइं कुज्जा निसाइ जा जीवं ।

मुहु-मज्ज-मंस-भक्खण-पमुहाण य सव्वहा नियमं ॥

पनरस-कम्मादाणाइं कोट्टवालाइणो नियोगा य ।

तं कम्मओ पणीयं तत्थ करिज्जा बुहो जयणं ॥

पुरुषः पालयन् भोगोपभोगव्रतमादृतः ।

जयद्रथ इवाभीष्टं लभतेऽत्रापि जन्मनि ॥

तद्यथा भारतक्षोणीरमणीमणिकङ्कणम् ।

सुवर्णनिकराकीर्णमस्तिरत्नपुरं पुरम् ॥

यत्र त्रासः कुमणिवु सरोगत्वमम्भोजखण्डे

दण्डच्छत्रेष्वलिकफलकेऽलीकशब्दप्रवृत्तिः ।

चन्द्रापत्ये विधुतनयता मारवाक् पुष्पचापे

नद्यां रोधस्तरुषु कलिकोपक्रमो न प्रजासु ॥

तस्मिन् घनरथो राजा रणे यत्तरवारिणा ।

कृतवैरियशोहंसप्रवासेन घनाधितम् ॥

तस्य काञ्चनगौरस्य श्रीदेवी नाम देव्यभूत् ।

विष्णुं कृष्ण इति त्यक्त्वा या बभौ श्रीरिवागता ॥

तया सार्धं स भुञ्जानो भोगान् शच्येव वासवः ।

निर्भरानन्दनिर्मग्नो गमयामास वासरान् ॥

अन्यदा सुपुत्रे पुत्रं श्रीदेवी दिव्यदर्शनम् ।

तस्य ऋद्ध्या नृपो नाम जयद्रथ इति व्यधात् ॥

पारीणः सर्वशास्त्राणां धुरीणः सर्वशस्त्रिणाम् ।

क्रमेण वर्द्धमानोऽसावजनिष्ट जयद्रथः ॥

स स्त्रीनेत्रमृगक्रीडावनं यातेऽपि यौवनम् ।

नादध्रे भूभुजां पुत्रीः परिणेतुसुपस्थिताः ॥

कदाचिद्राजपुत्रोऽसौ पुत्रजन्ममहोत्सवे ।
 मन्त्रिणा मन्त्रगुप्तेन भोजनार्थं न्यमन्वयत ॥
 समये तद्गृहं गत्वा स सर्वरसपेशलाम् ।
 भोक्तुं रसवतीं यावत् निषण्णः कनकासने ॥
 तावत्तत्र मुनिः कश्चिन् मासक्षपणपारणे ।
 भिक्षार्थं क्षमिणां धुर्यो धर्मो मूर्त्त इवागमत् ॥
 तं दृष्ट्वेन्दुभिवोदुन्वान् समुल्लासमुपागतः ।
 तस्मै निष्पापमाहारं मन्त्री पुण्यमतिर्ददौ ॥
 मांसानि घोलवटकानन्तकायानि चोत्क्षिपन् ।
 दातुं दत्तावधानेन साधुना स न्यपिध्यत ॥
 मन्त्रिणा प्रणतः साधुर्निर्गतः स्वाश्रयं ययौ ।
 कुमारो भोजनं कृत्वा मन्त्रिणं पृष्ठवानिदम् ॥
 मांसादीन्यग्रहीथन्न मुनिः किं तत्र कारणम् ।
 मन्त्र्यूचे देव ! नो वेद्मि न चाप्राक्ष्यं मुनिं तदा ॥
 यद्येषि त्वं तदा गत्वा पृच्छामः साम्प्रतं मुनिम् ।
 कुमारोऽवोचदीदृक्षा द्रष्टव्याः परमर्षयः ॥
 इत्युक्त्वा मन्त्रिणा सार्धं स मुनेराश्रमं ययौ ।
 मुनिं नत्वा पुरस्तस्य प्राञ्जलिर्निषसाद् च ॥
 साधुरुग्रभवदावसमुत्थं विप्लवं प्रशमयंस्तनुभाजाम् ।
 कर्तुमारभत मन्द्रनिनादो देशानामृतवृष्टिमिवाब्दः ॥
 आर्यदेशकुलरूपबलायुर्बुद्धिवन्द्युरमवाप्य नरत्वम् ।
 धर्मकर्म न करोति जडो यः पोतमुज्झति पयोधिगतः सः ॥

कुमारोऽवसरेऽपृच्छत् किं त्वं मन्त्रिगृहं गतः ।
 मांसादीन्यतिदृष्ट्यानि दीयमानानि नाग्रहीः ॥
 मुनिनोक्तं कुमारास्तां मुनीनां गृहिणामपि ।
 जिनैर्निषिद्धं मांसादि व्रते भोगोपभोगयोः ॥
 कुमारोऽवोचदाचक्ष्व मुने ! तत्कीदृशं व्रतम् ।
 भोगोपभोगयोः सर्वं स्वरूपं तस्यास्तावन्नवीत् ॥
 ततोऽसौ भोगयोग्यानां वस्तूनामकरोन्मितम् ।
 तत्याजाजन्म भोगार्थं रात्रावशनखादिमे ॥

मधुमांससुरादीनां नित्यं विरतिमग्रहीत् ।
 उपभोगार्हवस्तूनां मानं कुर्वन्नसौ पुनः ॥
 एकैव स्त्री ममाजन्म भोग्येति प्रत्यपद्यत ।
 जगृहे गृहिणां धर्मो मन्त्रिणा साधुसन्निधौ ॥
 उभावपि मुनिं नत्वा सद्दर्शप्रतिपत्तिः ।
 धन्यं मन्यौ सुदापूर्णां स्वं स्वं गेहमगच्छताम् ॥
 अथ रात्रौ पितुः पादान् पर्युपास्य जयद्रथः ।
 अङ्गरक्षपरिक्षितः प्रसुप्तः स्वनिकेतने ॥
 अरे ! गृहीत गृहीत हेति हत हतेति सः ।
 जल्पन्निशीथे पल्यङ्गादाकर्षन् खड्गमुत्थितः ॥
 तस्यैवं शब्दमाकर्ण्य पश्यद्भिः पत्तिभिर्दिशः ।
 ददृशे केसरी साक्षात् कृतान्त इव भीषणः ॥
 निजाङ्गमृगनिर्भेदभीतेन प्राभृतीकृताः ।
 कला इव मृगाङ्गेण यो दंष्ट्राः कुटिला ददौ ॥
 हस्तिभ्रान्त्याहतान्मेघादासैरिव तडिद्गुणैः ।
 कडारैः केसरैः कीर्णं स्कन्धदेशमुवाह यः ॥
 तं हन्तुं पत्तयो यावत् करवालानुदक्षिपन् ।
 निश्चक्राम मृगारातिस्तावत्तूर्णपदक्रमः ॥
 पत्तिभिर्वार्यमाणोऽपि कुमारस्तस्य पृष्ठतः ।
 ययौ शीघ्रमुभौ प्राप्तौ पुरप्राकारसंनिधिम् ॥
 वप्रं बद्धप्रतौलीकं ललङ्घे फालया हरिः ।
 विद्युदुत्क्षिप्तनाम्नाऽऽशुकरणेन नृपात्मजः ॥
 प्राकारलङ्घनाशक्ता निवृत्ताः पत्तयः पुनः ।
 अमुं कुमारवृत्तान्तं जवाद्राज्ञे व्यजिज्ञपत् ॥
 कुमारान्वेषणं कर्तुं शोकमस्तोकमुब्रहन् ।
 चतुरङ्गचमूयुक्तः क्षमापतिर्निर्गद् गृहात् ॥
 कुमारपदचिह्नेन पथा गच्छन्वहिः पुरात् ।
 वैरोढ्या भवनेऽद्राक्षीत् कुमारं पतितं नृपः ॥
 भूपः समुच्छलन्मूर्च्छासमुच्छादितचेतनम् ।
 सद्यः शीतोपचारेण किञ्चित् स्वस्थीचकार तम् ॥

जगाद् च निवर्तस्व वत्स ! यामो निजं गृहम् ।

सोऽवदञ्जीवितं धर्तुं नाहं क्षणमपि क्षमः ॥

किं नीतेन मया तस्मात्स्वामिन्नत्रैव पावकम् ।

प्रवेक्ष्यामि पुरो देव्यास्ततो रचय मे चिताम् ॥

को हेतुर्जीवितं धर्तुं न क्षमोऽसीति जल्पितः ।

मुहुः पित्रा कुमारोऽभून्नपयाऽवनताननः ॥

हियाऽसौ कारणं वक्तुं न शक्त इति चिन्तयन् ।

कथयास्मै स्वमित्रायेत्यूचे राजा जयद्रथम् ॥

सोऽवोचच्छ्रूयतां मित्र ! निशीथे जाग्रता मया ।

दृष्टाऽद्य पुरतो बाला काचिल्लोचनरोचना ॥

शरच्चन्द्राम्भोजोत्पलकलशकुन्दप्रभृतयो

भजन्ते येऽन्यस्त्रीवपुरवयवानामुपमितिम् ।

त एवास्यास्तेषां निखिलभुवनासम्भवरूपां

पुरस्ताद्दिन्यस्ता दधति नियतं किङ्करकलाम् ॥

विवृत्तशफराङ्गनालवणिमानभातन्वती-

स्तथा मयि मुमोच सा सरभसं कटाक्षच्छटाः ।

विजृम्भितरतिभ्रमो रतिपतिर्शुहुर्ना हृदि

कुथेव निशितैः शरैः प्रववृते प्रहर्तुं यथा ॥

कथय कमलवक्त्रे ! का त्वमत्रागता वा

किमिति मृदुवचोभिर्वच्यहं यावदेताम् ।

निभृतपदमक्रस्मादेत्य सिंहेन तावत्

झगिति कवलितैषा राहुणेवेन्दुलेखा ॥

तद्व्यर्थं गृहीतासिरुत्थितोऽहं स निर्गतः ।

तस्याहं पृष्ठतो लग्नः सोत्रागत्य गतः क्वचित् ॥

स्त्रियास्तस्या विपत्तिर्मे जीवितत्यागकारणम् ।

कथितस्तेन मित्रेण वृत्तान्तोऽयं महीभृतः ॥

राज्ञोक्तं सा विपत्तेति विषादं वत्स ! मा कृथाः ।

यदन्या अपि विद्यन्ते भूपकन्या मनोहराः ॥

किं च लज्जावहं बहिःप्रवेशात्सद्रहं त्यज ।

युक्तो नात्मबधः कर्तुं स्त्रीकृते कृतिनां यतः ॥

स्त्रीसिंहदर्शनं रात्रौ मायाप्येषा वितर्क्यते ।
 दुर्घटस्तत्प्रवेशो हि मन्दिरे पत्तिभिर्वृते ॥
 तदागच्छ गृहं वत्स ! मावधीर्मां स्वन्त्युना ।
 जायन्ते जीवतः पुंसः कल्याणान्यखिलानि हि ॥
 सोऽवोचत्सम्भवत्येषा तात ! मायापि किं त्विमम् ।
 घृत्तान्तं देवतां पृष्ट्वा करिष्ये यदिहोचितम् ॥
 कुरु प्रसादमत्रार्थं विघ्नं मे तात ! मा कृथाः ।
 इत्युक्त्वा पुरतो देव्या निपपात जयद्रथः ॥
 प्रधानपुरुषान् मुक्त्वा तत्पार्श्वेऽगाढृपो गृहम् ।
 किमन्यच्छक्यते कर्तुं मानुषे हि दृढाग्रहे ॥
 सत्त्वाधारं निराहारं कुमारं कृतनिश्चयम् ।
 सप्तमाहर्निशि प्रोचे प्रत्यक्षीभूय देवता ॥
 भोः ! कुमार ! किमर्थं मानाराधयसि ?, सोऽब्रवीत् ।
 देवि ! स्त्रीसिंहघृत्तान्तं वद मे, देव्यचीकथत् ॥
 अस्ति स्वस्तिमती नाम पुरी पारेपरेऽम्बुधेः ।
 योजनानां सहस्राणि सा बहूनि भवत्यतः ॥
 तां प्रशास्ति नृपः शूरो राजराज इवालकाम् ।
 न्यायविक्रमधर्माणामेको यः केलिमन्दिरम् ॥
 तस्यास्ति विजयादेवी स्मरस्येव रतिः प्रिया ।
 सा रूपनिर्जितश्रीकां श्रीमतीं सुषुवे सुताम् ॥
 सा क्रमादक्रमाधीतकला प्राप्तापि यौवनम् ।
 पुरुषद्वेषिणी केनाप्युद्धाहं सह नेच्छति ॥
 ततश्चिन्ताब्धिनिर्मग्नो यावदस्ति धराधिपः ।
 तावन्नैमित्तिकः कश्चिदागमद् व्योमवर्त्मना ॥
 तं निवेश्यासने हैमे सत्कृत्य च नृपोऽब्रवीत् ।
 श्रीमत्या मत्सुतायाः को भावी भर्तॄन्ति कथ्यताम् ॥
 सोऽप्युवाच सहस्रेषु योजनानां बहुष्वितः ।
 पुरन्दरपुरप्रख्यमस्ति रत्नपुरं पुरम् ॥
 तस्मिन् घनरथो राजा तस्य स्रजुर्जयद्रथः ।
 सोऽस्याः पूर्वभवे भर्ता स एव स्यादिहापि च ॥

किंत्वेतयोर्विधाहेच्छा स्यात्परस्परदर्शने ।
 राज्ञोक्तमनयोस्तत्त्यादियद्दरस्थयोः कथम् ॥
 अथैव निशि कुप्पाण्डी देवी तत्कारयिष्यति ।
 द्वादशेऽहि विवाहं च तदाराधय तां नृप ! ॥
 इत्युक्त्वाऽगात्रिमित्तज्ञो राज्ञाऽऽराध्यत देवता ।
 प्रत्यक्षीभूय साऽबोचत् किं कार्यं नृप !, सोऽबदत् ॥
 जयद्रथकुमारस्य श्रीमत्याश्च परस्परम् ।
 यथा स्यादर्शनं देवि ! तथा मे कुर्वन्नुग्रहम् ॥
 स्ववाहनहरिर्देव्या नियुक्तः श्रीमतीभिह ।
 आनीय दर्शयित्वा त्वां पुनस्तत्रैव नीतवान् ॥
 इति स्त्रीसिंहपृत्तान्तः कुमार ! कथितस्तव ।
 तेनोक्तं देवि ! तत्राहं यथा यामि तथा कुरु ॥
 मांसं सजर्ण्य वैरोढ्या प्रोचे शुद्ध्व झटित्यदः ।
 नभोगमनसामर्थ्यं येन स्यादद्भुतं तव ॥
 सोऽबदद्देवि ! मांसस्य प्रत्याख्यानमहं व्यधाम् ।
 देव्योक्तमधुनैवेदं तहि भक्षय दाडिमम् ॥
 अस्य प्रभावायेन त्वं तत्र गत्वा निवर्तसे ।
 तेनोक्तं कथमग्नीदं बिरतो रात्रीभोजनात् ॥
 दिव्यकन्यां पुरस्कृत्य कुमारं देवताऽबदत् ।
 एतामुग्रह येन स्यास्त्वं खेचरशिरोमणिः ॥
 तेनोचे भैवमादिक्षः कन्यां यद्युग्रहाम्यहम् ।
 श्रीमत्युग्राहवाञ्छा मे व्रतभङ्गाय जायते ॥
 एकैव ह्यस्तु मे पत्नीत्युपभोगव्रतं व्यधाम् ।
 ततः क्रुधेव वैरोढ्या वस्तुमेवं प्रचक्रमे ॥
 न करोषि ममादेशं स्वार्थमर्थयसे च यत् ।
 तन्मूर्खोऽसि प्रभोर्यामः फलं कोऽप्यश्नुते नहि ॥
 तेनोक्तं देवि ! कुर्वेऽन्यहुःसाधमपि ते वचः ।
 व्रतभङ्गो पुनर्येन स्यान्न तत्कार्तुमुत्सहे ॥
 इत्यालोच्य व्रते दार्यं वैरोढ्या तुष्टमानसा ।
 कुमारस्यार्पयामास गुटिके द्वे जगाद् च ॥

करिष्यति मुखे क्षिता तवैका व्योमगामिताम् ।
 द्वितीया त्वीप्सितं रूपमित्युक्त्वा देवता ययौ ॥
 कुमारः पश्यतां पुंसां गुटिकायाः प्रभावतः ।
 उत्पत्य क्षणमात्रेण पुरीं स्वस्तिमतीमगात् ॥
 श्रीपुञ्जश्रेष्ठिनो हृद्दे निपसाद जयद्रथः ।
 पृष्टस्तेन कुतः को वा त्वं महात्मन्निहागतः ? ॥
 कुमारो जल्पतिस्मात्र प्राप्तो रत्नपुरादहम् ।
 कौतुकेन भुवं आम्यन् राजपुत्रो जयद्रथः ॥
 स्थातव्यं मद्गृहे भद्र ! पितुर्गृह इव त्वया ।
 इत्युक्त्वा तं गृहे नीत्वा श्रेष्ठी स्वानाचकारयत् ॥
 तद्रूपालापशीलाचैः कुटुम्बं श्रेष्ठिनोर्व्यधात् ।
 कुमारे तत्क्षणात्प्रीतिः गुणाः प्रेम्णो हि कारणम् ॥
 श्रेष्ठिपुत्री विशेषेण स्वसेव प्रीतिमत्यभूत् ।
 द्वितीयेऽहि कुमारेण सा पृष्टा सादरं प्रगे ॥
 स्वसः ! किमद्य राज्ञौ त्वं न दृष्टाऽथ जगाद सा ।
 ममास्ति श्रीमती नाम भ्रातर्युपसुता सखी ॥
 तत्पार्श्वेऽहं स्थिता राज्ञौ, सोऽवोचन्नय तत्र माम् ।
 साऽवदद्रीक्षते नैषा पुरुषद्वेषिणी नरम् ॥
 तेनोक्तं रमणीरूपं करिष्ये साऽभ्यधात्ततः ।
 एवमस्त्विति तत् कृत्वा सोऽगात् तत्र तथा समम् ॥
 उवाच श्रीमती केयं सखि ! श्रेष्ठिसुताऽवदत् ।
 मत्सखीयं कलास्तस्याः कापीत्यूचे नृपात्मजा ॥
 श्रेष्ठिपुत्री जगादैवं वेत्त्येषा सकलाः कलाः ।
 तदा च श्रीमती हंसीं विपुक्तां फलकेऽलिखत् ॥
 तां जयद्रथ इत्यूचे त्वया विरहपीडिता ।
 लिखितेयं परं नास्यास्तादृग् दृष्टयादि दृश्यते ॥
 तर्हि त्वमालिखेत्युक्त्वा फलकं वर्णकैः सह ।
 जयद्रथकुमाराय राजपुत्री समर्पयत् ॥
 लिखित्वा तादृशीं सद्यो राजहंसीं जयद्रथः ।
 श्रीमत्यै दर्शयामास तां सा दृष्ट्वैवमब्रवीत् ॥

आश्चर्यं चित्रचातुर्यं चित्ताभिप्रायसूचकम् ।
 तथा ह्यस्या दृशोर्युग्मं वाष्पविन्दूनि च क्षरत् ॥
 प्रप्लानमाननं चञ्चूः शिथिलात्तनृणालिका ।
 ग्रीवाऽतीव श्लथा पक्षबन्धमुत्पतनाक्षमम् ॥
 शून्यं चेदमवास्थानमवस्थां विरहातुराम् ।
 आख्याति व्यस्तमेतस्या अनाख्यातामपि स्वयम् ॥
 कलाविदीदृशी कस्मादियत्कालं सखि ! त्वया ।
 नानीतेयं गृहे क्षिप्त्वा निधानमिव किं घृता ॥
 इत्यादिभिर्विनोदैस्तास्तस्युः प्रीतिपराश्रिरम् ।
 श्रेष्ठिपुत्री कुमारश्च भोक्तुं स्वं सन्न जग्मतुः ॥
 (ततः स्वं सदनं गत्वा विलम्ब्य च कियच्चिरं ॥ —पाठान्तरम्)
 मध्याह्नेऽगमदेकाकी स्त्रीरूपेण जयद्रथः ।
 श्रीमत्याः पार्श्वमालापैः क्षणं नीत्वा जगाद् ताम् ॥
 रमणी रमणीयाऽपि विना पतिपरिग्रहम् ।
 ऋते सुवर्णसस्वन्धं मणीव न विराजते ॥
 ततः कञ्चिज्जगन्नेत्रानन्दनं नृपनन्दनम् ।
 विशालकुलसम्भूतं परिणेतुं त्वमर्हसि ॥
 राजपुत्री जगादैयं पूर्वं रूपादिभिर्गुणैः ।
 आत्मनुल्यमपश्यन्ती मर्त्यं कसपि नाश्रयम् ॥
 पञ्चाक्षैमित्तिकादिष्टदेवताराधनावशात् ।
 स मयाऽदर्शि यच्चित्ते टङ्कोत्कीर्णं इव स्थितः ॥
 लोकोत्तरगुणाधारं दूरस्थमपि तं विना ।
 न शक्यमपि भर्तारं कर्तुमिच्छति मे मनः ॥
 उवाचैवं कुमारस्त्री यथैवं यौवनं तव ।
 भोगशून्यं वृथारण्ये मालत्या मुकुलं यथा ॥
 दविष्टः स यतस्तस्य पक्षौ नोत्पतनक्षमौ ।
 न नभोगामिनी विद्या कथं स्यात्तेन सङ्गमः ॥
 बल्लभे दुर्लभे सुधु ! कुरुष्वान्यमपि प्रियम् ।
 किं हि शाल्योदनालाभे भुज्यते न युगंधरी ॥
 वभापे श्रीमत्या न पतिमुचितं यद्यपि लभे

तथाप्यन्यं कर्तुं कथमपि न मे वाञ्छति मनः ।
 क्वचित् किं न प्राप्तं श्रवणपथमाख्यानकामिदं
 वरं शून्या शाला भवतु न पुनस्तस्करभृता ॥
 तथा देव्या विवाहो मे कथितो द्वादशे दिने ।
 दशाहानि गतान्यद्य द्वे दिने तिष्ठतोऽधुना ॥
 तयोर्मध्ये विवाहार्थं ध्रुवमेप्यति मे प्रियः ।
 सत्या हि देवतावाणी वामं स्फुरति चाक्षि मे ॥
 ममाङ्गं त्वत्करस्पर्शात् किं च रोमाश्चमञ्चति ।
 त्वद्भ्रकदर्शनादन्यत्कामयेते न लोचने ॥
 त्वद्वाक्येनामृतेनेव सिक्तमुज्जृम्भते मनः ।
 तदहं तर्कयान्येवं स्त्रीरूपेण त्वमेव सः ॥
 तं किं प्रत्यभिजानासि त्वमित्याख्यजयद्रथः ।
 हसित्वा श्रीमती प्रोचे किमत्रार्थेऽपि संशयः ॥
 कृष्ट्वाऽसौ गुटिकां वक्त्राज्जातः सहजरूपभृत् ।
 तं दृष्ट्वा विकसचक्षुः श्रीमती विस्मिताऽचदत् ॥
 अद्य पुण्यदृमो नाथ ! फलितो मे त्वदागमात् ।
 त्वग्निमित्तमित्कालं धृताः प्राणाः कुरुचितम् ॥
 किन्तु त्वं कथमायातस्तत्र हेतुं जयद्रथः ।
 देव्याराधनमाख्याय जगाम श्रेष्ठिमन्दिरम् ॥
 राजा विदितवृत्तान्तो द्वितीयेऽह्नि जयद्रथम् ।
 गौर्यैव हिमवानीशं श्रीमत्या पर्यणाययत् ॥
 दिनानि कतिचित्तत्र स्थित्वा प्रीतिपुरस्सरम् ।
 गृहीत्वा श्वसुरानुज्ञां श्रीमतीं च जयद्रथः ॥
 गुटिकायाः प्रभावेण व्योम्ना स्वपुरमगमत् ।
 परितोषं परं पित्रोः शुचाविधुरयोर्व्यध्यात् ॥
 इति घनरथ-पुत्रः प्राप भोगोपभोग-
 व्रतविरचितचित्तश्चिन्तितं वस्त्वहापि ।
 अयमधिगतमर्त्यामर्त्यशर्मा क्रमेण
 द्युदितसकलकर्मा लप्स्यते मोक्षलक्ष्मीम् ॥
 इति भोगोपभोगव्रते जयद्रथकथा ॥

दोस-भुयंग-करंडो अणत्थ-दंडो अणत्थ-हुमसंडो ।
 जं तस्स विरमणत्थं तं वसंति गुण-व्वयं तह्यं ॥
 तणु-सयण-घराईणं अत्थे जं जंतु-पीडणं दंडो ।
 सो होइ अत्थ-दंडो अणत्थ-दंडो उ विवरीओ ॥
 पावोवएस-अवज्झाण-हिंस-दाण-प्पमाय-भेएहिं ।
 चउहा अणत्थ-दंडो अणंत-नाणीहिं निदिट्ठो ॥
 करिसण-वणिज्ज-हय-वसण-छेय-गोदमण-पसुह-पावाण ।
 जो उवएसो कीरइ परस्स पावोवएसो सो ॥
 वरिसंतु घणा मा वा, मरंतु रिउणो, अहं निवो होज्ज ।
 सो जिणउ, परो भज्जउ, एवं चितणज्जवज्झाणं ॥
 हल-भुसलुक्खल-सगडग्गि-खग्ग-धणु-वाण-परसु-पसुहाणं ।
 हिंसा-निबंधणाणं समप्पणं हिंसदाणमिणं ॥
 जं मज्ज-विसय-विकहाइ-सेवणं पंचहा प्रमाओ सो ।
 अह व वय-हुद्ध-तेल्लाइ-भायण-च्छायणालस्सं ॥
 कय-परपीडमसंबद्ध-भासणं वज्जरंति मोहरिअं ।
 तं पुण अणत्थ-दंडस्स पढमजंगं ति मोत्तव्वं ॥
 होइ वयणं सुयंधं महुरो सद्दो तह त्ति जं भणियं ।
 आणं कुणंति त्तियसावि तस्स जो चयइ मुहरत्तं ॥
 वज्जिय-अणत्थ-दंडो खंदो जाओ निवो पुरिस-चंदो ।
 मोहरियं काउं किंचि रुद्ध-जीवो दुहं पत्तो ॥

तं जहा—

अत्थि अंग-जणवयावयंस-कप्पा चंपा नयरी ।
 बहु-पोय-वाणियाणीय-रयण-लोभेण आगओ जलही ।
 पाथार-हय-पवेसो रेहइ परिहा-भिसेण जहिं ॥
 तत्थ ससुल्लसिय-लोय-लोयणाणंदो कुरुचंदो राया ।
 रिउ-रमणी-आणण-काणणेसु विलसंत-पत्तवल्लीओ ।
 नीयाउ खयं तरवारि-वारिणा जस्स अच्छरियं ॥
 तस्स सयलंतेउर-तिलय-कप्पा वप्पा देवी ।
 जीए सरीर-लच्छि नियच्छिउं अत्थि अच्छरिय-भूयं ।
 अच्छंति अच्छराओ समच्छराउ व्व छप्पाओ ॥

तीए पडिपुन-चंद-सुविणय-सूइओ ससुप्पन्नो पुत्तो । कयं रत्ता गरु-
य-रिद्धिए वद्धावणयं । सुविणाणुसारेण निम्मियं से पुरिसचंदो त्ति नामं ।
सो पइदिणं पवड्डुमाणो कमेण कय-जणाणंदो चंदो व्व जाओ सयल-कला-
कलाव-कुसलो । पत्तो पगरिसं गीय-कलाए । पवन्नो मणुन-लावन्न-पुनं ता-
रुनं । अन्नया पयट्ठो वसंत-सजओ ।

जस्सि दाहिण-मारुओ पसरए कामानलुदीवणो

देहं चचइ चंदणेण घुसिणं मुत्तूण इत्थी-यणो ।

हेमालंकरणो व्व मंजरि-जुओ चूओफ़रो छज्जए

माणं माणवईण कोइल-रवो निव्वासए सव्वओ ॥

तत्थ विसेसुज्जल-नेवत्थ-सच्छाय-काय-च्छवीहिं वयंसएहिं परिगओ

गओ कुमारो मणोरमुज्जाणं । पयट्ठो विविह-विणोएहिं कीलिडं ।

मुत्तुं तरु-कुसुमाइं अदव्वभ-सोरव्वभ-वासिय-दियंतं ।

सुह-पवण-परिमलमणुसरंति भमरा कुमारस्स ॥

अह कोडणेण कुमरो किंनर-सर-सुंदरेण सहेण ।

अन्नन्न-वन्न-संदोह-संगयं गायए गीयं ॥

तं गीयं गायंतं दट्ठुं पप्फुल्ल-लोयणो लोओ ।

मन्नइ अमय-रसेण व सित्तं सव्वंगमप्पाणं ॥

कुमरो मणहर-रुवो गीयं महुुर-स्सरेण गायंतो ।

कस्स न हरेइ चित्तं जहा सुवन्नं च सुरहिं च ॥

तस्स गुण-रयण-निहिणो अणन्न-सरिसेहिं रूव-गीएहिं ।

रमणीउ विसेसेणं अवहिय-हिययाउ जायाओ ॥

तो जत्थ जत्थ कुमरो परिसकइ तत्थ तत्थ तप्पभिइं ।

परिचत्त-सयल-कज्जंतराउ तरुणीउ धावंति ॥

इमं असमंजसं दट्ठूण विन्नत्तो नायरएहिं राया-देव ! जइवि निद्धोसो
कुमारो तहवि तग्गुणेहिं हय-हियओ नयर-नारीयणो न सम्मं वट्टेइ । ता तहा
क्कयव्वं देवेण जहा कुमारो भवणव्वंतरे चेव चिट्ठइ त्ति । तओ रत्ता भणिओ
सो—वच्छ ! वाहिं भमंतस्स कलव्भासो न होइ त्ति, गिहे चेव चिट्ठसु तुमं ।
तहेव तं काउमाढत्तो कुमारो । कयाए कत्तो वि निरोह-विमित्तनत्तणो कु-
णिऊण सिहो व्व पंजरत्थो एवं किचिरं चिट्ठिस्सामि त्ति थितंतो खग्ग-वीओ
निग्गओ नयराओ । परिव्वभंत्तो पत्तो पारियत्त-विसयं । ठिओ गाल-डेउले ।

एस्थंतरे अत्यंगयं गयण-लच्छि-भणि-कुंडलं मत्तंड-मंडलं । वियंभियं भमर-
माला-सामलं तिमिर-पडलं । दिट्टो कुमारेण नाइदूरे कणय-पुंजो व्व जलंतो
जलणो । गओ सो तत्थ कोउगेण । पेच्छए धाउं घम्मंते घाउवाइगे । पडउ
वसुहार त्ति जंपियं अणेण । तेहिं भणियं सागयं ति । उवविट्टो ताण समीवे
कुमरो । छुवो तेहिं जोगो सो कुमार-प्पभावेण वंतरेहिं न अवहरिओ त्ति
जाया कणग-सिद्धी ।

तो घाउवाइगेहिं विचिंतियं सुपुरिसस्स एयस्स ।
एस पभावो सिद्धं चिराउ जं कंचणं अज्ज ॥
गिण्हसु इमं ति भणिओ कुमरो कहिज्जण तेहिं सव्भावं ।
तं तेण ताण दिन्नं इमा उदारण जं पयई ॥
तेहिं उदारत्तणओ सुणिओ सो एस राय-पुत्तो त्ति ।
छन्नोवि परिमलेणं कहिज्जइ किं न कप्पूरो ॥
तो विन्नत्तो कुमरो इमेहिं अम्हाण देसु ओलग्गं ।
दिन्ना इमाण सा तेण ते वि उलग्गिउं लग्गा ॥
भणिया कुमरेण इमे इण्ह तुम्हाण किं किलेसेण ।
सोऊण पुरिसचंदं नरिदमिज्जह दुयं तुम्हे ॥
अह सो परिव्वभमंतो कमेण कंषिल्लमागओ नयरं ।
नय-रंजिय-जण-निवहो नराहिवो तस्स नरसीहो ॥
तस्स त्थि सुया सुर-सुंदरि व्व सोहग्गसुंदरी नाम ।
स्ववाइ-गुणव्वभहिया न खिवइ दिट्ठिं पुरिसमेत्ते ॥
लोयस्सि पुरिस-विदेसिणी त्ति तत्तो गया पसिद्धिं सा ।
तीइ गवक्ख-ठियाए दिट्टो कुमरो परिभमंतो ॥
पक्ख-कामदेवो इमो त्ति भत्तीइ रायपुत्तीए ।
तं अच्चिउं विसुक्का कुवलय-माल व्व निय-दिट्ठी ॥
कुमरेण वि सा दिट्ठा स्ववेण रह व्व विम्हिय-मणेण ।
तीए भावो धावीइ लक्खिओ संनिहि-ठियाए ॥
को कत्थ व एस ठिओ त्ति जाणगत्थं इमीइ निय-धूया ।
पट्टविद्या सोवि ठिओ देवउल-गवक्खगे गंतुं ॥
अनीहमानोऽपि वलाददेशज्ञोऽपि मानवः ।
स्वकर्मवातोत्पातेन नीयते तत्र यत्फलम् ॥

सो लिहइ सिलोगमिमं गवक्खगे तम्मि अद्द-लिहियम्मि ।
 पडिया खडिया तत्तो कुमरेण पसारिउं हत्थं ॥
 अप्पसु इमं ति भणियं तो अप्पइ तस्स चित्त-पुत्तलिया ।
 पुत्त-प्पभावओ सा अहिट्टिया देवयाइ जओ ॥
 तं धावि-सुया द्ढूण विम्हिया कहइ नियय-जणणीए ।
 सावि नरिंद-सुयाए कहिउं पुच्छइ किमेयं ति ॥
 सा भणइ राय-पुत्तो खु एस आसन्न-रज्ज-लाभो य ।
 अन्नस्स एरिसी नहि पयईइ विणीय-परिणयया ॥
 भणियं धावीइ न इत्थ संसओ जं तए वि सस्सिणेहं ।
 सो सच्चविओ नहि रमइ कहवि हंसी विणा हंसं ॥
 राय-सुयाए भणियं लिहियं किं तेण तो गवेसेउं ।
 धावीए कहियं से वज्जरियं राय-धूयाए ॥
 आसन्नं च फलंतरमिमस्स एवं विहेण लिहणेण ।
 धावी भणइ तुमं सो परिणेही किं फलं अन्नं ॥
 एवं तक्केमि अहं राय-सुया लज्जिया सपरितोसं ।
 इत्थंतरे वियरिओ मत्त-करी खंभसुक्खणिउं ॥
 असमंजसमाढत्तो काउं अवगणिय-मिठ-पडियारो ।
 भंजिउमिमो पयटो कन्नगंतेउरावासं ॥
 आउलमणेण रत्ता भणिउं जो सक्कए इमं वेत्तुं ।
 सो गिण्हउ त्ति सोउं गय-पासं आगओ कुमरो ॥
 सो विज्जुत्थित्त-करणेण रायहत्थिम्मि तम्मि आरुढो ।
 वद्धासणो य गहिऊण अंकुसं तं वसीकुणइ ॥
 उवलत्थित्तऊण केणावि वंदिणा पढियमेत्थ समयम्मि ।
 कुरुचंद-राय-पुत्तो जयइ कुमारो पुरिसचंदो ॥
 दिट्ठो य साहिलासं पुणो पुणो सो नरिंद-धूयाए ।
 परितुट्ठेण निवेण कओ कुमारस्स सक्कारो ॥
 धूया भणाविया पत्थिवेण तुह पुत्ति ! एस उचिओ त्ति ।
 हरिस-वियसंत-वयणाइ चित्थियं राय-पुत्तीए ॥
 एकं मह मणहट्ठो अन्नं ताएण एस आइट्ठो ।
 तं खलु संपन्नमिणं इट्ठं विज्जोवइट्ठं च ॥

अणुमयमिणं ति सुणिओ तीए परितोस-विध-दंसणओ ।

कारविओ वीवाहो रत्ता सह पुरिसचंदेण ॥

करि-तुरय-रयण-भूत्तण-पटंसुय-पडुह-दाणओ रत्ता ।

सक्कारिओ कुमारो तीए सह सेवए विसए ॥

सुणिऊण इमं पिउणा नीओ नयरं सगोरवं कुमरो ।

ठविओ रत्ते गहिया सयं तु दिक्खा गुरु-त्तगासे ॥

भूवालेहिं निचमचिज्जमाणो नाएणेसो पालए रत्त-लच्छि ।

सचं सचं होइ तं जंपए जं तत्तो पत्तो सचवाइ ति कित्ति ॥

अन्नया विउत्थिओ तस्स पत्थिवो भीमो । तस्सोवरि चलिओ चउरंग-
चमू-चमट्टियासेस-सेस-चूडा-रयण-चक्को पुरिसचंदो । पत्तो भीम-नयरं ।
भीमो वि काऊण जंताइ-दुग्ग-सामग्गिं निग्गओ नयराओ । पुरिसचंदेण वि-
समंतओ रोहियं नयरं । वीय-पायारो व्व कओ कुंजर-परिक्खेवो ।

तस्स कडगस्स वाहिं सलिलं तुट्टं किमेत्थ अच्छेरं ।

बहुयत्तणेण जलहिं पि सोत्तिउं तं खमं जम्हा ॥

सिद्धं विसत्तमेयं जल-विरहे तत्थ ठाउमचयंतं ।

वच्चिरइ सयं चिय सत्तु-सिद्धमिय हरिसिओ भीमो ॥

पहाणेहिं विज्जत्तो राया—देव ! जलाभावओ इत्थ न तीरए ठाउं, तो
संपयं अवक्कमिउसुचियं ति । पुरिसचंदेण वुत्तं—मा वच्चह विसायं । इण्हिं चेव
भविस्सइ बुद्धी । तओ तक्खणा तूल-लवो व्व लहुओ पाउम्भूओ गयणंगणे
घणो । सुधण-सिणेहो व्व सव्वओ वित्थरिओ सो । समरे सुरइ व्व
खग्ग-लद्धिं पयट्टो पयात्तिउं विज्जलेहं । मत्त-गओ व्व लग्गो गहिरं मज्जिउं ।
सुपुरिसो व्व विसं आडत्तो वरिसिउं समंतओ सलिलं । सेत्त-जण-नणोरहे
व्व सर-निवहे पय-पूरेण पूरिऊण विरओ । इमं च व्हयरं सुणिऊण अमोह-
वयणो पुरिसचंदो ति भीयो भीमो । परिहिय-कंबलो कंठ-कय-कुहाडो उव-
णीय-पहाण-पाहुडो पडिक्को सेवं । समागओ निय-नयरं पुरिसचंदो । अत्थि
य तस्स सोहग्गसुन्दरी-गम्भ-संभवो सुर-कुमारो व्व सयल-लोय-लोयणा-
पंदणो सेणो णाम पंदणो । गाहिओ कला-कलावं वित्तेसओ । सयल-सत्थ-पा-
रगो ति पत्तो पत्तिद्धिं । कुणइ वहुणं सव्वत्थ-संसओच्छेयं । कयाइ भरह-
रहस्स-वक्खाण-विसए दुण्हं गंधविद्याण जाओ विचाओ । तस्सिण्णए पत्ताग
भूओ कओ कुमारो । समागया दोवि तस्स पासं । मिलिओ पियडु-लोओ ।

दोहि वि निय-निय-पक्खं अक्खिऊण भणिओ कुमरो—कुमार ! सव्व-सत्थ-परमत्थ-पारगो तुमं, ता छिंद संदेहं । कुमरो वि तासिं जाव निण्णयं जंपिउं पयट्ठो, ताव कम्म-दोसओ खुद्द-देवयाए कओ कुमारस्स वायावहारो । सो न सक्कए किं पि जंपिउं । हा ! किमेयं ति विससो सव्व-लोओ । कराविया रत्ता बहु-प्पयारा मंत-तंताइ-किरिया । कुसामि-सेव व्व सव्वा सा जाया निप्फला । तत्तो राया पलविउं पयट्ठो ।

हा पुत्त ! समत्त-कला-कलाव-कोसल्ल-भूसिय-सरीर ! ।
 पत्तोसि देव्व-वसओ कह मूयत्तण-वसणमेयं ॥
 अमयं पि जस्स पुरओ न चेय महुरत्तणेण हरइ मणं ।
 तं जायमन्ह दुलहं तुह वयण-विणिग्गयं वयणं ॥
 पत्तोसि जय-वडायं अखलिय-पसरेण जेण तुह मज्झे ।
 तं कहया तुह वयणं कय-सवण-सुहं सुणिस्सामो ॥
 एवमइकंते कित्तियम्मि काले समागओ तत्थ ।
 काम-करि-विजय-सिंहो आयरिओ विजयसिंहो त्ति ॥
 नाणा-विह-संदेहे जणाण सो हणइ ओहिनाणेण ।
 तं नमणत्थं राया कुमरं वेत्तूण संपत्तो ॥
 नमिओ गुरुं निविट्ठो पारब्बा धम्म-देसणा गुरुणा ।
 दुत्तर-भव-पारावार-पार-गमणे तरी-तुल्ला ।
 समयम्मि पुच्छइ निवो सेणकुमारेण किं कयं पावं ।
 पुव्वन्मि भवे भयवं ! पत्तं मूयत्तणं जेण ॥
 भणियं गुरुणा—पत्थिव ! इहेव आसी कुमार-गामम्मि ।
 अन्नोल-नेह-जुत्ता खंदो रुद्धो अ दो मित्ता ॥
 ते अन्न-दिणे दुज्जिवि साहूण उवास्सयम्मि संपत्ता ।
 तहिं तेहिं आयन्नियमणत्थदंड-व्वय-सरुवं ॥
 तो वेत्तुं सम्मत्तं दोहिं वि गहियं अणत्थदंड-वयं ।
 तं पालिउं अखंडं खंदो मरिउं गओ सग्गे ॥
 अह जायम्मि विवाए दुग्गं पुरिस्साण दव्व-विसयम्मि ।
 एक्केण कथं उत्तरमत्तेण न सक्कियं काउं ॥
 तं उद्विस्सियं मुहरत्तणेण रुद्धेण जंपियं एवं ।
 मूओ इमो वराओ क्खित्तरं सक्कए काउं ॥

तं वयणमसंबद्धं बोक्तुं बद्धं अणेण मूयत्तं ।
 सो वि मरिऊण पच्छा सग्गे तत्थेव उप्पन्नो ॥
 चविऊण खंद-जीवो जाओसि तुमं नरिद ! जं तुमए ।
 चत्तो अणत्थदंडो तं पत्ता एरिसी रिद्धी ॥
 चविऊण रुद्ध-जीवो सेणकुमारो इमो समुप्पन्नो ।
 पत्तो इमो वि रिद्धिं अणत्थदंड-व्वय-वसेणं ॥
 केवलभिग्गिणा विहियं जं पुव्व-भवम्मि किं पि मोहरियं ।
 तव्वसओ विहिओ देवयाइ वायावहारो से ॥
 इत्थंतरम्मि गुरुणो तव-प्पभावेण पडिहय-प्पसरा ।
 सा वंतरी रडंती नट्टा मुत्तूण तं कुमरं ॥
 तो जाय-जाइसरणा नभिऊण गुरुं दुवेवि जंपंति ।
 मुणि-नाह ! सव्वभेयं सच्चं तुमए जमुवइट्टं ॥
 थेवं पि हु दुच्चरियं विवाग-विरसं ति मुणियमम्हेहिं ।
 ता करिय रज्ज-सुत्थं काहानो संजज-ग्गहणं ॥
 अह गुरुणा वागरियं मणुयत्तं दुल्लहं चलं जीयं ।
 विसया विसं व विसना दुग्गइ-गमणं विणा धम्मं ॥
 इय जाणिऊण जुज्जइ विवक्खणेणं खणं पि न पमाओ ।
 ते पणभिऊण सूरिं निय-गेहमुवागया दोवि ॥
 रत्ता भणिओ कुमरो कुरु रज्जमहं तु संजजं काहं ।
 भणइ कुमरो न रज्जं करेमि अणुभूय-पाव-फलो ॥
 तो पव्वइया दुद्धिं वि रज्जं दाऊण भागिणेयस्स ।
 कय-तिव्व-त्तवा मरिउं कमेण सग्गं सिवं च गया ॥
 इति तृतीयगुणप्रते पुरुषचंद्रकथा ।

जं समणस्स व सावज्ज-जोग-यज्जणमरत्त-दुट्ठस्स ।
 तं सम-भाव-सरुवं पढमं सिक्खवा-वयं विति ॥
 जो राग-दोस-रहिओ गहिउं सामाइयं न खंडेइ ।
 सो सावओ वि साहइ सागरचंदो व्व पर-लोयं ॥
 इह जंबुदीव-भरहे सग्गो व्व सुरट्ठ-मंडलो अत्थि ।
 जत्थ अमर व्व मणुया रमणीओ अच्छराओ व्व ॥

तत्थ पुरी वारवई नव-वारस-जोयणाहं पिहु-दीहा ।
 जा केवल कणयमई सहइ सुमेखस बहिणि व्व ॥
 पुहधीइ एक-चीरो नरिंद-सोलस-सहस्स-पणय-पओ ।
 भरह्द-चक्रवटी नवमो कणहो निवो तत्थ ॥
 तस्सासि जेट्ट-बंधू बलदेवो नाम पवल-वाहु-बलो ।
 तस्स निसढो त्ति पुत्तो असढो जो सव्व-कज्जेसु ॥
 तस्स सुओ संजाओ निय-कुल-नहयल-अलंकरण-मूओ ।
 सागरचंदो चंदो व्व जणिय-जण-लोयणाणंदो ॥
 सिक्खिय-कला-कलावो सो संपत्तो कमेण तारुत्तं ।
 जं दहूण पणिट्टं चत्तो तियसेहिं खव-मओ ॥
 मेहु व्व सिहीण रवि व्व पंकयाणं ससि व्व कुमुयाणं ।
 अचंत-यल्लहो सो संव-प्पसुहाण सव्वेसिं ॥
 अह तत्थ अत्थि वित्थिन्न-हत्थि-रह-तुरय-पत्ति-परिवारो ।
 निक्कवड-विक्कम-धणो धणसेणो नाम मंडलिओ ॥
 नव-कमल-गम्भगोरी कमल-मुही कमल-रत्त-कर-चरणा ।
 कमल व्व कमल-नयणा कमलामेल त्ति से धूया ॥
 सा जोव्वणं पवन्ना दिन्ना जणएण गल्लय-रिद्धिए ।
 निव-उग्गसेण-अंगुवभवस्स नहसेण-नामस्स ॥
 तम्मि समयम्मि पत्तो तस्स गिहं नारओ नहयलेण ।
 वीणयत्त्वमाल-भिसिया-पवत्तिया-छत्तिया-हत्थो ॥
 कन्नाइ तीइ लाभे तिलोय-सामित्तणाभिसेए व्व ।
 परिओस-परिवसेणं न पूहओ नारओ तेण ॥
 तो कुविओ नहसेणस्स नारओ तग्गिहाड उप्पहउं ।
 सागरचंद-कुमारस्स मंदिरे झत्ति संपत्तो ॥
 अब्बुट्टाणासण-अग्घ-दाण-पणिवाय-पसुहसुवयारं ।
 काउं सागरचंदेण पुच्छिओ नारओ एवं ॥
 भयवं ! भुवणे भमिरेण किंचि अब्बुथुयं तए दिट्ठं ।
 भणियं रिसिणा दिट्ठं, कुमरेण परंपियं किं तं ॥
 तो नारएण कहियं—कुमार ! इत्थेव अत्थि नयरीए ।
 धणसेण-निवह-धूया कमलामेल त्ति वर-ख्वा ॥

जा वयणेण विरायइ सारय-पुष्पिम-निस व्व चंदेण ।
 अहरेण सहइ जा विहुमेण जलरासि-वेल व्व ॥
 छज्जइ अच्छि-च्छोहेहिं जा तिरिच्छेहिं कामदेवस्स ।
 उच्छलिर-मच्छ-रिंछोलि-छाइया केलि-सरसि व्व ॥
 थल-कमलिणि व्व चलणेहिं सोहए जा सहाव-रत्तेहिं ।
 जंगम-लय व्व जा पल्लवेहिं लखिज्जइ करेहिं ॥
 तं सोऊण कुमारेण मयण-सर-सल्लिएण संलत्तं ।
 किं सा कस्सइ दिन्नाऽदिन्न त्ति निवेइयं मुणिणा ॥
 भणियं कुमारेण कहं तीए सह होज्ज संपओगो मे ।
 न मुणामि त्ति भणित्ता तियसरिसी गयणमुप्पइओ ॥
 पत्तो कमलामेलाए अंतियं तीइ विहिय-सक्कारो ।
 सो पुच्छिओ य तीए दिट्ठं अच्छेरयं किं पि ॥
 तो नारयेण बुत्तं बारवईए इहेव नयरीए ।
 नव-पंकवच्छि ! अच्छेरयाइं दिट्ठाइं दुल्लि मए ॥
 एकं सागरचंदो सुख-चूडामणी गुणिक-निही ।
 वीयं पुण नहसेणो सुख-सीमा अणत्थ-गिहं ॥
 इय सोउं सा वाला सागरचंदम्मि गाढमणुरत्ता ।
 नहसेणे उ विरत्ता महायिसं जेण कन्न-यिसं ॥
 सा जंपिउं पवत्ता बाह-जलुप्पील-तीमिय-कवोला ।
 भयवं ! अहं अहन्ना जायं मह जीपियं विहलं ॥
 दिन्नाऽहं नहसेणस्स तस्स जणएण वेरिणा जइ वि ।
 तह वि न तं परिणस्सं किं तु मरणं करिस्सामि ॥
 जं पुण मणमणुरत्तं सागरचंदम्मि मज्झ तममुत्तं ।
 जं पुत्त-विहीणाणं सिज्झंति मणोरहा कत्तो ? ॥

जओ—

जं मणु मूढह माणुसह वंचइ दुल्लह वत्थु ।
 तं ससि-मंडल-गहण किहिं गपणि पसारइ हत्थु ॥
 सा नारएण बुत्ता भव घीरा मा करेसु संतावं ।
 जं सो सागरचंदो तइ तिच्चं बहइ अपुरायं ॥
 तेण सह संपओगो कह मे होज्ज त्ति ना यियप्पेसु ।

जं दुग्धं पि घृतं घडह चिय दिव्वमणुकूलं ॥
 एवं कमलामेलं बुज्जवियं नारयेण आगंतुं ।
 कहियं सागरचंदस्स सा तुमं इच्छह मयच्छी ॥
 पुवं पि तप्पउत्ति सोउं सो आसि तीए अणुरत्तो ।
 सा तुममिच्छह बाला इ कहिए दढयरं जाओ ॥
 तं चिय चिंतह चित्ते सो तं चिय चित्त-पट्टए लिहह ।
 तं चिय जंपह जीहाइ नियह सुविणे वि तं चेव ॥
 जइ हुज्ज अहं खयरो खगो व्व तो उज्जुण सहस त्ति ।
 पिच्छामि मुहं तीए इय संकप्पे कुणइ कुमरो ॥
 सो मिल्लइ नीसासे दीहुण्हे जेहिं आहया संता ।
 मल्लिण-मुहा संजाया नूणं पास-द्विया भित्ता ॥
 सो तस्स सखुल्लसिओ संतायो जत्थ सलिल-पसईए ।
 खित्ताउ तक्खणेणं छणंति सूसंति सुण्णे ॥
 चंदण-चंद-जलहा कयलीदल-पवण-कुसुम-सिज्जाओ ।
 न हरंति देह-दाहं विरहानल-संभवं तस्स ॥
 रज्जइ न गीय-नट्टाइएसु न कुणइ सरीर-सकारं ।
 न पयट्टइ कीलासुं सा नाऽऽहारं पि अहिलसइ ॥
 सुच्छा-मीलिय-नयणो पुणरुत्तं सो महीइ निवडंतो ।
 सिसिरो-वयार-करणे ण कह वि पावेइ चेषणं ॥
 पसयच्छि ! पसीयसु देसु दंसणं किं करेसि मह कोवं ।
 खम इक्कं अवराहं इय जंपइ सो असंवद्धं ॥
 कज्जाऽकज्ज-हियाऽहिय-उचिया-ऽणुचियाइ-वत्थु-परमत्थं ।
 न मुणइ किं पि कुमारो सुन्न-मणो मज्ज-मत्तो व्व ॥
 दट्टण तारिसं तं सुहिं सयणेहिं विभावियं एयं ।
 मयणस्स दसं नवमिं संपत्तो संपयं एसो ॥
 जइ पुण दसमिं दसं पि वधिस्सइ ता धुवं इमो मरिही ।
 इय चिंता अकंता ते सव्वे आउली-भूया ॥
 इत्थंतरम्मि तत्थाऽऽगण संवेण पट्टओ होउं ।
 केलीइ ढक्कियं निय-करेहिं कुमरस्स अच्छि-जुयं ॥
 कमलामेले ! मिल्लसु नयण-जुयं मे चगोर-मिहुणं व ।

अज्ज तुह वयण-चंदस्स दंसणाओ लहउ तत्ति ॥
 एवं कुमरेण पयंपियम्मि संवेण भासिउं हसिउं ।
 नाऽहं कमलामेला कमलामेलो अहं किंतु ॥
 तो भणियं कुमरेणं अविलंवं संब ! मज्झ मेलिहिसि ।
 कमल-दल-दीह-नयणं कमलामेलं तुमं चेव ॥
 ताहे तेहिं कुमारेहिं मज्ज-पाणं कराविओ संबो ।
 सो मज्ज-पाण-मत्तो अब्भुवगच्छाविओ एयं ॥
 कमलामेला-मेलो मए कुमारस्स कारियव्वो त्ति ।
 अह मय-विगमे संबो एवं चित्तेउमाढत्तो ॥
 मत्तेण अब्भुवगयं अहो ! मए दुक्करं इमं वत्थुं ।
 ता कह निव्वहियव्वं जं रहस-कथं दहह कज्जं ॥
 अहवा कायव्वं चिय समेणं विसमेण वा इमं कज्जं ।
 पुरिसस्स भूसणं जं भणंति पडिबन्न-निव्वहणं ॥
 इय चित्तिज्जण संवेण गूढ-पुरिसोहिं इत्ति कारविया ।
 उज्जाणाउ सुरंगा कमलामेला-गिहं जाव ॥
 तं नारयस्स कहियं रहस्समिसिणा वि तीइ वालाए ।
 पज्जुमकुमाराओ पन्नत्ती मग्निया विज्जा ॥
 तव्वसउ विज्जाहर-ख्वं काज्जण सव्व-कुमरेहिं ।
 नहसेण-विवाह-दिणे कमलामेलं सुरंगाए ॥
 नेज्जण तल्लुजाणं सागरचंदेण सह कुमारेण ।
 परिणाविया तओ ते परितुद्धमणा ठिया तत्थ ॥
 अह निय-गिहे अदुं कमलामेलं गवेसमाणेहिं ।
 सयणेहिं कह वि दिट्ठा उज्जाणे कीलभाणी सा ॥
 विज्जाहर-ख्ववरा दिट्ठा संवाइणो कुमारा य ।
 विज्जाहरेहिं हरिया इय त्ति मुणिज्जण ते सव्वे ॥
 धणसेण-उग्गसेण-प्पज्जुहा चउरंग-सिन्न-संनद्धा ।
 जुडे समुज्जया निज्जिया य संवाइ-कुमरेहिं ॥
 तो जाणिय-वुत्तंतो जणहणो निग्गओ सयं सबलो ।
 कमा-कयग्गहे निग्गहेभि खयर त्ति जंपंतो ॥
 पयडिय-निय-ख्वेणं संवेण विलग्गिज्जण पाएलु ।

नारायणस्त कहिओ कला-परिणयण-वुत्ततो ॥
 तो दिना कण्हेण सागरचंदस्त चैव सा कला ।
 घणसेण-उगलेणा खमाविया उवसनं पत्ता ॥
 एवं कओ विलकखो नहसेणो खामिओ वि न पसन्नो ।
 घरिणी-पराभवेणं को वा कोवाउरो न हवे ? ॥
 सो काउं असमत्थो सागरचंदस्त विप्पियं किं पि ।
 छिद्दाणि मग्नमाणो कुविय-मणो गमइ दियहाइं ॥
 अह तत्थ समोसरिओ अन्नारस-जुणि-सहस्त-परियरिओ ।
 नव-कणय-कमल-गाम्नी अरिइसामी तिजय-सामी ॥
 तस्त पय-प्पणमत्थं सागरचंदो गओ गयास्सो ।
 तं नमिऊण निसन्नो धम्म-कहं सोउमाहत्तो ॥
 लडूण दुल्लहं माणुसत्तमथिरं च जाणियं जीयं ।
 जइयव्वं जिण-धम्मो सुर-नर-सिव-सुक्ख-संजणणे ॥
 पुव्वं पडिबन्न-गिहत्य-धम्म-संबंधि-वारस-वओ वि ।
 सो तीए देसणाए बाढं धम्मज्जुओ जाओ ॥
 तत्तो चउइसीए निसाइ बाहिं मसाण-आसत्ते ।
 काउस्सगणेण ठिओ सो सामाइय-वयं काउं ॥
 तं दहुं नहसेणेण चितियं अज्ज बहुय-कालाओ ।
 साहेमि निय-समीहियमिमस्स रिउणो विणासेण ॥
 रोसेणं तेण सागरचंद-मत्थए कुंडि-चओ ठविउं ।
 जलिर-चियं-आाराणं भरिओ पावाण अप्पा य ॥
 अह वेयणा सरिरे संजाया तस्स जीवियंतफरी ।
 तह वि अविचलिय-चित्तो सो चित्तिउमेवमाहत्तो ॥
 मा कुणत्तु जीय ! खेयं दीणत्तं दूरओ परिचपत्तु ।
 पुव्वाऽऽरोविय-पाव-कुमस्स जग्हा फलं एयं ॥
 कम्मं कुणइ सयं चिय तस्स फलं खुंजए सयं जीवो ।
 तो किं परम्मि रोसो विवेइणो जुज्जए काउं ॥
 रे जीय ! तए पुव्वं समज्जियं किं पि जं असुह-कम्मं ।
 तं निहयइ इमो तुह अणणंतो अत्तणो वयं ॥
 ता उवपारी एसो जुग्गो थिय तुज्ज तुट्टि-दाणस्स ।

एयम्नि जह पउस्ससि ता होसि कयग्घ-सेहरओ ॥
 इय तत्त-भावणाए वेयण-विहुरो वि अचल-सम-भावो ।
 मुत्तूण पूह-गेहं सागरचंदो गओ सगं ॥
 सो तत्थ तियस-सुंदरि-संदोहाणंद-यारि-मुह-चंदो ।
 सुह-सागरा-ऽवगाढो सागर-संखं गमइ कालं ॥
 इति सामायिकप्रते सागरचन्द्रकथा ॥

जं पुव्व-गहिय-सयल-व्वयाण संखेव-करणमणुदियहं ।
 देसावगासियं तं भणंति सिक्खावयं वीयं ॥
 जीवो पमाय-बहुलो पमाय-परिवज्जणे ह्वइ धम्मो ।
 ता कीरइ पइदियहं संखेवस्ताऽवि संखेवो ॥
 सच्छंद-पयाराइं जहा अणत्थे पडंति डिंभाइं ।
 अनिजंतिय-वावारा जीवा निवडंति तह निरए ॥
 तेणाऽवाय-परंपर-विसम-विस-प्पसर-रंभण-निमित्तं ।
 निदिट्ठं रक्खा-कंडयं व सिक्खावयं एयं ॥
 अणुवित्तीए वि हु ओसहं व जो कुणइ वयमिणं मणुओ ।
 पवणंजउ व्व पावइ सो इह लोए वि कल्लाणं ॥
 इत्थेव जंवुदीवे भरहस्मि वराड-विसय-अवयंसं ।
 कय-सयल-जणा-ऽऽणंदं नंदिउरं नाम वर-नयरं ॥
 तत्थाऽऽसि विजयसेणो राया रिउ-मइ-निहलण-दक्खो ।
 समयगलं भवणं चिय न उण मणं जरस कइया वि ॥
 तत्थेव आसि जिणधम्म-निच्चलो निच्च-लोय-गोरव्वो ।
 गणणाऽहंक्कंन-धणो धणउ व्व धणंजओ सिट्ठी ॥
 सयल-घरक्कज-सज्जा बहु-लज्जा तस्स सज्जणी भज्जा ।
 देव-गुरू-भत्ति-जुत्तो पुत्तो पवणंजओ ताणं ॥
 घर-दासीए जाओ सरिसो ख्वाइ-गुण-कलावेण ।
 सेहरओ से मित्तो निच्चो सव्वत्थ वि सहाओ ॥
 निय-निय-वाचार-परा गमंति ते वासराइं सव्वे वि ।
 अह अत्थाण-निसन्नस्स विजयसेणस्स भूवइणो ॥
 सबभूथवाइणा नाण-गन्ध-नेज्जित्तिएण विज्जसं ।

जायाइं कित्तियाइं पडु ! संपह दुत्तिमित्ताइं ॥
तव्वसओ लोयाणं होही जं खास-सास-पसुहेहिं ।
रोगेहिं महापीड त्ति देव ! संभावयामि अहं ॥
रत्ता भणियं कित्तिय-दिणाइं होही इमा पीडा ।
वुत्तं निमित्तिणा मयण-तेरिसिं जाव न ह्य पुरओ ॥
किं कायव्वं इण्हि अज्ज वि सा मयण-तेरिसी दूरे ।
होही अणेग-लोग-क्खओ त्ति खिन्नो दढं राया ॥
करुणा-परेण रत्ता मंती जयसुंदरो इमं भणियो ।
सोहसु किं पि उवायं जणस्स कुसलं हवइ जेण ॥
तो भणियममच्चेणं इमस्स पक्खस्स तेरसीए वि ।
नयरम्मि मयण-तेरसि-महूसवं देव ! कारवसु ॥
जेण दुत्तिमित्त-सीमा-वडणेण जणस्स होइ कल्ल्याणं ।
रत्ता भणियो मंती जुत्तमिणं जंपियं तुमए ॥
तो मयण-तेरसिमहो नयरे घोसाविओ अकाले वि ।
पारद्धा रिद्धीए मयरद्धय-मंदिरे जत्ता ॥
तो तरुणी-घट्टाइं कय-चच्चरि-चारु-गाण-नट्टाइं ।
घण-रूव-मरट्टाइं वणम्मि गंतुं पवट्टाइं ॥
निकखंता रह-कुंजर-तुरंग-जंपाण-वाहणाऽऽरूढा ।
रयणा-ऽलंकार-पसत्थ-वत्थ-पवरा पुर-जुवाणा ॥
पवणंजओ धणंजय-सिद्धि-सुओ तं महूसवं दट्टुं ।
रहमारुहिडं चलिओ किंकर-नर-नियर-परियरिओ ॥
पत्तस्स गोउरं तस्स रहवरो लण्णिज्जण पडिखलिओ ।
अभिमुहमित्तेणं दिन्न-सिद्धि-सुय-सागर-रहेण ॥
पवणंजएण भणियं अरे ! ठिओ खंभिज्जण रह-मगं ।
को एसो निययरहं परियत्तिय वच्चए किं न ॥
तो सागरेण भणियं अरे ! परावत्तिज्जण नियय-रहं ।
किं वचिस्सामि अहं किं न कुणासि वचसे एवं ॥
किं अप्पाणं केणावि भइ ! चागाइणा गुणेण तुमं ।
जेट्ठं ममाउ मन्नसि जं एवं जंपसि सदप्पं ॥
एवं परोप्परं कोव-निब्भरं ताण उल्लुवंतताणं ।

मिलिओ लोगो घोत्तूण नाय-मगं नियत्तो सो ॥
 कुल-ख्व-कला-जोव्वण-घण-निव-सम्माण-दाण-पमुहेहिं ।
 नय-कारणेहिं विवसा गेण्हंति न दो वि ते सिक्खं ॥
 तह थोहेहिं रहेहिं रुद्धा लोयाण निग्गम-पवेत्ता ।
 ते सुणिय-वइयरेहिं भणिया जणएहिं आगंतुं ॥
 भो ! किं न कुग्गहमिणं मेल्लह जं एग-ठाण-वासीणं ।
 सयणाणं उवयारीण अणुचियं जुद्धमन्नोच्चं ॥
 निय-मंदिरेसु वच्चह रहे परावत्तिज्जण जइ तुब्भे ।
 ता को घण-क्खओ किं वसणं को वा कुल-कलंको ? ॥
 अविमरिसियकारीणं खत्तिय-कुल-संभवाण अभिमाणो ।
 काउं जुज्जह एसो, न दीहदंसीण वणियाणं ॥
 एवं पत्तविएहि वि तेहिं न मुक्को दुरग्गहो कह वि ।
 तो अविणीए पुत्ते मुणित्तं गेहं गया जणया ॥
 अह नाय-वइयरेणं नरवइणा पेसिया पहाण-नरा ।
 कुग्गह-गहिले दट्ठं सेट्ठि-सुए तेहि भणियमिणं ॥
 भो ! पुव्व-पुरिस-विडविय-घणंऽध-मइणो मयं किमुव्वहह ।
 जं न सुणह नय-मगं अवगणह गुरुवएसं च ॥
 अत्तुक्करिसो जइ अत्थि तुम्ह गंतूण ता इओ चेव ।
 वाहु-सहाया देसंऽतरम्मि विहवज्जणं कुणह ॥
 जो विडविय-वहु-दव्वो एही वरिस्सेण तुम्ह मज्झाओ ।
 अणिवारिय-दाणेणं च अत्थिणो सुत्थिए काही ॥
 सो चिय वच्चउ अखलिय-रहो परावत्तिज्जण इयर-रहं ।
 तं ते तह त्ति पडिबज्जिज्जण देसंतरेसु गया ॥
 इमिणा कमेण गेहाउ निग्गंतुं नव-घणज्जणं काउं ।
 इय तुट्टमणो दाहिण-दिसाइ पवणंजओ चलिओ ॥
 पुव्व-कय-सुकय-वसओ सो पत्तो पुंडरीप-तित्थम्मि ।
 तत्थऽत्थि हय-विक्खओ वर-जक्खओ पुंडरीयक्खओ ॥
 अन्न-सुरेसु न चक्खुं पि खिवइ पवणंजओ जिणं मुत्तं ।
 तह वि कुत्तुहल-वसओ जक्ख-हरं दट्ठुमाहत्तो ॥
 अह तत्थ सत्थवाहो पट्टय-लोयावलयणऽक्खित्तो ।

अविभाविय-मुक्क-कमो महीइ खलिऊण निवडंतो ॥
 पवणंजएण घरिओ दक्खत्तणओ दया-परिगएण ।
 पवणंजओ य हिट्ठेण तेण नीओ नियावासं ॥
 भुंजाविऊण भणिओ पवणंजय ! वच्छ ! मज्झ धूयाए ।
 भुवणब्भुय-भूयाए घर-लच्छीए य होसु पई ॥
 पवणंजएण वुत्तं जुत्तमिणं किं तु अमुणिय-कुलस्स ।
 किं देसि मज्झ धूयं कहं च जाणामि से णामं ॥
 सो जंपिउं पवत्तो—अत्थि मही-रमणि-रयण-कंचीए ।
 कंचीपुरीइ लच्छीहरो त्ति नाम्णेण सत्थाहो ॥
 अट्ट-दस-कणय-कोडीण नायगो णेग-लोय-उवयारी ।
 अह तस्स घरे पत्तो बंधु त्ति निमित्तिओ पवरो ॥
 सम्माणेउं सो तेण पुच्छिओ निच्छिऊण भो ! कहसु ।
 नेमित्तिय ! मह आउं अओ परं कित्तियं कालं ? ॥
 होही मह धूयाए मणोरमाए इसीइ को भत्ता ? ।
 मज्झ अपुत्तस्स इमा घर-लच्छी कं व अपुसरिही ? ॥
 वुत्तं निमित्तिणा भइ ! जीवियं जाव तुज्झ छम्मासा ।
 अंतं सत्त दिणाइं तिब्वा सिर-वेयणा होही ॥
 धूया कमल-दलच्छी तुह घर-लच्छी य सुकय-केलि-गिहं ।
 वइदेसियमणुसरिही पुरिसं पवणंजयं नाम ॥
 सो य तए नायव्वो स-प्पुरिसो पंच-जोयणंतरिए ।
 तित्थम्मि पुंडरीए गएण जक्खस जत्ताए ॥
 जो खलिऊण पडंतं तुमं धरिस्सइ इसो धुवं सो त्ति ।
 तं सोऊण विसज्जिय-निमित्तिणा चित्तियं तेण ॥
 हा ! विरसो संसारो जीवाण तरंग-भंगुरं जीयं ।
 तो जामि तत्थ तित्थे जाव न वच्चाभि मच्छु-सुहं ॥
 अन्नह हरिही राया घरसारं इय विणिच्छिउं चित्ते ।
 सो इह तित्थे पत्तो वेत्तुं सव्वं पि निय-विभवं ॥
 एसो सोऽहं खलिऊण निवडमाणो य रक्खिओ तुमए ।
 ता मह धूयं परिणेषु गेह-लच्छिं वि गिण्हेसु ॥
 तो तेण सुह-सुहुत्ते मणोरमाए कयं कर-ग्गहणं ।

पत्तो य सत्थवाहो परं पमोयं कयत्थो त्ति ॥
 कहवय-दिणाऽवसाणे संजाया सीस-वेयणा तस्स ।
 तो निच्छियं अणेणं आसन्नं अप्पणो मरणं ॥
 धण-कणय-रयण-पमुहं परिग्गहं अप्पिऊण सव्वं सो ।
 पवणंजओ अणेणं सप्पणयं जंपिओ एवं ॥
 वच्छ ! तुह किच्च-कहणं धवलीकरणं ससिस्स व अजोत्तं ।
 तह वि गुरु-नेह-विवसो भणामि तुहमवहिओ सुणत्तु ॥
 घरलच्छीए सहिया समप्पिया तुह मए[इमा]धूया ।
 ता वहिज्ज इभीए तहा जहा संभरइ न ममं ॥
 थेव-दिणाइं थिरोऽहं जं जमदूइ व्व दुस्सहा मज्झ ।
 जाया सिरम्मि वियणा भणियं पवणं जएणेवं ॥
 ताय ! किमेवं तुममाउलो सि तुह झत्ति वाहि-विद्धंसं ।
 काहामि ओसहेहिं विसिट्ठ-विज्जोवइट्ठेहिं ॥
 लच्छीहरेण भणियं धम्मो चिय वच्छ ! ओसहं इण्हि ।
 जं सक्को वि न सक्कइ तुट्ठंतं संधियं जीयं ॥

तत्तो सो समए[कय]निय-कुलो-चियंत-किच्चो पत्तो पंचत्तं । कयं से सो-
 गनि-अभरेण पवणंजएण पारलोइयं कम्मं । कह वि निवारिया रुयंती मगोए
 गमियाइं तत्थेव कह वि दिणाइं । गहिऊण उचियाइं कयाणयाइं कहिऊण
 पुव्व-वइयरं मणोरमाए चलिओ निय-देसं । मग्ग-नगरेसु ववहारेण तेण अज्जि-
 याउ दुप्पि सुवन्न-कोडीओ । पत्तो सो निय-नयरं । आणांदि-सयणो पविट्ठो
 तत्थ । वित्थरेण अणदिणाइं दिक्षाणिवारियदाणो(?)सलहिओ रायाइ-लोएण ।
 सागरो वि गओ उत्तर-दिसं । अत्थं विणा न सक्कए अत्थमुवज्जिउं । तहावि-
 महाकट्ठेण अज्जिया पंच दीणार-सहस्सा । आसन्ना मयण-तेरसि त्ति सहाय-
 संगतो आगतो निय-नगर-नियड-गामे । निसाए सुत्तस्स तस्स सव्वस्सं गहि-
 ऊण पलाणा सहाया । विउद्धो सागरो चरम-जामे । हा ! बुट्ठो सहाएहिं ति
 विससो चित्तेण, पवणंजओ वि एवमागतो अबिस्सइ त्ति पविज्जे(ट्ठो?) लज्जंतो
 वि निसाए वि नियघरं । नाय-बुत्तंतेण भणिओ जग्गाइणा—रहस-कयकज्ज-
 स्स एरिसो चेव विवागो त्ति । आणाविओ सागरेण गोउराओ रहो । हसिओ
 सो जणेण । गरुयाण चडण-पडणं ति थिरीकओ पिउणा । पवणंजओ वि सव्व-
 त्थ गिज्जंतणुओ अखलिय-रहो भमिओ मयणूस्सवे । गमेइ कालं सुहेण । सागरो

वि गरुया-ऽमरिसो तस्स मारणोवाए चित्तेइ । अन्नया चाउम्मासियदिणे पडि-
वन्न-पोसहेण जंपिओ पिउणा पवणंजओ—वच्छ ! तुमं पि कुणसु पोसहं । पु-
त्तेण वुत्तं—ताय ! न सक्केमि किं पि काउं । पिउणा भणियं—तहा वि गेहवा-
हिं गमणं वज्जिऊण कुणसु देसावगासियं । अणिच्छंतेणाऽवि तहं त्ति कयं ज-
णयाणुवत्तीए । पिउ-पासे चिट्ठंतस्स आगओ गेहदासी-सुओ सेहरओ । तेण
भणियं भो ! पवणंजय ! सहस्सक्खेण इंदियालिणण महायणस्स पुरओ पा-
रद्धमिदयालं । तत्थ तुहाऽऽहवणत्थं महायण-पेसिओ पुरिसो आगओ त्ति ।
पडिवन्न-देसावगासिएण पवणंजएण अदिन्न-पच्छुत्तरे भणिओ सो सिट्ठिणीए—

पवणंजय-नेवत्थं काउं सेहरय ! वच्छ ! गच्छ तुमं ।
तुममेव जणो सरिसत्तणेण पवणंजयं मुणिही ॥
सो वि हु तहेव काउं गंतूण महायणस्स मज्झम्मि ।
उवविट्ठो रयणीए पेक्खवणयं दट्ठुमाढत्तो ॥
अह पुव्व-वेर-विवस्सेण दुविह-तम-रुद्ध-दिट्ठि-पसरेण ।
छुरियाइ सेहरो सागरेण पवणंजओ त्ति हओ ॥
अहह !! पवणंजओ मारिउ त्ति लोयाण कलयलो जाओ ।
इयरो पुण संखुद्धो न सक्किओ नासिउं सहसा ॥
तलवर-भडेहिं रुद्धो खित्तो गुत्तीइ निवइ-वयणेण ।
केणवि नरेण सिट्ठं सिट्ठिस्स धणंजयस्स इमं ॥
तं वुत्तंतं सोउं विसन्न-चित्तेण सिट्ठिणा भणियं ।
हा !! सागरेण निहओ सेहरओ ताव मूढेण ॥
अह लहिही वराओ विणासमेसो वि दिन्नसेट्ठि-सुओ ।
पवणंजएण वोत्तं मोयाविस्साभि ताय ! भिणं ॥
सो तेण धणं रत्तो दाउं मोयाविओ पहायम्मि ।
पवणंजओ जणेणं पसंसिओ सुकयकारि त्ति ॥
सो पिउणा संलत्तो जुत्तं जं मोइओ इमो तुमए ।
अवयारिम्मि वि करुणा कज्ज त्ति जिणेहिं जं कहियं ॥
अवयारयम्मि निहए सव्वा वि सक्कहा-निहणं[होइ] ।
उवयारमारिए पुण तम्मि चिरं चिट्ठए एसा ॥
पवणंजओ न पत्तो निहणं देसावगासियं काउं ।
इहरा सेहरयस्स व तस्स अणत्थो इमो होज्जा ॥

तप्पभिहं जिणघम्मं काऊण चिरं विसुद्ध-भाव-जुओ ।
सग्गापवग्ग-सुक्खं कमेण पवणंजओ लहिही ॥

इति देशावकासिकध्रते पवनंजयकथा ॥

आहार-देह-भूसण-अवंभ-वावार-चाय-रुवं जं ।
पव्वेल्लु पोसहं तं तइयं सिक्खा-वयं विति ॥
अट्टभि-चउइसी-पसुह-पव्व-दियहेसु जो कुणइ एयं ।
पावइ उभय-भवेसुं सो रणसूरु व्व कल्लाणं ॥
अत्थिऽत्थ जंबुदीवे भारहवासम्मि मज्झिमे खंडे ।
महि-महिलाए कंचण-कंची कंचणपुरी मयरी ॥
जीए पायारं पक्खिणो वि न खमंति लंघिउं तुंगं ।
तल्लंघण-कय-कंखा हुंति विलक्खा खलु विपक्खा ॥
तत्थ नरिंदो अमराउरीइ इंदो व्व आसि रणसूरो ।
जस्स पयावेण हया अरिणो गिरिणो व्व वज्जेण ॥
तस्स मणे मणिमय-दप्पणे व्व विमले सया वि संकंता ।
सिरिकंता नाम पिया सयलंतेउर-तिलय-तुल्ला ॥
तीए अणन्न-सरिसं रुवं दट्ठुं कोउहल-वसेण ।
सग्गट्ठिया वि तिघसा अणम्मिस-नयणा धुवं जाया ॥
तव्वयण-दंसणं चिय राया रज्जं पि मुणइ सग्गं व ।
तव्विरहे पुण एसो मन्नइ नरयं व रज्जं पि ॥
अह अन्न-दिणे अत्थाण-मंडवे जाव चिट्ठइ नरिंदो ।
उव्वभड-भड-परियरिओ तारय-सहिओ ससहरु व्व ॥
कत्तो वि ताव पत्तो कराल-करवाल-खेडय-सणाहो ।
निव्वभय-भयंकरो भिउडि-भीम-भालो भडो एक्को ॥
अत्थाण-मंडवत्थं भड-सत्थं पिच्छिउं अवन्नाए ।
दंसिय-अणन्न-दप्पो रायाणं भणिउमाढत्तो ॥
किं न कुणसि जिणघम्मं विसए चिय सेवसे विगय-संको ।
किं निय-बल-दप्पेणं मच्चु-भडाणं न वीहेसि ॥
ता अच्चं तु जम-भडा सुरासुराणं पि दप्प-दलणा जे ।
एक्केण मए वि समं जुज्झसु जइ अत्थि बाहु-बलं ॥

अह हत्थि-तुरय-रह-सुहड-संतियं तुज्झ अत्थि सान्तथं ।
 ता तं पयडेसु तुमं जेण खणं तं पि पेक्खेमि ॥
 इय सुणिऊण निवेणं तस्स वहत्थं भडा समाइट्ठा ।
 न निसामियं इमेहिं चित्तंगएहिं व निव-वयणं ॥
 लिप्प-घडिय व्व लिहिय व्व जाय-निह व्व मज्ज-मत्त व्व ।
 आइट्ठा वि निवेणं ठिया भडा निच्चला सव्वे ॥
 तो रोस-परवसेणं नरवइणा कड्डिओ नियय-खग्गो ।
 तस्स भडस्स वहत्थं हत्थाओ निवडिओ सो वि ॥
 १....

कुविय-कयंत-कडक्खियस्स खिविऊण दंसंगुलीउ वयणम्मि(?) ।
 चलणेसु मज्झ लग्गोसु तुमं जइ जीवियं महसि ॥
 जं पुण कड्डिसि खग्गं तस्स फलं पावसु त्ति भणिऊण ।
 केसेसु निवं गहियं झत्ति गयणं गतो सुहडो ॥
 जोयण-सयाइं नेऊण पंच तिरियं अरन्नमज्झम्मि ।
 सुक्को सुहडेण निवो सयं तु कत्थ वि गतो एसो ॥
 तो चित्तिउं पवत्तो राया दुव्विलसियं अहह ! विहिणो ।
 सा कत्थ राय-लच्छी मज्झ सा कत्थ य अवत्था ? ॥
 सुयिणे वि जं न दीसइ जं चित्तिज्जइ मणे वि न कयावि ।
 सुहमसुहं वा पुरिसस्स दंसए तं विही सव्वं ॥
 न तहा दुहावए मं धण-परियण-सयण-रज्ज-विद्धंसो ।
 स्तिरिक्कंता-देवीए विरहो जह दूमइ मणं मे ॥
 देवीए विरहिओ अहं खणं पि न खम्मामि जीवियं धरिउं ।
 देवी वि मज्झ विरहे मरणं पत्त त्ति तक्खेमि ॥
 ता किं मरण-कएऽहं पडामि तुंगाओ सेल-सिंगाओ ।
 जाला-कराल-भीमे किं वा जलणम्मि पविसामि ॥
 किं वा तरु-साहाए पासं कंठम्मि अप्पणो देमि ।
 गहिरम्मि नई-तीरे किं वा देहं पवाहेमि ॥
 अह वा काउरिसोऽहं जो मरण-मणोरहे करेमि मणे ।
 जं दुस्सहे वि वसणे धीर चिय हुंति सप्पुरिसा ॥
 इय चित्तिऊण रत्ताऽरत्ते चंकम्मिउं पयट्टेण ।

दिद्वो सहयार-तले तवो व्व मुत्तो मुणी एङ्को ॥
 नमिऊण भत्ति-पुव्वं रत्ता विम्हिय-मणेण सो भणिओ ।
 भयवं ! तुह तिहुयण-लोय-लोयणा-ऽऽणंदणं रूवं ॥
 ता किं तुमं पवत्तो दिक्खं नव-जोव्वणं वि वट्ठतो ? ।
 किं वा सुण्णमरणं एगागी सेवसे एवं ? ॥
 मुणिणा भणियं मुणिउं असासयं रूव-जोव्वण-प्पमुहं ।
 धत्ता निण्हंति वयं भव-ऽन्नवोत्तारण-तरंडं ॥
 सुहि-सयण-वग्ग-मज्झे निवसंतस्स वि न होइ मणुअस्स ।
 केणाऽवि परित्ताणं मरणम्मि उवट्टिए संते ॥
 तुह एयं पच्चक्खं भडेण इमिणा हृढेण घिप्पंते ।
 सुहि-सयण-परियणेहिं न रक्खिओ जं नरिंद ! तुमं ॥
 भणियं रत्ता भयवं ! दिव्व-त्ताणी तुमं तओ कहसु ।
 किं इत्थ अहं खित्तो निक्कारण-वेरिणा तेण ॥
 मुणिणा भणियं सुहडो न वेरिओ तुज्झ किं तु उवयारी ।
 पंचम-कप्प-निवासी एसो अमियप्पिओ देवो ॥
 मह पणमण-ऽत्थमित्थाऽऽगएण एएण पुच्छिओ म्हि अयं ।
 को मह चवियम्मि सुरो मज्झ विमाणम्मि होहिं ति ? ॥
 नाणेण मए कहिओ तुमं विमाणम्मि तम्मि भावि-सुरो ।
 तुमसुद्धिसियं देवेण पुच्छिओ हं पुणो वि इमं ॥
 भयवं ! किं जिणधम्मं सो कुणइ न व ति तो मए कहियं ।
 तुमए इह आणीओ निण्हिहिइ निहत्थ-धम्मं सो ॥
 इय सोऊण सुरेणं अप्पाणं पयडिउं पयंड-भंडं ।
 सुहडे सहानिसन्ने य थंभिउं तुममिहाणीओ ॥
 ता जिणधम्मं पडिवज्जिऊण पालसु तुमं महाराय ! ।
 जेण परलोय-पत्तो कल्लण-परंपरं लहसि ॥
 इय मुणि-वयणं सोउं पडिवन्नं सावगत्तणं रत्ता ।
 संवेग-माणसेणं एसो य अभिग्गहो गहिओ ॥
 अट्टमि-वउद्दसीसुं कायव्वं पोसहं निसासु मए ।
 तं पुण न पारियव्वं न जाव सूखगमो होइ ॥
 अह पच्चक्खीहोउं भणियं अन्नयप्पियेण देवेण ।

एवं किलेसिओ जं तुमं मए खमसु तं राय ! ॥
 रत्ना भणियं एसो मज्झ किलेसो वि कुणइ परिओसं ।
 जत्थ मए जिण-धम्मो ति-लोय-चिंतामणी पत्तो ॥
 खिविऊण अह अरत्ते तुमए लंघाविओ ह्मि भवरत्तं ।
 धम्म-पडिवज्जणेणं ता उवयारी तुमं मज्झ ॥
 इय सोऊण सुरेणं मुणिंद-पय-पंकए कय-पणामो ।
 नेऊण कंचणपुरे मुक्को निय-मंदिरे राया ॥
 कय-सव्व-जणा-SSणंदो जिणिंद-पूया-परायणो राया ।
 मुणि-पज्जुवासण-परो परमा-SSगम-सवण-विहिय-मणो ॥
 रह-जत्ता-कयजत्तो समत्त-सत्ता-Sभयं पयासंतो ।
 पव्वेसु पोसह-वयं पडिवज्जंतो गमइ कालं ॥
 अन्न-दिणे रयणीए जाओ अंतेउरम्मि अक्कंदो ।
 तं सोऊण निवेणं पयंपियं हा ! किमेयं ति ? ॥
 कहियं पडिहारीए संपइ अंतेउरम्मि तुह देव ! ।
 एक्को पुरिसो पत्तो कत्तो वि अतक्किया-SSगमणो ॥
 हा ! पाणनाह ! मं रक्ख रक्खसेणं अणेण णिज्जंतिं ।
 इय विलवंतिं देवि गहिऊण सो गओ गयणे ॥
 तं सोऊण नरिंदो अक्कंद-कंड-प्पहार-विहुहु व्व ।
 मुच्छा-निमीलिय-Sच्छो घस त्ति धरणी-यले पडिओ ॥
 अक्कंद-परेणं परियणेण सिसिरोवयार-करणेण ।
 सत्थीकओ नरिंदो आढत्तो विलचिउं एवं ॥
 हा ! चंद-वयणि ! हा ! अमय-वयणि ! हा ! कमल-नयणि ! देवि ! तुमं ।
 हा ! हंस-गमणि हा ! रमणि-मउलि-मणि ! कत्थ दीसिहिसि ? ॥
 जह मालईइ विरहे भमरो जह कमलिणीइ कलहंसो ।
 पावइ न कहिं पि रइं तह तुह विरहे अहं देवि ! ॥
 घंटीहिं पडिज्जंतं खोणी-रक्खण-खमं पि बाहु-वलं ।
 सोउं अहं न सक्को जस्सेवं हीरइ कलत्तं ॥
 विरहे सिरिकताए अक्कंतो तह निवो विसाएण ।
 जह सुख-हुक्ख-निसि-दियस-सुहा-पिवासाउ न मुणेइ ॥
 परिचत्त-रज्ज-कज्जो निरुद्ध-नीसेस-काय-वावारो ।

मरण-कथ-ऽऽज्ञवसाओ विन्नत्तो मंतिणा निवई ॥
 देव ! न जुत्तं तुम्हाणं एरिसं सोय-करणमणवरयं ।
 पलुणो वि चिंतयाए जेण विसीयइ जगं सब्बं ॥
 सामिस्मि विसन्न-मणे को अत्तो हरिस-निम्भरो भमइ ।
 मेहच्छन्ने सूरे अंधारिज्जइ न किं भुवणं ? ॥
 इय जा जंपइ मंती ता वायस-सर-वियक्खण-नरेण ।
 इक्केण इमं भणिओ राया वायस-सरं सोडं ॥
 देव ! इमो महुर-सरो वासंतो वायसो कहइ एवं ।
 तुह देवी-संजोगो होही उत्तर-दिसि-गयस्स ॥
 ता अबिलंबं कीरउ पयाणगं देव ! उत्तर-दिसाए ।
 तुह रत्त-पंच-मज्जे जेण पिया-संगमो होइ ॥
 तो भणियममचेणं देव ! इमो दिट्ठ-पच्चओ पुरिसो ।
 सउण-बलेणं जं किं पि जंपए होइ तं सब्बं ॥
 इय सोऊण नरिंदो सहसा पत्तो अनंदमाणंदं ।
 चउरंग-चमू-कलिओ चलिओ उत्तर-दिसा-समुहं ॥
 सो खुद्ध-मुद्ध-हरिणं-ऽगणाण दहृण लोयण-विलासे ।
 देवीइ दंसिया किं इमाण एए त्ति चिंतंतो ॥
 मोर-कलावा देवीइ केसपासो विनत्ति(?) मन्नंतो ।
 देवी-वर-हसिय-सिया दुम-कुसुम-भर त्ति भासंतो ॥
 देवी-कर-चलणाणं सहोयरा पल्लव त्ति तुल्लंतो ।
 सुह-सउण-दाहिणंग-प्फुरणेहिं दु-गुणि-उच्छाहो ॥
 पंच पयाणाइं गओ पंचम-दियहे चउइसिं मुणिउं ।
 सेन्नस्स रक्खणत्थं आइसिउं सुहड-संघायं ॥
 आसन्न-घणंजय-जक्ख-मंदिरे निसिसुहम्मि गंतूण ।
 भूमिं पमज्जिउं पत्थिवेण पोसह-वयं गहियं ॥
 कुलिसाऽऽहय-कुल-पव्वय-सह-रउदो कओ निसीहम्मि ।
 जक्खेण अट्ठहासो निव-सत्त-परिक्खण-निमित्तं ॥
 सूराणं पि मणु-क्कंप-कारओ कायराण पाण-हरो ।
 सत्त-पवरेण रत्ता वालय-हासो व्व सो गणिओ ॥
 तत्तो कवाल-कत्तिय-भीम-करा पललक-चलण-पहाणा ।
 गल-कलिय-कसिण-सप्पा पयंसिया काल-वेयाला ॥

रमो खोहण-हेउं विहियाओ तेहिं विविह-चिह्याओ ।
 जायाउ ताउ नवरं अंधे नहं व विहलाओ ॥
 तत्तो कया पिसाया विमुक्क-फुक्कार-फणि-गणा-ऽऽभरणा ।
 नर-मुंड-माल-मंडिय-कंठ-यला कविल-केस-भरा ॥
 गिण्हह भिदह छिदह मारह भक्खह इमं ति जंपंता ।
 तो परिणिया नडा इव मणं पि जाया न भय-जणया ॥
 तयणु धणंजय-जक्खो नरिंद-सत्तेण रंजिओ चित्ते ।
 मणि-मउड-कुंडल-धरो पच्चक्खो भणिउमाढत्तो ॥
 पारेसु पोसह-वयं तुट्ठोऽहं देमि मग्गसि तुमं जं ।
 इय जंपिरे वि जक्खे न पोसहो पारिओ रत्ता ॥
 गोसम्मि पोसहं पारिऊण रत्ता परंपिओ जक्खो ।
 तुह दंसणेण वि अहं तुट्ठो मग्गेनि किं अवरं ॥
 जक्खेण भणियमुवसग्ग-करणओ तुह कयं मए दुक्खं ।
 दाऊण इच्छिय-वरं तमहं अवणेउमिच्छामि ॥
 रत्ता भणिओ जक्खो जइ एवं ता कहेसु मह देवी ।
 केण हरिय त्ति तत्तो आढत्तो अक्खिउं जक्खो ॥
 वेयड्ड-पव्वए दाहिणाइ सेढीइ आहरण-भूयं ।
 नह-लच्छि-केलि-कमलं नयरं नहवल्लहं अत्थि ॥
 तत्थऽत्थि खयर-नाहो सोहग्ग-निहि त्ति पसरिय-पयाओ ।
 सोहग्गसुन्दरी तस्स अत्थि घरिणी रइ-सरिच्छा ॥
 पणय-कुवियाइ तीए कयाइ सो खेयरो इमं भणिओ ।
 कायस्स व मणि-माला किमहं कु-पइस्स तुह जुग्गा ॥
 जो मज्झ ख्व-लावन्न-विणय-लज्जाइ-गुण-जुयाए वि ।
 काउं अवराहसए कुणसि तुमं निचमवभाणं ॥
 चिट्ठउ गुणेहि अहिया समावि मह नत्थि इत्थिया अत्ता ।
 भणियं खयरेण पिए ! मा कुरु गव्वं निय-गुणेहिं ॥
 नूणं गुणेहि अहियं तुह रमणि आणिऊण दंसेमि ।
 इय वुत्तुं निय-नयराउ खेयरेसो विणिक्खंतो ॥
 पुहइं परिब्भमंतो पत्तो अंतेउरे तुह नरिंद ! ।
 निक्खम-ख्वाइ-गुणं देविं द्दूण सिरिकंतं ॥
 गहिऊण नियं नयरिं पत्तो तइंसणेण तेण तहिं ।

सव्वंगसुन्दरीए हरिओ रूवाइ-गुण-गव्वो ॥
 सो मयण-पर-वस-मणो देविं धित्तुं गओ रयण-सेलं ।
 संभोग-सुहत्थं तीइ पत्थणं काउमाढत्तो ॥
 ससि-विंब-वयणि ! कायंब-गमणि ! विंबोद्धि ! मय-सिल्लिघच्छि !
 मह कंबु-कंठि ! कंठा-उवलंबिणी होसु अविलंबं ॥
 तो हियय-जलिय-पइ-विरह-जलण-जाल व्व तीइ नीसासा ।
 उण्हा मुक्का ददो व्व जेहिं काली-कओ खयरो ॥
 निय-नयणाइं पिहियाइं तीइ लंबंत-अलय-पडलेण ।
 नील-पडेण व पर-पुरिस-दंसणं परिहरंतीए ॥
 नयणं-उजणेण मल्लिणं वाह-जलं पयडियं तया तीए ।
 मसि-कुच्चियं व दाउं सयले विज्जाहर-कुलम्मि ॥
 भणिओ इमं च खयरो किं खिज्जसि जंपिण किं यहुणा ।
 निय-पिययमं विसुत्तुं पयावणोच्चिय लग्गइ ममंगे (?) ॥
 जइ पुण हद्वेण काहिसि निल्लज्ज-सिरोमणे ! अणायारं ।
 ता निय-दसणेहिं अहं रसणं दसिउं मरिस्तामि ॥
 इय तीए पडिसिद्धो वि विसय-गिद्धो अणंग-सर-विद्धो ।

+ + + + +

तो रयणसेल-पहुणा पयडीहोऊण वंतर-सुरेण ।
 भणिओ खयरो इत्थाऽऽगओ सि हरिऊण पर-भज्जं ॥
 तं पुण हद्वेण रमिउं जं महसि सहामि तं न दुच्चरियं ।
 इय भणिउं लगुडेणं हओ मओ सो गओ कुगइं ॥
 तुह घरणिं आणेमि त्ति जंपियं पव्वयं गओ जक्खो ।
 तं धित्तुमागओ अप्पिउं च पत्तो अदिससत्तं ॥
 तो हरिसिएहि कहियं दोहिं पि परोप्परं विरह-दुक्खं ।
 अह निय-नयरं पत्तो परिपुन्न-मणोरहो राया ॥
 काउं सावग-धम्मं चिर-कालं पालिऊण सो रज्जं ।
 तत्थ ठविऊण पुत्तं पज्जंते अणसणं धित्तुं ॥
 मरिऊण समुप्पन्नो देवो कप्पम्मि बंभलोयम्मि ।
 अमयप्पियं-सुरठाणम्मि चंदकंते विमाणम्मि ॥

इति पौषधत्रते रणसूरकथा ॥

साहूण संविभागो जो कीरइ भक्त-पाण-पसुहेहि ।
 तं अतिहि-संविभागं तुरियं सिक्खावयं विति ॥
 जो अतिहि-संविभागं परिपालइ पवर-सत्त-संजुत्तो ।
 नरदेवो व्व सउन्नो इहाऽवि सो लहइ कल्लाणं ॥

तं जहा—इहेव जंबुदीवे भारहे वासे विसिद्ध-सुर-भवण-सुव्वंत-असंख-
 संख-सइ संखउरं नयरं । जत्थ पयडिय-पओसाओ जामिणीओ न कामिणीओ ।
 कट्ट-सज्झा लोयाणं रहा न मणोरहा । अणीइ-जुत्ताइं खित्ताइं न स-प्पुरिस-
 चरित्ताइं । अलया-लंकियाइं रमणी-आणणाइं न काणणाइं । तत्थ पवल-पर-
 वल-जलहि-निम्महण-मंदरो पडिवक्ख-कामिणि-कुडुंब-संकडीय-सयल-सेल-कं-
 दरो पुरंदरो राया । तस्स भाया निरुवम-रूवाइ-गुण-निज्जिय-नरदेवो नरदेवो
 नामा । सो पयईए उदारो अत्थि-सत्थस्स अचत्थं अत्थं देइ । अन्नया
 पडिहारेण विन्नत्तो—कुमार ! दुवारे सरस्सई-कुडुंबं तुमं दट्ठु-मणं चिट्ठइ ।
 विग्घिय-मणेण कुमारेण वुत्तं—सिग्घं पवेसेहि । पवेसियं तेण, तं नि-
 विट्ठं पुरओ । कुमारेण पुच्छिओ मूल-पुरिसो—रुत्तो तुमं ? । तेण वुत्तं—इसं-
 तराउ गुण-विसेस-जाणगं तुमं सोऊण आगओ अहं, एसो मे पुत्तो, एसा
 मे भज्जा, इमा पुण पुत्त-पत्ती, चत्तारि वि कइणो । कुमारेण वुत्तं—जइ एवं
 ता “असारात्सारमुद्धरेत्” इति समस्सं पूरेसु । पुरिसेण परिभाविऊण
 भणियं—

दानं वित्तादृतं वाचः कीर्तिधम्मो तथाऽऽयुषः ।

परोपकरणं कायादसारात्सारमुद्धरेत् ॥

कुमारेण वुत्तो पुत्तो—“ गृह्यतां जन्मनः फलं ” इति तुमं पूरेसु ।

तेण भणियं—

देवभक्त्या गुरुपास्त्या सर्वसत्त्वानुकम्पया ।

सत्सङ्गत्याऽऽगमश्रुत्या गृह्यतां जन्मनः फलम् ॥

भणिया पुत्त-भाया—“ कवणु पियावउं खीरु”त्ति तुमं पूरेसु ।

तीए वुत्तं—

रावणु जायउ जहिं दियहि दह-मुहु एक-सरीरु ।

चित्ताविय तइयहिं जणणि कवणु पियावउं खीरु ॥

पुत्त-घरिणी भणिया—“ कंठि व लुल्लइं काउ”त्ति तुमं पूरेसु ।

तीए पडियं—

इड अच्चमुड दिहु मइं कंठि व लल्लइं काउ ।

कीइचि चिरह-करालियहे उड्ढाविय उवराउ ॥

तओ तेसिं तुहु-चित्तेण कुमारेण दिन्ना चउरो सुवन्न-लक्खा । मुणिय-
मिणं रत्ता भणियं सकोवं ।

मुद्धत्तणेण कुमरो उचिया-णुचियं वियाणइ न किंचि ।

जं एवं विणिजुंजइ अच्चत्थं अत्थमत्थाणे ॥

सलहिज्जइ उचियं चिय चित्तं दिंतो नरो न उण बहुयं ।

कस्स न उव्वेय-करो वरिसंतो जलहरो पउरं ॥

सुयनेयं कुमारेण । तओ मए कित्तियं दिन्नं । परं इतिण्णाऽवि मह
कुविओ राया । ता किमित्थाऽवत्थाणेणं ति चित्तिऊण निसाए निग्गओ नय-
राओ एगागी कुमरो । परिब्भमंतेण तेण दिट्ठो एगत्थ गाप्पे अणेण-साहु-
सहिओ हिओवएस-परो परोवयार-निरओ निरय-कूव-निवडंत-जंतु-हत्था-
ऽवलंबो विमलवोहो नाम सूरी । तं पणमिऊण निविट्ठो पुरओ कुमरो । पारद्धा
धम्म-देसणा गुरुणा । दंसियं संसारा-ऽसारत्तणं । कहियाइं अकय-सुकयाण
नारत्त-तिरिय-दुक्खाइं । परुवियं निरावाहमक्खयं मोक्ख-सुक्खं । अक्खिओ
तस्स साहणोवाओ साहु-धम्मो । संविग्ग-मणेण तेण भणियं-भयवं ! अक्ख-
मोऽहं इमं काउं । तओ कहिओ वारस-विहो सावग-धम्मो । पडिच्चो सो
कुमारेण, भणियं च—भयवं ! हहा ! मए इत्तियं कालं कओ कु-पत्तेसु चित्त-
व्वओ सपयं पुण नत्थि मे किंचि जं देमि साहूणं । जइ पुण मज्झ किं पि
संपज्जिही ता मए असण-वसण-सयणा-ऽऽसणोसहाइयं साहूणं दायव्वं ।
नवरं भोयण-समए समागयाणं साहूणं संविभागं काऊण भुत्तव्वं ति कओ
निच्छओ । धत्तो त्ति पसंसिओ गुरुणा । कमेणाऽऽगओ गयपुरं ।

तत्थाऽऽसि निवो खेमं करो त्ति कय-सयल-खोणि-तल-खेनो ।

तस्स सुतारादेवी देवि व्व पगिहु-रूव-धरा ॥

सो पुत्तस्स अभावाउ सुन्न-चित्तो तणं व रज्जं पि ।

राया मन्नइ जम्हा जयं वि सुन्नं अपुत्तस्स ॥

अह देवीए गव्वो जाओ तत्तो नीवो गओ तोसं ।

को वा न तूसए चित्तिय-ऽत्थ-संभावणाए वि ? ॥

देवीइ पसव-भासे संपत्ते निचइणो समुप्पन्नो ।

पुव्व-कय-कम्म-वसओ वाही सब्बोसहा-ऽसज्झो ॥

रोगेण तेण राया नीओ निहणं तवो व्व कोवेण ।

संपज्जंति न जम्हा मणोरहा पुन्न-रहियाण ॥

देवीह अत्थि गम्भे सुओ त्ति बुद्धीह पालियं रज्जं ।

कइ वि दियहाइं मह-विजिय-तिअस-मंतीहिं मंतीहिं ॥

जाया देवीए धूया, विसन्ना सा, धीरविया मंतीहिं । देवीए पुत्तो जाओ
त्ति पयासिऊण धूयं चेव रज्जं कारविस्सामो । धरियव्वा तए इमा पुत्त-वेसेण ।
तओ कराविओ नयरे पुत्त-जम्मूसवो । कयं से पियंकारो त्ति नामं । सा य
संपुन्न-चंद-सुंदर-मुही जाया जुववणा-ऽभिमुही । तं तारिसं दट्टूण मंतीहिं
अच्चिया अच्चुया नाम कुल-देवया । पच्चक्खी भूया सा विन्नत्ता मंतीहिं-देवि !
दंसुसे कं पि पुरिसं । जं राय-धूयाए रज्ज-लच्छीए य पइं करेमो । अच्चुयाए
भणियं—

सीहु दमेवि जु वाहिहइ, इक्कु वि जिणिहइ सित्तु ।

कुमरि पियंकरि देवि तसु, अप्पहु रज्जु समत्तु ॥

तओ तिरोहिया देवी । ठिओ स तत्थ नयरे बुद्ध-महिलाए मंदिरे
कुमारो, पुत्तो त्ति पडिवन्नो तीए । करेइ सो पियंकरस्स रत्तो सेवं । अन्नया
धय-गुल-संगए मंडए चित्तूण इंधणऽत्थं गओ अरत्तं । सुत्तु-कामेण पलोइयाउ
दिसाउ । दिट्ठो इओ तओ परिब्भमंतो साहू । गंतूण सजीवं पणामिऊण
पुच्छिओ सो—भयवं ! किमेवं परिब्भमसि ? साहुणा वुत्तं—सत्थाओ परि-
ब्भट्ठो मगं अयाणंतो एवं भमामि । चित्तियं कुमारेण—अहो ! कट्ठं, एसो
महप्पा छुहिओ कत्थ भिक्खं पाविही ? अहं पुण गिहं गओ खुंजिस्सामि ।
ता इमस्स मंडगे दाऊण करेमि कय-ऽत्थमप्पाणं ति सट्ठा-वसुल्लसिय-रोमंचेण
दिन्ना मुणिणो मंडगा । दंसिओ मग्गो । गओ मुणी अन्नत्थ ।

इओ य तन्नयरा-ऽऽसन्न-गिरि-निगुंज-गओ सीहो गो-महिस-माणुसाईणं
उवहवं करेइ । तस्स वहत्थं हत्थ-गहिय-सत्थं पयट्ठं राय-साहणं । तं विह्वंतो
समागओ कुमारासन्नं केसरी । कुमारो वि सत्त-सारत्तणओ विज्जुक्खित्त-
करणेण आरूढो सिहस्स पिट्ठं । वाम-करणेण धरिऊण तं कन्नेसु वाहिउं पवत्तो ।
अहो ! अच्छरियं ति भणंतेहि दिट्ठो साहण-भडेहि । तेण अपुणम्ममाणो
पत्तो नयरं, गओ य रायउलं । सिहा-ऽवल्लोयणुत्तत्थ-हत्थि-पारद्व-हलवोलं तं
कुमारं अमरं व मणोहरं पिकखंतस्स रत्तो विद्यंभिओ अपुराओ । संपन्नं पंच-
सर-पसर-पर-वसं चित्तं । अलंकियं लेय-जल-विंदु-संदोहेण नडालं । समुल्लसि-

ओ सव्वंगं रोमचो । पयहा विसद-कंदोद-दल-सरिच्छा तिरिच्छं अच्छि-वि-
च्छोहा । संजाया सज्जस-वस-खलंतकखरा वाणी । भणिया रत्ता मंति-
णो—एसो अम्ह संतिओ रायउत्तो । अहो ! इमस्स निरुवणो विज्जओ । लहु-
कय-सयल-सत्तं सत्तं । वियंभिय-भुवणच्छरियं चरियं । जं इमिणा मणुस्स-
मित्तेण दमिऊण केसरी कओ वाहो व्व वाहणं । मंतीहि वुत्तं—देव ! एवं । ता
इमस्स कीरउ महंतो पसाओ । तओ रत्ता दिन्नाइं सुवन्नालंकार-पसत्थ-वत्थाई-
णि । वियरिया एकंगस्स वि कणग-लक्खं वित्ती ।

इत्थंतरे तत्थागएण साविथी-साभिणो नरसिंहस्स रत्तो पुरित्तेण दिट्ठ-
मेयं सव्वं । चित्थियं च किं एस पत्थिवो इत्थी ?, जं एयं सिंहारुडं पुरिसं-
दहूण इमस्स वियंभिया मयण-वियारा । सम्मं निरुवण्णेण दिट्ठं धेव-थणुअव-
मणहरं रत्तो वच्छत्थलं । हुं निच्छिउं एसा कल्लगे त्ति । तओ गंतूण साहियं
इमं नरसिंहस्स रत्तो । तेणावि सिक्खविज्जण पेसिओ दूओ । सो आगओ ग-
यपुरं । भणिया तेण मंतिणो पेसिओऽहं नरसिंहराएण, आणत्तं च तुम्ह एयं—

पडिचज्जह मह सेवं दंडं पट्टवह हत्थि-हय-पलुहं ।

जह जीविएण कज्जं रणसज्जा अत्तहा होह ॥

भणियं मंतीहि—तए राया पुत्तो त्ति इत्थियं कालं ।

दंडो न मग्गिओ संपयं [य] धूय त्ति सुणिऊण ॥

मग्गंतो दंडं किं न लज्जसि निच्छियं[पर-]छलत्तेसी ।

ता न तुवं नरसिंहो नवरं नरसारमेओ सि ॥

तुज्ज न देओ दंडं तुह पासे किं तु मग्गिओ अम्हे ।

इय दूय ! कहसु सव्वं सिग्गं गंतूण निय-पहुणो ॥

तं सोउं सो कुविओ चलिओ चउरंग-वल-समूहेण ।

महिचीठमकमंतो पत्तो निय-देस-सीमंते ॥

तं सोउं जाव कुणंति मंतिणो कडग-गमण-संजुत्ति ।

ता भणिया कुमरेणं किं तुम्हाणं किलेसेण ? ॥

एक्को वि अहं काहं समत्त-सत्तूण दप्प-निहलणं ।

पट्टवह मए य समं साभंते पेक्खगे कह व ॥

कुल-देवयाह वयणं सरिओ दहूण सिंह-दमणं व ।

धुपमेस दिव्व-सत्ति त्ति निच्छिउं मंति-वग्गेण ॥

तत्तो तहेव पिहियं कमेण कुमरो गओ अरि-समीचं ।

अरिणो कहावियमिणं झत्ति तुमं होसु रण-सज्जो ॥
 तेणावि कया पगुणा वर-कणय-गुडा विचित्त-विंध-जुया ।
 करिणो सुवन्न-गिरिणो व्व जंगमा कप्पतरु-चलिया ॥
 सज्जीकया रहवरा जय-लच्छि-चलंत-केलि-निलय व्व ।
 पक्खरिया तुरय-गणा गहिय-सरीरा समीर व्व ॥
 सन्नद्धा जम-दूय व्व विविह-पहरण-भयंकरा सुहडा ।
 इय चउरंग-दलेणं नरसिंहो उट्ठिओ समरे ॥
 अणुमग्ग-विलग्गेणं सामंत-प्पसुह-सुहड-वग्गेणं ।
 कंठीरवमारुहिउं कुमरो पुरओ ठिओ तस्स ॥
 कंठीरवेण पुच्छ-च्छडाइ तह ताडियं धरणि-पिट्ठं ।
 कय-पलय-काल-संकं ववहरिउं जह समाढत्तं ॥
 तुटंत-मूल-बंधा पडिया फल-कुसुम-सालिणो तरुणो ।
 चज्जेण हयाइं पिव तुट्टाइं गिरीण सिहराइं ॥
 किं फुट्टं वंभंडं पडिओ गयणाउ विज्जु-दंडो वा ।
 इय संकाओ सयलं सत्तु-वलं आउलं जायं ॥
 तत्तो सीहेण कओ गिरि-गुह-पडि-सइ-भीसणो सद्धो ।
 कप्पंत-काल-गज्जंत-मेह-निग्घोस-दुव्विसहो ॥
 हणिउं व मयंकमयं उप्पडइ खणं नहंगणे सीहो ।
 पुण पडइ कुलिस-निट्ठुर-कम-भर-निदलिय-महिबट्ठो ॥
 तत्तो नरसिंह-निवस्स कुंजरा सिंह-भय-विट्ठुर-हियया ।
 अवगणिय-महामत्ता मत्ता वि पलाइया झत्ति ॥
 भय-वसओ अवगणिउं वग्गाओ महीइ आसवार-भडा ।
 उल्लालिऊण खित्ता तुरएहिं रएण नट्टेहिं ॥
 सुहडाण पहरणाइं भय-वस-कंपंत-पाणि-पायाणं ॥
 पडियाइं पायवाण व पवणाहय-पक्क-पत्ताइं ॥
 इय नासंतं सिन्नं दट्ठूण भयाओ सो वि नरसिंहो ।
 निय-हत्थि संठविउं कहं पि थक्को रणे एक्को ॥
 नरसिंह-हत्थि-कुंभ-त्थलम्मि चडिओ हरी वि उप्पइउं ।
 तो भूमि-निहिय-दसणो सज्ज-विट्ठुरो ठिओ हत्थी ॥
 भय-वस-वियलंत-समत्त-पहरणो मुक्क-विक्कउकरिसो ।

नरसिंहो विय थको तत्थ हत्थि-कुंभ-त्थले लुठिओ ॥
 काड्डिय-करवालेणं मरह त्ति पर्यंपिओ कुमारेण ।
 दंत-गहियंगुली तं नरसिंहो भणिउमाढत्तो ॥
 रक्ख मह जीवियं तुज्झ सेवगोऽहं खमेसु अवराहं ।
 न पुणो काहं एवं जं ह्वंति खमा-परा गरुया ॥
 तो कुमारेण विमुक्को नरसिंहो अप्पणो पुणो जब्भं ।
 मज्जंतो परितुट्ठो को व न तूसइ वसण-विगसे ॥
 करि-तुरय-रयण-कणया लंकाराईणि तेण दिन्नाइं ।
 गहिऊण पत्तन्न-मणो सम्मागओ गयपुरं कुमरो ॥
 सोउं कुमार-चरियं परितुट्ठा मंतिणो समग्गा वि ।
 जाओ दढमणुराओ पियं करीए कुमारम्मि ॥
 परिणाविऊण परिचत्त-राय-वेसं पियं करीं कुमरो ।
 रज्जम्मि परिट्ठविओ विहिओ य महुसवो नयरे ॥
 कुलदेवयाइ भणियं मए वरं रायकन्नया-जुग्गं ।
 पिच्छन्तीए दिट्ठो नरदेवो एस राय-सुओ ॥
 सुणिणो अरन्न-पडियस्स मग्गं चुक्कस्स छुह-किलंतस्स ।
 छुहिएण सयं ठाउं इमिणा जं भोयणं दिन्नं ॥
 सत्तेण तेण तोस्सिय-मणाइ काउण वाहणं सिंहं ।
 सत्तिं च सत्तु-विजए इमस्स रज्जं मए दिन्नं ॥
 ता जो इमस्स आणं विलंघिही तस्स निग्गहं काहं ।
 इय सयल-जण-समक्खं भणिऊण तिरोहिआ देवी ॥
 अप्पडिहय-प्पयावेण तेण परिपालियं चिरं रज्जं ।
 पुवं पि जे न सिद्धा ते वि निवा साहिया तेण ॥
 नयरे नयरे जिण-मंदिराइं कारावियाइं तुंगाइं ।
 सच्चत्थ वित्थरेणं जिण-रह-जत्ताउ विहियाओ ॥
 सम्माणिऊण सच्चो सुणीण भत्तिं कराविओ लोओ ।
 संवेग-परिणएणं गुरु-पासे आगमो सुणिओ ॥
 एवं गिहत्थ-धम्मं काऊण सम्माहिणा मओ एसो ।
 उप्पन्नो सुर-लोए तओ चुओ पाविही मोक्खं ॥
 इति अतिथिदाने नरदेव-कथा ॥

एवं नरिंद ! तुह अक्खियाइं एयाइं वारस-वयाइं ।
 रत्ना भणियं भयवं ! अणुग्गहो मे कओ तुमए ॥
 पंच-मह-व्वय-भारो धुवं गिरिंदो व्व दुव्वहो ताव ।
 तं जे वहंति सम्मं ते दुक्कर-कारए वंदे ॥
 ते वि हु सलाह्णिज्जा न कस्स परिमिय-परिग्गहा-SSरंभा ।
 सक्कंति पालिउं जे इमाइं वारस-वयाइं पि ॥
 गुरुणा भणियं आणंद-कामदेवाहणो पुरा जाया ।
 जेहिं परिपालियाइं इमाइं सावय-वयाइं दढं ॥
 इण्ह तु वर-गिहत्थो इहत्थि नाभेण छड्डुओ खेटी ।
 परिमिय-परिग्गहो विहिय-पाव-वावार-परिहारो ॥
 जो अहिगय-नव-तत्तो संतोस-परो विवेय-रयण-निही ।
 देव-गुरु-धम्म-कज्जेसु दिन्न-निय-भुय-विट्ठ-धणो ॥
 सो अम्ह पाय-मूले पुव्वं पडिबज्जिऊण भावेण ।
 वारस-वयाइं एयाइं पालए निरइयाराइं ॥
 रत्ना भणियं एसो आसि धणड्डो त्ति मज्झ गोरव्वो ।
 साहम्मिउ त्ति संपइ वंधु व्व विसेसओ जाओ ॥
 भयवं ! अहं पि काहं सावय-धम्मस्स वारस-विहस्स ।
 परिपालणे पयत्तं वसुहा-सामित्त-अणुरुवं ॥
 तो गुरुणा वागरियं नरिंद ! तुममेव पुत्तवंतो सि ।
 जो एरिसो वि सावय-वयाण परिपालणं कुणसि ॥
 इय सोमप्पह-कहिए कुमार-निव-हेमचंद-पडिबडे ।
 जिण-धम्म-प्पडिवोहे पत्थावो वड्ढिओ तुरिओ ॥

इत्याचार्यश्रीसोमप्रभविरचिते कुमारपालप्रतिबोधे

चतुर्थः प्रस्तावः ॥

॥ ॐ ॥

अथ पञ्चमः प्रस्तावः ।



अहं गुरुणा वागरियं जो जीवदयं समीहए काउं ।
तेण कसायाण पराजयस्मि जत्तो विहेयव्वो ॥
जम्हा कसाय-विबसो कियमकिच्चं च किं पि अमुणंतो ।
निदय-मणो पयदइ जीवो जीवाण पीडासु ॥
तो कोह-जाण-माया-लोभा चउरो चउच्चिहा हुंति ।
एज्जिज्जसो अणंताणुबंधि-पमुहेहिं भेएहि ॥
कज्जाकज्ज-विचारण-चेयन्न-हरस्स विसहरस्सेव ।
कोवस्स कोऽवणासं महंमं मण-मंदिरे दिज्जा ? ॥
सुदु जलणो जलंतो वि दहइ तं चेव जत्थ संलग्गो ।
कोह-जलणाउ जलिओ सठाणमन्नं परभवं च ॥
जिण-पवयण-भेह-समुभवेण पसमामएण कोव-दवं ।
विज्जवइ जो नरो होइ सिव-फलं तस्स धम्म-वणं ॥
कोयेण कुगइ-कुक्खं जीवा पावंति सिंह-वग्घ व्व ।
होउं खमा-परा पुण लहंति सग्गापवग्ग-सुहं ॥

तं जहा—

अत्थि इत्थेव भरहे सिंहउरं नयरं ।

जं सहइ दीहर-ऽच्छं पणिदु-रयणं सुहालय-सणाहं ।

महिला-सुहं व भालोवलक्खियं किं तु न कयावि ॥

तत्थ विहू राया ।

जस्स असिणा घणेणं तमाल-नीलेण स-जल-धारेण ।

संछाहया अरीणं पयाव-तवणो जस-ससी य ॥

तस्स गुण-रयण-खाणी दुज्जण-सुह-कमल-काणण-हिजाणी ।

कंदप्प-राय-हाणी देवी लच्छि त्ति मिउवाणी ॥

तेसिं पुच्च-कय-सुकयाणुखवं रज्ज-सुहं सेवंताण समुप्पत्ता दुवे जजल-पुत्ता ।

पाराविओ रत्ता नचंत-तरुणि-थण-वट-तुटंत-हार-तारइय-अवणंगणो पुणजम्बू-

सवो । दिनाइं तेहिं नामाइं एकस्स सिंहे वीयस्स वग्घो त्ति । गया दो वि बुद्धिं । समए गहिय-कला-कलावा जाया जुव्वणाभिरामा ।

ते दो वि सरिस-वत्ता सरिस-पमाणा सरिच्छ-संठाणा ।

सरिच्छग-सइ-चिट्ठा बालत्तणओ वि संपन्ना ॥

उच्छंग-लालियाण वि पिउणो वि मुणंति ताणमविसेसं ।

किं पुण सेसा लोया, अह तत्थ वियंभिओ गिंभो ॥

जहिं दुट्ठ-नरिंदु व सयल भुवणु परिपीडइ तिब्ब-करेहिं तवणु ।

जहिं वूहव-महिलय-जण समग्ग संतावइ सुयसरीर लग्ग ॥

जहिं तण्हा-तरलिय-पहि वहतं अणुसरहिं सरसए व जेव कंत ।

जहिं चंदणु चंदु-जलइ-हारु सजणु व दिति आणंडु फारु ॥

जहिं सेवहिं धारा-जंतु नीरु जण सिंसि सनाइ कामिणि सरीरु ।

जहिं दक्खा-वाणिय पियहिं महुर गुरु-वयण नाइ भव-ताय-विहुर ॥

जहिं निय-निय-कड-कुसुम-ज्जलेण.....सारसा व चंदण-जलेण ।

सिब्वंतउ तरुणिहि तरुणु लोउ संताव चत्तु पावइ पमोउ ॥

तत्थ गिंभे गया कीलत्थं उज्जाणं दो वि कुमार। विविह-कीलाउ कुणं-तो आढत्तो गीयं गाइउं सिंहे । वग्घो पुण पयट्ठो पुप्फावचयं काउं । इत्थंतरे वेयडु-पव्वयावयंस कणयपुर-नयर-वाली सुवेग-विज्जाहरो जरा-जुज्जो अचंतं मणहरं निय-कन्नगं अन्नन्न-विज्जाहरेहिं पत्थिज्जं पि जुद्ध-भयेण तेसिं अदाजण भू-गोयरस्स कस्स वि देमि त्ति तं वेत्तूण तत्थागओ । खणामिसं सुयं तेहिं सिंहस्स गीयं । अहो गीय-कला-पगरिसो एस त्ति चित्थियं चित्ते । कन्नगा वि जणयाणुत्ताया पयट्ठा गाइउं । तं सोउं चित्थियं सिंहेण ।

जं निरुवम-रूवाए इमीए अचंत-सुंदरो सद्धो ।

एकं सुवन्नमलं सुरहिं तं संपयं जायं ॥

तह तीए अक्खित्तो सिंहे महुरेहिं रूव-सदेहिं ।

जह छल-गवेसिणो वम्महस्स सर-गोयरं पत्तो ॥

वग्घो वि गीयं सोऊण लयंतरिओ कन्नगं पिच्छिउं पयट्ठो । अक्खित्तो तीए रूव-सदेहिं सुत्तूण कुसुम-वयं कुसुम-सर-पर-वसो पविट्ठो कयली-हरं कन्नगावि विरया गीयाओ पयट्ठा उज्जाण-लच्छि पिच्छिउं । कह वि पत्ता कय लीहरे । दिट्ठो तत्थ तीए पल्लव-सत्थरे पत्थरे व्व रइं अलहंतो दाह-दीहं नीस संतो वग्घो । जो मए दिट्ठो गायंतो सो चेव एसो त्ति भणंतीए पुच्छिओ-

किं ते बाहू ? त्ति । तेण वुत्तं—जो न पर-दुक्खेण दुक्खिओ, न दुक्ख-विशु-
क्खण-खमो वा किं तस्स सीसइ । तीए वुत्तं—सुहय ! दुक्खिया अहं तुह दुक्खेण,
खयरत्तणओ सब्ब-दुक्ख-हरण-क्खमा य । ता कहसु निय-संताव-निमित्तं ।

सो जंपह—जइ एवं ता सुण, जप्पभिइ सुयणु ! दिट्ठासि ।

तप्पभिइ मज्झ पीडं मणम्मि मयणो कुणइ वाढं ॥

तो जइ मह दुक्खेणं दुहिया सि, मणम्मि वसइ तुज्झ दया ।

तो परिणैऊण ममं मह जीविय-सामिणी होसु ॥

कन्नगाए वुत्तं—

किमजुत्तं, जओ जणओ वि मे वर-उत्तेसणत्थमित्थागओ, ता जाव मं
अन्नस्स सो न देह, ताव तुमं मए सयं चेव वरिओ सि त्ति । तओ स कंठाउ
खित्ता वग्घस्स कंठे कुसुममाला । भणियं च, अहं ताव विज्जाहरी, तुमं पि
मम पासओ गिण्ह पढिय-सिद्धाओ विज्जाओ, जेण विज्जाहरो होहिसि । गहि-
याउ तेण विज्जाउ, जाओ सो विज्जाहरो । विवाह-पउणो होसु त्ति अणंती नि-
ग्गया कन्नगा कयलीहराओ । खयरेणावि भणिओ सिंहो—कुमार ! रंजिओ
हं तुह गीएण । ता भण किं ते पियं करेमि ? । सिंहेण वुत्तं—जं अहं मग्गेमि
तं तुमए दायव्वं । खयरेण वुत्तं एवं । सिंहेण वुत्तं—ता देसु मे निय-धूयं ।
खयरेण वुत्तं मम मणो-गयं चेव मग्गियं तुमए । किं अणुचियं नागवल्लीए
पूण-पायव-रोहणं । परं धूया मे विज्जाहरी, ता तुज्झ वि देमि पढिय-सिद्धाओ
विज्जाओ जेण दुण्हं पि तुम्ह विज्जाहराणं अणुस्सो संयंओ होइ । गहियाओ
विज्जाओ सिंहेण, गंतूण कहियं तेण पिउणो, मए खयर-कन्नगा लड त्ति ।
इओ य तत्थ समागओ खयर पासं वग्घो । सिंह-अंतीए वग्घसुहिसिउं खयरेण
भणिया धूया, वच्छे ! तुमं मए एयस्स दिन्न त्ति । तीए चिंतियं—अहो ! मे
दिव्वमणुकूलं, जो चेव मए कयली-हरे वरिओ पिउणा वि तस्सेव अहं दिन्न
त्ति । भणिओ तीए जणओ—ताय ! जणसु तुमं विवाह-सामग्गिं । तओ
तेण विहिओ विवाह-मंडवो । ठविया तत्थ अणेग-खयर-रामा-समेया कन्नगा ।
वग्घेणावि कहियं पिऊणं—मए वि खयर-कन्नगा लड त्ति । भणियं अणेहिं
अहो ! अम्ह पुन्न-परिणई, जं जाया जुगवं दुवे देव-कुमारोवमा कुमरा ।
देहि वि लडओ जुगवं खयर-कन्नाओ । तओ तेहिं विवाहो-चियं विहिं
काराविऊण उज्जाणमाणीया दो वि कुमारा । पुच्छिया य—का कन्नगा केण

लद्ध ? त्ति । वग्गेण वुत्तं, संसुहाए चउरियाए जा चिट्ठइ, सा मए लद्धा । सिं-
हेण हक्कारिऊण खेयरो भणिओ—कथ सा कल्लगा, जा तुमए मज्झ दिन्ना ?
खयरेण दंसिआ स च्चैव कल्लगा । वग्गेण वुत्तं—एसा तुमए मज्झ दिन्न त्ति ।
खयरेण वुत्तं—दुण्हं पि तुम्ह सरिस-ख्वत्तणेण भंतं मे चित्तं । परं मए जस्स
कल्ला दिन्ना तस्स विज्जाओ वि दिन्नाओ, तप्पभावेण जो गयण-गमण-सत्ति-
मंतो सो मे धूयं परिणेत । तं सोऊण दो वि राय-हंस व्व उप्पइया गयणे, पुणो
वि आगया भूमिं । खेयरेण वुत्तं—विज्जा-सत्तीए विउव्वह चउरंगं सेत्तं ।
दोहिं पि तद्देव कयं । खेयरेण वुत्तं—दो वि तुम्हे तुल्ल-गुणा, एक्का इमा कल्लगा,
न याणामि कस्स दिन्न त्ति । ता किं करेमि ? । पिऊहि भणियं—वाव-दाहि-
णेषु नयणेषु व नत्थि अम्ह दोसु वि कुमारेसु विलेसो, ता बुज्झिऊण एको
को वि परिणेत एयं । वग्गेण भणिओ सिंहो—खण-मित्त-पठम-पस्येण तुमं
मे गरुओ बंधू, तओ जा मह अणुरत्ता तं पइ मणं पि काउं ते न जुत्तं ।
सिंहेण भणियं मह गुरु-बंधवे अपरिणीयम्मि तुज्झ वि न जुत्तं परिणयणं ।
वग्गेण वुत्तं—नेहेण गुरु-बंधवो त्ति मच्चिज्जसि तुमं, अन्नहा एक-कालं एक-
जणणी-गन्ध-समुत्तभवानं अम्हाणं का गुरु-लहु-ववत्था ? । सिंहेण वुत्तं—अरे !
कमागयं मे गरुयत्तणं पि तुमए हारवियं, ता होसु मए समं सभर-सज्जो ।

अह वग्गेणं भणियं जह खयर-सुयं पडुव अणुराओ ।

जाओ अम्हं तह होउ संपयं संपराउ त्ति ॥

तो दो वि दप्प-वसओ सन्नद्धा दंत-दट्ट-उट्ट-उडा ।

कर-गहिय-खग्ग-फलया संगामं काउमाठत्ता ॥

वगंति दो वि हक्कंति दो वि पहरंति दोवि अन्नोऽजं ।

बंधंति दो वि घाए दो वि पउंजंति दिव्वत्थं ॥

खणामुप्पयंति गयणे निवडंति महीयले खणं दो वि ।

खणमोसरंति खणमन्निडंति महिस व्व रोसंधा ॥

दट्टूण वि दूरंतं हा ! हा ! अमयं पि किं विसं जायं ।

जं परिणयणं कुमाराण परिणयं जुद्ध-ख्वेण ॥

अम्हे चिय कय-पुत्ता इय बुद्धी पुव्वमासि अम्ह मणे ।

संपइ पुण निव्वग्गं अप्पाणं मच्चिमो अम्हे ॥

जं एक-कुक्खि-पभवा[दुण्ह] वि कलहंति एक-रमणि-कए ।

किं को वि निवारिस्सइ इमे त्ति खेयं कुणंताण ॥

कुमर-सयणाण गयणाड आगओ तत्थ चारण-स्तमणो ।
 तेण भणियं किमेवं कुणह कुमारा पुण वि कलहं ! ॥
 सहय-भुयंग-कुंजर-कुरंग-गंडय-तवस्तिणो तुभे ।
 पुवं कलहं काउं कोवंधा मरणणुपत्ता ॥
 तं सोऊण कुमरा सुमरिय-पुव्वाणुभूय-कोव-फला ।
 मुत्तूण जुद्ध-बुद्धि पणया मुणिणो निससस्स ॥
 रत्ता वि मुणिं नमिउं भणिओ तुमए कओ मह पसाओ ।
 जं पढियं किं पि इमे कुमरा मिल्हाविया समरं ॥
 ता कह किं तं पढियं, भणइ मुणी पुव्व-जम्म-कोव-फलं ।
 कुमराण मए कहियं तुमं पि तं सुणसु नर-नाह ! ॥
 सूरपुरे नयरे नर-वइस्स दो सहया इमे आसि ।
 एको तत्थ मयहरो बीओ मयहर-पयं महइ ॥
 अह मयहरो निवेणं भणिओ भो ! तुज्ज कित्तिया सत्ती ! ।
 सो भणइ सह-रंधे खिवामि तिमिरे वि तंतुमहं ॥
 बीओ[य] भणइ अहं तु सहं उल्लालिऊण मिल्हेनि ।
 जह हिट्ठा-ठविए दोरयम्मि सयमेव पविसेइ ॥
 तो निय-निय-विज्ञाणं निवस्स दोहिं पि दंसियं तेहिं ।
 बीयस्स मयहरत्तं तुट्ठेण निवेण तो दिन्नं ॥
 एकस्स पयस्स कए कथाइ कुद्धा परुप्परं दो वि ।
 कलहं काऊण मया जाया मलयाचले सप्पा ॥
 संपत्ता पोढसं मिलिया चंदण-दुमे इमे दो वि ।
 अन्नो-उन्न-दंसणेणं कुच्चिय-मणा दिन्न-कण-धाया ॥
 कलहायंता दड्ढा दवग्गिणा कुंजरा ससुप्पत्ता ।
 एक-करिणी-निमित्तं कलहं काउं मया दो वि ॥
 जाया मवम्मि हरिणा जुद्धंता दो वि एक-हरिणि-कए ।
 वाहेण हया जुगवं उप्पत्ता गंडया मिलिया ॥
 ते एक-पत्तूल-कए कलहंता कहमे मया पडिउं ।
 होऊण नरा जाया एकस्स तवस्तिणो सीसा ॥
 कालेण गुहम्मि मए कलहं दो वि एक-मड-कओ ।
 अन्नो-उन्न-पहार-कया महीइ पडिया मए दिट्ठा ॥

उवसाभिज्जण परमिद्धि-मंत-सवणं कराविया दो वि ।
 मरिज्जण त-प्पभावेण दो वि तुह नंदणा जाया ॥
 संगामं कुणमाणा इमे पुणो एक्क-खेयरी-कज्जे ।
 दिट्ठा मए दयाए बुज्झविया कहिय-पुव्व-भवे ॥
 तो भणियं कुमरोहिं सव्वमिणं अवितहं तए कहियं ।
 निरयंघकूव-कुहरे निवडंता रक्खिया अम्हे ॥
 अणुभूयं कोव-फलं अओ परं उवसमं करिस्ताओ ।
 ता देसु अम्ह दिक्खं तो दुन्नि वि दिक्खिया मुणिणा ॥
 उवसग्ग-परे वि परे खमा-पहाणा परुप्परमकुब्जा ।
 कत्थ वि विसए मरिज्जण दो वि पत्ता तियस-लोकं ॥
 इति कोपविषये सिंहव्याघ्र-कथा ।

अट्ट-मय-ट्टाणेहिं मत्तो अंतो-निविट्ट-संकु व्व ।
 कस्स वि अनमंतो तिहुयणं पि मज्झ तणं व नरो ॥
 मय-वट्ठो उड्डु-सुहो गयणाम्मि गणंतओ रिक्खाइं ।
 अनिरिक्खिय-सुह-मग्गो भवावडे पडइ किं चोज्जं ॥
 राया-उमवाइणं पि सेवओ माणवज्जिओ चेव ।
 लहइ मण-वंछियत्थं पुरित्तो माणी पुण अणत्थं ॥
 माणी उव्वेय-करो न पावए कामिणीण काम-सुहं ।
 इत्थीण काम-सत्थेसु कम्मणं मद्दवं जम्हा ॥
 मोक्ख-तर-वीय-भूओ माण-त्थडुस्स नत्थि धम्मो वि ।
 धम्मस्स जओ समए विणउ चिय वज्जिओ मूलं ॥
 जाइ-कुलाइ-मएहिं नडिओ जीवो वि विडंबणं लहइ ।
 तेहिं पुण वज्जिओ गोधणो व्व सुह-भायणं होइ ॥

तं जहा—

अत्थि इत्थेव भरहे चंदपुरी नयरी ।
 सरयव्व-विठ्ठमादव्व-देव-भवन-प्पहा-कडप्पेण ।
 अमरपुरिं पि हसंति व्व सहइ जा नियय-रिखीए ॥
 तत्थ दमियारी राया ।
 नक्खत्त-कुसुम-टिबडिक्कियाइ हरिणंक-मंडल-कलाए ।

वंभंड-मंडवो जस्स कित्ति-बल्लीइ संछन्नो ॥
 तस्सासि पवर-बुद्धी समत्थ-सत्थत्थ-वित्थर-पवीणो ।
 कय-सयल-कज्ज-रज्जो मंती नामेण गोविंदो ॥
 सावित्ति व्व विरंचिस्स बल्लहा तस्स गोमई गिहिणी ।
 तेसिं पणिट्ठ-रूवो संजाओ गोधणो पुत्तो ॥
 सबए पढाविओ सो वागरणाईणि सयल-सत्थाइं ।
 कलहो व्व करिंदत्तं कमेण तारुत्तमाख्खो ॥
 अह जलहिणो व्व वेला फुरिया चित्तम्मि तस्स दप्प-कला ।
 अहमेव जाइ-कुल-रूव-नाण-पमुहे हि पवरो त्ति ॥
 जो को वि अत्थि सत्थत्थ-पारणो सो मए समं वायं ।
 कुणउ त्ति भणंतो सो पुरम्मि पुग्गाइं वाएइ ॥
 नरनाह-मंति-पुत्तो त्ति तेण सह को वि कुणइ न विचायं ।
 तो गाढं सो गहिओ अहमेव बुद्धो त्ति गम्बेण ॥
 सो पिउणा सिक्खविओ वच्छ ! सगत्तस्स अणुचिओ गव्वो ।
 तुच्छाण फुरइ चित्ते पायं अत्तुक्करिस्स-बुद्धी ॥
 जं स-गुण-गव्व-गहिलो तुमं न गरुए वि नमस्सि तमजुत्तं ।
 पुरिस्सस्स नम्मया नम्मय व्व उदयावहा जम्हा ॥
 गुणिणो जणस्स गव्वो गरुओ हरिणो सस्सिस्स व कलंको ।
 ता पुत्त ! तं विमुत्तुं वट्ठसु सप्पुरिस्स-जग्गेण ॥
 पर-दूसणं न जंपइ थेवं पि गुणं परस्स वज्जरइ ।
 न कुणइ परे असुयं न परं परिहवइ सप्पुरिसो ॥
 भरिओ वि न भज्जइ सायरो व्व फलिओ वि नइ खक्खो व ।
 पुत्तो वि चयइ चंदो व्व कुडिल-भावं महा-पुरिसो ॥
 सो पिउणा सिक्खविओ वि निट्ठुरो महवं न पडिवत्तो ।
 परिक्कमिओ वि वट्ठसो काओ किं मरगओ होइ ? ॥

तओ सो पयंड-पंडिच्च-दप्प-दुपिच्छो मए इम्मम्मि नयरे सब्बे विबुहा
 गहाविया कोणं, नयरंतरेसु वि एवं करेमि त्ति चिंतंतो निग्गओ निय-न-
 यरीओ । अवरावर-वियक्खणेहि सह वयण-कलहं कुणंतो परिव्वभमिओ भूरि-
 देसेसु । कथाइ केणाऽवि कहियं तस्स, जहा, सीह-गुहा-पल्ली-सामिणो माणभं-
 ग-मायंगरस्स धूया पणिट्ठ-रूवा निय-छइल्लत्तणओ उत्ताणा भणइ नत्थि को वि

सो वियड्डो जेण समं जंपेमि । तं सोऊण कया गोधणेण पइत्ता मए सा निरु-
त्तरा कायव्व त्ति । सो अभिमान-वसओ वीसरिऊण अप्पणो परस्स य जाइं
गओ पल्लि । पविट्ठो पल्लिनाह-भवणं, दिट्ठो तत्थ आसणत्थो पल्लि-नाहो । तप्प-
णमत्थमागया धूया । तं दट्ठं चिंतियं गोधणेण अहो ! अच्चञ्चुयं इमीए ताव
रूवं । भणिओ पल्लिनाहेण गोधणो—को तुमं किमत्थ वा इत्थ आगओ ? ।
गोधणेण वुत्तं—सुण,

गोकर्णः कान्यकुब्जे सदसि नरपते ! उज्जयिन्यां जयन्तो

घाराणस्यां स्वयम्भूर्गजपुरनगरे निर्जितः पद्मनाभः ।

भ्रूयांसोऽन्येऽपि मूकव्रतमधिगमिता वादिनो येन सोऽयं

पल्लिनाथ ! त्वदीयां दुहितरमधुना गोधनो द्रष्टुमागात् ॥

पल्लिनाहेण जंपियं—पंडिच्च-दप्पेण इत्तियं भूमिणाणीओ तुमं । धूयाए ह-

सिऊण भणियं—एएसि पंडियाणं व ममाऽवि पराजए सनुज्जओ सि, ता सुण;

मेइणि-संभवित्थी-तणओ चुक्खओ सु पुणु अजाओ ।

जणणि-सहोयठ निय-जणओ जोयइ जणि सविसाओ ॥

इमस्स परमत्थं कहेसु । परिभावंतेणावि नायगओ गोधणेण तस्स-
त्थो । पल्लिनाहेण वुत्तं—पुत्ति ! तुमं कहेसु । तीए भणियं सुणह—वसंतउरे
नयरे सुभगा नाम वेत्ता । सिद्धो नान वाणि-उत्तो अणुरत्तो तीए । जाया सा
गुच्चिणी । तीए पसव-मासे चिर-रूढ-वण-रेहं पट्टि-देसे वट्ठण सिद्धेण पुच्चिया
अक्का किं तुह सुयाए एयं ति । तीए कहियं इओ चुइसणहं वरिसाणं परओ
चित्त-कसिण-पंचमीए पओसे पुव्व-दिसाए एसा दो-वरिसा मए मेइणीए पडि-
या पाविया । ता एवं तक्केमि कस्स वि सुव्वयंतस्स सगडाओ पडियाए
इमीए दिव्व-वसओ चक्केण अकंताए वि अमयाए एसा चक्क-वसणि ति । एवं
सोउं सिद्धेण जंपियं—पिय-हराओ इत्थ पुरे मह मायाए मए सह सगडारू-
ढाए इंतोए पडिया पुत्ती ता वरिस-मास-तिहि-समग-पमुहाण संपायाउ मसे-
सा नूणं स च्चिय लहुय-वहिणी ।

विद्धी ! मए अकज्जं कयं इमीए सह विहि-वसएण ।

ता किं करेमि वच्चाभि कत्थ कह होज्ज मह सुद्धी ? ॥

इय सो विसज-चित्तो गेहाओ विणिग्गओ गओ कह वि ।

तमपिच्छंती सुभगा दुह-चिड्डुरा मरणमावजा ॥

तया तीए क्षत्ति उयरं दारिऊण कड्ढिओ गव्थाओ पुत्तो, संबड्ढिओ सो

अक्षाए । जुव्वणत्थेण तेण पुच्छिया अक्षा कथ मे जणओ । तीए कहियं—
 कथ वि गओ त्ति । एवं मेइणीए पुहवीए पडिया पाविय त्ति मेइणी-संभवा
 जा इत्थी, न उण मेयणीह संभवा । तीए पुत्तो खुक्खो पवित्तो नामओ सो
 पुण उदरं दारिऊण कड्डिओ त्ति अजाओ, न पत्तुओ । सो जणणी-भायरं
 जणयं गवेसइ त्ति भावत्थो । गोधणेण वुत्तं—अहो ! इमीए वियट्ठिमा,
 अहो ! वयण-विन्नासो, ताऽहं रंजिओ अ, अलं रंजिओ य । भणिओ सो
 पल्लिनाहेण—भो ! जइ तुमए इमं न नायं ता किं इत्तिएणाऽवि लल्लुओ सि ।
 गरुओ पंडिओ तुमं । ता कहसु किं ते कीरइ ? । तेण भणियं जस्स पडियं न
 याणेभि तस्स सेवणेण मए होयव्वं ति कया पइत्ता पुव्वं । अओ ! तुह धूयाए
 सेवं काउभिच्छामि । पल्लिनाहेण चित्थियं—हा ! किमेवं एसो विय-जीहाए
 जंपह त्ति । हुं नायं, दिट्ठि-वियारेण मम धूया-ऽणुरत्तो व्व एसो लक्खिअइ ।
 मम धूया वि गुणवंताणुरागिणी, ता होउ एसिं दुण्हं पि सरिस्ताणं संवंधो त्ति ।
 तओ भणिओ गोधणो—अह ! गुणवंतो तुमं । तुह सेवं करिस्सइ मे धूया, ता
 परिणेत्तु एयं ति । परितुट्ठेण पडिवज्जमेयं । गोधणो परिणाथिओ पल्लिनाहेण तं
 धूयं । सो तीए सह विसए सेवए । अह माणभंग-मायंणे पंचत्तं संपत्ते स चिय
 पल्लीवई जाओ । पारद्धि-कए कइयाऽवि चंड-चंडाल-चक्क-कल्लिएण चलिएण
 तेण दिट्ठो मग्गे पडिमा-ठिओ साह ।

तं असउणो त्ति हणिउं धावंतो गोधणो गहिय-खग्गो ।
 तिब्ब-तव-तोसियाए देवीए थंभिओ धरिओ ॥
 थंओ व्व थिरो निप्फंद-लोयणो तं मुणि पलोयंतो ।
 सो चित्तिउं पवत्तो को एस महापभावो त्ति ॥
 सम्मं परिभावंतेण तेण उवलक्खिओ अहो ! एसो ।
 सुगिहीय-नाल्लवेयो गोविंदो चिय मह पिय त्ति ॥
 ता एयं पणम्मामि त्ति चित्तिउं मुक्क-पहरणो चलिओ ।
 सो देवयाए मुक्को महि-निहिअ-सिरो मुणि पणओ ॥
 पुरओ ठाउं भणियं अणेण सो एस ताय ! दुप्पुत्तो ।
 तुह कुल-कलंक-भूओ निकिद्ध-चिट्ठो अदट्ठव्वो ॥
 ता मह कहाऽवि चिट्ठउ महाणुभायाण जा असोपव्वा ।
 निय-चरियं पुण कहिउं कुणउ यस्साणुग्गहं ताओ ॥
 वुत्तंतमिणं मुणिऊण आगया गोधणस्स गिहिणी वि ।

मुणिणो नमिऊण कमे कयंजली सा ठिया पुरओ ॥
 तो पारिऊण पडिमं भणियं समणेण वच्छ ! गेहाओ ।
 तइ निक्खंते खेओ संजाओ मह अणक्खेओ ॥
 तुह विरहेण मणं मे कत्थ वि वत्थुम्मि रइमलभमाणं ।
 पत्थिव-पओयणेसु वि क्रमेण मंदायरं जायं ॥
 अन्न-दिणे उज्जाणं गएण दिट्ठो मए सुणी इक्को ।
 तं भत्तीए नमिउं उवविट्ठो तस्स पुरओऽहं ॥
 तेण भणियं किमेयं सुय-कजे खिज्जसे जओ भइ ! ।
 हुंते वि सुए न गुणो न को वि अगुणो अहुंतम्मि ॥
 पुव्व-कय-सुकय-वसओ जीवो सुहिओ हविज्ज इह लोए ।
 इह भव-सुकएणं पुण परलोए पावए सुक्खं ॥
 पुत्ताण अभावम्मि वि सुहिणो दीसंति के वि सुकय-वसा ।
 हुंतेसु वि तेसु परे न सुहं पावंति पाव-हया ॥
 ता मुत्तुं सुय-सोयं जिण-भणियं धम्मभिक्कयायरसु ।
 जो पर-जम्म-सहाओ होउं जीवस्स कुणइ सुहं ॥
 ताऽहं विसय-विरत्तो पडिवन्नो संजमं गुरु-समीवे ।
 मह तिक्ख-तव-पभावेणं ओहि-नाणं समुप्पन्नं ॥
 तुज्झ पडिवोह-समयं मुणिऊण इहागओ अहं एसो ।
 तो गोधणेण वुत्तं भयवं ! हा पाव-कम्मोऽहं ॥
 एवं विडंबणं जो मएण पत्तोऽग्धिं जंपियं मुणिणा ।
 थेवा इमा पुरा-भव-अणुभूय-विडंबणाहितो ॥

जओ—

जाओ सि खरो सुणहो कोलो छागो कमेलगो मूओ ।
 जाइ-कुलाइ-मयाओ संकर-जम्मम्मि विहियाओ ॥
 ता गोधणेण भणियं भयवं ! कह मे अणुग्गहं काउं ।
 पत्तं मए कहम्मिणं मुणिणा भणियं सुणसु वच्छ ! ॥
 इह आसि कासि-नयरी-वत्थव्वो संकरो वर-गिहत्थो ।
 सुह-जाइ-कुलुप्पन्नो ख्व-कला-विहव-संपन्नो ॥
 मज्झ विसुद्धा जाई गरुयं पुत्तं मणोहरं ख्वं ।
 परमं कला-कलावे कोसलमतुल्लमीसरियं ॥

इचाह-मयद्वाणेहि विनडिओ निट्टुरेहि वयणेहि ।
 लोयं अहिक्खिखवंतो सो वंधइ नीय-गुत्ताइं ॥
 मरिऊण रासहो सो संजाओ भार-वहण-खिन्नंगो ।
 जीयं गमिऊण मओ सुणहो जाओ गओ पोढिं ॥
 असुहं वि य भक्खंतो मरिउं सो गड्डु-सूयरो जाओ ।
 पंक-लुलिओ नियाउं खविउं सो छगलगो जाओ ॥
 संकर-सुएण किण्णिउं हणिओ सो संकरस्त मय-कजे ।
 तत्तो जाओ करहो कयाह गुरु-भार-अवंतो ॥
 पडिऊण दुत्तडीए सो वेधण-विहुर-विग्गहो मरिओ ।
 चंपापुरीइ माहण-गिहम्मि दासो ससुप्पन्नो ॥
 सो सूयओ वराओ कयाह मासोववास-पारणए ।
 भिक्खा-कए पविट्ठो सम्मणो माहण-गिहे तम्मि ॥
 असुओ अरुरिस्तण्णिज्जो जइ वि इमो तह वि तव-पहाणु त्ति ।
 मजंतीए सो माहणीए पडिलाभिओ सम्मं ॥
 मह सामिणी कयत्था जा दाणं देइ साहुणो एवं ।
 इय अपुमोयंतेणं दासेण उवज्जियं सुकयं ॥
 सुकएण तेण दासो मरिउं जाओ सि वच्छ ! मह पुत्तो ।
 तं पुण पुव्व-मय-फलं [जं] चंडालाण मिलिओ सि ॥
 मरिऊण माहणी सा जाया मुणिदाणओ इमा सगुणा ।
 सम्मण-डुगंछाए पुण चंडाल-कुलम्मि उप्पन्ना ॥
 तो सुमरिय पुव्वभवो पर्यंपए गोधणो सह पियाए ।
 अपुभूयं माण-फलं अओ परं तं न काहामि ॥
 तत्तो इमिणा सम्मत्त-पुव्वगं सावगत्तणं गहियं ।
 गुरु-पासे गरहंतेण माण-जणियं पुरा-पावं ॥
 तं पालिऊण सम्मं समाहिणा अणसणेण मरिऊण ।
 सोहम्मे दो वि सुरा ति-पह्ल-परमाउणो जाया ॥

इति मानविपाके गोधन-कथा ॥

धम्म-वण-जलण-जाला मोह-महा-मयगलाण [जा] साला ।
 कुगह-बहू-वर-माला माया सुह-मह-हरण-हाला ॥

धेव-कए कवड-परो निविडं निविडं तमावया-लक्खं ।
 लक्खइ न जणो लगुडं पयं पियंतो विडालो व्व ॥
 माया-वसेण कवड-प्पओग-कुसला अक्किच्चमायरिडं ।
 पत्ता इहेव सयमेव लज्जिडं नाइणी निहणं ॥

तं जहा—

इह जयपुरं पुरं अत्थि जत्थ वित्थिन्न-पन्न-पुत्ताओ ।
 पवरावण-वीहीओ बाहिं मज्झे य रेहंति ॥
 तत्थासि विजयधम्मो राया सूरस्स जस्स न समत्थो ।
 ददुं पि मंडलग्गं भएण रिड-कोसिय-समूहो ॥
 रत्तो तस्स बहु-अओ मयंक-निम्मल-गुणासरो सिट्ठी ।
 तत्थासि गंगदत्तो तग्गिहिणी गंगिला नाम ॥
 नागो त्ति ताण पुत्तो विसिट्ठ-रूवो सहावओ सरलो ।
 सयल-कला-कुल-निलओ कमेण सो जुव्वणं पत्तो ॥
 ईसर-वणिणो धूया परिणीया तेण नागिणी नाम ।
 सा नागिणी व्व दुट्ठा कुडिल-सहावा वियड-भोगा ॥
 महुरं जंपंतीए तीए अणुकूलमायरंतीए ।
 सासू-ससुराण मणं परमं परिओसमाणीयं ॥
 भत्ता हिया विणीया एसा अम्हं ति ते विचिंतंति ।
 को वा कवड-पओगेण कीरए न धुवमप्पवसो ॥
 इंतस्स भत्तुणो सा अब्भुट्ठाणं ससंभमं कुणइ ।
 सयमासणं समप्पइ पक्खालइ अप्पणा पाए ॥
 पय-पक्खालण-सलिलं देह सिरे देव-न्हवण-सलिलं ष ।
 चिट्ठइ अणन्न-दिट्ठी पुरओ आणं पडिच्छंती ॥
 सुत्तम्मि तम्मि भुंजइ सुयइ पसुत्तम्मि जग्गए पुव्वं ।
 इय कवड-परं तं चिय मन्नइ नागो सुघरिणि त्ति ॥
 अह अन्नया वसंतो वियंभिओ जणिय-जण-मणाणंदो ।
 तम्मि गओ नयर-जणो सब्बो कीलत्थहुज्जाणे ॥
 नागो वि तत्थ गंतुं कंदुग-कीलं करेइ भित्त-जुओ ।
 अह तत्थ काऽवि गणिया हरिया खयरेंण एकेण ॥
 गणिया-परिवारेणं पुक्करिअं अत्थि को वि सण्डुरिसो ।

खयरेण निज्जमाणिं जो रक्खइ सामिणिं अम्ह ॥
 तो संजाय-दएणं नागेण नहंगणम्मि गच्छंतो ।
 तह कणय-कंदुगेणं मम्म-पएसे हओ खयरो ॥
 खयरस्स जहा पडिया पहार-पीडा-विहत्थ-हत्थस्स ।
 सा सरवरस्स मज्जे अमुणिय-गयणावडण-दुक्खा ॥
 नागेण पविसिउं सरवरम्मि धरिया झड त्ति बुडुंती ।
 तीरं सुहेण नेउं जणणीए अप्पिया गणिया ॥
 परितुट्ठाए तीए भणिओ सो सिट्ठि-पुत्त ! मह धूर्यं ।
 रक्खंतेंणं जीवावियऽम्हि तुमए सपरिवारा ॥
 सो नीओ निय-गेहं काउं सम्माणमुत्तमं भणिओ ।
 घरमेयमेस विभवो अहं च सव्वं तुहायत्तं ॥
 निय-विक्रमेण किणिया जा तुमए रक्खिऊण वसणाओ ।
 मयणलयाए तीए किं पुण वत्तव्वमेयाए ॥
 मयणलयाए वुत्तं सुहय ! जहा निवसिओ सि अम्ह मणे ।
 भयणे वि इमम्मि तहा तुमए निच्चं पि वत्तियव्वं ॥
 एवं सिणेह-वयणेहिं ताहिं उवरोहिओ तहा नागो ।
 जह मयणलयाए सह चिट्ठइ बहुविह-विणोएहिं ॥
 जाणिय-वुत्तंतेंणं नागो जणएण जंपिओ एवं ।
 वच्छ ! वणिघाण अम्हं न पोरिसं एरिसं सरिसं ॥
 घडिओ खु विक्रओ खत्तियाण सो सोहए न वणिघाण ।
 करहस्स जं न घडियं न रेहए नेउरं तं सो ॥

किं च—

पुरिसस्स हियाहिय-चित्तगस्स जुज्जइ न सेविउं वेसा ।
 मुणियो अखम व्व तवं जा विहवं सुट्ठु निट्ठवइ ॥
 भणइ सुओ ताय ! तया तुसुलं सोऊण मह मणं जायं ।
 तह करुणा-रस-विवसं जह वणिओऽहं ति वीसरियं ॥
 निउण-मइणो वि सहसा नरस्स तं किं चि आवडइ कज्जं ।
 उच्चियाणुच्चिय-विवेगो न जम्हि हियए परिप्फुरइ ॥
 वेसा-संगोऽणुच्चिओ त्ति जं च आइससि ताय ! तं जुत्तं ।
 किं तु न घणत्थिणी सा कुणइ कइत्तु त्ति मइ नेहं ॥

अह कित्तिए वि काले गयम्मि अथिरत्तणेण जीयस्स ।
 परलोयं संपत्तो जणओ जणणी य नागस्स ॥
 सासु-सुसरेसु दिवं गएसु गणिया-गिह-ट्टिए नागे ।
 पर-पुरिस्सेहि सह धणं निरग्गला नागिणी खाइ ॥
 चोरेहि हरियमेयं ति कुणइ कवडुत्तराईं नागस्स ।
 सोऊण सरल-सहावो तह ति पडिबज्जए सव्वं ॥
 अह भणइ नागिणी तं सु चिय सलहिज्जए जए पुरिसो ।
 निय-भुय-विठत्त-वित्तो कित्ति धम्मं च जो कुणइ ॥
 देसंतर-गमणेणं विणा न पुक्खल-धणागमो होइ ।
 ता जुव्वणम्मि जुज्जइ तुह पिय ! देसंतरं गंतुं ॥
 तं हिय-वयणं नागो मच्चंतो भणइ भणसि सुहु पिए ! ।
 तं पुण मयणलयाए अक्खइ सा जंपए नागं ॥
 पिययम ! अन्नासत्ता तुह भज्जा ते उवइसइ एवं ।
 नहि देसंतर-गमणं पियस्स महिला महइ कहवि ॥
 नागो भणइ मह चिय अणुरत्ता नागिणी सई पवरा ।
 पर-पुरिस्से रमण-मणं वि कुणइ न कया वि सीय व्व ॥
 गणिया जंपइ पिययम ! न सुणसि इत्थीण कवड-चरियाईं ।
 जाउ कुणंति अकज्जं तहा परं पत्तियावंति ॥

किं च—

सिद्धि-सुयाए कवडं इण्हि चिय जं कयं इहेव पुरे ।
 तं सुणसु भणइ नागो कहसु पिए ! तं कहइ गणिया ॥
 इत्थेव पुरे सिद्धी मणोरहो नाम अत्थि अत्थीणं ।
 अत्थ-पयाण-समत्थो लच्छी नामेण तस्स पिया ॥
 ताण चउण्हं पुत्ताण उवरि जाया मणोरह-सएहि ।
 सुंदरिण-विणिज्जिय-तियस-सुंदरी सुंदरी धूया ॥
 तीए परिणयणाओ अणंतरं चेव उवरओ भत्ता ।
 भणियं पिउणा वच्छे ! पिरसो चिय एस संसारो ॥
 पहवंति मच्चु-पासा अखलिय-पसरा सुरासुराणं पि ।
 ता चिट्ठ चत्त-खेया गिह-कम्मं किं पि अज्जुणंती ॥
 अन्नदिणम्मि गवक्खे ठियाइ तीए पहम्मि वचंतो ।

राय-सुओ सव्वुत्तम-रुवो नव-जुवणो दिट्ठो ॥
 पच्चक्ख-काम-एव-ब्भमेण मुक्काउ तम्मि दिट्ठीओ ।
 नीलुप्पल-मालाओ तीए अह वंदिणा पडियं ॥
 जयइ विजय-लच्छी-संगओ वंग-देसा-
 हिवइ-भुवणपालस्संगओ कामपालो ।
 अइसथ-रनणिज्जं पेक्खिउं जस्स रुवं
 धुवममर-वड्ढओ मच्च-लोयं महंति ॥
 एयं सेट्ठि-सुयाए सुणिऊण वियाणियं जहा एसो ।
 वंगाहिव-राय-सुओ नामेणं कामपालो त्ति ॥
 राय-सुएण वि दिट्ठा सिट्ठि-सुया साणुराय-दिट्ठीए ।
 सो तं चिय चित्तंते विज्जं व गओ नियावासं ॥
 काम-जरेण गहिओ चिट्ठइ कत्थ वि रइं अलभमाणो ।
 जाया दढमस्सत्था सेट्ठि-सुया मयण-सर-विड्डुरा ॥
 सेट्ठी तओ विसज्जो कुडिलं पव्वाइगं गिहे पत्तं ।
 दहूण भणइ भदे ! मह धूया वाढमस्सत्था ॥
 तं सज्जी कुणसु तुजं सा जंपइ सेट्ठि ! ताव पेच्छामि ।
 पत्ता तीए पासं जुणिउं से वम्मह-वियारं ॥
 एगंते भणइ मए तुह अस्सत्थत्त-कारणं मुणियं ।
 ता साहसु सव्भावं तं संपाडेमि जेणाइहं ॥
 अद्या न गइ त्ति कहेइ तीइ सा राय-पुत्त-वुत्तंतं ।
 सा कवड-निही जंपइ वच्चसु आइच्च-वारम्मि ॥
 आइच्च-हरे आइच्च-अचण-मिसेण कारबिस्सामि ।
 तदंसणं तहिं तुह इय भणियं उट्ठिया एसा ॥
 सेट्ठिस्स कहइ दोसो नियत्तिओ तुह सुयाए किंचि मए ।
 रवि-वारे रवि-पूयाइ सव्वहा पुण नियत्तिहिइ ॥
 तो राय-सुयावासं पत्ता वुत्ता य तस्स भिचेहिं ।
 भयवइ ! किं चि वियाणसि सा भणइ मुणामि सव्वं पि ॥
 ते पिति अह्हा सामी दढमसमत्थो करेसु तं सज्जं ।
 काहामि त्ति भणंती सा नीया राय-सुय-पासं ॥
 सो रहसि तीइ भणिओ सेट्ठि-सुया-दंसण-च्छलं लहिउं ।

छलिओ मयण-पिसाएण तेण जाओ सि अस्सत्थो ॥
 हसिउं राय-सुएणं भणियं भयवइ ! कहं मुणसि एयं ? ।
 अहवा होइ फुडं दिव्व-नाण-नयणो तवस्सि-जणो ॥
 सत्थत्तणे उवायं चित्तसु सा भणइ चित्तिओ वेय ।
 रवि-वारं रवि-भवणे गच्छसु जेणिच्छियं लहसि ॥
 अह पत्ता सेट्ठि-सुया सयण-जुया रविगिहम्मि रवि-पूयं ।
 काउं विनिगच्छंती राय-सुएणं भुए गहिया ॥
 तो पुक्करियमिमीए छिवियाए मज्झ अन्न-पुरिसेण ।
 अग्गि विणा न सुहि त्ति झडित्ति कड्डेह कट्टाहं ॥
 पिउणा नियत्तिया सा कहं पि तो आगया नियं गेहं ।
 पच्चाइयं पयंपइ तं आणलु कह वि रयणीए ॥
 तहेव विहियं तीए जाओ दुण्हं पि संगमो ।
 'षट्ठ-कर्णो भिद्यते मन्त्र' इय तीए विचिंत्तिउं ॥
 पच्चाइयं पसुत्तं तत्तो वत्थाइएहिं पिहिऊण ।
 भवणं पलीवियं निग्गयाइं दुत्ति वि निह्वय-निह्वयं ॥
 पच्चाइया निरग्गल-मइ-प्पवंचा वि वंचिया तीए ।
 कयडुक्कडाण कय-डुक्कडाण नणु, किच्चिरं कुसलं ॥
 तीए सह राय-सुओ गओ सभवणम्मि अह गिहे दडुं ।
 पच्चाइगं सुयं चिय मन्नंतो विलवए सेट्ठी ॥
 हा पुत्ति ! तए पर-पुरिस-फरिस-विहुराए मग्गिओ अग्गी ।
 दिन्ना न मए सयमेव साहिओ तह वि सो तुमए ॥
 तुमए चिय एक्काए पुत्ति ! सुहं मज्झ उज्जलं विहियं ।
 रमणीण मंडणं जं सीलं तुह चेव तं दिट्ठं ॥
 तीए मय-किच्चाइं काउं अट्ठीणि खिवइ सो तित्थे ।
 अह कहवय-दियएहिं राय-सुयस्स वि धणं तुहं ॥
 सो भणइ पिए ! जामो निय-देसं तं भणेइ सेट्ठि-सुया ।
 मा कुरु एवं इत्थेव पूरिही सव्वमवि सेट्ठी ॥
 काहियं च तस्स कत्ते तीए एवं तुमं करेसु त्ति ।
 तो गंतुं राय-सुओ हटे सिट्ठिं भणइ एवं ॥
 दव्वेसु देह मह पट्ट-साडियं तेण अप्पिया साडी ।

सा घरिणि-दंसणत्थं पट्टविया राय-पुत्तेण ॥
 अमणहर त्ति न गहिया तीए तो पेसिया पुणो अन्ना ।
 सा वि न गहिया तीए दु-तिन्नि-वारं कयं एवं ॥
 सिट्ठी जंपइ स धिय इह एउ किमन्न-पाय-घसणेण ।
 तत्तो समागया सा तं दडुं सेट्ठिणा भणियं ॥
 एसा सा मह धूया राय-सुओ भणइ किं न संभरसि ? ।
 किं धूयमणि-दडुं किं सिट्ठि ! सिणेह-गहिलो सि ? ॥
 सिट्ठी जंपइ सरिसत्तणेण मूढो म्हि भणइ राय-सुओ ।
 सिट्ठि ! न दोसो तुह जेण सरिस-वत्थूसु होइ भमो ॥
 सरिसत्तणओ जाओ आइच्च-हरे भमो तथा मज्झ ।
 जेण मए तह धूया छिक्का निय-घरिणि-बुद्धीए ॥
 संपइ पुण संपन्नो तुज्झ भमो जो तुमं मह कलत्तं ।
 निय-धूयं भणसि अओ भमेण दुत्ति वि समा अम्हे ॥
 सिट्ठी जंपइ धूया-सरिसा एसा वि मज्झ धूय त्ति ।
 ता तुज्झ जेण कज्जं तं गिण्हसु मह सयासाओ ॥
 इय इत्थीणं चरियं गहणं निउणो वि नाह ! न मुणेइ ।
 तत्तो जंपइ नागो पिच्छिस्समहं घरिणि-चरियं ॥
 अह दिसि-जत्तारंभं काउं नागेण नागिणी बुत्ता ।
 जामि पिए ! देसंतरमहं तुमं चिट्ठ गेहम्मि ॥
 सा भणइ तुज्झ विरहे अ-रइ-करं मह घरं मसाणं व ।
 किं तु अजुत्तं पिय-वयण-लंघणं तेण चिट्ठामि ॥
 सो पत्थिओ पसत्थे दिणम्मि गंतूण जोयणे कइ वि ।
 देसंतरे घ्नणत्थं पट्टविउं वाणियं अन्नं ॥
 नागो सयं नियत्तो चिट्ठइ गणिया-गिहे पविसिऊण ।
 कह्याह निस्साए गओ स-गिहं कप्पडिय-वेसेण ॥
 तं भणइ नागिणी किं देसंतरिओ सि ? सो भणइ एवं ।
 सा भणइ कुणसि कज्जं जइ मे ता रूवयं देमि ॥
 तेणुत्तं तुह कज्जं काहं सा भणइ पडलयं एयं ।
 गिण्हसु इमिणा गहियं तेण समं सा गया बार्हि ॥
 तत्थत्थि सुल्लि-भिन्नो पुरिसो गरुए कहिं पि अवराहे ।

सो पुण तीए दइओ सा तं घुसिणेण रंजेइ ॥
 कुसुमेहि पूयए तस्त ढोयए खज्ज-मोयग-प्पसुहं ।
 पुण आगच्छइ गेहं सा कप्पडियं भणइ एवं ॥
 सुवसु तुमं घर-दारे गोसे गिण्हिज्ज ख्वगं जं ते ।
 सुवइ तहिं कप्पडिओ तीए अन्नो वि अत्थि पिओ ॥
 सो आगओ गिहं से मुणितं तव्वइयरं भणइ एयं ।
 सो चोरो तुज्ज पिओ मयं पि अत्थेसि जं रंडे ! ॥
 सिट्ठो वि अणिट्ठोऽहं ता तुमए मह न किं पि कज्जं ति ।
 जंपंतो सो सुत्तो सिज्जाइ परम्मसुहो ठाउं ॥
 कुणइ मह मम्म-भेयं इमो त्ति कुषियाइ तीइ तस्त सिरं ।
 छिन्नं छुरियाए अहह ! साहसं किं पि महिलाणं ॥
 पुण भणिओ कप्पडिओ खण खडुं देसि ख्वगं वीयं ।
 तेणाऽवि कोउगेणं गिहेग-देसस्मि सा खणिया ॥
 मारिय-पुरिस-सरीरं पक्खित्तं खंडितं तहिं तीए ।
 तत्तो विभिहय-चित्तो पत्तो गणिया-गिहे नागो ॥
 मयणलयाए अक्खइ मह घरिणी लक्खिया तए सुहु ।
 सप्पस्त मुणइ घसणिं सप्पो चिय इय कयं सव्वं ॥
 सो ताव ठिओ तत्थेव जाव देसंतराउ संपत्तो ।
 गहियत्थो वणित्तो तेण सव्वं तो गओ गेहं ॥
 पुव्वं व वसइ सह नागिणीइ नागो अभिन्न-सुह-रागो ।
 नहि दंसंति विरागं गरुया गरुए वि अचराहे ॥
 कहया वि अक्खजूए नागो घरिणीइ ख्वगं जिणिओ ।
 पुण पुण तं मग्गंती भणिया नागेण सा एवं ॥
 चिट्ठंति तुज्ज पासे लब्धा दो ख्वगा मए पुव्वं ।
 तेसिं एक्को वलिओ वीओ पुण संपयं लद्धो ॥
 तीए वुत्तं के दुत्ति ख्वगा तो पर्यंपए नागो ।
 एक्को पडलय-नयणे खड्डा-खणणस्मि पुण वीओ ॥
 तं सोऊण हहा ! मह चरियं सव्वं अपेण विट्ठं ति ।
 दुक्खेण फुट्ट-हियया मया गया नागिणी निरयं ॥
 लोगो जंपइ नागं देसि न किं कुंठि-कुंचलाईयं ? ।

भज्जाइ मरंतीए तत्तो नागेण संलसं ॥
 लेक्खइ चोत्तइ जो मरइ निय-दुच्चरिय-वसेण ।
 सुंठि-सुंचलु किं करेइ तसु दिन्नं अवरेण ॥
 इय नागिणीए चरियं पवंच-बहुलं पलोइउं नागो ।
 वेरग्ग-मग्ग-लग्गो आठत्तो चित्तिउं एवं ॥
 कूड-कुडुंव-कुडीओ विवेय-मायंड-मेह-मालाओ ।
 को महइ बाल-बालुंकि-बाल-कुडिलाओ महिलाओ ॥
 रज्जइ कर-चलणाहर-दलेसु तरुणीण निच्च-रत्तेसु ।
 खण-रत्त-विरत्तं पुण मूढो मुणइ मणं तासिं ॥
 मयण-धणु-लट्ठि-वंकासु तूसए कामिणीण भसुहासु ।
 ताण न याणइ मूढो चित्तं तु सहस्स-गुण-वंकं ॥
 तुच्छं मज्झं कट्ठिणं धण-त्थलं चंचलं च नयण-जुयं ।
 पर-मोहत्थं महिला पयडंति न एरिसं तु मणं ॥
 तुंग-धण-त्थल-विसस्ये असंभवं रमणि-देह-मरु-देसे ।
 सेवेइ संवरं जो पीडिज्जइ सो न तण्हाए ॥
 एवं संवेय-परो विसस्य-विरत्तो वि विसस्य-मइ-जुत्तो ।
 नागो नाग-दिवागर-गुरु-पासे सुणइ जिण-धम्मं ॥
 तो कवड-चत्त-चित्तो चारित्तं गेण्हिउं तवं काउं ।
 समए मरिऊण गओ सग्गं मोक्खं च सो लहिही ॥
 इति मायायां नागिनी-कथा ॥

जो कोह-भाण-माया-परिहार-परो वि वज्जइ न लोहं ।
 पोओ व्व सागरे सो भवम्मि वुडुइ कु-कम्म-गुरु ॥
 ससि-कर-धवला वि गुणा निय-आसस्य-बाह-कारए लोहे ।
 आवटंति जल-कणा लोहम्मि व जलण-संसस्ये ॥
 इह लोयम्मि किलेसे लहिउं लोभाउ सागरो मरुए ।
 पर-लोए संपत्तो दुग्गइ-दुक्खाइं तिक्खाइं ॥

तं जहा—

अत्थि भरहम्मि नयरी मिहिला महिल व्व मणहरागारा ।
 पायारेण वरेणं परिचरिया जा परागम्मा ॥

वैस्रमण-समाण-घणो तत्थ वणी अत्थि सागरो नाम ।
 अत्थं विय पुरिसत्थं मन्नइ सो लोभ-गह-गहिओ ॥
 करिसण-हट्ट-कलंतर-वणिज्ज-पसुहे घणज्जणोवाए ।
 विविहे सो कुणइ सया अगणंतो अप्पणो दुक्खं ॥
 कहया वि तेण दिट्ठो जोगप्पो जोगिओ गरुय-गब्बो ।
 तत्तो का तुह सत्ति ? त्ति पुच्छिओ जंपए जोगी ॥
 रत्तीए वि दिणं दिणे वि रयणिं दंसेमि सेलेऽखिले
 उप्पाडेमि नहंगणाउ गहणं पाडेमि भूमी-यले ।
 पारावारमहं तरेमि जलणं थंभेमि रुंभेमि वा
 दुब्बारं परचक्कमत्थि न जए तं मज्झं जं दुक्करं ॥
 तो सागरेण वुत्तो जोगिंद ! न मे पओयणं किं पि ।
 गह-गिरि-पसुहेहिं पाडिएहि उप्पाडिएहिं वा ॥
 जइ अत्थि कणय-सिद्धी ता तं दंसेसु मे किमत्तेण ।
 तो जोगिएण भणियं कणगं आणेसु किंचि तुमं ॥
 तं झत्ति जेण दु-गुणं करेमि तो सागरेण आणीयं ।
 कणयस्स करिसमेक्कं कवडेण तमग्गिणा धमियं ॥
 खिविऊण नियय-कणयं छन्नं तं जोगिणा कयं दु-गुणं ।
 तो कुणइ विम्हिओ तस्स आयरं सागरो गरुयं ॥
 जोगी भणइ किलेसेण इत्तिएणेव होइ बहुयं पि ।
 तो कणग-पल-सयं सागरेण जोगिस्स उवणीयं ॥
 तं सयल-निसं दोहि वि धमियं जलणेण तो चरम-जामे ।
 सुत्तम्मि सागरे गिण्हिऊण तं जोगिओ नट्ठो ॥
 हा ! मुट्ठो त्ति विसन्नो कयाऽवि केणाऽवि सागरो भणिओ ।
 देसंतर-वाणिज्जे कीरंतं होइ घण-लाहो ॥
 काऊण महासत्थं गहिऊण कयाणगाइं विविहाइं ।
 लंघिय-विसम-अरन्नो सो पत्तो तामिलिस्ति-पुरिं ॥
 कय-विक्कए कुणंतस्स तस्स जाओ तहिं बहुय-लाभो ।
 सो तहऽवि असंतुट्ठो समुहमवगाहिउं महइ ॥
 तेण गहियं पवहणं कट्टमयं अप्पणो चरित्तं व ।
 चित्तं न जत्थ थेवो वि विलसए लोह-संबंधो ॥

दीवंतर-जुग्गाइं किणियाइं कयाणगाइं विचिहाइं ।
 कण-घय-तिल्ल-जलिंघण-पनुहाणं संगहो विहिओ ॥
 दा.....वि-कर-सुक्काण कोत्थला भरिया ।
 सत्थग्गि-तिल्ल-कंजिय जोहा गहिया य जुद्धत्थं ॥
 अह पिह्लियं पवहणं वजंताउज्ज-रव-भरिय-भुवणं ।
 तत्थ कय-मंगलो परियणेण सह सागरो चडिओ ॥
 पवणुप्पाडिय-सिय-वड-जणिय-जवं जाव तं कमइ जलहिं ।
 तो छ-प्पड व्व कमले गयणे लहुओ घणो जाओ ॥
 सो कमसो वित्थरिओ कसिण-करालो कयंत-महिसो व्व ।
 फुरिया दिसासु जम-कत्तिय व्व दुइंसणा विज्जू ॥
 जाओ गज्जो वंभंड-भंड-फुट्टण-रवो व्व भय-हेऊ ।
 लत्तापसरो पिसुणो व्व दूसहो पसरिओ पवणो ॥
 पीय-सुरो व्व विसंडुल-पय-प्पयारो महोयही जाओ ।
 फुट्टं तओ पवहणं पडियं उद्दाउ भंडं च ॥
 अह सागरेण लद्धं फलयं पिय-माणुसं व हियएण ।
 धिचूण तं सलुद्धे सो भमिओ सत्त-दियहाइं ॥
 पत्तो कहं पि तीरे सो दिट्ठो निहएहिं मिच्छेहिं ।
 पावंति लोह-विषसा जं वसणुत्तिरिविडिं जीवा ॥
 सो नीओ निय-ठाणं भुज्जं भोयाविओ य पुट्टि-करं ।
 तो तेण चिंतियमिणं किमिन्ने[मम]भोयणं दिति ॥
 अन्नदियहिम्मि एसो सब्बं पिच्छिऊण मिच्छेहिं ।
 × × × × × × ×
 नीहरिय-रुहिर-धारो निवेसिओ बाहिर-पएसे ॥
 तस्सादूरम्मि ठिओ चावारोविय-सरो नरो य पच्छन्नं(?) ।
 तो सागरंग-लुद्धो पक्खि-विसेसो तहिं पत्तो ॥
 तं गिण्हंतो पक्खी नरेण विद्धो महल्ल-भल्लीए ।
 सो तप्पहार-विद्धुरो धरणीए नियडिऊण मओ ॥
 करि-कुंभ-पडम्मि व मुत्तियाइं हिययम्मि तस्स रयणाइं ।
 चिद्धंति तं सुरीए छिचुं मिच्छेहिं गहियाइं ॥

इय सागरस्त कीरइ पुण पुण भिच्छेहिं दुस्सहं दुक्खं ।
 अन्न-दियहे नरेणं भल्लीए मंद-चिट्ठो त्ति ॥
 पक्खी धित्तुं सागरमुप्पइओ सागरोवरी जंतो ।
 सागर-गायम्मि पोए पहार-पीडाउलो पडिओ ॥
 मुक्को य जीविणं तो संभंतेण पोय-वणिण्ण ।
 को एसो बुत्तंतो त्ति सायरं सायरो पुट्ठो ॥
 निय-बुत्तंतं कहिउं सो भणइ इमस्स पक्खिणो हिययं ।
 भित्तूण गिण्ह रयणाइं ताइं तो तेण गहियाइं ॥
 तं रयण-लाभ-हेउत्तणेण उवगारिणं विभायंतो ।
 पत्थोसहेहि विविहेहिं पोय-वणिओ कुणइ पवणं ॥
 तं पवहणं विलगं सुरट्ठ-विसयम्मि मंगलउरम्मि ।
 मुत्तुं पोयं धितइ तत्थ ठिओ सागरो एयं ॥
 धणउ व्व तथा नयराओ निग्गओ गहिय-बहुय-विहवोऽहं ।
 इण्ह तु निक्खणो कह णु तत्थ रोरो व्व गच्छामि ॥
 एवं विसन्न-वयणो दिट्ठो सो संभणेण एक्केण ।
 भणिओ य भइ ! दीससि किमेवमुव्विग्ग-चित्तो व्व ? ॥
 तो सागरेण भणियं जइ वि अकहगिज्जमप्पणो चरियं ।
 तह वि तुह पढम-दंस्सण-पयडिय-नेहस्स अक्खेमि ॥
 तो सव्वं निय-चरियं कहियं विप्पस्स तेण भणियमिणं ।
 अधणो त्ति मा विसूरसु तुह संपाडेमि जेण धणं ॥
 इह अत्थि उज्जयंते गिरिम्मि विवरं समीहियत्थ-करं ।
 तस्स पवेस्सण-कप्पो सवित्थरो अत्थि मह पासे ॥
 तो मज्झ जइ साहाओ होसि तुमं ता दुबे वि पविस्सालो ।
 दिव्वंगणाउ जं मग्गियं दिति ॥
 धण-लुद्ध-बुद्धिणा सागरेण भणियं इमं करेओ त्ति ।
 कय-उचिय-सयल-किष्वा आढत्ता पविसिउं दो वि ॥
 विप्पो वच्चइ पुरओ करत्थ-कप्पोवइट्ठ-मग्गेण ।
 पजलंत-महिस-पुच्छेण पिट्ठओ सागरो एह ॥
 पाएहि जंति कत्थ वि कत्थ वि जाणूहि कत्थ वि उरेण ।
 ते कत्थ वि पिट्ठेणं कढिण-तडुग्घट्ठ-सव्वंग्गा ॥

पिच्छंति दो वि कथ्य वि फार-फणा-भीसणे कसिण-सप्पे ।
 तह कथ्य वि वेयाले कर-कंपिय-कत्तिय-कवाले ॥
 भविस्सामि पिए ! ऽहं पुरस्सरं अणुचरं तु भक्त्व तुमं ।
 इय जंपंतं कथ्य वि भयं-करं भूय-मिहुणं च ॥
 इह विविह-भीसणेहिं अखुब्भमाणा कमेण वचंता ।
 पिच्छंति कंचणमयं महग्घ-मणि-मंडियं भवणं ॥
 मणि-कणय-भ्रूसणालंकियाउ पासंति तत्थ देवीओ ।
 आराहिउं पयद्दा तन्मज्जे सामिणिं दो वि ॥
 तुडाए ताण जवा तीए वत्थंचलम्मि पक्खत्ता ।
 ते तेहि अबसाए छड्डित्ता जंपियं एवं ॥
 अम्हेहि कयं कट्टं गरुयं तो अम्ह देवि ! जइ देसि ।
 चिंता-रयणाइं दुवे तो जामो नऽन्नहा जामो ॥
 तो कुबियाए देवीए दो वि हणिऊण वाम-पाएण ।
 पक्खत्ता विवराओ वाहिं अन्नऽन्न-ठाणेसु ॥
 मिहिलाउज्जाणे सागरेण पडिओ पलोइओ अप्पा ।
 वत्थंचले विलग्गा कइ वि जवा तह सुवन्नमया ॥
 सो चिंतइ अहह ! मए मूढेणं छड्डिया सुवन्न-जवा ।
 संभवइ सव्व-नासो अह वा लोहंघ-बुद्धीणं ॥
 सो निय-गेहम्मि गओ हा ! नट्टा जल-विहिम्मि मे लच्छी ।
 इय झूरंतो निचं चंदेण सुएण संलत्तो ॥
 साहसियं उज्जामिणं तुमं पि बुत्तूण जा गया लच्छी ।
 सा वचउ किं तीए ताय ! हया स चिय वराई ॥
 निम्नं गच्छति निम्नगेव नितरां निद्रेव विष्कम्भते
 चैतन्यं मदिरेव पुष्यति मदं धून्येव दत्तेऽन्धताम् ।
 चापत्यं चपलेव बुम्भति दवज्वालेव तृष्णां नय-
 त्युल्लासं कुलटाङ्गनेव कमला स्वैरं परिभ्राम्यति ॥
 किं च तुह ताय ! भवणे कमागया अत्थि पुक्खला लच्छी ।
 तुमए मए य जा उण उवज्जिया सा वि निस्सीमा ॥
 इय बुद्धविओ वि सुएण सागरो गरुव-लोह-पडिबद्धो ।
 निहं न मज्झ-रत्ते वि लहइ लच्छि विचिंतंतो ॥

तस्सत्थि सुन्न-मज्झा गरुई गेहंगणम्मि मंजूसा ।
 गयण-गमण-क्खमाओ चंदस्स वि दुन्नि भज्जाओ ॥
 तासि एका मंजूसमारुहइ वहइ तं पुणो वीया ।
 तो कीलणत्थमन्नत्थ दो वि वच्चंति रयणीए ॥
 कहया वि सागरेणं इमं कुणंतीउ ताउ दिट्ठाओ ।
 चरियं अहो ! बहूणं इमं ति सो विम्भियं पत्तो ॥
 बुत्तंतप्पिणं कहिउं एगंते भणइ सागरो भिच्चं ।
 जाणग ! मंजूसाए चिट्ठ तुमं पविसिओ छन्नो ॥
 तो वच्चंति इमाओ कत्थ त्ति वियाणिज्जण मे कहसु ।
 तेणावि तहेव कयं रयणीए ताउ चलियाओ ॥
 गच्छंतीणं तासि उवरि ससुद्धो मणो-हरं ख्वं ।
 उच्छलिय-मच्छ-अच्छीहि छज्जए पिच्छमाणो व्व ॥
 सो तदंसण-तुट्ठो सहइ सहासो व्व फेण-पडलेण ।
 लहरीइ ताण परिरंभणत्थमुत्तंभिय-भुओ व्व ॥
 जल-निहि-मज्झ-ट्टिय-रयण-दीव-तिलए गयाउ कणयपुरे ।
 ताओ तहिं इच्छाए रमिउं पुण आगयाउ गिहं ॥
 अह भणिओ कम्मयरेण सागरो सिद्धि ! सुण रयणि-वित्तं ।
 तुह बहुयाओ कत्थ वि नयरम्मि गयाउ गयणेण ॥
 पुर-वाहिं मंजूसिं मुत्तं पत्ताउ ताउ मज्झम्मि ।
 तत्तो मंजूसाओ मए मुहं कड्डियं किं पि ॥
 तो दिट्ठा पसरिय-कंति-भासुरा तत्थ रयण-पासाया ।
 सुर-पव्वओ व तुंगो तह पायारो पिसांडिमओ ॥
 पायार-समीवे कणय-इट्ट-खंडाईं तह य दिट्ठाईं ।
 कंतीए हुरंतीए तमेव लक्खिज्ज नाणाईं ॥
 बहुयाण भएणाऽहं मंजूसाओ न निग्गओ वाहिं ।
 तत्तो वित्तुमणेण वि ताईं न गहियाईं सिद्धि ! मए ॥
 तो सागरेण भणियं अहो ! किलीवो सि जाणग ! हयास !! ।
 जेण न गहियाईं तए कह वि कणय-इट्ट-खंडाईं ॥
 ता अन्नस्स न एयं कहियच्चं जेण तत्थ गंतूण ।
 सयमेव अहं आणेमि ताण भरिज्जण मंजूसं ॥

कस्स वि न कहिस्सामि त्ति जंपियं तेण, अन्नया सिट्ठी ।
 मंजूसाए मज्जे छन्नं निसि पविसिऊण ठिओ ॥
 निम्मिय-मयणाहिविलेवणाउ परिहिय-पसत्थ-वत्थाओ ।
 रयणमय-भूसणाओ बहूउ पगुणाउ जायाओ ॥
 लहुई बुत्ता जेट्टाह अज्ज तुमसुक्खिवेसु मंजूसं ।
 सा भणइ वहिणि ! तुममारुहेसु जेणुक्खिवामि इमं ॥
 चडिया मंजूसाए जिट्ठा मंजूससुक्खिवइ लहुई ।
 दो वि चलियाउ गयणे वेगेण विलंघिउं जलहिं ॥
 पत्ताओ कणयपुरे पुरवाहिं ठाविऊण मंजूसं ।
 मज्झम्मि पविट्ठाओ तो सिट्ठी निग्गओ बाहिं ॥
 सो कणय-इट्ट-खंडं जं जं पिच्छइ पुरंत-लोह-भरो ।
 मंजूसाए मज्जे तं तं पक्खिवइ वेगेण ॥
 तत्थ सयं च पविसिउं चिट्ठइ अह आगयाउ बहुयाओ ।
 चलियाउ तहेव समुह-उवरि लहुई भणइ जेट्टं ॥
 मंजूसाए भारो बहुओ केणाऽवि कारणेणऽज्ज ।
 तो जलहिम्मि खियिस्सं एयं गयणेण गच्छ तुमं ॥
 तं सोउं भणियं सागरेण मा सागरम्मि मंजूसं ।
 बहुयाउ ! खिवइ जम्हा मरामि तुम्हाण समुरोऽहं ॥
 इय समुर-वारियाहिं वि अणेण विनायममह चरियं ति ।
 रोसेण झत्ति खित्ता जलहिम्मि बहूहि मंजूसा ॥
 मा डहसु गहिल ! गामं ति वारिओ संभरावियं सुट्ठु ।
 इय भणिरो सो गामं जह दहइ तहेव ताहिं कयं ॥
 मंजूसा-मज्झ-ठिओ य सागरो सागरम्मि दुक्खेण ।
 मरिऊण गओ कु-गइं तत्तो भव-सागरं भमिही ॥
 बहुयाउ आगयाओ स-गिहं गोसे अपिच्छिउं पियरं ।
 चंदो जंपइ जणओ कत्थ गओ दीसए जत्तो ॥
 तो जाणणेण सव्वं बुत्तंतं अक्खिऊण चंदस्स ।
 भणियमिणं मंजूसा जं नत्थि तओ वियक्केमि ॥
 सिट्ठी इगाहिं खित्तो मंजूसाए समं समुहम्मि ।
 तं सोऊण विसत्तो आढत्तो विलविउं चंदो ॥

हा ताय ! ति-जय-विक्त्राय ! अतुल-ववसाय ! साहस-सहाय ! ।

तुमए इक्केण विणा भुवणं सुन्नं व मत्तेमि ॥

इय सोय-परो चंदो नीओ मित्तेण संनिहिं गुरुणो ।

भव-निव्वेय-पहाणा तस्स कया देसणा गुरुणा ॥

संसारासारतां दृष्ट्वा शोकः कार्यो न धीमता ।

लोभस्तु परिहर्तव्यः सर्वानर्थनिवन्धनम् ॥

कृतसर्वविनाशेन सर्वव्यसनवेश्मना ।

लोभेन लभते जन्तुर्दुःखानि जातु नो सुखम् ॥

बन्दिहस्तृप्यति नेन्धनैरिह यथा नारम्भोभिरम्भोनिधि-

स्तद्रल्लोभघनाघनैरपि धनैर्जन्तुर्न संतुष्यति ।

नत्वेवं मनुते विमुच्य विभवं निःशेषमन्यं भवं

यात्याऽऽत्मा तदहं सुधैव विदधान्येनांसि भूयांसि किम् ॥

इति श्रुत्वा चन्द्रो रचितजिनधर्माभ्युपगमः

स्त्रियौ पूर्वं त्यक्त्वा सपदि परिणीताऽन्ययुवतिः ।

अकुर्वन्नारम्भं विपुलमलयुं लोभमभजन्

जिनानर्चन् साधुन् [सु]परिचरन् जन्म नयति ॥

स्वद्रव्यैर्जिनमन्दिराणि रचयत्यभ्यर्चयत्यऽर्हत्-

स्त्रिभक्त्या व्रतिनां तनोत्युपचयं वस्त्राभयान्नादिभिः ।

घत्ते पुस्तकलेखनोद्यममुपष्टम्भाति साधर्मिकात्

दीनाद्युद्धरणं करोति कलयत्येवं स पुण्यार्जनम् ॥

वयसि परिणतेऽसौ लोभमालोच्य विश्वं

विषयविषयिषण्णः साधुदीक्षां प्रपन्नः ।

तनुमतनुतपोभिः कर्षयित्वाऽऽयुषोऽन्ते

दिवसगमदवासो निर्वृतिं च क्रमेण ॥

इति लोभविपाके सागर-कथा ॥

इय हेमसूरि-मुणि-पुंगवस्स सुणिऊण देसणं राया ।

जाणिय-समत्त-तत्तो जिण-धम्म-परायणो जाओ ॥

तो पंच-नमुक्कारं सुमरंतो जग्गए रयणि-सेसे ।

चित्तइ अय दो वि हिय(?) *देव-गुरु-धम्म-पडिवत्ति ॥

* अस्पष्टार्थोऽयं पाठः । जिनमण्डनगणिविरचित-कुमारपालप्रबन्धे तु 'चित्तइ य दोवि हियए' (पृ०

काज्जण काय-सुद्धिं कुसुमामिस-थोत्त-द्विविह-पूयाए ।
 पुज्जइ जिण-पडिमाओ पंचहिं दंडेहिं वंदेइ ॥
 निचं पचक्खाणं कुणइ जहासत्ति सत्त-गुण-निलओ ।
 सयल-जय-लच्छि-तिलओ तिलयावसरम्मि उवविसइ ॥
 करि-कंधराधिरुद्धो समत्त-सामंत-मंति-परियरिओ ।
 वच्चइ जिणिंद-भवणं विहि-पुण्वं तत्थ पविसेइ ॥
 अट्ट-प्पयार-पूयाइ पूहउं वीयराय-पडिमाओ ।
 पणमइ महि-निहिय-सिरो थुणइ पवित्तेहिं थोत्तेहिं ॥
 गुरु-हेमचंद-चलणे चंदण-कप्पूर-कणय-कमलेहिं ।
 संवूर्हेज्जण पणमइ पचक्खाणं पयासेइ ॥
 गुरु-पुरओ उवविसिउं पर-लोय-सुहावहं सुणइ घम्मं ।
 गंतूण गिहं वियरइ जणस्स विगित्तियावसरं ॥
 विहियग्ग-कूर-थालो पुणो वि घर-चेइयाइं अचेइ ।
 कय-उच्चिय-संविभागो भुंजेइ पवित्तमाहारं ॥
 भुत्तुत्तरं सहाए वियारए सह बुहेहिं सत्थत्थं ।
 [अत्थानी-भंडव-भंडणम्मि सिंहासणे ठाइ ॥
 अट्टमि-चउदसि-वत्तं पुणो वि भुंजइ दिणट्टमे भागे ।
 कुसुमाइएहिं घर-चेइयाइं अचेइ संज्ञाए ॥]

२ × × × × ×

एवं खु पुन्न-निहिणो गमंति कालं सु-चरिएहिं ॥

३ × × × ×

कहया वि निव-निउत्तो कहइ कहं सिद्धवाल-कई ॥

कुमइ खुट्टइ जं सुणंताहं

आवट्टइ पाव-वत्तु,

अइ-विभुद्ध-वासण विसट्टइ,

ओहट्टइ मोह-वित्तु,

विसमु विसय-वात्तंणु तुट्टइ,

१ [] एतद्विद्वान्तर्गतः सार्थगाथात्मकः पाठो मूलग्रन्थे नुदितोऽस्ति, परन्तु जिनमण्डनगणि-विर-चिते कुमारपाल-प्रबन्धे सख्यपलब्धत्वात् तत उद्धृत्य निवेतितोऽत्रायमस्माभिरिति ।

२-३अत्रापि क्रियात् पाठः क्षणिक इव प्रतिभाति सम्बन्धार्थस्यानवगमकत्वात् ।

चित्ति बहुदृष्टि घम्म-गुणु वदइ पसम-सिणेहु ।
जीव-मणंदिय-संलवणु तं बुह-यण हु सुणेहु ॥ १ ॥

अत्थि पट्टणु देहु नामेण,

लायन्न-लच्छिहि निलओ,

आयु-कम्म-पायार-संगओ,

सुह-दुक्ख-खुह-तिस-हरिस-

सोय-पसुह-लोय-संगओ,

नाणाविह-नाडी-सरणि-भभिर-समीरतभारु ।

भूरिधम्म-पयडिय-महिंसु सुपरिद्विय-नव-चारु ॥ २ ॥

तत्थ नरिंदो अप्पा बहुविह-भोगोवभोग-त्त...त्थो ।

बुद्धि-महादेवीए सहिओ रज्जं कुणइ निच्चं ॥ ३ ॥

तासु चिट्ठइ मणु महामंति,

तणि अप्पु ससु मन्नियउ,

जो महल्ल-कोसल्ल-भायणु,

बहु-पसर-संपत्त-जसु,

रज्ज-कज्ज-चितण-परायणु,

तह पंचिदिय-पयड-गुण फरिसण-रसण-ग्घाण- ।

लोयण-सवण-निओ कर अप्पह पंच पहाण ॥ ४ ॥

अह कया वि हु लहिवि पत्थावु,

तसु अप्पह ससुहओ,

मणिण वुत्तु कर वेवि जोडिउ,

जः कवि अज्ञाण घस्तिखिवहिं,

दुक्खि बहु जीव-कोडिओ,

एकह एयह दट्टयह निय-जीयह कज्जेण ।

ताहं अहम्मह निम्मविओ किं जीविउ वज्जेण ॥ ५ ॥

एउ निसुणिवि अप्प न खाहु,

साणक्खु तक्खणि भणइ,

अह पसाहं सुहु मज्झ मत्तओ,

निय-जोगय न हु सुणाहि,

नूण मूढ परि सुचवंतओ,

विविहारंभु अवंभपरु कर्हिं तुहं कर्हिं जिय रक्ख ।
नयण-विह्वण किं हुंति नर रयण-परिक्ख सलक्ख ॥ ६ ॥

जे महव्वय पंच उव्वहर्हिं,

तवु दुक्करु जे करर्हिं,

जे चरित्तु पालर्हिं निरुत्तं,

जीवोह-रक्खण-वयणुं,

मुण्ह ताहं जं पण्ह जुत्तं,

जं पुणु तुहु जंपेसि जड ! तं असरिसु पडिहाइ ।

मणहिल्लक्खण किं सहइ नेऊरु उडुह पाइ ॥ ७ ॥

चवल चप्फल विसयवासत्त,

नीसत्त अविवेय तुहं,

करर्हिं किं पि दुक्कम्मु तम्मण,

पइ जन्नु पावेमि हं,

जव्वस्तेण बहु-विह-विडंबण,

तो मणु अण्ह गुणुत्तमह सामिहि तुज्ज पसाइं ।

गरुय मणोरह जइ करुं तो वारिज्जं काइं ॥ ८ ॥

किं च किं पहु करिविअ पसाओ,

ववसाउ जंपेइ मह,

घणअणत्थ वित्थरण-पच्चल,

जिण कारणि हं करुं,

न य किं पि न हु एउ चप्फल,

जे उण पइं फरिसिण-पमुह पंच-पहाण-निउत्त ।

मत्त-निरंकुस-हत्थि जिम्ब करिर्हिंति कज्ज अजुत्त ॥ ९ ॥

तहं मज्झिम फेडिवि कुविपहाणु

मइ अत्तह अप्पिउ तस्स ठाणु ।

एयाइं पलोयउ सामि सालु

पयउंतइं निच्चु अणत्थ-जालु ॥ १० ॥

फरिसिदिउ पभणइ हं जि एहु

संघेवि सरीरु समणु थक्कु ।

इह अप्पु मणु व नहि अत्थि कोइ

अवरिदिय अणु वर मज्झ जोह ॥ ११ ॥

नहु गम्मु अगम्मु व किं पि गणइ
अब्बंभ कल्लस अहिलास कुणइ ।

सकलत्ति वि हुंतइ महइ वेस
पररम्मणि गमणि पयडइ किलेस ॥ १२ ॥

सिसिरम्मि निवाय घरणि-सयडि
घण-युसिण-तेल्ल-बहुवत्थ-सवडि ।

चंदण-रस-कुसुम-जलावगाह
घाराणिहिं गिंभि महेइ नाह ! ॥ १३ ॥

पाउसि पय-पंक-पसंग तहु
बंधइ अच्छिइ भवणयलु लहु ।

जइ कुणइ विविह विसयाणुवित्ति
तेह वि हु न एहु पावेइ तित्ति ॥ १४ ॥

एक वि फासिदिउ, बुहयण निदिउ,
करइ किंपि दुचरिउ तिहि ।

नाणा विहु जम्मि हि, पीडिओ कम्मिहि,
सहसि विडंवण सामि जिह ॥ १५ ॥

तह भक्खाभक्ख विवेय-मूहुं
रस-विसय-गिद्धि-दोलाधिरुहु ।

अविभाचिय पेयापेयवत्थु
रसणु वि कुणेइ बहु-विहु अणत्थु ॥ १६ ॥

जं हरिण-ससय-संवर-वराह
वणि संचरंत अकयावराह ।

तण-सलिलमित्त-संतुट्ट-चित्त
मम्मर-रव-सवणुग्भंत-नेत्त ॥ १७ ॥

हिंसंति के वि भिगया पयट्ट
पसरंत-निरंतर-तुरय-घट्ट ।

कर-कलिय-कुंत-कोदंड-वाण
संसय-तुल-रोधिय-नियय-पाण ॥ १८ ॥

जं गहिरि सलिलि वियरंत मीण
निक्कण के पि निहणहिं निहीण ।

जं लावय-तित्तिरि-दहिय-मोर
 मोरंति अहोस वि के वि घोर ॥ १९ ॥
 तं रसणह विलसिउ, दुक्कय-कलुसिउ,
 तुम्हं कित्तिउ कित्तियइ ।
 जं वरिससएण वि, अहनिउणेण वि,
 कह वि न जंपिउ सकियइ ॥ २१ ॥
 घाणिंदिउ जं किर सुरहि दब्बु
 वियलिय विवेउ तं महइ सब्बु ।
 जं असुरहि तिहिं पुण करेइ रोसु
 ता एउ वि जाण अणप्प-दोसु ॥ २२ ॥
 तह जइ वि दिट्ठि वन्नि अ अवला
 तहवि हु दुरप्प अचंत चवला ।
 सुइ असुइ वि किं पि न परिहरेइ
 जं जुत्तु अजुत्तु वि तं निणइ ॥ २३ ॥
 परदारपवत्तणि फरिसणस्स
 दूइत्तु एह पयडइ अवस्स ।
 लोलत्तकरणि रसणह सहाय
 इय न कुणइ कित्तिय पहु ! अवाय ॥ २४ ॥
 जिव सबणु सुणइ विडवग्ग वयण
 तिव शुणि-उवएसु न रुद्ध नयणु ।
 तह गेय-वेस-कलि-सवण-हेउ
 उत्तम्मइ निच्चु वि निच्चिवेउ ॥ २५ ॥
 इय विसयपलक्कओ, इहु एक्केहु,
 इंदिउ जगडइ जग्गु सयलु ।
 जेसु पंच वि एयइं, कयवहु खेयइं,
 खिल्लहिं पहु ! तसु कउ कुसलु ॥ २६ ॥
 ता वियक्खणु देव ! लक्खेसु,
 जे इत्थ फरिसणपसुह,
 पइं पहाण पंच विपरिट्ठिय,
 चवलत्तणि ते कुणहिं,

तुज्ज दुक्ख भवि भवि अणिट्ठिय,
जह पित्तिज्जसि मह न तउ वंधिवि एक्कु घरेसु ।
तिण विणु तसु वावारु जह ता मह दूसणु देसु ॥ २७ ॥
न तए कुल-सील-गुणा परिकिखया किं च फरिसणार्हण ।
अपरिकिखय-कुल-सीलाहि दिंति पड्डणो दुहं भिन्ना ॥ २८ ॥

ता वियक्खण देव पुच्छेसु,
कुलसीलगुण इंदियहं,
बुद्धिदेवि वरबंधु विमरसु,
तह दुईउ पयरिसु कुमरु,
जह विवेउ विप्फुरह असरिसु ॥ २९ ॥

तो समागय तत्थ ते वि,
पणमंत मत्थय नमिवि,
महिनिविट्ठ तो अप्पराइण,
पभणेवि म्हुवरक्खरिहि,
आसणंति गरुयाणुरायण,

पुच्छह एयहं पंचह वि कुलसीलाह कहेह ।
ता विमरिसु जोडेवि कर साहइ सामि ! सुणेह ॥ ३० ॥
पहु ! अत्थि चित्त-वित्ती महाडवी वियड-आवयाइणा ।
पयडिय-कु-जम्म-लक्खा चोज्जं अवराह-संजुत्ता ॥ ३१ ॥
तत्थ महामोहो नाम नरवई विहिय-भुवण-संखोहो ।
नाणावरणीय-प्पसुह-सत्त-मंडलिय-कय-सोहो ॥ ३२ ॥
अद्धासण-संलीणा तस्स महाभूढया महादेयी ।
तीइ तइलोक-दमणिक्क-विक्रमा नंदणा दुन्नि ॥ ३३ ॥
राजस-चित्तस्स पुरस्स सामिओ राग-केसरी पढयो ।
तामस-चित्त-पुर-पहु दोस-गयंदो पुण दुइज्जो ॥ ३४ ॥
मिच्छा-दंसण-नामेण मंती मोह-नरिंदस्स चित्तए रज्जं ।
मय-कोह-लोह-मच्छर-वम्मह-पसुहा भडा इत्थ ॥ ३५ ॥
अह तस्स चित्त-विकखेव-मंडवे तन्हपेइ उच्छंगे ।
मोह-निवस्स विवज्जास-आसणे संनिविट्ठस्स ॥ ३६ ॥
मिच्छा-दंसण-नामेण मंतिणा सदिनएण विज्जसं ।

असममसमंजसं देव ! चट्टए अम्ह कयडम्मि ॥ ३७ ॥
 चारित्त-घम्म-वसुहा-ऽहिवस्स संतोस-नामओ चरडो ।
 तुज्झ जणं जइण-पुरे विवेय-गिरि-संठिए नेइ ॥ ३८ ॥
 तो कुविओ मोह-निचो भणिओ कुमरेण राय-केसरिणा ।
 देव ! किमेवं किज्झइ थोवारंभे वि संरंभो ॥ ३९ ॥
 जओ मज्झ विसयाहिलासो मंती करणाइं तस्स डिंभाइं ।
 जग-जगडणेहि एएहिं तुज्झ पयडिज्जाए किन्ती ॥ ४० ॥
 ताव चिय संतोसो फुरइ न जा दिति धाडिमेयाइं ।
 किं च इमाण कसाया निचं पि सयं चिय सहाया ॥ ४१ ॥
 संतोस-चरड-निज्जंतमम्ह लोयं वला नियत्तेउं ।
 एकांके पि समत्थं इमाण पडु ! किं पुणो पंच ॥ ४२ ॥
 ता देव ! निदेसं देसु झत्ति एयाण जेण जइण-पुरे ।
 निज्जंतं संतोसेण लोयमेआणि रक्खंति ॥ ४३ ॥
 तो जुत्तं ति पयंपिय ताणि निउत्ताणि मोहराएण ।
 संतोस-विहव-कए देव ! वियक्खण ! वियाणेषु ॥ ४४ ॥
 इय विमरिसेण कहियम्मि पयरिसो भणइ सच्चमेयं ति ।
 तो मण-मंती जंपइ कहेमि पडुणो किमहमलियं ? ॥ ४५ ॥
 ता इंदिएहिं वुत्तं संपइ अम्हे वि देव ! विन्नविमो ।
 जंपइ अप्पा विन्नवह तो भणइ फरिसणं एवं ॥ ४६ ॥

अम्ह सामिय ! नत्थि कहया वि,

तुम्हेहि सह दंसणु वि,

तेण कस्स गुणदोस जंपहुं,

तं कम्म अग्घिहि करहुं,

मंती मणिण फुडु जत्थ खिप्पहुं,

अग्घि सयत्थहिं न हु कह व कम्मि पयट्ठहुं लोइ ।

करि फरिस्ताइ वि बहु मुणहुं जइ मणु पासि न होइ ॥ ४७ ॥

तुह वाहणस्स देहस्स पालणत्थं पयट्ठिमो अम्हे ।

फरिस्ताइसु विसएसुं अरत्त-दुट्ठा तुहाणाए ॥ ४८ ॥

जं तेसु फुरइ रागो दोसो वा तं मणस्स माहप्पं ।

विरमइ मणम्मि रुडे जम्हा अम्हाण वावारो ॥ ४९ ॥

जइ पुण रुद्धे वि मणे इंदियमेकं पि कुणइ वाचारं ।
दोसेण तस्स ता मज्झ निग्गहो देव ! कायव्वो ॥ ५० ॥

जेव मंकडु चल सहावेण,

अन्नन्न-रुक्खिहि रमइ,

मणुधि तेवि अन्नन्न-विसइहि,

एकत्थ बंधइ न रइ,

नरइ नेइ पइं पडु कुवरि इहि,

तह सव्वहं विसयहं जइवि निच्चु करइ अणुवित्ति ।

रक्खसु जिव दारुणु तह वि एहु न पावइ तित्ति ॥ ५१ ॥

जं व दिन्नउं अम्ह कुल दोसु,

मण-भंतिण दुम्महिण,

भणिवि डिंभ विसयाहिलासह,

तं दूसणु अम्ह न हु,

पहु अच्छु सामिउ वि वासह,

जं सो वि हु अम्हह जणउं संकेएण मणस्स ।

करइ रायकेसरि कुमर रज्जुह चित अवस्स ॥ ५२ ॥

पहु ! अप्पह नरिंदाणं दुम्मंती दूसए गुण-कलावं ।

एकं पि तुंविणीए वीयं नासेइ गुलभारं ॥ ५३ ॥

इय भणियइ फरिसिण-इंदिएण,

मणु जंपइ कंपंतउ भएण ।

अवराहु को वि न हुं इंदियाण,

न हु मज्झ वि बुज्झसु निव-पहाण ! ॥ ५४ ॥

किं पुण जि पुव्वजम्मेसु अहिय,

पइं देव ! सुहासुह-कम्म-विहिय ।

सुह-दुक्ख-दंड तुह दिंति ताइं,

अवराण उवरि रसेसि काइं ? ॥ ५५ ॥

सव्वो वि पुव्व-भव-निम्मियाण,

कम्महं विवागु पावइ नियाण ।

अवराह-गुणेषु निमित्तमत्तु,

परु होइ जिणागमि एहु तत्तु ॥ ५६ ॥

अणुकिइउं कि भुंजइ कम्मु कोइ,
 नासेइ संकउ तं कस्स लोइ ।
 ता सकउं कम्मु अणुभुंजमाणु,
 जणु कीस होइ दुम्मणु अयाणु ॥ ५७ ॥
 इय जिणमयजुत्तिहि, बहुविहु जुत्तिहि,
 जंपिवि थक्कउ मंतिमणु ।
 कयपरियरु संपइ, एउ पर्यंपइ,
 समडफरु फरिसणु करणु ॥ ५८ ॥
 दुक्ख कारणु सामि ! मणु एहु,
 जं पुव्व-कय-कम्मु तुह,
 दुहु निमित्तु एएण जंपिओ,
 कम्मस्स वि तासु मइं,
 मणुजि एहु कारणु वियप्पिओ,
 जं चावारह सयलह वि गरुयउ मणं-चावारु,
 करइ जु तंडुलमच्छह वि सत्तम नरय-दुवारु ॥ ५९ ॥
 भणइ मणं जइ एवं दुह-हेज इंदियाइं न हु कम्मं ।
 जव्वसओ कंदप्पो दिप्पइ जलगो व्व घय-सित्तो ॥ ६० ॥

तहा हि—

जं तिलुत्तम-ख्व-वक्खित्तु,
 खण वंशु चउसुहु हुउ,
 घरइ गोरि अडंगि संकरु,
 कंदप्प-परवसु चलण,
 जं पियाइ पणमइ पुरंदरु,
 जं केसवु नचावियउ गोठंगणि गोवीहिं ।
 इंदिय-वग्गह विप्फुरिओ तं वन्नियह कईहिं ॥ ६१ ॥
 तो फरिसेणं वुत्तं वंभाईएहि काम-विबसेहिं ।
 पत्तो अजसो कामस्स कारणं तत्थ मणमेव ॥ ६२ ॥
 तो कुद्धेण मणेणं भणियं जइ अप्प ! महसि कल्लाणं ।
 सयलिंदिय-चोर-वद्ध(?) ता वंधसु फुरिसणं एकं ॥ ६३ ॥
 ताव फरिसणु एहु भणइ पडु !,

एक्यु बंधिज्जुं काहं,
 हउं जं सया वि निद्रो सुविहउं,
 इहु तरलिउ लोलयहिं,
 रसणु असणु भुंजेह मिहउं,
 भक्खाभक्खु न चितवइ न गणह पेयापेउ ।
 ता परमत्थिण रसणु पर मज्झ चियारह हेउ ॥ ६४ ॥

इय परोप्परु मणह इंदियह,
 पंचन्ह वि कलहभरि,
 वट्टमाणि अह अप्पराहण,
 संलत्तु भो ! निट्टुर ! हु,
 करहु पससु नणु किं विचाहण ?,
 भवि भवि एत्तिउ कालु किउ मह तुम्हह संसग्गु,
 जइ पुणु लग्गइ पसमग्गुणु सो थेवो वि न लग्गु ॥ ६५ ॥
 किं च मए तुम्हाणं निचं असमंजसेहिं चरिएहिं ।
 भव-अडवि-भमण-दुक्खं जं जं पत्तं निसामेह ॥ ६६ ॥

जं मच्छ-जम्मु अंतो सुहुत्तु,
 लहिऊण मज्झि दुज्झाण-जुत्तु ।
 छावट्टि-सायर-वहु-दुह-निहाणि,
 हउं नरयवासि ठिउ अपइठाणि ॥ ६७ ॥
 तह नरयवासि जं परवसेण,
 महं नरयवाल-मुग्गुर-हएण ।

अवगूहु वज्ज-कंदय-सणाहु,
 सिंवलि-तरु-जणिय-सरीर-वाह ॥ ६८ ॥

कंदंतु कलणु जं हडिण धरवि,
 खाविय निय मंसु भडित्तु करिवि ।
 जं वेयण-विहुरिय-सव्व-गत्तु,
 हउं पाहउं तउयउं तंबु तत्तु ॥ ६९ ॥

जं पूय-रुहिर-वस-वाहिणीह,
 मज्जाविउ वेयरणी-नईइ ।

जं तत्त-पुलिणि चणउ व्व भुग्गु,
 जं सूलवेह दुहु पत्तु दुग्गु ॥ ७० ॥

जं वज्र-जलण-जालोलि-तत्त,
 महं लोहमइय महिलावसत्त ।
 जंमहि हिंसु कुसइं खंडु करिवि,
 उट्टिओ खणेण पारउ व्व मिलिवि ॥ ७१ ॥
 जं कुंभिपाकि पक्कओ परधु,
 जं चंड-तुंड-पक्खीहि खडु ।
 जं तिलु व निपीलिउ लोह-जंति,
 जं वसहि व वाहिउ भरि महंति ॥ ७२ ॥
 अच्छोडिओ जं सिचउ व्व सिलहिं,
 करवत्ति भित्तु जं कंठ कयलहिं ।
 जं तलेउ कड्डल्लिहिं पप्पुडु व्व,
 सत्थेहि छिन्नु जं चिब्भडु व्व ॥ ७३ ॥
 अस्सिवत्त व गिजं आउदेहि,
 असि-सव्वल-सेल्ल-सिलीमुहेहि ।
 जम-जीह-समेहि रडंतु विरसु,
 सव्वंगु विचारिउ दीणु विवसु ॥ ७४ ॥
 तं तुम्ह पसाइण, महं सविसाइण,
 सत्तिहि नरएहि भुत्तु दुहु ।
 जहि तिलतुसमत्तु वि
 वेयण विहुर हं नत्थि सुहु ॥ ७५ ॥
 तिरियत्तणि जं दुह-चक्कवालु,
 महं दूसहु पत्तु अणंत-कालु ।
 तं न कुणह कस्स मुणिज्जमाणु,
 उक्कंपु खणिण मणि अप्पमाणु ॥ ७६ ॥
 उस्सप्पिणि तह अवसप्पिणीउ,
 नीसंख सहंतउ ताउ सीओ ।
 पत्तेउ वसिउ हउं दारुणेसु,
 पुढवी-जल-जलण-समीरणेसु ॥ ७७ ॥
 पत्तेय-अणंत-वणसईसु,
 मोहोदय-दूसिय-दुग्गईसु ।

उस्सप्पिणि अवसप्पिणि अणंत,
 हउं वसिउं सहंतु दुह महंत ॥ ७८ ॥
 अह कह वि सव्व-जण-निदिएसु,
 उप्पन्नउ दु-ति-चउरिदिएसु ।
 हउं पाविवि पुण पुण जम्मु मरणु,
 चिरु तत्थ पत्तु दुह न ह्हु सरणु ॥ ७९ ॥
 पंचदिउ थल-जल-नहयरेसु,
 हउं ह्यउ किलिह-कलेवरेसु ।
 सत्थेहि भिन्नु जालेहि रुहु,
 पुणुरुत्तु वहिउ वाहेहिं मुहु ॥ ८० ॥
 सीयायव-सुह-तिस-वाह-दाह-
 वह-नक-वेह-अंकण-निरोह ।
 लउउंकुस-आर-कस-प्पहार,
 हउं विवसु सहाविउ वारवार ॥ ८१ ॥
 तुम्ह दुचरियह, जग्गि विप्फुरियहं,
 नूण पभाविण हउं ह्यउ ।
 तिरियत्तु पवन्नउ, सुह-मइ-सुन्नओ,
 विविह-दुसह-दुह-संजुयओ ॥ ८२ ॥
 जं अग्गि-वन्न-सुईहि विहु,
 समकालु लहइ दुहु सुह-समिहु ।
 महं लहु वसंतिण गव्ववासि,
 किरि तासु अहु गुणु दुक्खरासि ॥ ८३ ॥
 तह जोणि-जंत-पीलणु सहंतु,
 हउं कट्टिण गव्वह नीहरंतु ।
 रोअणिवि असकउ हीणसत्त,
 तसु कोडि लक्ख-गुणु दुक्खु पत्तु ॥ ८४ ॥
 बालत्तणु असुह विलित्त-वेहु,
 दुहकर दंसणुग्गम कन्न-वेहु ।
 चिंततह सव्व-विवेय-रहिउ,
 मह हियउं होइ उक्कंप-सहिउ ॥ ८५ ॥

दविणास विणसिय सयल सुक्ख,
 तह विसय आस भोलविय सुक्ख ।
 रक्खस-पिसाय सारिच्छ ते वि,
 मह पुट्टि लग्ग तरुणत्तणे वि ॥ ८६ ॥
 मइं किण्णिण सिरोमणि अणुणठाण,
 कुल-सील-रहिय अबिसेस-नाण ।
 ओलग्गिय सामि सकोवनयण,
 दविणासवसिण अपसन्नवयण ॥ ८७ ॥
 संबुत्त मज्झ पिय-विप्पओणु,
 कय-जीविय-संसउ हुयउ रोणु ।
 संपबु निविडु चारयनिरोडु,
 जोयउ बलपंतिहि सडु विरोडु ॥ ८८ ॥
 इंदिय पडुत्त वज्जिउ अदंतु,
 खलियक्खरु खणि खणि वाहरंतु ।
 गमणासडु सुडु वियलंतु लाल,
 हओ विहिय जरहिं नं पुण वि बाल ॥ ८९ ॥
 खणु सयणु अधणु खणु तडु रुडु,
 खणु हसिरु रुडु खणु तिडु रुडु ।
 खणु धीरु भीरु हउं विविहभंगि,
 नखिउ नड व्व नर-जम्मि रंगि ॥ ९० ॥
 इय दुक्खु अणिट्टिउ, मज्झ उवट्टिउ,
 न भवि तुम्हह दुन्नइण ।
 जं हिइय वहंतह, सुणह कहंतह,
 होइ घसक्कउ निच्छइण ॥ ९१ ॥
 नर-जम्मि आसि जो मज्झ सत्तु,
 सुर-जम्मि पत्तु सु वि सुरवरत्तु ।
 तं पिच्छिवि सो मह हियइ जाउ,
 कहिउं पि न तीरइ जो यिसाउ ॥ ९२ ॥
 मइं हीण सुरिण उत्तम सुराण,
 सुर-लोइ गएण वि विहिअ आण ।

सग्गेवि गयह कुञ्जुरु हवंति,
 किरि पुन्न विह्वणह इह न भंति ॥ ९३ ॥
 चवणम्मि दइय-तियसंगणाइं,
 तणु-कंति-भरिय-गयण-गणाह ।
 विरहानल झलुसिय.....
मग्गि वि नरय दुक्खु ॥ ९४ ॥
 जइ हउं पहुत्तु सुरलोइ कह वि,
 विसयास वियंभिय मज्झ तह वि ।
 जइ रासुहु पत्तउ सग्ग लोइ,
 परिहरइ न दावणु पुट्टि तोइ ॥ ९५ ॥
 कंदप्प-सह-प्पसर-पसर-भीरु,
 रइ-कलह-कोव-कंपिर-सरीरु ।
 घरदासु न्व पियाह पाएसु पडिओ,
 हउं ही वि गुत्तु विसयास-नडिओ ॥ ९६ ॥
 ईसा-विसाय-भय-मोह-माय,
 मय-कोह-लोह-वम्मह-पमाय ।
 मह सग्ग गयस्स वि पिट्ठि लग्ग,
 ववहरय जेव रिणिअह समग्ग ॥ ९७ ॥
 सुररिद्धि नियवि हरिसिक्क-भवणु,
 निव्वेय-हेउ चित्ते वि चवणु ।
 तह जाणि विनाणि कुठाणि जम्मु,
 जन्न उट्टु फुट्टु तं बलिउ कम्मु ॥ ९८ ॥
 खणि वणि वणाउ भवणाउ भवणु,
 हउं अल्लियं तु सयणाउ सयणु ।
 दिवचवण समइ दुहु पत्तु दीणु,
 जिम्ब तत्तसिलायलि खित्तु मीणु ॥ ९९ ॥
 इय तुम्हह अविणअ, सुर-भवि परिणउ,
 मज्झ दुक्खरूवेण तिम्ब ।
 उक्कंभु पयट्टह, अरइ विसट्टह,
 सग्गसुहस्स वि उवारि जिम्ब ॥ १०० ॥

मण-करणाहं तुम्हे ता पसमं भयह चयह चवलत्तं ।
जं जिण-मुणि-जीव-दयासु चैव लीणा मई मज्झ ॥ १०१ ॥
कर-सरोरुहि निहिय मुत्तिउ व्व,
तइलोकु पेक्खइ कलिउ
भूय-भाविभावमाण-भाविहि,
जो केवलनाण-वसि
परिणमंतमाणा सहाविहि,
अट्टारस-दोसिहि रहिओ सिव-पुर-पह-सत्थाहु,
सोज्झि निविट्टउ मह हियइ देव एक्कु जिणनाहु ॥ १०२ ॥
जे परिग्गहु गहु व दुहमूल,
तह रज्जु रज्जु व विस्तु व
विसय-सोक्खु पियदारु दारु व,
वज्जेवि घणु वंधणु व,
भूसणाणुपव्वभारु भारु व,
निव्वियप्प अप्पह परह संजमभरु पडिवन्न ।
ते घम्मुज्जय जइण मुणि गुरु मह चित्ति निसन्न ॥ १०३ ॥
जं वियंभइ दीहु आउखु,
जं खु निरुवमु प्फुरइ
जं समग्गु सोहग्गु वग्गइ,
जं होइ आरोग्गु वरु
जं उदग्गु गुणवग्गु जग्गइ,
जं भुवणंगणि कित्ति-वहु नच्चइ पयडमडप्प ।
पसरइ जीवदयालयह सासफलरिद्धि अणप्प ॥ १०४ ॥
इमिणा कमेण निउणो मणिंदियाहं ठवेज्झ सुह-मग्गे ।
एवं सुणिऊण बुहा चित्तम्मि चमक्किया सव्वे ॥ १०५ ॥
इति जीव-मनः-करण-संलाप-कथा ॥

अन्न-दिणे अन्न-विबुहेण जंपियं देव ! किं पि पुच्छिस्सं ।
रत्ता भणियं पुच्छसु बुहो पयटो भणिउमेवं ॥
अत्थि उल्लेणी नाम नयरी ।
मुणिणो पुरंतमोहा रायकुलं कलहसंकुलं निचं ।

भवणाहं सविलयाहं ससि-जुण्हा दोसिणी जत्थ ॥

तत्थ विक्कमाइचो राया ।

कुंकुम-विमुहो जाओ जस्स पयावेण पिंजरो लोओ ।

तह सिय-जस-पसरेणं अलंकिओ कुसुम-निरविक्खो ॥

सो विक्कमकंत-सयल-नरिंदो सुवन्न-पुरिस-सिद्धि-सुत्थीकय-ऽत्थि-विंदो सयल-कला-पत्त-पगरिसो विविह-दिच्च-सत्ति-जणिय-जणु-क्करिसो कयाइ चि-तिउं पवत्तो । मज्झा सेन्नाहं पि इक्कं पर-पुर-प्पवेसं जाणंति, अहं पुण दुइज्जं तं जाणित्थमिच्छामि । तज्जाणणत्थं रज्जं सुत्थं काऊणवडुय-वीओ पयट्ठो पुहविं भमिउं, पत्तो पइहाणं । दिट्ठो तत्थ पर-पुर-प्पवेस-सिद्धो पुरिसो । आहत्तो तं सेविउं राया । भणिओ सिद्धेण—भो ! को तुमं किमत्थं वा मं सेवसि ? । कहिओ रत्ता निय-वुत्तंतो । सिद्धेण वुत्तं—जुगो त्ति तुमं सिक्ख, वडुओ पुण न तारिसो त्ति चिट्ठउ ।

जओ—

होइ अणत्थफलं चिय कयं कुपत्ते परेण सुकयं पि ।

परिणमइ विसत्तेणं दिन्नं दुद्धं पि सप्पस्स ॥

रत्ता वुत्तं—सहायउ त्ति कहं वंचेमि । एवं होउ त्ति भणिऊण सिद्धेण दो वि सिक्खविया पर-पुर-प्पवेसं । सिद्धमापुच्छिऊण राया सबडुओ नियत्तो, प-त्तो निय-नयर-वाहिं । तत्थ तम्मि दिणे पट्टहत्थी विक्कओ, दिट्ठो रत्ता, भणिओ वडुओ—परिक्खेमि पर-पुर-प्पवेस-सत्ति । वडुएण वुत्तं—जहाऽभिरुहयं करेउ देवो । तओ राया कत्थवि मढे निय-देहस्स रक्खगं ठविऊण वडुयं निय-देहाउ निग्गंतूण पविट्ठो सयं हत्थि-देहं । उट्ठिऊण पयट्ठो पट्ट-हत्थी वियरिउं । कवड-व-डुएण रत्ता देहं पविसिऊण जाणावियं संतीणं जहा राया आगओ । तेहिं गरु-य-रिद्धिओ पवेसिओ सो नयरे । करेइ रज्जं संती हिं समं, रमइ अंते-उरेणं । एसो राय-सरिसो वि सरीरेणं चरिएहिं अन्नारिसो व्व पडिहाइ त्ति चि-तंति ते सब्बे । राया वि हत्थि-देहत्थो निय-सरीर-पविट्ठं दट्ठूण वडुयं ‘अहो सि-द्ध-वयणं सब्बंति चिंतंतो मुत्तूण नयरं गओ अडविं । तत्थ भमंतेण तेण दिट्ठो पुरिसो रुक्खगए कीरे सरप्पओगेण विणासंतो, विवन्न-जच्च-कीर-सरीरे पविसि-ऊण गयणत्थेण रत्ता भणिओ पुरिसो—भो ! जइ मह वयणं करेसि ता तुमं रिद्धं करेमि । तेण वुत्तं—जं तुमं भणसि तं करेमि । कीरेण वुत्तं—वित्तूण मं वच नय-रं । पुरिसेण भणियं—एवं करिरसं । तओ आगओ जुगो पुरिस-कर-यले । गओ

उज्जेणिं पुरिं पुरिसो । [भणिओ कीरेण सो] बहुदृष्ट बहुअ-दब्बेण मं विक्किणेतु ।
 तहेव काउं पयटो पुरिसो । दिट्ठो गणियाए कीए वि कीरो मणोहरो, मणुस्स-
 भासा-जंपिरो य । विम्हिय-मणाए भणिओ पुरिसो-देसु । पुरिसेण वुत्तं-गिण्ह
 पंचहिं सएहिं । इत्थंतरे आगओ नयरि-सिट्ठि-सुओ, तेण वुत्तं-छहिं सएहिं मे
 देसु । गणियाए वुत्तो पुरिसो-मम तुमए पुव्वं दिओ त्ति मा इमस्स देसु । पु-
 रिसेण वुत्तं-मम इमो सुल्लभहिं देहं त्ति देमि । एवं कलहंताणि ताणि तला-
 रेण नीयाणि रायउलं । देवया-पणमणत्थं निग्गयाए महादेवीए दिट्ठो कीरो ।
 पुरिसस्स जं मग्गियं मुल्लं दाऊण मम समप्पेसु एयं । तहेव कयं तलारेण ।
 नीओ निय-निकेयणं कीरो देवीए । अइवद्वहो त्ति निरंतरं तेण कीलए देवी ।

राय त्ति मुणइ देवी जइ वि न तं तह वि तम्मि लहइ रइं ।

दुद्धं त्ति असुणियं पि हु पीयं दुद्धं कुणइ तुट्ठिं ॥

बहुएण अहं छलिउ त्ति लज्जमाणो सुगो न पयडेह ।

रायाणं अप्पाणं इमं खु छेयाण छेयत्तं ॥

चिचिह-कला-कलावेहिं तुट्ठा देवी पयंपए कीरं-जीवामि तइ जीयंते, मर-
 माणे पुण मरामि त्ति । कयाइ देवी-संतियाए सेज्जाए उवरि संचरंती घरको-
 इला खेडीए लट्ठि-प्पहारेणाऽऽहया मया य । तस्सरीरे कीर-सरीरं मुत्तूण संकं-
 तो राया वेणेण गंतुं पविट्ठो कहिं पि विवरे । कीरं विवन्नं दहूण विसन्ना देवी—

मणहरसरीर! हा! कीर! कथ पत्तो सि? किं न जंपेसि? ।

तुह वयणं असुणंती खणं पि ठाउं न सकाऽहं ।

एवं झूरिऊण तीए भणिया मंतिणो—कडुह चंदणागरु-कट्टाहं । कीरेण स
 ह मए मरियव्वं त्ति पडिचन्नं । तन्नित्वाहणत्थं साहिस्सामि जलणं । मुणिय-वुत्तं-
 तो सप्पागओ तत्थ राय-सरीरत्थो बहुओ । पन्नविया तेण विचित्त-जुत्तीहिं देवी ।
 तहा वि न म्मिल्लए मरण-ग्गहं । देवीए वुत्तं-जइ कीरो जीवइ । बहुएण भणि-
 यं-अहं जीवावेमि एयं । तओ, कस्स वि पवेसो न दायव्वो त्ति भणिऊण पाह-
 के, रायसरीराओ संक्रामिओ अप्पा कीर-सरीरे । रत्ता वि घरकोकिला-सरीरं
 मुत्तूण अहिट्ठियं निय-सरीरं । भणियं च—अहो! कययत्तणं बहुयस्स ।

देवीए विम्हियाइ विन्नाविओ पत्थिवो—किमेयं? त्ति ।

रत्ता निय-वुत्तंतो सब्बो वि निवेइओ तीए ॥

करुणा-परेण रत्ता मुक्को कीरो कयावराहो वि ।

जं सप्पुरिसा न कुणंति पोरिसं देव-निहएसु ॥

तो काऊण पसायं पहु ! मह संदेहमेयमवणेषु ।
 किं पर-पुर-प्पवेसो एसो संभवह नो व त्ति ॥
 ता रत्ता वज्जरियं असंभवो एस पर-पुर-पवेसो ।
 जं पुच्छिणण पुच्चं सुणिवहणा मज्झ कहियमिणं ॥
 जो जेण सरीरेणं जाओ पुच्च-भव-कम्म-जणिणण ।
 सो आउए अपुत्ते कह वि न तं मेळ्ळिउं लहह ॥
 यच्चह चउदस-पुच्ची महाविदेहम्मि केवल्लि-समीवे ।
 आहारग-देहेणं कयाह संदेह-विगमत्थं ॥
 जं सव्वहा असुत्तुं सदेहमंतो सुत्तुत्तमज्झम्मि ।
 तं पर-पुर-प्पवेसो असंभवं तो वि विक्खाओ ॥
 इति परपुरप्रवेशनिषेधे विक्रमादित्यकथानकम् ।

जं च पर-देह-संकम-सरिच्छमच्छरियमित्थ सं[भ]वह ।
 विज्जा-पभाव-विहियं तं सुणह कहेमि गुरु-कहियं ॥
 चेयणमचेयणं वा वत्थुं विज्जा-वलेण चालेह ।
 विज्जा-सिद्धो पुरिसो आयरिया अज्ज-खउड व्व ॥

तं जहा—

इह जंबुदीव-भरहे भरुयच्छं नाम पट्टणं अत्थि ।
 लोया पोया य गुणोह-पवर-गुरु-सिय-वडा जत्थ ॥
 कहिया वि अज्ज-खउडा विहरंता तत्थ आगया गुरुणो ।
 ते विज्जा-सिद्धा देवयाउ वटंति ताण वसे ॥
 ताणऽत्थि भाइणेज्जो सीसो बालो अईव मेहावी ।
 सो विज्जं कत्ताहेडणण गिण्हेह गुरु-पासे ॥
 विज्जा-सिद्धो जाओ सो विज्जा-सिद्ध-गुरु-पभावेण ।
 तं भरुयच्छे ठविउं साहु-समेयं गया गुरुणो ॥
 गुडसत्थं नाम पुरं जं तत्थ पुरा गुडस्स पिंडेहिं ।
 भगं परवलमेयं तो गुडसत्थं ति विक्खायं ॥
 नाग-रमणीह वेणी गहिया विवरम्मि पधिसिउं जेण ।
 सो वेणि-वच्छराउ त्ति पायडो तत्थ अत्थि निवो ॥
 तह आसि गरुय-गव्वो तत्थ परिच्चायगो महावाई ।

साहूहि जिओ वाए सो अधिईए मओ संतो ॥
नामेण बहुकरओ गुडसत्थे तत्थ वंतरो जाओ ।
तत्थ न देइ सुणीणं वसिउं सो विहिय-उवसग्गो ॥
तस्सोवसम-निमित्तं गुरुणो तत्थागया दिवस-विगमे ।
पुर-मज्झे वसहीए पट्टविउं साहुणो सव्वे ॥
ठविउं कत्तेसु उवाहणाउ जक्खस्स अग्गओ सुत्ता ।
देवचओ पहाए समागओ ते तहा दट्ठं ॥
लोयस्स कहइ लोओ समागओ उट्ठसु त्ति सो भणइ ।
उट्ठंति न गुरुणो पुण गुरुण अवणेइ पावरणं ॥
तं जत्थ जत्थ अवणेइ पेच्छए तत्थ तत्थ अहट्ठाणं ।
रत्तो निवेइयमिणं तेणाइट्ठं हणह एयं ॥
तो आढत्ता गुरुणो हणिउं लोएण कइलट्ठीहि ।
लग्गंति ते पहारा रत्तो अंतेउरीणंगे ॥
हा ! को वि अदिट्ठो पहणइ त्ति अम्हे ताओ विलवंति ।
सुणिज्जण इमं रत्ता गंतुं ते खाभिआ गुरुणो ॥
अह गुरुणो पुर-मज्झे चलिया तो ताण पिट्ठओ जक्खो ।
संचलइ उप्पिडंतो तहउन्न-देवाण पडिमाओ ॥
तत्थासि जक्खभवणे पाहाणमईओ दुत्ति दोणीओ ।
ताओ वि पट्टियाओ ठियाउ पुरओ सुणिदाणं ॥
एयं दट्ठं विस्सिय-मणेण गुरुणो जणेण संलत्ता ।
मिल्लह इमाणि सव्वाणि ताणि सुक्काणि तो गुरुणा ॥
दोणीओ अ मंतीउं नयर-दुवारं तडेसु सुक्काओ ।
सट्ठाणमाणही सो अन्नो जो मज्झ सरिसो त्ति ॥
इय बहुकरय-जक्खो विज्जा-सिद्धेहि उवसमं नीओ ।
जिण-पवयणस्स पवरा पहावगा तत्थ तह विहिया ॥
अह भरुयच्छ-पुराओ समागया तत्थ साहुणो दुत्ति ।
तेहि कहियं गुरुणं अम्हे संवेण पट्टविया ॥
पहु ! तुम्ह भाइणेज्जो सुणिणो सुत्तूण भोयणे गिट्ठो ।
भिकखूण गओ मज्झे करणेहि न गंजिओ को वा ? ॥
विज्जा-पभावओ से पत्ताणि उवासगाण गेहाउ ।

गयणंगणेण वर-खज्ज-भुज्ज-भरियाणि इति मढं ॥
 तं अच्छरियं दट्टूण तम्मि भत्तिं कुणंति सट्ठावि ।
 ता आगंतुं संघस्स हरह ओभावणं एयं ॥
 तं सोउं गुडसत्थाउ झत्ति भरुयच्छसागया गुरुणो ।
 तेसिं तु पत्तगाणं पुरो ठिओ मत्तओ जाइ ॥
 सो उण उवासगाणं गिहेसु पवरासणम्मि ठविऊण ।
 सरसस्स भरिज्जइ भोयणस्स सह सेस-पत्तेहिं ॥
 गयणेण इति सत्त्वाइं अन्नया सेय-वत्थ-पिहियाइं ।
 तम्मि दिणम्मि गुरुहिं विउव्विया अंतरम्मि सिला ॥
 पत्ताणि तत्थ तो लग्गिऊण भग्गाइं ताइं सत्त्वाइं ।
 तो चेल्लएण नायं इहागया अज्ज-खउड त्ति ॥
 तो चेल्लओ भएणं नट्टो बुद्धालए गया गुरुणो ।
 ते संलत्ता भिक्खूहि पडह पाएसु बुद्धस्स ॥
 भणियं आयरिएहिं सुद्धोदण-पुत्त ! एहि वंद ममं ।
 तो निग्गंतुं बुद्धो पडिओ पाए स सूरीण ॥
 तत्थ दुवारे थूलो सो भणिओ एहि पडसु पाएसु ।
 तो झत्ति सो वि पडिओ अह उट्टेहि त्ति संलत्तो ॥
 अट्टो ण उट्टि एसो एवं चिय संपयं पि सो अत्थि ।
 भणिओ बुद्धो चिट्ठसु सट्ठाणे एक-पासेण ॥
 थक्को तहेव एसो इमेहिं जं नामिओ नियंठो सो ।
 कोयम्मि तो पसिद्धा नियंठनाम त्ति ते गुरुणो ॥
 एवं विज्जा-सिद्ध-प्पभावओ देवया-कयावेसं ।
 चेयणमचेयणं वा करेइ मण-चित्तियं चिट्ठं ॥
 जं पुण मरणेण विणा जीवो पर-देह-संकमं कुणइ ।
 नियय-सरीरं मुत्तूण सत्त्वहा तन्न संभवइ ॥
 इय विज्जा-मारुप्पं अच्छुयमज्ज-खउड-सूरीणं ।
 दट्टूण वच्छराओ पडिबज्जो वीघराय-मयं ॥
 ताराइ बुद्धदेवीइ मंदिरं तेण कारियं पुठ्वं ।
 आसन्न-गिरिम्मि तओ भन्नइ ताराउरं ति इमो ॥
 तेणेव तत्थ पच्छा भवणं सिद्धाइयाइ कारवियं ।

तं पुण काल-वसेणं दियंबरेहिं परिग्गहियं ॥
 तत्थ ममाएसेणं अजिय-जिणिदस्त मंदिरं तुंगं ।
 दंडाहिव-अभएणं जसदेव-सुएण निम्मवियं ॥
 इति आर्य-खपुटाचार्य-कथा ॥

तो राया बुहवग्गं सिस्सज्जिउं दिवस-चरम-जामम्मि ।
 अत्थाणी-मंडव-मंडणम्मि सिंहासणे ठाह ॥
 सामंत-मंति-मंडलिय-.....पसुहाण दंसणं देह ।
 यिन्नसीओ तेसि सुणइ कुणइ तह पडीयारं ॥
 कय-निव्वियेय-जण-विन्धियाइं करि-अंक-जल्ल-जुद्धाइं ।
 रज्जट्टिइ त्ति कहया वि पेच्छए छिन्नवंछो वि ॥
 अट्टभि-चउदसि-वज्जं पुणो वि भुंजइ दिणट्टमे भाए ।
 कुसुमाइएहिं घर-चेइयाइं अचेइ संहाए ॥
 निसि निविसिऊण पट्टे आरत्तिय-मंगलाइं कारवइ ।
 वारवह-निवहेणं मागह-गण-गिज्जमाण-शुणो ॥
 तो निहं काउमणो मयण-भुयंगम-विस-प्पसम-मंतं ।
 संथुणइ थूलभद-प्पसुह-महासुणि-चरियमेयं ॥

पुरि चिट्टइ पाडलिपुत्त नामु,
 धण-कण-सुवन्न-रयणाभिरामु ।
 तहिं नवसु नंद पालेइ रज्जु,
 पडिक्ख-महीहर-हलण-वज्जु ॥ १ ॥
 सुणिपत्त-कप्प-जल-सित्तु गत्तु,
 बालत्तणि जसु रोगेहि चत्तु ।
 तसु कप्पयमंतिहि वंसि हूओ,
 सगडालु मंति निवक्खसुभूओ ॥ २ ॥
 तसु थूलभदु सुओ आसि पडसु,
 मयणु व्व मणोहर ख्व परसु ।
 जो जम्मदियहि देवयहिं बुत्तु,
 इह होही चउदह-पुव्व-जुत्तु ॥ ३ ॥
 सिरिउ त्ति विइज्जउ आसि पुत्तु,

नय-विणय-परकम-बुद्धि-जुत्तु ।

तह जक्खा-पमुह पसिद्ध पत्त,
मेहाइ गुणिहिं भइणीउ सत्त ॥ ४ ॥

अह पत्तु कयाइ वसंतसमओ,
संजणिय-सयल-जण-चित्त-पमओ ।

उल्लासिय-रुक्ख-पवाल-जाल,
पसरंत-चारु-चच्चरि व्व मालु ॥ १ ॥

जहिं वण-ल-पयडिय-कुसुम-वरिस,
महु-कंत समागय जणियहरिस ।

पवमाण-चलिर-नव-पल्लवेहिं,
नच्चंति नाइ कोमलकरेहिं ॥ २ ॥

नव-पल्लव-रत्त-असोअ-विडवि,
महुलच्छिहि सउं परिणयणु घडवि ।

जहिं रेहहिं नाइ कुंसुंभरत्त,
वत्येहिं नियंसिय सयलगत्त ॥ ३ ॥

हसइ व्व फुल्ल-मल्लिय-गणेहिं,
नच्चइ व पवण-वेविर-वणेहिं ।

गायइ भमरावलि रविण नाइ,
जो सयमवि मयणुम्मत्तु भाइ ॥ ४ ॥

घणमयणमहूसवि, पिज्जंतासवि,
तहि वसंति जणचित्तहरि ।

कय-विसय-पसंसिहिं, नीओ वयं सिहिं,
थूलमहु कोसाहि घरि ॥ ५ ॥

कणय-खंभिहिं नाइ कंदलिय,
जहिं नाइ पल्लविय

चीणवत्थ वित्थिय वियाणिहिं,
नं कुसुमिय मुत्तियहि

सव्वओ वि अवजलठाणिहि,

कंचणकलसिहि जणि फलिय सहइ लच्छिलयचित्त ।

कोसा वेसा पुव्वकयसुकय जल्लिण जं एव सित्त ॥ ६ ॥

थूलभद्रो तस्मि पासाइ,
मणि-खंड-मंडिय-कणय-
मय-गवक्ष-उच्छंगि संठिय,
कोस त्ति वेसा पवर
रूव-नाण-गव्वावगुंठिय,

रयणालंकिय-सयल-तणु उज्जल-वेस-विसिट्ट ।

नं सुर-रमणि विमाण-गय लोयण विसइ पविट्ट ॥ ७ ॥

जसु वयणविणिज्जिउ नं ससंकु,
अप्पाणु निसिहिं दंसइ स-संकु ।

जसु नयण-कंति-जिय-लज्ज-भरिण,
वण-वासु पवन्नय नाइ हरिण ॥ ८ ॥

जसु सहहिं केस-घण कसण-वन्न,
नं छप्पय मुह पंकय पवन्न ।

भुवणिक्क-वीर-कंदप्प-घणुह,
सुंदरिमविडंवाहि जासु भसुह ॥ ९ ॥

जसु अहर हरिय-सोहग्ग-सारु,
नं विहुम सेवइ जलहि खारु ।

जसु दंतपंति सुंदेरु खंडु,
नहु सीओसहं तु वि लहइ कुंडु ॥ १० ॥

असणंगुलि पल्लव नहपसूण,
जसु सरलभुयाउ लयाउ नूण ।

घण-पीण-तुंग-थण-भार-सत्तु,
जसु मज्झु तणुत्तणु नं पवत्तु ॥ ११ ॥

थूलभद्रिण तीइ कोसाइ,
निय-दिट्ठि जा पडुविय
अंगि चंगलावन्ननिभरि,
तीए वि हु अंगि तसु
असमसोह सोहग्गसुंदरि,

अवरुप्परु अणुरायगुणु दोहिहिं पयडंतीहिं ।

थूलभद्र कोसहं पडसु किउ दइत्तणु तीहिं ॥ १२ ॥

तो जगुत्तम-रूव-लावन्न,
 संपत्ति-दंसण-वसिण
 विसयमाण विम्हय परव्वसु,
 पफुल्ल-लोयत्तण-जुयल्ल
 थूलभहु अपुरत्त-माणसु,
 निम्मल-मुत्तिय-हारमिसि रइय चउक्कि पहिट्टु ।
 पढसु पविट्टउ हिय तसु पच्छा भवणि पविट्टु ॥ १३ ॥
 कलिउ दप्पणु वयण-छउमेण,
 रोलंबकुलसंबलिय
 कुसुमवुट्टि दिट्टिहिं पयासिय,
 पल्हत्थ उवरिल्ल घण-
 कणय-कलस-मंगल्ल-दरिसिय,
 चंदणु दंसिउ हसियमिसि इय कोसहिं असमाणु ।
 घरि पविसंतह तासु किउ नियअंणिहि सम्माणु ॥ १४ ॥
 × × × × ×
 इअ थुविऊणं आसणमुवणीयं तीए थुलभहस्स ।
 सो तत्थ निसन्नो उदय-सेल-सिहरम्मि चंदो व्व ॥ १९ ॥
 ददूण तस्स रूवं तीए सिडिलिय-सरूव-गव्वाए ।
 विन्नाण-पयडणत्थं मणोहरा वाइया वीणा ॥ २० ॥
 अह कोसल्ल-पयासण-उल्लसिय-महल्ल-कोउहल्लेण ।
 धित्तुं वीणा तह कहवि वाइया थूलभहेण ॥ २१ ॥
 कोसा कोसल्लमयं जह मिल्लइ तक्खणेण सल्लं व ।
 तो ण्हाण-भोयणाईणि थूलभहं करावेइ ॥ २२ ॥
 कव्व-बंधिहि कह-पबंधेहि,
 पण्डुत्तरपयडिणिहिं
 नम्म-वयण-लीला-पसंगिहि,
 वच्छायण-भरह-भाव-
 भूरि-भाव-संलाव-भंगिहि,
 अक्ख-विणोइण ते गमहिं जा दुत्ति वि दिण-सेसु ।
 ता पच्छिम-दिसि कामिणिहि अंकि निचिट्टु दिणेसु ॥ २३ ॥

तो ससुग्गउ मयण-नरनाह,
 अहिसेय-मंगल-कलसु
 दिसि-पुरंधि-आपरिसमंडल,
 नह-लच्छि-चंदण-तिलओ
 रयणि रमणि-ससि-कंत-कुंडल,
 सब्ब-कला-संपद्यु रसिय-जण-संतोसु कुणंतु ।
 अमयमयइ कर-फंसि-सुहि तहि कुसुइणि वियसावंतु ॥ २४ ॥
 भरह-भासिय-भाव-संबहु,
 पारहु संगीउ तहिं
 कोसवेस नच्चिय वियक्खणि,
 रंजिय-मणु घणु दविणु
 थूलभहु तसु देइ तक्खणि,

तयणंतरु अपुरत्तमण मयणपद्धंकि निसन्न ।
 माणिय-मयण-विलास-सुह दुमि वि निह पवन्न ॥ २५ ॥
 इय तत्थ थूलभदो पिउ-संपाडिय-समग्ग-भोगंगो ।
 परिचत्त-सेस-कज्जो वारस-वरिसाइं संबसइ ॥ २६ ॥
 अह तत्थ वसइ विप्पो बहु-सत्थ-वियक्खणो वररुइ त्ति ।
 अट्टत्तर-चित्त-सएणं थुणइ निच्चं पि सो नंदं ॥ २७ ॥
 तह वि न नंदो से देइ किं पि पिच्छेइ किं तु मंति-सुहं ।
 मिच्छत्तं त्ति न मंती वि तस्स कब्बाइं वजेइ ॥ २८ ॥
 ओलग्गिया बुहेणं मंति-पिया भणइ किं कुणसि कट्टं ।
 भणइ बुहो भण मंतिं जह मह कब्बाइं वजेइ ॥ २९ ॥
 तीए भणिओ मंती वन्नइ कब्बाइं सुट्टु पढइ त्ति ।
 तो वियरइ अट्टत्तर-दीणार-सयं बुहरस निवो ॥ ३० ॥

तो विंचितइ मंति सगडाल,
 निव-कोसु निट्ठिउ सयलु
 अन्नदिअहि विन्नवइ नरवरु,
 एयस्स किं देह पडु !

दिवसि दिवसि इत्तिउ धणुक्करु,
 सो जंपइ तइ वन्नियओ तिणि एयह धणु देमि ।

मंति भणइ पर-कव्व-चरण पढइ तेण सलहेमि ॥ ३१ ॥

नंदु जंपइ पढइ पर-कव्व,
कह एस वररुइ सुकइ
कहइ मंति मह धूय सत्त वि,
एयाइं कव्वाइं

पहु ! पढइं बालाउ हुंत वि,

तत्थ तुम्ह नरनाह ! जइ मणि बट्टइ संदेहु ।

ताउ पढंति य कोउगिण ता तुम्हे निसुणेहु ॥ ३२ ॥

एक्केण दोहिं तीहिं चउहिं पंचहिं छहिं य सत्तेहिं ।

वारेहिं धरंति कमा परपढियं मंति-धूयाओ ॥ ३३ ॥

जवणियंतरि ताउ ठवियाउ,

तो वररुइ आगइउ

थुणइ नंदु तं ताउ निसुणाहि,

चक्कम्मि तम्मिय कम्मिण

कव्व सव्व सव्वाउ पभणाहिं,

तो नरनाहिण वररुइण कुविऊण वारु निसिहु ।

वररुइ ताव विलक्खमण उलगगइ सुरसिधु ॥ ३४ ॥

खिविवि संझिहिं सलिल दिणार,

गोसग्गि सुरसरि थुणइ

हणइ जंत-संचारु पाइण,

उच्छलिवि ते वि वररुइहिं

चडहिं हत्थि तेण घाइण,

लोउ पइंपइ वररुइह गंग पसन्निय देइ ।

मुणिवि नंदु बुत्तंतु इहु सयडालस्स कहेइ ॥ ३५ ॥

सो पर्यंपइ गंग जइ देइ,

दीणार पेच्छंतयह

मह इमस्स तो देइ निच्छिउ,

संज्ञाइ तो सिक्खवि

विं पुरिसु तत्थ मंतिण विसज्जिउ,

सो घच्चिवि पच्छवु ठिओ जा अच्छइ पेच्छंतु ।

दिद्वओ वररुइ तेण तओ तहिं दीणार ठवंतु ॥ ३६ ॥

ते वि अप्पिय तेण आणेवि,

मंतिस्स गोसग्गि गओ

सपरिवारु तहिं नंदु नरवइ,

तो गंग वररुइ थुणइ

जंतु-हत्थ-पाएहिं जोवइ,

तत्थ न किंचि वि सो लहइ होइ विसल्लु मणेण ।

ते नंदइ दीणार तओ दंसिय सयडालेण ॥ ३७ ॥

कहिउ सयल्लु वि संल्लुत्तंतु,

तो जाओ वररुइ विमणु

पुण वि मंति-छिदाइं मग्गइ,

ओलग्गइ मंति-वर-

दासी सा वि घरवत्त संपइ,

तहिं किज्जइ भोअणु-निवइ सिरियय परिणयत्थु ।

तह पक्खर-सल्लाह-गुड-असि-पल्लुहाउह-सत्थु ॥ ३८ ॥

इय मुणिय दासि-वुत्तं चितइ चित्तम्मि वररुइ हिद्वो ।

पत्तो मए इयाणिं मंतिस्स विणासणोच्चाओ ॥ ३९ ॥

दवि लद्धुअ डिंभरूवाण,

सो पाढइ कोवि न हु

मुणइ एउ जं मंति करिसइ,

मारिचिणु नंदु निवु

नंदरज्जि सिरियओ ठवेसइ,

तिग-चच्चर-चउहइइहि एउ पढंतइं ताइं ।

नंदिण बाहिं निग्गयण अल्लहिं दिअहिं सुआइं ॥ ४० ॥

पुरिसु पेसिवि निवइ सवियक्कु,

जोआवइ मंतिघरु

कहिउ तेण किज्जंत आउहु,

ता मंतीहि पणमिअह

कुविओ नंदु जोअइ न सम्मुहु,

घरि गउ मंति भणेइ तउ सिरिया ! जइ महु पुत्तु ।

तुहं नंदह पडिहारु तउ करहि महारउं वुत्तु ॥ ४१ ॥

नंदु कुद्धउ तेण मह सीसु,

तुहु खंडि पणमंतयह

तासु पुरओ असिदंड घाइण,

रक्खेसु ती सेसु कुल

मज्झ दोसि हम्मंतु राइण,

इय सुणि सिरियउ पिउवयणु करयल-ढक्किय कसु ।

कंपइ हा ! हा ! केम्य हउं पिउवहु करउं अहसु ॥ ४२ ॥

मंति साहइ वच्छ ! मा झूर,

इउ नीइ-सत्थिहिं कहिउ

कुलहि कज्जि जं एकु मुच्चइ,

कुलरक्खिण कारणिण

तेण मज्झ मरणं पि रुच्चइ,

हउं खाइसु विसु तालउडु नंद पणासु करंतु ।

पिउवह-पावि न लिप्पिहिंसि मइं गयजीवु हणंतु ॥ ४३ ॥

तेण मन्निउ कह वि पिउवयणु,

तो मंतिण तालउडु

खरु नंदरायह नमंतिण,

सिरिएण तक्खणि खंडिउं

तासु सीसु खग्गिण फुरंतिण,

हा ! हा ! करिवि भणेइ निवु सिरिअय ! किउ किमकज्जु ।

सो जंपइ जो पहु अहिउ तिण पिउणा वि न कज्जु ॥ ४४ ॥

ताव चिन्तइ मंति-मय-किच्चि,

राएण सिरिअउ भणिउ

देमि तुज्झ मंतिउ तुट्टउ,

सो जंपइ पयह उच्चिउ

थूलभहु महु अत्थि जेहउ,

सो नंदिण कोसाघरह भणिअउ हक्कारेवि ।

गिन्हसु पिउपउ तिण भणिउ गिन्हउं पहु ! चित्तेवि ॥ ४५ ॥

इमिणा भिस्सेण एसो मा वच्चउ पुण घरम्मि गणियाए ।

इय रक्षा सो भणिओ चित्तसु असोग-वणियाए ॥ ४६ ॥

एवं ति भणिय तो थूलभदु,

चित्तैह तत्थ परमत्थ भदु ।

मणुयत्तह सारु ति-वग्ग-सिद्धि,

तिहि विग्घहेउ अहिगार-रिद्धि ॥ ४७ ॥

जं तत्थ राय-चित्ताणुक्कल,

आरंभ कुणंताह पाव-मूल ।

कउ मंतिहि जायइ विमल-धम्मु,

जिणि लव्वभइ सासउ सिद्धि-सम्मु ॥ ४८ ॥

पर-पीड-करेविणु जं पभूअ,

गिन्हहिं निउ गिरुहि ख्व जल्लुअ ।

नरनाहिण धिप्पइ नं पि दव्वु,

निप्पोलिवि सहुं पाणेहिं सव्वु ॥ ४९ ॥

पर-वसहं सव्वु भय-भिभलाहं,

अत्तल-पओअण वाउलाहं ।

अहिगारि-जणहं कामभोअ,

संभवहिं वियंभिअ गुरु-पमोय ॥ ५० ॥

कोसा-घर वारस-वच्छरेहिं,

विसइहिं न तित्तु लोउत्तरेहिं ।

वहु रज्ज-कज्ज-वद्विसत्त-चित्तु,

किं संपइ होहिसि मूढ-चित्तु ॥ ५१ ॥

पइ जम्म-मरणु कल्लोलमत्तु,

भव-जलहि भमिवि मणुअत्तु पत्तु ।

परिहरिवि विसय-फल तासु लेहि,

किं कोडि कवडिइं हारवेहि ॥ ५२ ॥

वज्जेवि धम्मु जो विसय-सुक्खु,

परिणाम-विरसु सेवइ सुर-रक्खु ।

सो पिअइ दुट्ठु जर-गाहिउ सुट्ठु,

सो भक्खइ मंसु गलंतु कुट्ठु ॥ ५३ ॥

दिण पंच करिवि नर-वइ-निओगु,

संपाह्वि अप्पह पाव-जोगु ।
 दुब्बार-दुसह-दुह-लक्ख-रुवि,
 गंतवु जीव नरयंध-कूवि ॥ ५४ ॥
 मह्हु मह्हु रुचए वि निवाहिगारु,
 पेरंत विडंवण-दुक्ख-सारु ।
 करि जीव ! धम्मु वज्जिचि पमाउ,
 जिम्ब नरइ न पावहि पच्चवाउ ॥ ५५ ॥
 परिहरिचि सव्व सावज्ज-कम्मु,
 जो जीवु न जुव्वणि कुणइ धम्मु ।
 सो मरण-यालि परिमलइ हत्थु,
 गुणि तुट्ठइ जिम्ब धाणुक्कु एत्थ ॥ ५६ ॥
 इय विसय-विरत्तउ, पसम-पसत्तउ, ।
 थूलभहु संविग्गमणु ।
 सिव-सुक्ख-कयायरु, भव-भय-कायरु,
 महइ चित्ति दुच्चर चरणु ॥ ५७ ॥
 पंच मुट्ठिहिं केस लुंचेवि,
 पाउरिअ कंवल रयणु
 छिदिऊण रयहरणु निम्मिचि,
 निवह पासि गंतूण
 तुह धम्म-लाहु होउ त्ति जंपिचि,
 नरवइ ! चित्तिउं एउ महं थूलभहु पभणेइ ।
 राइण वुत्तु सुचिंतिअउं अह सो पुरह चलेहि ॥ ५८ ॥
 नंदु जंपइ पेच्छ कवडेण,
 गणियाइ पविसइ भवणि
 किं नव ? त्ति आयास-तल-गउ,
 जा नियइ ता सो वि
 तेण कुहिय-मयगमग्गेण निग्गउ,
 नित वि संतउ जेण जणु सेसउ मुहुइं ठएइ ।
 भयवं विसय-विरत्त-मणु तो नरवर जंपेइ ॥ ५९ ॥
 ठविउ सिरिअउ निविण मंति त्ति

अह पासि पत्तउ गुरुहु
 थूलभहु संभूअविजयह,
 पडिबज्जइ नियम-भरु
 धवल-कित्ति-पंडुरिय-ति-जयह,
 सिरिउ वि कोसहि निच्चु घरि भाइ सिणेहिण जाइ ।
 वररुइ रत्तउ कोस-लहु-वहिणिहिं उवकोसाइ ॥ ६० ॥
 वाम-करयल-कालिय-सुह-कमल,
 सिंगार-परिसुहु तणु
 वाह-सलिल-संसित्त-थणहर,
 विरहग्गि-संतत्त-मण
 दीह-सास-परिसोसियाहर,
 थूलभहु-नासुचरण-गुण-कित्तण-कयतोस ।
 पुरिसंतर-संगम-विमुह कह वि गमइ दिण कोस ॥ ६१ ॥
 निअइ सिरिअउ छिइ वररुइहि,
 तो कोस-सम्मुहु भणइ
 एअ हेउ पिउ मरणु अम्हहिं,
 संपत्तु बंधव-विरहु
 तह विउगु दइएण तुम्हिहि,
 ता वररुइ पाएसु सुर तीइ वि भइणी वुत्त ।
 जं तुहं मत्त अमत्तु इहु एरिस जोड न जुत्त ॥ ६२ ॥
 तो बहु-जुत्तीहि वुहो तीए भणिओ अणिच्छमाणो वि ।
 चंदपहं पियइ सुरं दुद्धं ति जहा जणो मुणइ ॥ ६३ ॥
 कहिउ कोसहिं एउ सिरिअस्स,
 अह अन्नदिणि निवु भणइ
 सिरिअ ! जणउ तुह आसि मह हिउ,
 सो जंपइ सच्चु एहु
 किं तु मत्तवाल्लिण विणासिउ,
 राउ पर्यंपइ किं पिअइ दिअवरु वररुइ मज्जु ।
 सिरिउ भणइ संदेहु जइ ता पिच्छिज्जउ अज्जु ॥ ६४ ॥
 ताव सिरिइणि फुल्लवडु वुत्त,

तुहुं देज्ज वररुइहि कारि
 मयण-हलिण भाविअउं पंकउ,
 अन्नाइं वन्नाण करिय
 तयणु तेण सव्वं पि तह कउ,
 तं अग्घाइउ वररुइण वनिअउ मज्ज खणेण ।
 तो नीहारिवि निग्गह्तिउ तत्त-तउअ-पाणेण ॥ ६५ ॥
 थूलभहु वि कुणइ तव तिब्बु,
 अह पत्तउ कुसुमपुरि
 गुरुसमेउ पाउस-समागमि,
 तहिं गच्छि गिण्हहिं नियम
 खवण तिन्नि वस्सिय जिणागमि,
 चउमासु वि सीहह गुहहिं निरसणु एहु निससु ।
 धीअउ दिट्ठिपिसाहि-विलि कूवफलइ तह असु ॥ ६६ ॥
 ते तिन्नि वि उचसंता सीह-धुअंगा-उरहद्वियमणुस ।
 अणिहीण तवनिहीणं सुणीण तेसिं पहावेण ॥ ६७ ॥
 थूलभहिण भणिउ गुरुपासि,
 वसिअव्वु चउमास मइं
 कोस-वेस-घरि निचभोअणि,
 तो पत्तु तहिं सम्बविधि
 सा पहिइ चित्तेइ निय-मणि,
 एइ दइउ तव भग्गु इहु विरइ वि अब्बुद्दाणु ॥
 एहु किं करिमि भणेइ सुणि मग्गइ वास-द्दाणु ॥ ६८ ॥
 कोस जंपइ वसह इह नाह !,
 को धरइ घरु पत्थियउ
 तुम्ह कज्जि जो वहइ निय-तणु,
 सह लच्छिहिं इंति अहि
 कवणु देइ शंपउ लवेअणु,
 थूलभहु तो ठाइ सुणि उववणि घरि कोसाहि ।
 निद्ध भिक्ख सो तहिं जि घरि गिण्हइ अल्लन-समाहि ॥ ६९ ॥
 कोस चित्तइ मज्ज अणुरत्तु,

अणुभक्तिउ एहु महं
 तवह भग्गु असहाउ घरि मह,
 ता पुव्व-पुत्तोदण
 फलि अत्तण संपइ मणोरह,
 लडुउं दुडु विडालिअहिं सउणिं आमिसु पत्तु ।
 हिअय पणच्चसि किं न तुहं सिद्धउं कज्जु समत्तु ॥ ७० ॥
 ताव सुंदरु करिवि सिंगारु,
 मुणिपासि वच्चिवि चवइ
 विरह-जलण-सत्ततु मह मणु,
 तं अज्ज विज्झाविउ तुह
 अमय-सरिसु जं लडु दंसणु,
 हउं ठिअ एत्तिअ दिण दुहिण चत्ताऽवर नरसंग ।
 पेत्तिअ सुहय संगम सुहिण निव्वावहि महु अंग ॥ ७१ ॥
 तहु सिणेहहु ताहंत्ताणिआऽहं,
 तहं नाह गुण-कित्तणहं
 किं न देसि पडिवयणु निट्टुर,
 किं एरिसु जुत्तु महं
 अयगणेसि जं पिम्म-बंधुर,
 थूलभइ इउ जंपिओ वि जं पडिवयणु न देइ ।
 ताव कोस कुत्तुभिय-मयण विविह विआर करेइ ॥ ७२ ॥
 कर समुक्खवि पयड भूअ मूलु,
 आमेत्तु बंधइ ददु वि
 अंगभंशु पुण पुण पयासइ,
 उवरिल्लु दीसंत थण
 संठवेइ सविलासु भासइ,
 लायन्निक्क-निवास-पउ पयडइ नाहि-पएत्तु ।
 नियइ तिरिच्छिहिं लोअणिहि सिठिलइ नीवि-निवेत्तु ॥ ७३ ॥
 इअ निम्मिय मयण-विलास कोस,
 सुणि थूलभहु पेच्छिवि सतोस ।
 सपिसोस वियंभिअ धम्मज्ञाणु,

भावेह महिल दुग्गाह निआणु ॥ ७४ ॥
 सुंदरिम-विणिज्जिय-तरुण-कमल,
 जं एअहि पिच्छहि चलण-जुअलु ।
 तुहं तेण पणुल्लिउ जीव रडु,
 पाविहिसि दुरुत्तर-निरय-गडु ॥ ७५ ॥
 जं कलिय-खंभ-सुंदेर-चोर,
 तुहं एअहि जच-सुवन्न-गोरु ।
 सरलोरु-दंडु जुग सच्चवेहि,
 तं नरय-भवण-तोरणु मुणेहि ॥ ७६ ॥
 जह एअहि पीण नियंवि सुडु,
 भव-चारय-ठिउ तुहं जीव मुडु ।
 ता दाविअ विविह-विडंवणाउ,
 दुसहाउ सहिस्ससि जायणाउ ॥ ७७ ॥
 परिहरिवि जीव ! जिण-धम्म-मग्गु,
 जह एअहि नाहि-दहम्मि मग्गु ।
 ता नूण अणुत्तर-सुक्ख-पसरु,
 पाविहिसि नेअ निव्वाण-नयरु ॥ ७८ ॥
 जह एअहि तुंग-धण-त्थलेहिं,
 विसमम्मिहि अइघणचकलेहिं ।
 पक्खलिउ कह वि भवरघु भीसु,
 लंघिहिसि जीव ! ता न हु असीसु ॥ ७९ ॥
 जह एअहि भुअ-पासेहि वन्धु,
 तुहं काहिसि जीव ! असचसंधु ।
 ता मोह दुरुत्तर-गुत्ति-छूडु,
 चिरकालु वसिस्ससि जीव ! मूडु ॥ ८० ॥
 जो एअहि घण-कुंतल-कलावु,
 सो सप्पसभूडु महप्पभावु ।
 मह धम्म-ज्झाण-निह-गहण-विग्गु,
 संजणइ एउ चित्तेसु सिग्गु ॥ ८१ ॥
 इअ निचल-चित्तह, पसम-पवित्तह,

थूलभद्र-मुनि-पुंगवह ।

मणु कोस-मणोहर, पीण-पउहर,

हरिउ न सकइ सा तवह ॥ ८२ ॥

कहइ मुणी से धम्मं तं सा सोऊण साविया जाया ।

तह राय-निउगं वज्जिऊण पचक्खइ अबंभं ॥ ८३ ॥

खमण तिज्जि वि पुज्जि चउमासि,

गुरुपासि वच्चिहिं गुरु वि

किं चि ताण संमाणु दंसइ,

तहं दुप्करकारयह

सागउ त्ति संसुहं सासइ,

थूलभद्रु इंतउ नियवि गुरु कय गुरु सम्माणु ।

दुक्कर-दुक्कर-कारगह सागउ भणइ पहाणु ॥ ८४ ॥

मुणिवि तिज्जि वि खमण गुरुवयणु,

सामरिस चिंतंति मणि

थूलभद्रु मंतिस्स नंदणु,

तिण एअह गुरु कुणइ

गुरुअ-माणु हियआहिनंदणु,

अह वीअइ पाउस-समइ दुक्कर-तव-मय-मत्तु ।

कोसावरि गुरु वारिउ वि सोह-गुहा-मुणि पत्तु ॥ ८५ ॥

मुणि निअच्छि कोस चित्तेइ,

इह नूण मह एइ घरि

थूलभद्र-मच्छरु वहंतउ,

ता मूडु अप्पह परह

न वि विसेसु जाणइ निरुत्तउ,

कायह हंसह खर-करहि खज्जोअह खूरस्सु ।

एरंडह चंदणतरुहु कास-मसीसिअवस्सु ॥ ८६ ॥

सो वि उववण-गेहि तहि ठाइ,

कोसा वि उवसंतमण

मुणिहि पासि परिमुक्क-पाविण,

अविभूसिअ भूसिअ व

सुणह घम्मु सुंदर-सहाविण,
 तहि सुहचंद-पलोअणिण पसरिय-राय-ससुह ।
 तो कोसहि सो संग-सुहु पत्थह गय-वय-सुहु ॥ ८७ ॥
 कोस चितह जह वि इहु खुखिउ,
 बलवंत कम्मह बसिण
 तथा वि मणि ठाविमि उवाहण,
 तो पभणह देहि मह
 दम्मु हासु किं यम्मलामेण,
 सो पुच्छह केतिउ दविणु अह सा मग्गह लक्खु ।
 सो अलाहि वि गुरु-नरुह-फलु पंगु बहुअओ विलक्खु ॥ ८८ ॥
 तीह बुत्तह सो सनिच्चेउ,
 मा खिच्चसि किंचि तुहं
 झत्ति वच नेवाल-मंडलु,
 तहिं देह सावउ निवह
 लक्खु सुल्लु साहसुत कंवलु,
 सो तहिं पत्तउ दिहु निउ दिन्नउ कंवल तेण ।
 तं गोवि व दंढय तलह तो वाहुडिउ जवेण ॥ ८९ ॥
 पणु अडविहि दिहु चारेहिं,
 दीणार-लक्खवागमण
 पित्तणु सउणु तहं जाउ तक्खणि,
 गच्छंतु सो अवगणिउ
 तेहि सुणि वि समणु त्ति निअ-मणि,
 लक्खगमण नूअणु सउणु पुणु संजायउ तेहिं ।
 ता वालि वि पुच्छिउ समणु सउणु परिकरुणारेत्ति ॥ ९० ॥
 सच्चु जंपसु अमउ तुह समण !,
 दीणारहं लक्खु कुह
 तुच्चु अत्थि कहि कत्थ गोविउ,
 तेणावि कंवल-रयणु
 दंढ-भज्जि संठिउ निवेहउ,
 तो सुक्कउ गउ दिनु तिण कंवलु कोसहि इत्थि ।

सो पेच्छंतह तीह तसु खित्तु खालि अपसत्थि ॥ ९१ ॥

समणु दुम्मणु भणइ तो एउ,

बहु झुल्लु कंवलरयणु

कोस कोसि ! पइ क्खालि खित्तउ,

देसंतरि परिभमिबि

महं महंत-दुक्खेण पत्तउं,

कोस भणइ महापुरिस ! तुहुं कंवलु सोएसि ।

जं दुल्लहु संजम-खणु हारिस तं न मुणेषि ॥ ९२ ॥

जं परीसह सहिवि वावीस,

पंथिदियवसि करिवि

घरिवि जोशु चलु मणु निहंभिवि,

दुग्गिगह-कोह-मय-

माय-लोभ-मत्सरु निहंभिवि,

पंचमहव्वयभरु वहधि पइं संचिउ चारित्तु ।

तं आरामु व हुअवहिण मण-खोहेण पलित्तु ॥ ९३ ॥

जाउ वासवधणु व दुग्गिज्झ,

किंपाशु व मुह-महुर

विसहर व्व विस्सास-वज्जिअ,

मइर व्व मह-मोहकर

गिरिणइ व्व नीयाणुलग्गिअ,

तहं वेसहं पत्थण-घणिण किं व भंजसि तव-नाव ।

भव-सायर-मज्जंत-जण-तारण-पयड-पहाव ॥ ९४ ॥

इअ कोसा-उवएसामय-रसुच्छिन्न-मयण-मुच्छेण ।

मुणिणा भणियं भदे ! तुह वयणं साहु साहु त्ति ॥ ९५ ॥

भिच्छामि दुक्कडं तं अवंभ-विसयम्मि जं तुमं बुत्ता ।

सा भणइ तुमं धन्नो जेण मणं ठाविडं मग्गे ॥ ९६ ॥

वित्ति पाउसि गयउ गुरु-पासि,

कय-पाय-पणमणु समणु

मुणिवि सब्बु नाणेण सूरिहि,

निब्भच्छिउ तो भणइ

थूलभहु गुण-सलिल-पूरिहि,
 जो पहु ! सित्तउ मह हियइ मच्छर-तरु संजाउ ।
 तसु महं संपइ कुसुम-भरु दिट्टउ दुट्टु विवाउ ॥ ९७ ॥
 जइ वि मारिसु कुणइ तवु तिच्चु,
 निम्माहि अवम्मह मयह
 तह वि थूलभइह न तुल्लउ,
 जा कोस कुसलिकमण
 अणणुरत्त पत्थेइ भुल्लउ,
 कसणवसु उप्पयइ नहि भंजइ जइ वि अचीहु ।
 तह वि दुरेह हरेह न हु पावइ गोवरखीहु ॥ ९८ ॥
 रत्ता दिन्ना रहियस्स सा थुणइ थूलभइमच्चत्थं ।
 सो तीइ रंजणत्थं निय-विन्नाणं पयासेइ ॥ ९९ ॥
 फुलिय अपूउ तेण पिच्छेवि,
 वायायणसंठिय प्पक्खित्तु
 वाणु सो खुत्तु लंबच्चिहि,
 तसु पुंखित्तउ अवभाव,
 सुवि अवरु घम्म सरकयम्मिहि,
 धरिवि सहत्थिण कप्परि वि उवरि खुरु-प्पसरेण ।
 अप्पिय कोसह संग्हिवि अम्बय लुम्बि करेण ॥ १०० ॥
 कोसा नच्चइ सिद्धत्थ-रात्ति-सिहरत्थ-सूई-अग्गम्मि ।
 रहिओ सिरं धुणंतो विन्नाणं वन्नए तीए ॥ १०० ॥
 सा पर्यंपइ भो ! महापुरिस !,
 जं अम्बय लुम्बि पइ
 खुडिय ठिइण इह तन्न दुक्करु,
 जं सरिसव-सूइ-सिरि
 नच्चियऽम्मिह तं पि हु न दुक्करु,
 तं दुक्करु जं पमय-वणि वसियउ चाउम्मासु ।
 थूलभहु चारित्तनिहि निहणिय विसय पिचासु ॥ १०१ ॥
 मह सच्चिहाणि चउमास वसित्तु,
 जंतह वि न विसय-सुहेहि रसित्तु ।

तं कसण-भूयंगम वयणि धङ्ग,
 मुणि थूलभद्रु तह वि न हु डङ्गु ॥ १०२ ॥
 मह तिह कडक्खह विसइ पत्तु,
 जं तह वि न जायउ विसय-सत्तु ।
 तं निसिय-खग्ग-धारग्गि-धीरु,
 चंक्कमिउ वि च्छिन्नउ न मुणि-वीरु ॥ १०३ ॥
 जं विसय-सुक्ख-सेवा-निरीहु,
 मह पासि वसंतउ वि समण-सीहु ।
 पज्जलंत-जलण-जालाइ वुच्छु,
 तं तह वि न पत्तउ दाह दच्छु ॥ १०४ ॥
 जं मुणिवि सिण्हि-समिह-वयण,
 मह पत्थण-पणय-पहाण-वयण ।
 मुणि-नाहु अखंडिय वंभयरणु,
 विसु वुंदि वि तं विउ सत्थकरणु ॥ १०५ ॥
 इय थुणह थूलभद्रं कोसा-संसग्ग-अग्गि-मग्गस्स ।
 जस्स सुवत्तस्स व निम्मलस्स जाओ गुणुक्करित्तो ॥ १०६ ॥
 इति स्थूलिभद्र-कथा ॥

परमेष्ठिनमस्कारं ततः संसृत्य भूपतिः ।

× × × ×

तस्य माहात्म्यमीदृक्षं शुक्लं चकित तद्यथा ॥

जम्बूद्वीपे भारतक्षेत्रमध्ये

धर्मकीडाभूर्नगर्यस्त्ययोध्या ।

यत्प्राकारं कौतुकायात्तशेष-

श्रीलुण्ढाकः प्राज्यशीर्षश्चकासे ॥ १ ॥

तत्रारातिस्त्रैणवैधव्यदाना-

लङ्कूर्मीणः सामवर्मा नृपोऽभूत् ।

स्वायत्तानां यः प्रतापेन तेने

दिशान्तानां कुबुमालेपलक्ष्मीम् ॥ २ ॥

देवी तस्याभजलक्ष्मी[लक्ष्मी]रिव मनोहरा ।

त्रिवर्गसेवया श्लाघ्यं तौ निजं जन्म निन्यतुः ॥ ३ ॥
 अथानयोः समुत्पेदे कन्दर्प इव नन्दनः ।
 कृतसर्वजनानन्दो नन्दनो नामविश्रुतः ॥ ४ ॥
 वद्विष्णुः सोऽन्वहं कान्त्या रोचिष्णुश्चन्द्रमा इव ।
 चरिष्णुर्विनयव्योम्नि जग्राह सकलाः कलाः ॥ ५ ॥
 कदाचिद्राजपुत्रोऽयं नगर्यां क्रीडया भ्रमन् ।
 तामुत्सवमयीं दृष्ट्वा मर्त्यं कञ्चन पृष्ठवान् ॥ ६ ॥
 किं कारणमियं प्रोद्यत्पताका प्रतिमन्दिरम् ।
 नगरी कनकस्तम्भनिबद्धमणितोरणा ॥ ७ ॥
 तेनोचेऽत्र पुरारक्षः पुरासन्नसरिज्जलैः ।
 उद्यमानं महामानं मातुलिङ्गं व्यलोक्यत ॥ ८ ॥
 प्रविश्यान्तस्तदादाय महाराजाय चार्पयत् ।
 वर्णगन्धरसोत्कृष्टं तं दृष्ट्वा मुमुदे नृपः ॥ ९ ॥
 राजा सत्कृत्य तं प्राप्तं कुत्रेदमिति पृष्ठवान् ।
 नद्यामित्युक्तवानेष ततोऽमुं पार्थिवोऽवदत् ॥ १० ॥
 अन्वेषय वनं मौलं यत्रेदमुदपद्यत ।
 ऊर्ध्वभागे ब्रजज्ञेष नद्यास्तीरे ददर्श तत् ॥ ११ ॥
 तत्र प्रविश्य गृह्णाति यः फलं मृत्युमेति सः ।
 इति ज्ञात्वा पुरारक्षः पुरः क्षोणिशुजोऽवदत् ॥ १२ ॥
 राज्ञोचे फलमानेयमेकैकं प्रत्यहं त्वया ।
 एकैकं तत्र वारेण प्रवेक्ष्य परपूरुषम् ॥ १३ ॥
 फलादानेऽन्वहं तस्मिन्नेकैको त्रियते पुमान् ।
 कियत्यपि गते काले पुरलोके विधीदति ॥ १४ ॥
 वारको जिनदासस्य आवकस्य समाययौ ।
 ययौ तत्र चिवेशान्तः स नमस्कारमुद्गणन् ॥ १५ ॥
 तन्निशम्य स्मरन्पूर्वभवव्रतविराधनाम् ।
 वनाधिष्ठायकः क्षुद्रः व्यन्तरः प्रतिबुद्धवान् ॥ १६ ॥
 प्रत्यक्षीभूय नत्वा तं आवकं सो मुदाऽवदत् ।
 दास्यामि फलमेकैकं स्थानस्थस्यैव तेऽन्वहम् ॥ १७ ॥
 असौ व्यावृत्त्य वृत्तान्तं तं नृपस्य न्यवेदयत् ।

प्राप्नोत्युच्छीर्षके शश्वदेकैकं व्यन्तरात् फलम् ॥ १८ ॥

तदर्षयति राज्ञे स तुष्टेन तेन पूजितः ।

अकालमृत्युविश्रान्त्या कारितश्चोत्सवः पुरि ॥ १९ ॥

इति निशम्य महोत्सवकारणं

नृपसुतो निजगाद जगत्यहो ।

इह भवेऽपि विपादितविप्लवं

स्फुरति पञ्चनमस्कृतिवैभवम् ॥ २० ॥

ततः पञ्चनमस्कारं कुमारो मुनिसन्निधौ ।

मन्त्रवद्विधिनाऽधीत्य त्रिसन्ध्यं नित्यमस्मरत् ॥ २१ ॥

अथागत्य पुत्रानेको राजपुत्रं व्यजिज्ञपत् ।

अस्ति चेदकमन्त्रो मे दत्तः सिद्धेन केनचित् ॥ २२ ॥

तस्य षण्मासपर्यन्तां पूर्वसेवामहं व्यधाम् ।

अधुनोत्तरसेवा तु कर्तव्यामेव तिष्ठति (?) ॥ २३ ॥

सा सर्वलक्षणोपेतं विना नोत्तरसाधकम् ।

तादृशस्तु त्वमेवातो मन्त्रसिद्धौ सखा भव ॥ २४ ॥

परोपरोषप्राधान्यात्प्रतिपेदे स तद्वचः ।

महान्तो हि प्रकृत्यैव परोपकृतिकर्मठाः ॥ २५ ॥

ततः कृष्णचतुर्दश्यां रात्रौ राजसुतान्वितः ।

पूजोपकरणं विभ्रच्छमशानं साधको ययौ ॥ २६ ॥

यत्कचिच्छरदञ्जौवशुभ्रादभ्रास्थिदन्तुरम् ।

कचिचित्तानलज्वालाजालपल्लविताम्बरम् ॥ २७ ॥

कचित्कलितकङ्कालकालवेतालभीषणम् ।

कचित्कीडङ्गताशङ्कशाकिनीकुलसङ्कुलम् ॥ २८ ॥

कचिद्द्राक्षसदुर्वीक्षं कचिद्भूतभयङ्करम् ।

कचित्सघूकफूत्कारं कचिद् घोरशिवारवम् ॥ २९ ॥

कृत्वाऽस्मिन्मण्डलं पुष्पदीपनैवेद्यमण्डितम् ।

तत्राग्निकुण्डे मन्त्रेण साधकोऽक्षिपदाहुतीः ॥ ३० ॥

कुमारोऽस्थास्रस्कारं स्मरन्नुत्तरसाधकः ।

तत्र सन्त्रासनप्रह्ला वह्योऽभूवन्विभीषिकाः ॥ ३१ ॥

साष्टहासस्ततोऽघावत् साधकं प्रति राक्षसः ।

जल्पशित्वास्मिन्ना शीर्षं पद्मलावं लुनामि ते ॥ ३२ ॥

द्राक्कुमारोऽन्तरे भूत्वा को मव्युत्तरसाधके ।
 वाञ्छत्येष वधं कर्तुं साधकस्येत्यभाषत ॥ ३३ ॥
 अवोचद्राक्षसो व्योम्नि दिव्यस्त्री दर्शिता मया ।
 तां दृष्ट्वाऽगादसौ क्षौभं वध्यस्तेनैष दोषवान् ॥ ३४ ॥
 साधकस्यास्य योऽनर्थं चेतसापि विचिन्तयेत् ।
 हस्तग्राहं गृहीत्वा तं निग्रहीष्य इति ब्रुवन् ॥ ३५ ॥
 कुमारो राक्षसाभ्यर्णं प्रचचाल यथा यथा ।
 प्रतस्थे द्राक्पदैः पश्चद्राक्षसोऽपि तथा तथा ॥ ३६ ॥
 कुमारोऽवोचदूर्द्ध्वं स्वं तिष्ठ किं यासि चेद्भटः ।
 अवदद्राक्षसो भद्र ! मन्त्रं स्मरति यं भवान् ॥ ३७ ॥
 तत्प्रभावान्न ते तेजः सोढुमग्रेरिव क्षमे ।
 तदपैमि पदैः पश्चात्सिद्धस्तेऽस्मि विमुञ्च माम् ॥ ३८ ॥
 दुस्तावमपि तेऽभीष्टं साधयिष्यामि चिन्तितम् ।
 सिध्य त्वं साधकस्येति निजगाद् नृपात्मजः ॥ ३९ ॥
 राक्षसोऽवददेतस्य तादृशी नास्ति योग्यता ।
 यया स्यादौदृशी सिद्धिः किंत्वेषोऽपि त्वदाश्रितः ॥ ४० ॥
 लप्स्यतेऽभीप्सितं सर्वमित्युक्त्वाऽसौ तिरोद्वे ।
 तं दृष्ट्वा साधकः सर्वविरतो मन्त्रसाधनात् ॥ ४१ ॥
 कुमारः साधकेनोक्तः सिद्धो मे चेटको ध्रुवम् ।
 येनादिष्टं प्रभुः सेव्यो विश्वचिन्तामणिर्भवान् ॥ ४२ ॥
 कुमारः स्वगृहं गत्वा साधकं मुनिसन्निधौ ।
 अध्यापयन्नमस्कारं स तं सततमस्मरत् ॥ ४३ ॥
 चेटकस्य प्रभावेन कुमारः साधकान्वितः ।
 आम्यन् व्योम्ना जगद्गुह्यं कदाचिन्मिथिलामगात् ॥ ४४ ॥
 या स्फाटिकाधो भवनापतंसैर्हिरण्मयः सप्तभिरासदीप्तिः ।
 जहेऽन्तरिक्षस्थविमानगजवर्षस्य (?) गीर्वाणपुरस्य शोभां ॥ ४५ ॥
 मध्ये वनं तत्र पवित्रमासीच्चैत्यं नमेर्यन्मणिपुत्रिकाभिः ।
 जिनस्य पूजार्थमुपागताभिः [रम]र्त्यरामाभिरिवाभिरामम् ॥ ४६ ॥
 कुमारो विस्मितस्तत्र प्रविष्टः प्रतिमां नमेः ।
 विलोक्य विकसद्भक्तः सोत्कर्षणिदमब्रवीत् ॥ ४७ ॥

प्रशामरसनिमग्नं दृष्टियुग्मं प्रसन्नं

वदनकमलमङ्कः कामिनीसङ्गशून्यः ।

करयुगलपि यत्ते शस्त्रसम्बन्धवन्ध्यं

तदसि जगति देवो वीतरागस्त्वमेकः ॥ ४८ ॥

नभिनाथं नमस्कृत्य चैत्यं पश्यन् कुतूहलात् ।

गान्धारीं देवतां तस्मिन्नेकदेशे ददर्श सः ॥ ४९ ॥

तदर्चां कुर्वती काचित्स्त्री विलोक्य नृपात्मजम् ।

दध्यौ मनसि कोऽप्येषः पुरुषो मधुराकृतिः ॥ ५० ॥

प्राञ्जलिः साऽन्नवीदत्र द्राग्निद(?) प्रसीद मे ।

निवेद [स्वकी]यं नाम च प्रभो ! ॥ ५१ ॥

उपविश्य कुमारोऽपि परानुग्रहसाग्रहः ।

कथयेति समादिक्षत्साधकं दृष्टिसञ्ज्ञया ॥ ५२ ॥

अयोध्यापतिपुत्रोऽयं नन्दनो नाम कौतुकात् ।

शुवं भ्राम्यसिहायात इति तां साधको व्यधात् ॥ ५३ ॥

सहर्षं साऽन्नवीत्पञ्चपरमेष्ठिप्रभावतः ।

साग्रप्रतं मङ्गयस्थायाः फलितः पुण्यपादपः ॥ ५४ ॥

तत्तस्याः प्रीतिभाधाय त्वदागमनसम्भवाम् ।

यावदायाम्यहं तावत्त्वयाऽत्रैव प्रतीक्ष्यताम् ॥ ५५ ॥

इत्युक्त्वा सा ययौ शीघ्रं साधकं नन्दनोऽन्नवीत् ।

को हेतुर्यदसौ ज्ञात्वा मत्स्वरूपमगात्कचित् ॥ ५६ ॥

साधकोऽवददन्यत्किं स्त्री काचिदनुरागिणी ।

विशालकुलसम्भूता त्वदागमनमिच्छति ॥ ५७ ॥

तन्निवेदयितुं तस्या हर्षेणैषाऽगमद्भुतम् ।

धन्यानां सम्भवन्त्येव सम्पदो हि पदे पदे ॥ ५८ ॥

स्त्री गत्वा नन्दनोदन्तं राजपुत्र्यै न्यवेदयत् ।

तं श्रुत्वा सा घनध्वानं मयूरीव मुदं ययौ ॥ ५९ ॥

गाढोत्कण्ठा स्त्रिया सार्द्धं साधिरुह्य सुखासनम् ।

चैत्ये तत्राऽऽययौ पूजाव्याजेन सपरिच्छदा ॥ ६० ॥

तां दृष्ट्वा विस्मयस्मेरः स्मरार्तिप्रसरादिव ।

सूर्धानं धूनयन्नुवे नन्दनः साधकं प्रति ॥ ६१ ॥

युक्तं नक्तं विकासः कुवलय ! कला(?)यस्य वर्ण्यः प्रचार-
 इच्छन्नश्चन्द्र ! त्वदीयस्त्वसुचितमकृथा विदुमान्धौ प्रवेशम् ।
 साध्वी वृत्तिर्जलान्तस्तव कमल ! वरः कुन्द ! बालो वने ते
 येनास्या नेत्रवक्राधरकरदशनश्रीभिरस्तारुचिर्वः ॥ ६२ ॥
 राजपुत्री कुमारस्य निरीक्ष्य रमणीयताम् ।
 सखीं प्रति जगादैवं विस्मयाकुलमानसा ॥ ६३ ॥
 कन्दर्प ! त्यज रूपदर्पमधुनाऽनङ्गः प्रसिद्धोसि य-
 द्युक्तश्चन्द्र ! कलङ्गिनो न भवतः सौन्दर्यलक्ष्मीमदः ।
 निस्यन्दाक्षिसहस्रविद्ववपुषः का शक्र ! ते रम्यता
 किं त्वेकः कुरुते ममैष पुरुषः पीयूषवर्षं दृशोः ॥ ६४ ॥
 मुहुः केतकपत्राभैः कटाक्षैरवलोक्य तम् ।
 राजकन्या जगामान्तश्चैत्यं पूजयितुं जिनम् ॥ ६५ ॥
 खीं निवेश्य कुमारस्य पुरस्ताद्ब्रवीदिदम् ।
 यदौत्सुक्यादगां स्वामिस्तत्रार्थं शृणु कारणम् ॥ ६६ ॥
 अत्रास्ति नृपतिर्मेघो यो विपक्षमहीभृताम् ।
 रूरोव क्रोधदावाग्निं प्रकृष्टत * ॥ ६७ ॥
 तस्य देव्या जयावल्याः कुक्षिशुक्तिसमुद्भवा ।
 पुत्री मुक्तावली नाम जज्ञे श्लोणिविभूषणम् ॥ ६८ ॥
 इयं सा बाल्यमुल्लङ्घ्य क्रमाद्विद्यास्यधीतिनी ।
 वर्द्धिष्णू रूपवेयर्द्धैः पावनं यौवनं ययौ ॥ ६९ ॥
 अन्यदा घननिर्मुक्तघननीरौघनिर्भराम् ।
 कौतुकाग्रगरासः दियम् ॥ ७० ॥
 तत्रास्ति मिलितो लोकः प्रचुरस्तदयोर्द्वयोः ।
 तामभ्रंलिहकल्लोलां विलङ्घयितुमक्षमः ॥ ७१ ॥
 ततः परतदान्याः काचिदागन्तुमङ्गना ।
 ऐच्छदर्व्वार्क्तटे यावत्तावद्दे निलिते तटे ॥ ७२ ॥
 तेन मार्गेण साऽऽगत्य सत्वरं लेहनिर्भरा ।
 मिलिताऽर्वाक्तटे सख्याः सर्वो लोकश्च विस्मितः ॥ ७३ ॥
 तां राजतनयाऽपृच्छद्भद्रे ! किमिदमद्भुतम् ।

.....धुना त्वसौ ॥ १०४ ॥
 इत्यादिष्टैर्भटैर्वहः स्वयं श्रुतितवन्धनः ।
 आगत्य साधकः सर्वं नन्दनस्य न्यवेदयत् ॥ १०५ ॥
 क्रुद्धः सन्नयहस्त्यश्वरथपत्तिः पुरोऽभ्यगात् ।
 नन्दनेन समं योद्धुं दुस्सहः स्त्रीपराभवः ॥ १०६ ॥
 कन्यया परिणीयान्यमन्यथा मद्यचः कृतम् ।
 इत्यालोच्य पिता मेघस्तस्थौ माध्यस्थ्यमाश्रितः ॥ १०७ ॥
 [1]
स्तीनः स्वयं साधकमादिशत् ॥ १०८ ॥
 निवारय जवादेनं मिलितक्रोष्टुजागरम् ।
 सोऽपाङ्गालप्रशस्त्रौघो नमस्कारप्रभावतः ॥ १०९ ॥
 क्षणं कृत्वा रणक्रीडां जनयन् जनधिसमयम् ।
 सूरसेनस्य निःशेषां नष्टचेष्टां चमूं व्यधात् ॥ ११० ॥
 केचिदाकृष्टक्रोदण्डाः केचिदुत्पादितासयः ।
 केचिदुद्धृतकुं.....तस्थुर्निर्विक्रमा भटाः ॥ १११ ॥
 अहो ! महाप्रभावोऽसौ नमस्कर्तुं मनोचितः ।
 यदीयः सेवकोऽप्येवं दिव्यशक्तिर्विजृम्भते ॥ ११२ ॥
 इति ध्यायन्सुराज्ज्ञात्वा साधकेन व्यमोच्यसौ ।
 सूरसेनः सनिर्वेदं जत्वा नन्दनमब्रवीत् ॥ ११३ ॥
 जातः परिभवारम्भे निजशक्तिमजानतः ।
 संरम्भः शरभ्यस्येव घने त्वयि ममाफलम् [॥ ११४ ॥]
 [1]
वेत्युक्त्वा नन्दनेन स सत्कृतः ॥ ११५ ॥
 स्वस्त्रीयां मेघराजेन सूरसेनो विवाहितः ।
 सत्कृत्य बलालङ्कारैर्विसृष्टः स्वपुरीं ययौ ॥ ११६ ॥
 दिनानि कतिचित्तत्र धृत्वा मेघेन नन्दनः ।
 सत्कृतो हास्तिकाश्वीयसुवर्णाभरणादिभिः ॥ ११७ ॥
 मेघपार्थिवनापृच्छप गजाश्वरथपत्तिभिः ।
 मुक्तावली गृहीत्वाऽसावयोध्यामागतः[?पुनः ॥ ११८ ॥]
 [1]

गृहीत्वा संयमं कृत्वा तपस्तीव्रं ययौ दीवम् ॥ ११९ ॥
 जिनानर्चनमत्साधून् कृपया पालयन् महीम् ।
 मुक्तायल्या समं क्रीडन्नन्दनो राज्यमन्वशात् ॥ १२० ॥
 न सिद्धाः पूर्वजानां ये नृपास्तेऽपि वशं ययुः ।
 नन्दनस्य विना यत्नं नमस्कारप्रभावतः ॥ १२१ ॥
 अथ तत्रावधिज्ञानी चन्दनो गुरुरागमत् ।
 देव्या सार्द्धं नृपो भ..... [॥ १२२ ॥
नो बभूव वां (?) ।
 पूर्वाभ्यासान्द्रपोऽवादीत्कथं गुरुरभाषत ॥ १२३ ॥
 इहैवासीत् पुरोयाने मिथुनं शुक्रपक्षिणोः ।
 तत्कदाचिन्मुनिं दृष्ट्वा प्रतिमास्थं मुदं ययौ ॥ १२४ ॥
 मुनिर्विज्ञाय तच्चित्तं कृपालुस्तदपाठयत् ।
 परमेष्ठिनमस्कारं तच्च तं नित्यमस्मरत् ॥ १२५ ॥
 शुको मृत्वा भवान् जज्ञे राजन्देवी शुकी त्वियम् ।
 स्मृ..... [॥ १२६ ॥]
 नन्दनश्चन्दनाचार्यपार्श्वे सम्यक्त्वमग्रहीत् ।
 देव्या सार्द्धं प्रपेदे च क्रमेण द्वादशव्रतीम् ॥ १२७ ॥
 इति नमस्कृतिमन्त्रफलं चिदशुभयजन्मभवं प्रियया समम् ।
 नरपतिनितरां कृततत्स्मृतिस्त्रिदिवभोक्षलुखानि च लप्स्यते ॥ १२८ ॥
 किञ्चैतज्जगति ख्यातं भृगुकच्छपुरे पुरा ।
 मुनिदत्तं नमस्कारं स्मृत्वा शङ्कुनिका मृता ॥ १२९ ॥
 सिंहलद्वीपभूर्भर्तुः पुत्री जाता सुदर्शना ।
 श्रावकोक्तं नमस्कारं श्रुत्वा प्राग्जन्म साऽस्मरत् ॥ १३० ॥
 आगत्य भृगुकच्छे सा चैत्यं श्रीसुव्रतप्रभोः ।
 अकारयच्छङ्कुनिकाविहारं.....ताम्बरम् ॥ १३१ ॥
 तत्र गत्वा समं पूजयैर्जिनं नत्वा मयाऽम्बुडः ।
 दण्डनाथः समादिष्टस्तं विहारं नवं व्यधात् ॥ १३२ ॥
 इति नमस्कारे नन्दन-कथा ॥

परमेष्ठिनमस्कारं स्मरन् भूपतिरभ्यधात् ।
नमस्कारस्य महात्म्यं दृष्टप्रत्ययमेव मे ॥

तथा हि—

स्वयं सकलसैन्येन दिग्गयात्रा कुर्वतोऽपि मे ।

असिध्यत नार्थोऽनर्थः प्रत्युत कोऽप्यभूत् ॥

अधुना तन्नमस्कारं स्मरतो मम शत्रवः ।

वणिजैरपि जीयन्ते दण्डेशैरम्बडादिभिः ॥

स्ववक्रं परचक्रं वा नानर्थं कुरुते कश्चित् ।

दुर्भिक्षस्य न नामापि श्रूयते वसुधातले ॥

ततस्तमस्मरन्नेवं निद्रां भजति पार्थिवः ।

रात्रिशेषे तु जागर्ति मागधोक्तैर्जिनस्तवैः ॥

सूल-जलोपर-सास-खास-खय-खसर-रुवत्थिय,

कुड-गलंत-समत्त-गत्त-कंठ-माल-कयत्थिय,

पडल-सनाभिय-नयण-वयण-निबिडिर-रुहिर-ज्वर,

अरस-अरोयय-गहिय-अहिय-पसरिय-दाह-ज्वर,

शुररोय-परंपर-पीडिय-विसज्ज-सरीर ति हुंति पर ।

तइल्लक-पयड-माहप्प-निहि पासनाहु पुज्जइं जि नर ॥

जंगम-गिरि-संरंभ-रुंभ-कुंभयड-भयंकर,

मय-जल-परिमल-भिलिय-भसल-कलयल-कय-डंवर,

वल-उदग्ग-भग्ग-उद्दाम-दुमुक्कर,

उप्पाडिय-जम-दंड-चंड-सुंडाउडामर,

धावंतु वि कोव-करालु करि करइ न किंचि वि नरहं तहं ।

तियसिंद-नमंसिय-पय-कमलु पासणाहु मणि वसइ जहं ॥

गयण-भग्ग-संलग्ग-लोल-कल्लोल-परंपर,

निक्करुणुक्कड-नक्क-चक्क-चंक्रमण-दुहंकर,

उच्छलंत-गुरु-पुच्छ-मच्छ-रिंछोलि-निरंतर,

विलसमाण-जाला-जडाल-वडवानल-दुत्तर,

आवत्त-सयायलु जलहि लहु गोषउ जिम्ब ते नित्थरहि ।

नीसेस-वसण-गण-निट्ठवणु पासनाहु जे संभरहि ॥

हर-गल-गवल-तमाल-भसल-कज्जल-कालप्पहु,

कुविय-कयंत-चवेड-वियड-फड-फुक-भयावहु,
 तरल-ललंत-दु-जीहु जीव-कवलण-कय-भोयणु,
 मुत्ति-मंत तं पाव-पुंज गंजारुण-लोयणु,
 पसरन्त-रोस-भरु निवभरु वि न भउ शुअंगसु तसु करइ ।
 तुह पासनाह दुह-निहलणु नाममंतु जो संभरइ ॥
 तडि-कडार-केसर-कडप्प-टिविडिकिय-कंधरु,
 गय-मय-हरण-रउद-सद-पूरिय-गिरि-कंदरु,
 निविड-चवेडा-दलिय-दरिय-मयगल-कुंभत्थलु,
 कुडिल-दाट्ट-दुपेच्छु पुच्छ-अच्छोडिय-महियलु,
 तसु फुडु फुलिंगनयणु दूरिण केसरि उसरइ ।
 उद्दाम-उवदव-विदवणु पासनाहु जो मणि धरइ ॥
 उल्लसंत-जाला-कलाव-कवलिय-गयणंगणु,
 पसरिय-फार-फुलिंग-संग-दु-गुणिय-तारा-गणु,
 वित्थरंत-धूमंधयार-सरुड-दियंतरु,
 डञ्जमाण अपमाणं पाणि विरसा-रव-निवभरु,
 पज्जलंबु-जलणु जलु पूरु जिम्ब तसु संतावु न संजणइ ।
 दुह-पुंज-कुंज-भंजणु पवणु पासनाह जो संथुणइ ॥
 सगुडु-स-वयवड-गडपडंत-गय-वडवडणुफाडु,
 पहरण-निदह-विहत्थ-हत्थ-अभिभडिय-भडुवभडु,
 तुरय-खुर-क्खय-खोणि-रेणु-भर-कुंचिय-नहलु,
 पयडिय-तंडव-रुंड-मुंड-मंडिय-महि-मंडलु,
 नित्थिरिवि समर-संमहु नर तिजय-लळि निच्छइं लहहि ।
 पहु पासनाह निम्मल-चरिय जे तइं चित्ति समुव्वहहि ॥
 हरिण-हरिस-संहरण-सद-सहुल-दुहावह,
 तकर-चक्र-मुत्तिजमाण-माणव-घण-विग्गह,
 भीम-भिल्ल-दुल्लंघ-लील-परिसक्किर-करि-कुल,
 भमिर-भूय-ज्ञोदिंग-जक्ख-रक्खस-सय-संकुल,
 खेमेण महाडवि उत्तरिवि ते नर पाविहि निय-सरणु ।
 पहु पासनाह कलिमल-हरण पइं पडिवज्जहि जे सरणु ॥
 त्तः पञ्चनभस्कारधम्मस्मरणपूर्वकम् ।
 धन्दित्वा पार्थिवो देवान् भवोद्भिग्नोऽभ्यधादिदम् ॥

गजस्य नमतो मग्ने तस्मिन्नग्रपदे यतः ।
 गजाग्रपदकः ख्यातः स दशार्णगिरिस्ततः ॥
 दृष्ट्वा दशार्णभद्रस्तं स्वःपते ऋद्धिमद्भुताम् ।
 दध्यौ हा ! ऋद्धिरिन्द्रार्द्धलक्षांशेनापि नास्ति मे ॥
 तत्कूपभेकतुल्योहृष्टद्विगर्वं मुधा व्यधाम् ।
 इयं हि मत्तवामाक्षी लोचना वत चंचला ॥
 अनेककेशसाध्यासौ सुखमात्रसुखावहा ।
 खलमानुषमैत्रीव परिणामेऽतिदारुणा ॥
 विगृद्धिं गृद्धिमन्तीऽस्यां यज्जीवा यान्ति दुर्गतिम् ।
 यत्कर्णत्रोटनायालं सुवर्णेनापि तेन किम् ॥
 इत्यालोच्य परित्यज्य राज्यं तृणमिव क्षणात् ।
 दीक्षा दशार्णभद्रेण जगृहे जिनसन्निधौ ॥
 नत्वा शक्रस्तमाचष्टे घन्योऽसि ध्रुवचो कृथाः ।
 अहं हि महतीमृद्धिं त्वां जिगीपुरदर्शयम् ॥
 त्वं तु सर्वं परित्यज्य श्रीवीरं वन्दसे यथा ।
 सा व्रतार्द्धिः कुतो मेऽस्ति ततो मां जितवानसि ॥
 इति विषयविरक्तचित्तवृत्ति-
 विरचितवीरजिनोपदिष्टकृत्यः ।
 दशविधयतिघर्भकर्मवान् स-
 न्नभजत घन्यदशां दशार्णभद्रः ॥
 इति दशार्णभद्रकथा ।

एवं कुर्वन्नहोरात्रकृत्यानि परमार्हतः ।
 कुमारपालदेवोऽयं राज्यं पालयति क्षितौ ॥
 नृपस्य जीवाभयदानडिण्डिमै-
 र्महीतले नृत्यति कीर्तिनर्तकी ।

 ॥

द्यूतासवादीनि नृणां निषेधा-
 दिहैव सप्तव्यसनानि भूपः ।
 दुष्कर्मतो दुर्गतिसंभवानि

परत्र तेषां, त्वमितानि तानि ॥
 पदे पदे भूमिशुजा निवेशितै-
 जिनालयैः काञ्चनदण्डमण्डितैः ।
 निवारिता वेत्रघरीरिवोद्धतैः
 स्फुरन्ति कुत्रापि न केऽप्युपद्रवाः ॥
 स्तुमस्त्रिसन्ध्यं प्रभुहेमसूरे-
 रनन्यतुल्यामुपदेशशक्तिम् ।
 अतीन्द्रियज्ञानविषजितोऽपि
 यः क्षोणिभर्तुर्व्यधित प्रबोधम् ॥
 सत्त्वानुकम्पा न महीशुजां स्या-
 दित्येष क्लृप्तो वितथः प्रवादः ।
 जिनेन्द्रधर्म प्रतिपद्य येन
 श्लाघ्यः स केषां न कुमारपालः ॥
 विचित्रवृत्तान्तसमेतमेतयो-
 श्ररिन्नश्रुत्कीर्तयितुं क्षमेत कः ।
 तथापि तस्येव.....तार्थिना
 समुद्धृतो विन्दुरिवास्तुधेर्जया ॥
 इति सोमप्रभकथिते कुमारनृपहेमचन्द्रसम्बद्धे ।
 जिनधर्मप्रतियोधे प्रस्तावः पञ्चमः प्रोक्तः ॥
 इत्याचार्य श्रीसोमप्रभविरचिते कुमारपालप्रतिबोधे
 पञ्चमः प्रस्तावः ।

अथ प्रशस्तिः ।

सूर्याचन्द्रमसौ कृतकृतमसः कर्णावतंसौ क्षिते-
धुर्यौ घर्म्मरथस्य सर्वजगतस्तत्त्वावलोके दृशौ ।
निर्वाणवसथस्य तोरणमहास्तम्भावभूतासुभा-
वेकः श्रीमुनिचन्द्रसूरिरपरः श्रीमानदेवप्रभुः ॥
तयोर्वभूवाजितदेवसूरिः शिष्यो बृहद्गच्छनभःशशाङ्कः ।
जिनेन्द्रधर्म्माम्बुनिधिः प्रपेदे घनोदकः स्फूर्तिमतीव यस्मात् ॥
श्रीदेवसूरिप्रभुखा बभूवुरन्येऽपि तत्पादपयोजहंसाः ।
येषामवाधारचितस्थितीनां नालीकमैत्रीमुदमाततान ॥
विशारदशिरोमणेरजितदेवसूरेरभू-
त्क्रमाम्बुजमधुव्रतो विजयसिंहसूरिःप्रभुः ।
मितोपकरणक्रियारुचिरनित्यवासी च य-
द्विरन्तगमुनिव्रतः व्यधित दुःषमायामपि ॥
तत्पट्टपूर्वाद्रिसहस्वरश्मिः सोमप्रभाचार्य इति प्रसिद्धः ।
श्रीहेमसूरेश्च कुमारपालदेवस्य चेदं न्यगदचरिभ्रम् ॥
सुकविरिति न कीर्तिं नार्थलाभं न पूजा-
महमभिलषमाणः प्राचृतं वक्तुमेतत् ।
किञ्चुत कृतसुभाभ्यां दुष्करं दुःषमायां
जिनमतमतुलं तत्कीर्तनापुण्यमिच्छुः ॥
घर्म्मं निर्मलतामवासुमतुलां श्रीहेमचन्द्रप्रभौ
भक्तिं व्यञ्जितुमकुतां भणित्तुषु द्रष्टुं परामौचितीम् ।
श्रोतुं चित्रकथाश्चमत्कृतिकृतः काव्यं च लोकोत्तरं
कर्तुं कामयसे यदि स्फुटशुणं तद्ग्रन्थमेतं शृणु ॥
प्राग्गटान्बन्धसागरेन्दुरसमप्रज्ञः कृतज्ञः क्षमी
वाग्मी सूक्तिसुधानिधानमजनि श्रीपालनामा पुमान् ।
यं लोकोत्तरकाव्यरञ्जितमतिः साहित्यविचारतिः
श्रीसिद्धाविपतिः कवीन्द्र इति च ज्ञातेति च व्याहरत् ॥
पुत्रस्तस्य कुमारपालनृपतिप्रीतेः पदं धीमता-

मुक्तंसः कविचक्रमस्तकमणिः श्रीसिद्धपालोऽभवत् ।
 क्लृप्तं तद्वसताविदं किमपि यद्वायुवतमुक्तं मया
 तद्युष्माभिरिहोच्यतामिति बुधा वः प्राञ्जलिः प्रार्थये ॥
 हेमसूरिपदपङ्कजहंसैः श्रीमहेन्द्रमुनिपैः श्रुतमेतत् ।
 वर्द्धमान-गुणचन्द्र-गणिभ्यां साकलाकलितशास्त्ररहस्यैः ॥
 यावन्निहताखिलसन्तमसौ नभसि चकासो रविचन्द्रमसौ ।
 तावत्-हेमकुमारचरित्रं साधुजनो वाचयतु पवित्रम् ॥
 विजलमतिस्तु धार्ष्टिर्भेभिनागाङ्गजन्मा

ऽभवदभयकुमारः आवकः श्रेष्ठिमुख्यः ।

अथ निजकरपद्मप्राप्तधर्मार्थपञ्चा

विजितपदकपञ्चा तस्य पञ्चीति पत्नी ॥

तत्पुत्रा गुणिनोऽभवन् सुवि हरिश्चन्द्रादयो विश्रुताः

श्रीदेवीप्रसुखाश्च धर्मधिषणापात्राणि तत्पुत्रिकाः ।

तत्प्रीत्यर्थमिदं व्यधायि तदुपट्टरागच्छष्टात्मभि(?)—

भूयिष्ठानि च पुस्तकानि.....सोऽलेखयत् ॥

शशिजलधिसूर्यवर्षे शुचिमासे रविदिने सिताष्टम्याम् ।

जिनधर्मः प्रतिबोधः क्लृप्तोऽयं गूर्जरेन्द्रपुरे ॥

प्रस्तावपञ्चकेऽप्यत्राष्टौ सहस्राण्यनुष्टुभाम् ।

एकैकाक्षरसंख्यातान्यधिकान्यष्टभिः शतैः ॥



संवत् १४५८ वर्षे द्वितीयभाद्रपदशुदि ४ विधौ शुक्रदिने भीस्तंभतीर्थे

वृद्ध (वृद्ध) पौषशालायां भट्टा० श्रीजयतिष्ठकसूरीणां उपदेशेन

श्री कुमारपालप्रतिबोधपुस्तकं लिखितमिदं ॥ कायस्य

ज्ञातीय महं मंडलिकस्तुव पेतालिखितं ॥ चिरं नंदतु ॥७॥

उ० श्रीजयप्रभगणिसप्य (शिष्य) उ०

श्रीजयमंदिरगणि सप्य (शिष्य)

भट्टा० श्रीकल्याणरत्नसूरिगुरु-

भ्यो नमः पं० व (वि)

धारत्नगणि ।

शुद्धिपत्रम् ।

पृष्ठ	पंक्ति	शुद्धम्	पृष्ठ	पंक्ति	शुद्धम्
१	१९	लहिउं	२४	२८	कुमार !
२	२०-२१	सुज- तम्मि	२५	२६	सम्मत्तं पुरिसो ।
६	२६	निव	२६	७	देवयाइपूयं
१०	२६	सुरयम्मि	२६	१४	ठंभाए
१०	२७	गहियाओ	२७	११	भवियव्वया०
११	६	वजरइ	२७	३१	विद्दविजंतं
११	९	होहिंति	२८	२७	भक्खण०
११	२२	घेत्तूण	२९	२०	दिसिवहु०
१३	२९	-कूलं	२९	३०	सागरो
१४	२६	जग्गवियविसम०	३०	५	सत्तुणो
१७	२	खगु	३०	२६	हणावेइ
१७	२८	उज्जितो	३१	३	-जीविउ व्व
१९	९	-सूरी	३१	१९	वच्चइ
१९	२४	बाणा	३१	२४	कुणमाणीए सविग्घय०
१९	२५	पुरवरं	३२	५	उट्टिऊण
२०	५	मुदाइं	३२	२०	जम्वाइउ
२१	२	मुत्तुं	३२	२५	पूएउं
२१	११	सहात्तउ	३२	२६	वासरेसरे
२१	३०	च्चिय समग्ग-	३२	३१	विनायत्तुत्तंतेण
२१	३०	लोओवयारकय०	३५	८	मडप्पा
२२	८	-मई वि	३५	२९	वसणुत्तिरिर्विडि
२२	९	जयसिहो	३६	८	एत्तो
२२	३०	हिंसा	३६	१०	एवंविहं
२३	२०	हृदायट्टिय०	३७	१-१०	कालक्खेवाऽसहत्तणेण
२३	२२	पाउब्भूओ	३७	१५	सेसो
२३	२३	तिव्वग्ग	३७	२१	सूरो वि
२३	३१	-वच्चएणं	३८	८	निग्गहेयव्वो
२४	२७	वहाओ	३८	२२	अदिस्सीहोउं
२४	२८	मुणिणा	४०	१३	-यग्गं
			४०	३०	जओ-मन्नंति

पृष्ठ	पंक्ति	शुद्धम्
४१	८	संपओच्छेयं
४१	३२	विवेक्षणे
४२	२६	बुतं
४४	२	रेवईहिं
४४	११	जो एव०
४४	२९	चूअसाहा०
४४	२९-३०	सुवंतो
४६	३	पारद्वे उण
४८	२०	निव्वुइ०
४८	२२	वम्मइ०
५२	८	दोलं दोलण०
५३	११	दूअ !
५४	१४	देव !
५४	२९	महा-सई
५५	२०	उक्खाओ
५५	२०	च
५५	२९	सिचंत०
५६	२	वग्घ
५६	९	हरीहिं गुंजतेहिं
५८	२७	तंडवियकरं
५८	२८	-जालो लिहिय०
५९	१३	रुयंतीए
६०	२३	-खीरपाणा कंजियं
६१	१२	दहण
६३	९	मल्लिनाहे
६३	९	पडलिहिय०
६४	२९	पविट्ठो
६५	२१	-पट्टं
६५	३१	एवंविहुज्जोओ
६६	२२	-कंठं
६७	२३	भुयंग०
६७	२९	उग्घाडिज्ज
६८	१४	वाहिओ
६९	२२	वणि

पृष्ठ	पंक्ति	शुद्धम्
७२	५	दहिव०
७२	१२	परिक्खा
७३	५	हवउ
७३	९	पुवं व
७६	२०	गुरुहिं
७६	२८	गुरुणा बुतं
७६	३०	निवारिजउ
७७	२	निबंधणं
८०	२३	इत्थी वि
८१	१५	-वेसेणं
८२	३	उज्जेणीए
८२	८	इंतु
८२	१४	जाया पुरीइ संती, देइ चउत्थं वरं निवो तस्स । चितइ अभयकुमारो चिट्ठिस्स केधिरं इत्थ ॥
८२	१८	इत्थियहिंभि
८२	२१	आणिओ
८२	२५	विवि-
८३	८	दूइ
८३	१८	भासरहेहिं
८३	२१	कीरइ
८४	८	वम्मिय
८६	७	कुट्ठिण०
८७	२	-कुडीओ
८७	२७	अन्ना
८८	३१	-जणया०
९०	३	अग्गी साहियव्वो
९०	९	अकंदिंयं
९१	१७	रुयंताइं
९१	२३	बुत्तंत०
९२	२०	मारवई
९२	२६	संव
९२	२८	मुंजइ
९३	९	संवाइ०

पृष्ठ	पंक्ति	शुद्धम्	पृष्ठ	पंक्ति	शुद्धम्
९३	१५	जणइण०	११८	८	पूपइ
९४	५	सुढ	११८	१४	-वमाइ मणुवत्तं
९४	१७	सुरासु रंजिय०	११९	१९	जावजीवं
९४	१९	आळिंगंति	११९	२७	ताई
९६	१२	अदिन्नादाण	१२०	२९	एत्तो
९६	१७	छिद्दणेसी	१२१	११	सत्थीहूया
९६	२८	हाहारव	१२१	१३	अज वि सा य अवत्थ
९७	८	विश्यं	१२१	२०	-वयणाए
९७	१७	गमिस्सामि	१२२	२२	-वाहो
९७	१९	नेमिपासे	१२३	६	जग्हा
९७	२८	ढज्झंति	१२३	१६	अवलाहिं व
९८	८	करिंहिति	१२३	२३	डुञ्चणत्था
९८	१९	सच्चविज्जइ	१२४	९	माइवीए
९९	१२	सूसइ	१२५	२०	सुयणु !
९९	२०	पलंबकुच्चो	१२६	१५	-रुज्जओ
१००	४	वारस	१२६	२४	बीअं
१००	९	बाहा०	१२६	२९	रयंती
१००	२७	-मेत्ति	१२७	१९	चित्ताहिं
१०१	२२	सुवउ	१२८	१४	पत्थगाइ
१०५	२७	कहिजमाणं	१२९	५	दिट्ठो
१०७	१३	पिव जा दीसइ	१२९	२३	जिणपडिमा
		दिसा-पुरंधीणं	१३१	२	कद्धगाओ
१०७	१६	आयन्नियं	१३१	५	निषवम०
१०७	२९	पडिवज्जिवि	१३१	२८	अत्थाणमंडवे
१०७	३०	विरइवि	१३२	२२	विग्गलो
१०८	८	अइसओ	१३३	३	-निवो
१०८	१८	बाह०	१३५	६	वाहिं
११२	२४	सुत्तेसु	१३५	१९	अंगाइ
११२	३१	परिथीपरम्महो	१३६	२६	पिच्छिरीओ
११३	२६	जाजीवं	१३७	१५	सुविणयम्मि
११४	२३	जो	१३८	१४	चित्थियं
११६	१७	दीवे	१४०	३०	-जाला
११६	२४	जसतरुणो	१४१	२०	इत्थीरुणो-
११७	९	-सारंभो	१४१	२८	कद्धणापागिई

पृष्ठ	पंक्ति	शुद्धम्	पृष्ठ	पंक्ति	शुद्धम्
१४२	१५	आमलाउगे	१७७	३०	—बाह०
१४३	२१	चउव्वीसं	१७८	७	सो
१४५	२४	रयणज्झएणं	१७८	१५	—वहूइ
१४७	८	चिद्धंति	१८०	५	जिहाहितः
१४७	२६	अभ्यणीभूया०	१८१	६	कमंकवडिया
१४९	१०	अग्गी	१८२	८	पढंताणं
१४९	२०	चिद्धा	१८३	९	वाणो
१५०	२२	जमवस्स०	१८३	९	—मदिगिच्च
१५०	२८	तयविकखाए	१८५	२५	तस्सेव
१५२	२९	वितहं	१८६	१२	महु
१५३	२८	चय	१८६	२४	पिव
१५४	८	जस्सेरिसा	१८६	३०	अहोमुह्री
१५५	१६	जंपियं	१८७	११	तम्मंत-चिप्पा
१५५	२१	बारे	१८७	२७	वीय०
१५५	२९	पियंकरेण	१८७	३१	शुत्तंते
१५६	२२	तुट्ठेण	१८८	११	सत्था हव
१५७	४	ता ओसर दिट्ठि०	१८८	२९	देहलिं
१५७	१२	विरमित्ठसइ	१८९	७	अभिग्गहो
१५८	१९	सिज्जिहिइ	१९०	४	गिण्हउ
१५९	२	असोयचंदो	१९४	२१	निवेसिओ
१६०	१३	अवरण्हे	१९४	२६	विउवंति
१६१	२०	गयवरा०	१९४	२९	सोमसिरी
१६३	६-१५	गुरुसु	१९५	१८	खयं गओ
१६४	१०	जाइ	१९७	२७	निदखमित्तमणो
१६४	२६	पगुणीकुणइ	१९९	८	अट्टमीचंदमहे रइरंद०
१६५	२	पज्जत्तं	१९९	२५	—सज्जस०
१६७	९-१२	—ति	२००	६	—गंठी
१६७	२५	—जत्ता	२००	८	—गंठिं
१६७	२६	—तूर०	२००	१५-२५	गुरूहिं
१६९	१८	झति	२००	२९	भत्थउ व्व
१७०	३	अहइ	२०१	१५	संख०
१७१	१३	—पयाराइ	२०३	२९	तप्पभिइ
१७४	५	बहूओ	२०३	३०	तमदट्ठुं
१७६	२	अवणयोराघाटु०	२०४	२४	नियसो०

पृष्ठ	पंक्ति	शुद्धम्	पृष्ठ	पंक्ति	शुद्धम्
२०७	२८	परिद्विजउ	२३४	८	कुणइ
२०८	३	पवल०	२३८	२५	सिद्धिणो
२०९	२	कप्पसंतुत्ती	२४१	२५	इठेण
२१०	५	सुरगमे	२४५	२४	सुसइ
२१२	१७	चउ०	२४६	३०	चिद्धउ
२१३	२९	दुल्लइ०	२४७	२९	जमेवविहं
२१५	११	विभइउं	२४८	१७	वाहिं
२१५	१४	करिहामो	२५१	८	सिरीए
२१८	२१	निवा-उगारि०	२५१	२२	बीयजामे
२१८	३१	कुणइ	२५१	२७	रिक्कीकाऊण
२१९	५	मा हण मा हण	२५३	२	कीरउ
२१९	७	मा हणिहं	२५३	२३	वुटंति
२१९	१२	लंछेइ	२५६	११	पडम्मि
२२०	९	कुडुं०	२६०	२८	वाह-
२२१	२१	पउमराएहि	२६१	५	जीवंती
२२२	२१	वहुया	२६३	९	कओ
२२२	२५	उवाहणाओ	२६३	१०	-सामिणो
२२३	३-१८-२०	वहुए	२६३	१२	-सुइकुंडियंगो
२२३	२७	सवं	२६४	२६	गरुएहि
२२४	२-६	वहुए	२६५	१२	निय-पुत्तं
२२४	१२	हुड्डीए गहिऊण	२६७	२५	वंछे
२२४	१९	वोलेइ	२६८	१२	जंदवईए
२२५	१०	गिणहसु	२७०	२९	अपच्छासिणो
२२५	१८	-कंठम्मि	२७१	२६	विच्छेण
२२६	४	गिणइइ	२७२	३	कोडीसहियं
२२६	२२	उच्छिद्धं	२७३	३-४-	-डेला
२२६	२४	मिण्हि	२७६	१९	सुत्तं
२२७	२	-मंतिणो	२७७	१२	भुवीव
२२७	२	न याणीयइ	२७८	२२	बीओ
२२७	२३	सिद्धी	२८४	९	माहणं
२२७	२३	खड्डा०	२८४	१५	झाणं च
२२८	२१	घरे	२८७	२१	वाहिजंति
२३०	२३	अच्छउ	२८९	३०	वाह०
२३२	१०	विकमाऽसज्जं	२९२	१४	-पडिक्कंतो

पृष्ठ	पंक्ति	शुद्धम्	पृष्ठ	पंक्ति	शुद्धम्
२९२	१६	वीरजिणे	३४५	२६	महु०
२९३	२९	अडावयं	३४६	२८	सत्थीहूओ
२९४	३	मेहलाए	३५१	२५	बहुय-विहवो
२९८	१२	उझाकड०	३५६	९	महु०
२९९	१४	-तामरस०	३५६	१७	दण्डरछने०
२९९	१७	सच्छं	३५७	८	-दन्वान्
२९९	१८	सच्छो	३५७	१५	चाऽप्राक्षम्
३००	४	व्व रोमंचो	३५७	२९	तस्य सोऽब्रवीत्
३००	८	आगयाण	३६१	१७	तर्हि
३००	१८	वाह०	३६२	२९	समार्षयत्
३०१	८	जि वियक्खणु	३६७	२	एत्थंतरे
३०१	८	सो जि	३६८	२६	नरिंद०
३०२	२	मुवरिवत्ती	३६९	१७	वच्चिहिइ
३०७	१०	सिप्पिअहिंति	३७३	२०	वाह०
३०८	२	मुत्तुं	३७३	२३	परिणोस्सं
३११	१३	घम्मह	३७४	१३	-पसईओ
३११	२६	अजाणु	३७७	१	देशावकाशिक०
३१२	२	-चुय०	३८१	१२	पवणंजएणेवं
३१२	४	बज्जसु	३८१	१८	मणोरमा ।
३१५	२३	पुल्लइं	३८२	२०	सिठ्ठिणा
३१५	२५	वण्हि०	३८३	२९	अच्छत्तु
३१६	२२	दिट्ठं	३८४	५	चित्तं गएहिं
३२१	३०	समुदलसद्	३८४	१३	गहिउं
३२२	८	-कारिण्यः	३८६	५	ग्धि
३२२	२८	व्यजिणुणन्	३८७	१९	नवेत्ति
३२६	८	विभ्रद	३८९	१४	पयावणो चिय
३२९	२५	-मत्थियसनेहो	३९०	१०	संकडिय
३३१	९	कु वि	३९०	१३	कुडुंबं
३३४	२६	समसीसि	३९१	१०	इत्तिएणा०
३३४	२७	पररमणि०	३९१	२८	निवो
३३६	२७	मुच्यन्तां	३९२	१०	पच्चत्तवीभूया
३३७	१९	-विस्सूजंत्०	३९२	११	दंसेसु
३३८	३	प्रत्यगाद् द्रुतम्	३९२	१३	सत्तु
३४०	२२	वामना०	३९३	२९	सरिउं

पृष्ठ	पंक्ति	शुद्धम्
३९३	३०	निच्छिन्नं
३९९	४	निमित्तं
४०३	१०	पमुहेदि
४०५	६	वियद्विमा
४०७	३०	—वहू०
४०८	२	निवडंत०
४१०	४	—ससुरेसु
४११	१७	सजीकुणसु
४११	२८	किंचि
४१६	२५	कीरंते
४२१	५	वहूउ
४२१	१७	खिविस्सं
४२२	१०	वहि०
४२३	१७	ठाउं
४२३	२८	निवेशितो०
४२४	२	चहुहद
४२५	१०	मण ! निहलक्खण !
४२९	२७	वहु
४३०	२३	बुज्झसु
४३१	३	सकउं
४३७	१०	सो जि
४३८	२४	मंतीहिं
४३८	२६	बडुयं
४३९	२७	बडुयस्स
४४१	२४	—माणिही
४४३	२१	—दलण—
४४३	२५	—चक्खुभूओ
४४३	३०	विहज्जउ
४४८	३१	सो जि वि
४४९	१२	—छिद्दाई
४५१	१२	निउगि रुहिरु व्व
४५२	५	महुफ चएवि
३५६	११	निर्यथि

पृष्ठ	पं.	शुद्धम्
४५७	२७	का समसीसि
४६१	१५	धुटिदि
४६१	२३	प्राकारः
४६३	१४	कर्त्तव्या अवतिष्ठति
४६४	३	वाञ्छत्ये०
४६४	५	क्षोभं
४६४	२६	—धोभवना०
४६४	२६	—हिरण्मयेः
४६६	१०	निष्पन्दा०
४६७	२४	यकैः
४६९	२८	मुक्तावलीं
४७०	३	नमन्त्सा०
४७०	२०	नरपतिर्नि
४७१	३	माहात्म्यं
४७१	१७	गुरु०
४७१	२९	सयाउल्लु
४७२	१०	—दिडि०
४७२	१७	पज्जलंतु
४७३	१४	—त्याख्यामि
४७३	१४	—शासनम्
४७४	४	कौटु०
४७६	५	वेवपरै०
४७७	१४	—पूर्वादि०
४७८	१८	—घर्मप्रतिबोधः

कियतां भ्रुटितपाठानां कल्पनयाऽनुसंधानमेवम्—

४४३	८	मंडलिय-मड-सेट्टि- पमुहाण
४६५	१०	द्राग निवीद प्रसीद मे ।
४६६	१७	प्रहृष्टतर-वतिभिः ॥
४६९	१५	केचिदुद्धृतकुन्ताप्राः
४७०	२६	स्थगिताम्बरम् ॥

GAEKWAD'S ORIENTAL SERIES."

ALREADY OUT.

	Rs. a. p.
1. Kātyāyasmānsā by Rājasekhara	2-0-0
2. Naranārāyanānanda by Vastupāla	1-4-0
3. Tarkasāgraha by Avandajāna	2-0-0
4. Pārthaparākrama by Prabhādenadeva... ..	0-6-0
5. Rāshtraudhavaṅśī Mahākāvya by Rudrakavi	1-12-0
6. Lingānuśāsana by Vāmana	0-8-0
7. Vasantavilāsa by Bālachandrasūri	1-8-0
8. Rupakashaṭka by Vatsarāja	2-4-0
9. Mohaparājaya by Śaśhpāla	2-0-0
10. Hamutramānamardana by Jayasīmbasūri	2-0-0
11. Udayasūdaṅṭhī by Soddhala	2-4-0
12. Mahāvīdyācambana by Bhattavādīndra, with commentary of Chaturmasundarasūri	2-8-0
13. Prācīnagurubrahmāyasaṅgraha-Part I.	2-4-0
14. Kumārapāṇipratiśodha by Somaprabhāchārya	7-8-0
15. Gaṇakārikā by Bṛhasarvajña with Kāraṇaṅgamaḥātmya (a work on the Śāṅkhya system of worship)	1-4-0
*16. Saṅgītamakaranda by Nārada...
*17. Pañchamīkā by Dhanapāla (Apabhraṃśa)	...
*18. Lekhapanchāśikā	...

IN THE PRESS.

1. Tattvasāgraha of Śāntarakṣhita with commentary by Kamalaśīla
2. Paraśurāmakalpasūtra with commentary by Rāmeśvara and
Paddhati by Umānanda.
3. Nyāyapraveśa of Tinnāga with commentary by Haribhadrasūri
and Panjikā by Pārśvadeva.
4. Siddhāntasārakaustubha by Jagannātha (Sanskrit from the Arabic
"Almagist," Ptolemy's work on Astronomy).
5. Vārāhaśrautasūtras.
6. Samarāṅgaṇa by Bhoja (a work on Indian Architecture).

IN PREPARATION.

1. A Descriptive Catalogue of the palm-leaf manuscripts in the Bhandar
at Jesalmere.
2. A Descriptive Catalogue of all the 658 palm-leaf manuscripts and
important paper manuscripts in the Bhandars at Patan.
3. A Descriptive Catalogue of the manuscripts in the Central Library,
Barod.
4. Abhīnashitbhāshāchintāmaṇi by Someśvaradeva.

UNDERTAKEN.

1. Aparājītopreśha (A work on Indian Architecture).
2. Katarā (Transliteration into Sanskrit of an Arabic work.) by Naya-
nasukhopādhyāya.
3. Saṅgītaratnāvalī by Somarāja mathāra.
4. Mānavakalpasūtras with commentary by Jaradgava.
5. Āsvāyanaśrautasūtras with commentary by Devatrāta.
6. Āpastambaśrautasūtras with commentaries by Dhūrtaswāmīn and
Kapardī.
7. Bṛhāyanaśrautasūtras with commentary by Bhavaswāmīn.
8. Hiraṇyakeśhyaśrautasūtras with commentary by Mairāṭṭa.
9. Jaiminiyaśrautasūtras with commentary by Bhavatrāta.
10. Śrautapaddhati, by Tālavrintanivāsīn.
11. Samrāt-Siddhānta by Jagannātha.

* Will be out shortly.

N. B.—The above books can be had from the Central Library, Baroda.

0



BL Somaprabha Acarya, disciple of
1316 Vijayasimha
S65K85 Kumarapalapatibodhah
1920a
pt.2

██████████

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

